

醫宗說約

共四冊

內閣文庫		
番號	漢	15475
冊數	4	(1)
函號	子 33	1



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



蔣仲芳先生述

醫宗說約

是集也蔣仲芳先生上窮靈案下究百家搜精摘要編成歌括每
症主方以盡其常加減附論以通其變既無繁散之苦亦無遺珠
之憾真活人妙訣也業醫者在所必讀秘而不傳予因請再四方
得付梓以公海內讀者不可以具簡易而忽諸 金閭起韓堂梓

醫宗說約序

神農本草黃帝素問

醫道所自肇也察寒

溫而軫實鈎深探微

其難其慎蓋醫者意
之所之而人之死生
係焉昔人所以等良
醫於良相甚矣醫道

之不容忽也每見古
人立方君臣佐使溫
涼補瀉之間若出人
意表而妙在殼中猶

金月二
夫品律準繩出於自
然之理非可意見叅
也自南北方劑判爲
二塗有斗火壺冰之
求登堂入室者鮮矣
粗識寒溫之性畧辨
浮沉之理輒思輕投
奇中漫曰醫者意也

等人命於鴻毛視醫
學爲兒戲東坡所謂
學醫費人良足歎息
姑蘇仲芳蔣君本望
族與予家世年誼素
儒學醫乃飲人上池
杏輒成林也醫聲籍
甚近乃得其所著說


約讀之知其積學之
久用心之深效不誣
而名不虛也說者論
之定約者博之精神
而明之變而通之豈
惟王氏之學得蔣君
而薪傳卽素問本草
諸書有疏述爲羽翼



無復斗火壺冰之歎
其功豈出良相下哉
予且拭目望之矣
康熙元年壬寅虞山

序

余簪

錢朝鼎撰





錢氏

序

余皆避亂石梁思生平所
學無一可者退而學醫於
吾爰印月子時烽火彌天

購書不得從故家借藏書
數卷受而讀之因戲謂邱
月子曰幸甚操一豚蹄不
將穰穰滿家乎居三日其
於陰陽上下五色禁方之
術如盲者辨日印月子笑
曰甚矣吾子之陋也吾不
知穰穰者何在也自是棄

去不復學今二十年家不
飽辰糝者不學醫之故也
一日周子子佩以其宅相
蔣子醫宗說約一書見示


凡論方經變罔不條晰其
自言曰此大雄氏之利他
者也余既不學醫不能抉
其奧突然使見於二十年

之前何至饑無食然余學
醫而不成固恣胸決齒而
求一但遊子學醫而醫成
又大雄氏之利他者其過

喻使人疑成方之難
合古方充棟而人罕
究心肯堂王氏研精
岐黃所著證治準繩

鬱乎大觀而又類方
數十卷可謂取無盡
而用不竭矣乃後學
望洋向長安而西笑
余也遠哉因報子佩之命
而以數言贅之

康熙二年癸卯歲次仲夏
望日敬亭山人姜埰譔




醫宗說約自序

余年十二先母周夫人見背先君子君輔公杜門讀書道義自許口不道阿堵字以故家貧甚嘗寄食子佩舅氏家舅氏撫教有加焉於時明發有懷因思生戚遑遑大病每於誦讀之暇間覽方書先君子遂謂小子曰汝有意於此乎古人不得為良相每願為良醫蓋良相良醫其功正相等耳果能精之則可以自

療并可以療人亦內典所謂自利利他之道也予拜
訓之下深謝不敏長而遭滄桑之變寄迹於穹窿之
陽人有疾者按方加減與之所投輒效因而叩戶求
方者殆無虛晷竊思古人陳案雖各臻其妙然論多
方雜未易窺測不免楊朱之嘆故於晨窓夕几究心
靈素博涉羣書斟酌盡善成山居述四卷有論有方
有經有變頗備苦心但力綿不克就梓久置度閣今

斗春偶公遜叔過齋頭見而閱之謂曰汝有此而不
與人共之不亦同於懷寶迷邦者乎且汝先子之言
具在顧其忘諸予益唯唯謝不敏長夏無事因於山
居述中簡其要者為主方隨症加減一症一方以見其
常加減附論以通其變編為俚句名曰說約庶幾學
岐黃者得會歸之源去煩苦之失耳若曰從此活人
功與調元者等則予豈敢

康熙二年夏四月古吳自了漢蔣示吉仲芳氏識



叅閱姓氏

張懷栢翠溪氏 山西

王盛鼎舜符氏 長洲

沈頤朗仲氏 長洲

沈時譽明生氏 松江

吳德培羽仁氏 吳縣

戈士儀用羽氏 吳縣

伍麟祥聞橘氏 長洲

毛鐘祥考生氏 吳縣

張玄宿樂天氏 太倉

吳均以公氏 崑山

王弘度元坦氏 長洲

吳士縉公紳氏 徽州

趙士升序之氏 常熟

周揚俊禹載氏 嘉定

吳玉崑蒼嶼氏 長洲

湯哲愚谷氏 嘉定

王人鳳翔于氏 蘇州

王王錫百朋氏 長洲

鄭林雲山氏 吳縣

陳培養真氏 吳縣

鄭櫛兼山氏 吳縣

沈嘉元方氏 嘉定

楊宗震叔起氏 吳縣

吳樹滋如虹氏 長洲

鄒嶧岱友氏 無錫

葉朝采陽生氏 長洲

范安宅如春氏 長洲

仇起元輔卿氏 吳縣

沈永澄文淵氏 吳江

顧應選用霖氏 吳縣

曹仙鍾英氏 吳縣

沈蓮子房氏 嘉定

計玉苓天懷氏 無錫

周雲開杲氏 常州

叅閱姓氏畢

醫宗說約目次卷之首

望色 聞聲 問症

相形 頭額鼻顴耳唇舌

內經分配臟腑脉法 內經三部臟腑圖

診法集要 共十條 脉象辨 共八條

脉象主病二十九條 七絕脉法

藥性炮製歌 草部一百三十九種

木部共五十五種 菜部十種

人部九種 禽獸部十九種

魚蟲部共二十九種 金石部三十種

菓部十八種 穀部共十一種

十八反歌 十九畏歌

君臣佐使法 製度引經法

服藥時候法 咬咀丸散合宜法

李時珍煎藥法 貴賤少長異治

病在上而求諸下醫案二條 病在下而求諸上醫案三條

虛中實實中虛醫案四條 治病須求其本

製方定見案 調耳得宜案

醫宗說約目次

雜症卷之一

中風 傷風 中寒 暑病 注夏

溫症 火症 內傷 傷食 調理脾胃

酒客病 五鬱 諸氣 痰症 咳嗽

喘急 哮症附搶 瘧疾 霍亂 泄瀉

痢疾 積聚 痞滿 嘔吐 噎膈反胃

呃逆 噎氣 吞吐酸 餓雜 水腫

鼓脹 癆瘵 失血吐血 衄血 尿血 咳血 唾血 大便下血

雜症卷之二

汗症 頭痛 心痛 腹痛 脇痛

腰痛 臂痛 背痛 痛風 眩暈

麻木 五痺 痿症 癰症 癩狂

驚悸 怔忡 健忘 虛煩 不寐

黃疸 斑疹 便濁 五淋 小便秘

大便秘 二便閉 脫肛 三消 夢遺

滑精 脚氣 七疳 蟲積 耳病

目病 鼻病 口舌病 牙齒病 咽喉症

傷寒科目次卷之三

傷寒賦上下篇 太陽經 正傷寒 正傷風

陽明經標病 本病 自汗 口渴 胃腑本實病發斑 發黃 結胸 狂妄

少陽經環病 太陰症 腹滿咽乾 頭汗發黃

自利不渴吐衄 動氣 奔豚 呃逆 直中真寒 少陰經

厥陰經 兩感症 真陰症 逆結症熱結膀胱

熱結症下利 清水 三陽合症自利 腸垢 臍熱 挾血症

鼻衄 瘀血上焦 熱 下焦蓄血 發斑

斑爛 陽極症 陰陽毒 陽厥

陰厥

剛柔痊

陰格陽

如狂

過汗口渴

無陽不能作汗

戴陽嗽水不欲飲

撮空又手當胸昏憤暴衣摸床

懷懷

下膿血

虬厥

狐惑

越經症

食積類傷寒

脚氣類傷寒

挾痰

勞力感寒

色復陰陽易

百合瘥後昏沉錯語勞復食復

晚發

大頭傷寒

黃耳傷寒

赤膈傷寒二症俱類傷寒

胎前傷寒

產後傷寒

妊娠中寒

外治法十七條

辟瘟法

發汗止汗

吐法止吐

導法解大黃芒硝法

救陰寒法

去舌胎法

治鼻衄法

治陰症呃逆法

熨結胸法

看斑法

治發狂法

治吐舌不收法

小兒科女科目次卷之四

色診說

按眉端法

面色主病

虎口三關脉紋法

小兒脉法

心誠賦

虛實寒熱外感內傷六症辨

初生調攝稀痘法

變症

胎熱胎寒

臍風

撮口

急驚

慢驚

疳積

發熱

痧疹斑

嘔吐

泄瀉

暑症

痢疾

瘡疾

咳嗽

肺脹喘急

浮腫

黃疸

自盜汗

失血衄血

吐血咯血

脫肛

諸遲走遲 髮遲

齒遲 語遲 解顱 鶴節通神散

瀉白丸

化毒丹

小牛黃丸

沉香末子

陳氏小紅丸

肥兒丸

紅燕丹

抱龍丸

蔣氏肥兒丸

玉樞丹

珍珠丹

雞肝藥

快活丸

夜啼方

吃泥土方

蟲痛方

遺尿方

治尿濁

小便秘方

語遲方

齒遲方

龜胸方

灸法

龜背方

灸法

疝氣方

斷小兒乳法

牙疳口瘡

重舌木舌

弄舌

頭面疳火

丹毒方

眼痛方

耳痛流膿

鼻瘡方

頭瘡方

臍瘡方

小兒醫案六條

女科調經

先期 後期

將來痛 經後痛

經閉塊痛 經來不止

勞瘵經絕 熱入血室

帶下

胎前諸症

惡阻

子懸

子淋

子癰

轉胞

子腫

子氣

胎水

胎漏

胎動痛

風寒頭痛

雜症

暑 痢

泄瀉 大便秘

食傷 耳聾目暗

咳嗽

瘧疾

瘧疾

催生

加味達生散

臨蓐

佛手散 正產

冬月法 弄胎

夏天法 試水

子死腹中 宿疾

交骨不開

胞衣不下

產門不開

子宮不收

產後產寶湯 敗血痛 去血不止 血暈韭醋薰法

沖胃沖心 寒熱 傷食熱 蓐勞

肉戰 中風荳淋酒 痙症 大便結

泄瀉浮腫 食傷 嘔噦 胸脇痛

煩燥虛驚 不能言 飽悶 兒枕蒸乳

骨節痛

小產 固胎湯 四金匱丸 赤白帶下清源收帶方 治帶症五法

乳疾軟溫飲子 乳石 外吹 乳發 乳漏

女子脉說 調經脉法 胎產脉法 醫案七條

瘍科目次卷之五

外科賦 經絡氣血訣 三因病原

純陽症訣 純陰症訣 十惡症 半陰半陽訣

瘡瘍脉法 五善訣 發表說 攻利說 禁灸辨

和榮衛說 艾灸法 抑陽散 抑陰散 十四日後治法

圍藥法 七日治法 藥筒吸毒法 宜針烙說 桑枝灸法調押法

腫瘍主治法 火針法 敗症惡候 萬靈丹

內托復煎湯 四妙湯 內疎黃連湯

衛生湯 當歸黃芪湯 神仙活命飲

瓜蒌托裏湯 復生散

蠟攀丸

回陽三建湯

潰瘍主治法

十全大補湯

加減法共五十二條

托裏溫中湯

金匱腎氣丸

附六味八味丸方

白降丹

圍藥神應丹

神燈照法

金黃散

猪蹄湯洗法

鐵桶膏

太乙膏

紅升丹

桃紅散

八寶丹

太素膏

神化丹

干槌膏

白玉膏

疥瘡

飛龍奪命丹

立馬回疔丹

治疔單方四法

紅絲疔治法

療癰 潰堅湯

滋陰散堅湯

益氣養榮湯

桃蠟散

真人壁虎散

火針法

下疳

二靈丹

珍珠散

魚口便毒

山甲肉消散

通水丹

楊梅瘡

羊肉發藥

猪肉茯苓湯

胰子湯

仙遺糧湯

點洗法六條

結毒

五寶丹

丹素丹

紫金丹

碧雲散

外治法一條

痔

治痔良方

提肛散

熊膽散

洗痔黃硝湯

藥線方

枯痔方

護痔散

喚痔散

貼頂升陽散

漏

推車客散

栢膠丸

追毒丸

閉管丸

膿瘡

疥瘡

疥靈丹

參聖丸

薰被法

黃赤丹

白鳳散

癬

浮萍散外治法七條

癢瘡

外治法三條

白赤癰風

鵝掌風

汗斑

杖瘡

金瘡

湯火瘡

損傷

和傷活血丹

活血丹

透骨丹

益母膏

醫宗說約卷之五目次終

醫宗說約

卷之五 目次

養骨丹

益母膏

跌打散

跌打散血丹

跌打丹

跌打散

金銀

跌打散

白赤痢風

跌打風

跌打

跌打散

跌打

跌打

跌打散

跌打散

跌打

醫宗說約凡例

一望色聞聲問症相形。俱業醫之首事也。今摘靈素之奧旨。百家之微論。取其切要者。貫于編首。為初學登高之自。

一脈法行世者多矣。備者繁多。簡者缺畧。寸候二腸高陽招辨。今以內經脈法為主。附以先賢確論。二十九象。主病分明。熟讀細玩。指下自能了然。

一醫之用藥。猶將之用兵也。不識兵法。何以定亂。不知藥性。何以攻疾。今取本草之切用者。刪繁去泛。編成歌訣。以便記誦。兼注炮製干下。臨用自無疑惑。

一君臣佐使湯丸法製俱製方之要。標本先後上下虛實乃治病之機。今取先哲成言并獨得之秘附十三條于後以便考焉。

一二卷二卷俱係雜症上究靈素下採百家勾精摘要編成是訣前段言病之原病之狀中段述病之主方後段隨症加減或一句一法或二句四句一法以盡寒熱虛實之變其言淺其意深其詞簡其法備細心熟究實能活人。

一主方中藥名用一字者則註一字于旁二字者註一〇于側以便初學至于藥物分兩多少不可移易者已註明于下或可等分或可隨病君臣隨意加減者不敢先為拘定隨司命變通之也。

一條中方名古人名用一病名用日藥名用一段用上以便記識。

一傷寒論惟漢張長沙為鼻祖三百九十七法一百一十三方名曰活人書頗費記誦迨後節菴陶華提綱舉領集方四十名曰殺車椎法人稱其便亦苦簡畧今讀仲景之書勾其精要編賦二章以節菴之方補其未備約歌六十熟讀會通自有補耳。

一。小兒病名曰啞科。以其口不能言也。惟恃望色相形。觀紋切脉。以知其臟腑之病。誠非易事。今以先哲察病等法。編為歌括。更得名家秘方。條附于後。治幼者宜預為修合。莫待臨渴鑿井。

一。女科雜症。與男子同也。所異者。惟胎前產後。調經種子。崩帶乳疾耳。今此數條。宗古人書。採專科法。并獨得秘編。訣具陳。使學者知所宗。不致望洋而嘆。

一。瘍家經絡表裏陰陽。古人言之詳且盡矣。醫者每以癰疽形象外見。秘方可効。而忽之。遂至實實虛虛。禍不旋踵。今以經

絡部分陰陽善惡。腫瘍潰瘍補瀉之法。總成一賦。其外治升丹降丹等方。起死回生。本不輕傳。其如濟人心急。不得不公諸同志。業瘍醫者。先為修煉。庶不負一片婆心也。

一。讀古人書。如東垣升補。養正為先。子和三法。去邪為急。河間火熱丹溪濕痰。止瀉溫補。各臻其妙。豈古人矛盾若是哉。蓋古人著書。議論非特見不傳醫案。非疑難不記。欲補前人所未備也。今之學者。讀是書。即泥是說。往往有偏僻之弊。吁。人有南北。病有輕重。法有變更。豈一家言所能盡乎。此集總採古人之遺意。斟酌盡善。庶無偏僻之誚也。

醫宗說約
一醫自岐黃之神聖。歷代之名醫。方書充棟。精微玄奧。未易入門。是集也。病狀合病。脉病原合。病方變何症。而爲寒。兼何脉。而爲熱。虛實有據。表裏無疑。一見了然。誠初學指南也。卽未諳醫者。一展卷。則脉症方治。虛實加減。燦然于目。亦可對症投藥矣。敢曰活人心。聊爲濟衆者之一助也。高明其亮諸。
康熙元年中秋望日。虞山嚴煜文若氏識。

醫宗說約卷之首

古吳自了漢蔣示吉仲芳氏纂述
錫山禪醉道人計廉能元讓氏叅
虞山元虛子嚴煜文若氏較訂

望色

經曰。望其五色。以知其病。故望色者。活人之首事也。靈樞經口。以五色命臟。青爲肝。赤爲心。白爲肺。黃爲脾。黑爲腎。內經云。五臟之氣。色見。青如草茲者死。黃如枳實者死。黑如炁者死。赤如赭者死。白如枯骨者死。此五色之見死也。青如翠羽者生。赤

如雞冠者生黃如蟹腹者生白如豕膏者生黑如鳥羽者生此五色之見生也生于心如以縞裹朱生于肺如以縞裹紅生于肝如以縞裹紺生于脾如以縞裹瓜萆實生于腎如以縞裹紫此五臟所生之外榮也內經以一色之中而分平病死三等至靈樞又分明臟腑部分及浮沉淺深天澤散搏等法蓋以其道之不吝忽也予畧陳其要夫五色有光明亮是也五色有體潤澤是也光者無形爲陽主氣體者有象爲陰主血氣血俱亡其色沉晦枯槁經所謂草茲枳實枳實血枯骨五者是也氣血尚存其色光明潤澤經所謂翠羽雞冠蟹腹豕膏鳥羽五者是也此五色雖爲可生終爲一臟之色獨亢亢則害病也非平也蓋平人五臟既和其一臟之色必待其旺而始榮於外其榮於外也稟胃氣而出于皮毛之間胃氣色黃皮毛色白故云如縞裹如縞裹者朦朧光澤雖有形影猶未燦然內因氣血無乖陰陽不爭五臟無偏勝故也苟或不然五臟衰敗其見色也昔之朦朧者一變而爲獨亢昔之光明者一變而爲沉濁昔之潤澤者一變而爲枯槁甚至沉濁枯槁合而爲天是光體俱無陰陽氣血俱絕不死又何待哉六節臟象論曰草生五色五色之變不可勝視至于臟腑部分容色上下淺深散搏等法未能盡

陳容于望色全書中述之

聞聲

經曰。聞而知之謂之聖。如辨音者。聽其聲。卽可以知其物。雖非
玄遠。誠非淺易。蓋不由音律之道造。必于靜定中得也。予姑以
經書中要者言之。經曰。肝在音爲角。在聲爲呼。心在音爲徵。在
聲爲笑。脾在音爲宮。在聲爲歌。肺在音爲商。在聲爲哭。腎在音
爲羽。在聲爲呻。口出無倫謔語也。有虛有實無稽怒叫狂言也。實出
言壯厲。先輕後重者。外感也。語言懶怯。先重後輕者。內傷也。語
不接續。鄭聲也。無人始言。獨語也。三症鼻塞聲重。傷風也。聲啞

唇瘡。狐惑也。卒口噤。反張。痙症也。鼻齁語塞。風溫也。錯語呢
喃。出言不正。熱症也。心下汨汨有聲。先渴後嘔。停水也。喉中漉
漉有聲。痰也。腸若雷鳴。氣不和濕也。小兒驚風。口不能言。心熱
也。無還聲爲鴉聲。死症也。雜病發喘。癆瘵聲啞。危病也。已上種
種。若能細察。實能活人。至于聞其五音。以知其所苦。是神聖之
道。存乎司命者之方寸耳。

問症

示吉曰。望聞問切。察病之四法也。望色聞聲。切脉。古人反復言
之。至于問而知之。謂工先哲尚未發明。不無有疑焉。何以故。

如至病家問其瀉痢以知其瀉痢問其寒熱以知其寒熱則淺矣必非古人之意也。即至病家問其病起于何日。日少為新病實症居多。

多為久病。曾食何物。食冰而病藥用冰煎如傷肉食本條。曾有怒勞虛症居多。

房慾等事。怒則傷肝勞則內傷元氣房勞則傷腎。及問初起何症。如初起頭疼發熱惡寒屬外感。

如初起心腹疼痛及後變何病。如痢變瀉變瘧為輕瘧瀉變痢為重。先喘後脹病在肺。先脹後喘病在脾。先渴後嘔為停水之類。

今口渴思飲否。為熱老人人口乾不思飲主津液少若嗽水不欲嚥。喜熱喜冷否。喜熱內寒喜冷內熱。口中淡苦否。苦熱鹹寒。

虛淡其脾熱成思食否。傷食不思食雜症思食為有胃氣則生否則無胃氣則死。胸中寬否。

不寬傷食痰積腹中有無痛處否。無痛病不在內主虛有痛處主積氣滯之症。

減者大小便如常否。小便秘結黃赤為熱清白為寒濁如米泔為虛。暴瀉暴痢為實久瀉久痢為虛。

虛下黃赤為熱下清白為寒足冷煖否。足煖陽症足冷陰症。如常及平日勞逸喜怒憂思并喜食何物。勞則氣散逸則氣滯屬虛。

肺思傷脾恐傷腎喜食厚種七問法實為活人之捷徑然以此味則生痰醇酒則發熱。

而盡古人問而知之之義尤未也。予于靜定之中若有所悟蓋今人之病如咳嗽發熱瀉痢諸痛俱病之總名也。一症之中各有火有寒有痰有氣有虛有實致症之原不同如治咳嗽問得

有火症即作火治有痰有氣症即作痰氣治因此一問舍病名而治病原庶合古人之心也。昔丹溪翁名擅千古亦不過每症

分出寒熱虛實痰火血氣等件隨症調治。此豈有異人之目。洞見臟腑者乎。亦惟問其症以知之也。予何人斯。敢忝末議。但願學岐黃者。見痰即攻痰。見火即治火。見食即消食。莫為病之總名所拘也。

相形

頭者諸陽之會也。頭重視身。名天柱骨倒。元氣敗矣。因于濕。首如裹。蓋至卑之邪。而犯至高之位。其象有物以裹其首也。又有頭搖頭眩頭暈者。經所謂狗蒙招尤。目瞋耳聾也。蓋為知有物以蒙其首。招搖尤甚。又兼瞋聾。是下寔上虛之故。有痰有火有虛有風

額南方也。經曰心熱病者額先赤。若青黑色現。主有暴疾。

目肝之竅也。經曰肝病者眥青。脫陽者見鬼。脫陰者日盲。氣脫者目不明。陽氣盡陰氣盛則目瞋。欲愈之病。日眥黃。日赤主熱。白睛黃主黃疸。眼胞腫主風。主濕。開目見人病屬陽。閉目不見人病屬陰。凡病目明能識見者可治。若睛昏不認人。或目上視。或眼小目瞪直視。或日和視。或目睛正圓。或戴眼反拆。或眼胞陷下皆死症也。若病人日睛微定。暫時稍動者屬痰。宜吐。若目中不了了。大便不通者宜下。

鼻者肺之官也。肺病喘息鼻張。經曰脾熱病者鼻先赤。凡鼻色

青者腹中痛。微黑者有水氣。黃者小便難。白者為氣虛。鮮紅有
留飲。鼻孔乾燥者必衄血。鼻燥如烟煤。屬陽毒熱極。鼻孔冷滑
而黑。屬陰毒冷極。鼻燥息如鼾睡。屬風溫。鼻塞濁涕者。屬風熱。
鼻流清涕者。屬肺寒。鼻孔痔脹者。屬肺熱。有風。
經曰。心病者。顴赤。腎病者。顴與顏黑黃赤色出兩顴。大如母指。
主卒死。肝熱病者。左頰先赤。肺熱病者。右頰先赤。
耳者腎之竅也。經曰。耳焦枯。受塵垢。病在骨。精脫者。耳聾耳間
青脉起者。掣痛。足少陽經絡亦繞耳而入耳。故暴病而耳聾耳
腫耳痛耳旁紅。皆屬少陽風熱。

經曰。唇舌者肌肉之本也。肺不榮則肌肉軟。肌肉軟則舌萎人
中滿。人中滿則唇反。唇反者甲篤乙死。
經曰。足少陰氣絕。則骨肉不相親而肉軟却。齒長而垢。髮無潤
澤。戊篤己死。足厥陰氣絕。唇青舌卷。囊縮。庚篤辛死。凡病
人舌乾口焦。為脾熱。焦而紅者吉。焦而黑者凶。唇口俱腫赤者
是熱極。青黑者是寒極。口苦者是胆熱。口甜者是脾熱。口燥咽
乾者腎熱。舌乾口燥者是心熱。口噤咬牙者是風痊。唇口生瘡
聲啞者是狐惑。齒燥無津液。是陽明熱極。前板齒燥。脉虛者是
中暑。唇口舌胎斷紋者難治。唇色白者主失血。主虛。唇口燥裂

是脾熱。齒如熟齒者難治。若唇青舌卷。唇吻反青。環口鰲黑。口張直氣。口如魚口。唇口顫搖不止。氣出不返者死。頰爲北方腎水象也。經曰骨熱病者頰先赤。色赤又主腎與膀胱氣滯熱結而小便不通。

舌心之苗也。經曰心病者舌短卷。頰赤少陰氣厥逆走上則齧舌。凡見舌乾舌碎舌裂主心火甚旺。總之舌鮮紅濕滑者吉。燥滑者凶。舌上白胎者胸中有寒。丹田有熱故胎白而滑。未入乎腑邪在半表半裏間。法當和解。舌上黃胎者必燥渴。胃腑有邪。法當下之。舌上黑胎燥生芒刺者必燥渴亢極則難治也。法當

急下。若不燥渴身不熱。舌上黑胎而滑者屬陰寒。法當急溫。若舌卷焦黑而燥者陽毒熱極亦當下之。若舌青而胎滑無熱不渴者陰毒寒極亦當溫之。凡舌色鮮紅者吉。青黑者凶。而紫者爲陰寒。赤而紫者爲陽熱也。但見舌硬舌卷舌腫舌短舌強囊縮者難治。

經曰頭者精明之府。頭傾視深精神將奪矣。背者胸之府。背曲肩隨府將壞矣。腰者腎之府。轉搖不能腎將憊矣。膝者筋之府。屈伸不能行則僕俯。筋將憊矣。骨者髓之府。不能久立行則振掉。骨將憊矣。病人身輕自能轉動者易治。身重不能轉動者

難醫。掌中熱者，腹中熱；掌中寒者，腹中寒。四肢倦怠者，主中氣不足。手足牽引，口噤難言者，名曰風症。四肢強直，口噤頭搖者，名曰瘧症。又手冒心多，因過汗，尋衣摸床，名曰撮空。脚手難移，身重而痛，小便短赤，名曰風溫。若身熱口渴，揭去衣被，揚手擲足，脈來有力，陽也；熱也。寔也。無熱不渴，欲得衣蓋，或身重足冷，倦臥惡寒，或好向壁臥，閉目不欲見光明，懶與人言，陰也。寒也。虛也。總之身輕，手足和煖，開目欲言者，吉。若身汗如油，喘而不休，形體不仁，乍靜乍亂，脈浮而洪者，死。皮膚潤澤者，生。枯燥者，死。形如枯骨，脈脫者，死。大骨枯槁，大肉陷下者，死。若看小兒，更有八候之說。兩手伸縮曰搖，十指開合曰撮，勢如撲曰驚，頭偏側曰顫。身仰後曰反，臂如開弓曰引，目直似怒曰竄，露睛不活曰視。凡此者，風痰驚熱所為，大人亦常犯之。

內經分配三部臟府脈法

脈要精微論曰：尺內兩傍則季脇也。季脇穴名，尺內尺澤之穴，兩傍尺之外側也。外以候腎，尺裏以候腹中。腎有二枚，二尺候之，候腹中者，附上所以候大腸、小腸、膀胱之疾。左外以候肝，內以候胃。肝主貴，貴位也，肝主貴，貴位也，肝主貴，貴位也。右外以候脾，內以候肺。脾主肉，脾主肉，脾主肉，脾主肉。上附上，右外以候心，內以候膻中。膻中氣海也。前以候前，後以候後。上

竟上者胃喉中事也。下竟下者少腹腰股膝脛中事也。

示吉按經曰持脉有道。虛靜為保。古之神聖尚以虛靜是戒。今之學者非古誰遵。而臟腑三部不能一定于胸中。寧言虛靜乎。舊訣以經絡相為表裏。大腸小腸列于二寸。蔡西山戴同父滑伯仁復以二腸之病候于尺中。至先師李士材非之尤甚。及考丹溪脈訣二法並載。予以為信招辨之訣。奚不遵岐黃之典。上從胃喉。下至膝脛。三焦有序。內外無乖。由此而再加虛靜之功。豈復有指下難明之訥耶。

內經三部臟腑圖

內經三部臟腑圖



寸關尺者從魚際至高骨。却有一寸故名寸。從尺澤至高骨。却有一尺故名尺。至高骨。却有一尺故名尺。寸陽尺陰。高骨為陰陽之關界。故名關。從關至魚際。經云上竟上也。從關至尺。澤經云下竟下也。膽寄于肝。大小腸膀胱統于腹中。故經文不及之。

診法

黃帝曰診法何如。岐伯對曰診法常以平旦陰氣未動陽氣未散飲食未進絡脉調勻氣血未亂故乃可診有過之脉。

黃帝曰平人何如。岐伯曰人一呼脉再動一吸脉亦再動呼吸定息脉五動閏以大息命曰平人。平人者不病也。醫不病故爲病人平息以調之。

脉經曰欲持其脉令仰其掌男先取左女先取右醫者覆手以中指切至高骨定其關位次下食指切至關前以定寸位再下名指切至關後以定尺位。

叔和曰下指之際宜相病人長短肥瘦人長臂亦長指下宜疎人短臂亦短指下宜密瘦人膚薄持之勿重肥人膚厚持之勿輕。

樞要曰持脉之道有三輕手循之曰舉重手取之曰按不輕不重委曲求之曰尋初持脉時宜先輕手舉之以察其浮如脉浮膚上陽也腑也內應心肺再重手按之以察其沉如脉沉肉下陰也臟也內應肝腎又再不輕不重中而取之以察其中如脉行于血肉之間中和之應也內應脾胃若浮中沉俱不見則委曲而求之若隱若見三部皆然則爲陰陽伏匿之脉。

經曰春胃微弦曰平。夏胃微鉤曰平。長夏胃微與弱曰平。秋胃微毛曰平。冬胃微石曰平。診家當隨四時而察胃脉。慎勿執一。東垣云不病之脉不求其神而神無不在也。有病之脉則當求其神之有無。蓋言不論脉之數熱遲寒。脉來有力卽爲有神。但清其熱溫其寒。自己若遲數無力。是爲無神。根本不固。將何所恃耶。

秦越人云男子生于寅。寅爲木。陽也。女子生于申。申爲金。陰也。故男脉在關上。女脉在關下。是以男子尺脉恒弱。女子尺脉恒盛。是其常也。反者男得女脉。女得男脉也。男得女脉爲不足。病在內。女得男脉爲太過。病在四肢。右得之病在右。左得之病在左。隨脉言之也。

脉法曰反關脉者。脉不行于寸口。由列缺絡入臂後。手陽明大腸之經也。以其不順行于關上。故曰反關。有一手反關者。有兩手反關者。此得之于有生之初。非病脉也。令人覆手診之。自見經曰凡陰之所在不應。不應者。仰手而沉。覆手而沉也。是天地之氣使然。診家當先識運氣。及南北二政之理。若不知而誤治之。反代天和。

脉象辨

浮中沉伏脉之上下也。浮者為上。有餘。按之不足。中者為中。行于肌肉。

沉者為下。行于筋間。伏者又其下也。附于骨上。重按不見。

長短芤三脉。脉之盈虛也。長則過于本位。短則不及本位。中間

有兩頭無曰短。兩頭有中間空曰芤。

平緩遲數四脉。脉動之急慢也。一息四至五至曰平。一呼一吸為一息。

一息三至曰遲。較之平脉稍遲。比之遲脉稍速曰緩。一息六至

曰數。

促結代瀉四脉。脉動之有止者也。脉動數。時一止即來曰促。脉

動緩。時一止即來曰結。動而中止。不能即來。良久復動曰代。往

來遲滯似止非止。三五不調曰瀉。

大洪寔長弦緊牢革動滑十脉。脉之有餘之類也。較之平脉稍

大曰大。大與洪相似。但不十分浮而有力。浮大有力曰洪。洪與寔相似。但洪而

且長。浮中沉三部皆然曰寔。長于本位曰長。長而端直如弓弦

曰弦。弦而急彈如切繩曰緊。緊與弦相似。緊則長而端直。切急

古人弦取象于弓弦。緊取象于切緊繩可知矣。浮洪有力。重按則空曰革。沉寔有力。舉

之不見曰牢。狀如大豈厥厥動搖曰動。中指充滿往來流利曰

滑。

小短濡弱微細瀉七脉。脉之不足之類也。小于平脉曰小。短于

本位曰短。浮小無力曰濡。重按不見沉小無力曰弱。舉之乃空。細則僅存一線。猶有常位。可審微則似有若無。可虞血脉將亡。濇則三五不調。惟見往來遲滯。

浮洪虛濡革散芤七脉。皆浮脉之類也。浮于膚上。舉之有餘曰浮。洪則兼有力而大。虛則兼無力而軟。濡兼微小。重按則無。革兼洪大。重手不見。散則類乎浮大。中手便無根蒂。芤則體原虛軟。重按傍有中空。

沉伏弱牢四脉。皆沉脉之類也。沉于筋間。重按不見曰沉。重按不見。推筋尋之始得曰伏。弱則兼無力而小。舉之不見。牢則兼有力而實。輕手則無。

脉象主病二十九法

示吉曰脉氣血之神也。隱于膚中。視之不見。惟恃三指之巧。而識悔吝之機。誠非易事。故脉之理微。自古難之。然豈因其難也。忍置之不問乎。上稽靈素。下考百家。凡脉應于指下者。數取形求。共得二十九種。其上下動止盛衰虛實。往來跡象。雖極指下之幻。亦無遁情矣。從此而察三部之中。見其脉。卽有是症。脉症相合。內外互參。爲治之法。自彰也。然此二十九象。散見諸經。起而集之者。代有其人。由來已久。但簡要者多。所缺畧備全者不

免煩多岐黃之旨難測高陽之訣招辨衆議紛紛脉道轉瞬故集先哲諸書述其精要補其未補條附于後聊爲持脉者登高之自可也。

浮脉 宜汗宜補不宜下 春夏順秋冬逆

浮脉在上而不沉也。浮于膚上。舉之有餘。按之不足曰浮。陽也。扁鵲曰浮陽也。心肺俱浮。浮而大者中主風。風頭重鼻塞。主脹。腹脹浮大散者心浮而短。瀉者肺也。主外熱。經曰諸浮不躁者主痞在外。主表病。而盛者病在外。主外熱。皆在陽則爲熱。主氣喘。浮疾爲宿氣。浮滑爲風痰。浮緩主皮膚不仁。叔和曰風寒入于肌也。浮短主肺傷咳嗽。脉經云浮短者其人肺傷。浮緊有力爲傷肉。

寒汗方合太陽經脉。浮緩無力爲傷風。外症頭疼發熱。汗浮大而虛。主內傷元氣。因勞役過度傷饑失飽。浮大而短主陽明旺。立春分前陽明之寸浮。風在上主頭目不利。關浮風在中主胸滿脇痛。尺浮風在下主腰痛便結脚膝疼痛。

沉脉 宜下宜溫不宜汗 旺于冬 心病及春夏忌見

沉脉在下而不浮也。沉于肉下。重手按之乃得。舉之不見曰沉。陰也。難經曰沉陰也。肝腎俱沉。半長者主寒。主氣。金匱云下手沉也。按之濡。舉指來實者腎也。主水。經云肝腎脉主六鬱。兼滑痰鬱兼數火鬱兼細濕鬱兼瀼沉紫主停飲。叔和云沉而弦主裏病。主癥瘕。岐復曰寸口脉沉食鬱主停飲者懸飲內痛。

醫宗金匱 卷之首 脉象主病

主厥逆

沉遲為寒極故手足厥冷

主洞泄

沉數有力為實熱

外症燥渴便閉腹痛宜下

沉

遲無力為虛寒

利踈臥宜溫補

沉實主內熱

沉細主骨痛

沉細主骨痛

諸細而沉者皆在陰則為骨痛

沉滑主痰飲

滑氏作宿食戴氏作痰鬱

急痛

經曰寸口脈沉而緊心下有寒

沉喘主寒熱

沉短而敦主

厥陰旺

立冬前後得甲子厥陰之至沉短而敦

沉細懸絕主冬故以夜半死

寸

沉主陽虛

心氣鬱肺氣寒

關沉胸脇疼痛

尺沉主下元虛冷泄瀉

數脈

宜寒涼忌溫熱

無熱不渴手足冷而脈數者死

數脈動太速也呼吸定息脈來六至過于平脈一至曰數為陽

盛陰虧之候

主熱也越人云數者府

主煩

經云數則為煩

主吐

脈經曰寸口數即吐

主暴驚

黃帝曰脈至如數使人暴驚

主三消

寸數上消關數中消尺數下消

主適得病

扁鵲云數為適得病

沉主內熱

手熱為邪熱

數細無力主陰虛發熱

血虛之症盜汗骨蒸日輕

夜重乾咳

數大無力主內傷元氣

為虛熱宜辛甘發散

數大有力主實熱

皮毛枯槁

數大無力主內傷元氣

為虛熱宜辛甘發散

數大有力主實熱

內外皆熱

或云便秘

脈躁

喘數者為陽主

夏故以日中死

寸數

左主面赤舌燥

右乾咳聲嘶關數

左口苦脇痛

右嘈雜善饑口

臭人數

左溺赤五淋

右大便閉腸紅

遲脈

宜溫熱補忌寒涼剋伐

經曰察九候獨遲者病

腎宗兌句

卷之十

脈象主病

左

遲脉動太慢也。呼吸定息。脉僅三至。減于平人之脉一至曰遲。

為陰盛陽虧之候。主寒。扁鵲云遲者脈也。遲則為寒。主不足。寸見為氣不足。尺見為血不足。

遲而浮主寒在表。遲而沉主寒在裏。遲而沉細無力主中寒厥。

冷倦臥指甲青。舌卷囊縮。遲而滑者脹。遲而濇者有癥結。

寸遲左心虛神怯。右冷痰氣短。關遲左面青脇痛。右中滿吐瀉。

尺遲左精冷小便餘瀝。右火衰不育泄瀉。

大脉已午月脉宜洪大。察九候獨大者病。形瘦脉大胸中多氣者死。

大較之平脉稍大也。浮中沉皆然。大之極為洪為實。為陽有餘。

陰不足之候。經云寸口脉大主實。主病進。經曰大則病進。

主寒熱。經曰脉大者寒熱在中。主癲病。岐伯曰大堅疾者癲病。主不得偃臥。經曰肺氣盛脉

不得偃臥。數大有力主外感風寒。邪氣有餘。謔大無力主內傷。

元氣正氣不足。寸大左舌乾消渴善驚。右咳嗽喘急。關大左口

苦善怒。右痞脹不食。尺大男子為逆。主二便不利。女子為順。尺

獨大搏手主有孕。

小脉察九候獨小者病。人身大而脉往來小者死。

小較之平脉稍小也。中外皆然。小之極名微名細。為正氣不足。

之候。主寒。主氣血皆少。靈樞經曰小者血氣皆少。主病在內。經云脉小實而

主胃反。經云小弱而濇胃反。主泄少氣。靈樞經曰尺膚寒其脉小者泄少氣。小而數主陰虛。

脉象主病

其

發熱小而遲主虛寒瘧冷。傷寒汗吐下後脉小為病退。若

乳子病熱脉小為順。產後傷寒脉小非陽病見陰脉也。經曰乳子病熱脉懸小何如。岐伯曰手足溫則生。

死。則寸小左神昏善忘驚悸。右懶言氣怯關小左目昏易怒。右

少食痞滿尺小下元虛冷腰膝軟疼。

滑脉 人身滑而脉往來滑者死。滑而盛病日進。

滑脉行動不滑也。往來流利如珠之盤。展轉替替然與數相似。

一日浮中如有力。曰滑。為陰氣有餘之候。經云滑者陰氣有餘也。陰氣有餘為多汗。

身寒伯仁曰滑為血實氣壅之候。血不主痰飲主宿食主吐逆。

勝于氣也。二論雖異實可互為闡明。脉法曰關上滑而主癰疾。經曰癰疾何如。岐伯曰脉搏大滑數大小不勻必吐逆。

心中結熱滑疾胃中有寒。叔和脉盛滑堅者病在外。脉滑浮而疾。

謂之新病。內經女子二尺滑而和者主有子。滑而有斷絕者主經。

閉。尺脉偏滑疾面赤如醉。寸滑左心悸痰滯心包。右咳嗽痰喘。

關滑左寒熱口苦。右宿食嘔吐。尺滑小便淋相火妄動腎濁。

濇脉 申酉月脉浮短而濇。病在外脉濇堅難治。

濇脉之行動不滑也。虛細而遲。往來極難。三五不調。無復次第。

如雨沾沙。如刀刮竹。曰濇。岐伯曰濇者陽氣有餘也。為身熱。無活滑氏曰濇為氣多血少之候。為。

陽氣有餘之候。主少血。主心痛。主血痺。經曰濇則心痛。濇主亡。

汗主傷精。濇而堅。內留惡血。表熱脉濇主中霧露。女子有

孕主胎痛無孕敗血為病寸濇左心神虛耗驚悸怔忡右短

氣冷痞關濇左目昏脇痛右心疼痛滿尺濇下元不足男子傷

精女人崩漏

緊脉 夏至後得甲子太陰旺太陰之至緊大而長

緊者勁急而不和緩也按之搏指長而左右彈如切繩絞索之

狀曰緊滑氏為邪風搏擊主寒主痛主積聚主吐逆叔和曰緊

而滑者吐逆駛而盛而緊曰脹內經緊而急者遁尸經脉緊牢者為

實鵠浮緊主傷寒表症沉緊主寒客腹中名內傷寒氣口右關緊盛

左手平和者主傷食寸緊左頭熱目痛右鼻塞咳嗽關緊左

風癰肋脹指甲青右惡心脹滿尺緊疝瘕腰脚臍下痛二便不

利

緩脉 乳子中風緩則生急則死 腎病及一尺忌見

緩脉動舒緩而不緊急也往來徐徐呼吸不及四至較遲脉和

速為榮衛向衰之候主虛主濕主解經曰尺脉緩濇謂之解緩而滑為

熱中浮而緩主風表沉而緩主內虛主冷緩而濇為痺上見之

為項強下見之為脚弱寸緩左怔忡多忘右氣短頭重關緩

風虛眩暈右善嘔不思食尺緩脚膝無力下元虛冷

示吉曰緩中州脾脉也緩而無神方可言病若四至調勻緩

而有神不大不小不浮不沉不輕不重意思欣欣如春風楊柳之狀平和之應也。倘認為病脉則誤矣。古人論脉大人以五至為平。小兒以六七至為平。今若此又覺偏于熱矣。豈古今時勢異耶。抑今人元氣薄也。

弦脉 經曰春胃微弦如持長竿末稍曰平 脾病及右關及四季之末忌見

弦長而端直如按絲弦舉之應手按之不移為陰遏陽鬱之候。

主瘧主痛主飲主疝主寒熱往來主傷風主宿食 經曰脉弦在寸口者宿食

主驚 經云肝腎并小弦欲驚 主氣結主勞倦主經絡閉為寒所阻弦數為

勞瘧為傷寒熱邪傳少陽寒熱口苦脇痛耳聾 雙弦脇急痛

弦長為積 寸弦 左 頭疼心惕 右 咳嗽惡心關弦 左 脇痛寒熱

右 宿食痞滿尺弦小腹痛下焦停水

芤脉

芤浮大而軟中空傍實傍有中無若捻葱葉為血不能統氣之

候 伯仁曰氣有餘血不足血不能統氣故脉來虛而大若芤之狀 主失血芤而數主火盛而血

妄行芤而遲主水土二臟虛寒不能藏血失血寸芤 左 心虛易

驚痰現紅星 右 咳血血絲關芤 左 脇痛吐血 右 嘈雜嘔血尺芤

便血腸紅女子崩漏

洪脉 立夏後得甲子太陽旺 太陽之至洪大而長 右寸及冬忌見 宜寒涼

醫宗金匱

卷之百 脉象主病

七

洪較大更盛也。浮大有力。騰上滿指。來至大而去且長。有類乎
實。惟重按稍衰為異。為氣血燔灼之候。主煩主咽乾。主表裏皆
熱。主二便濇。主傷寒陽明經病。寸洪左煩熱舌乾裂。右乾咳。
唾粘上消。關洪左眼赤善怒。右火嘈易飢脹滿。尺洪左小便赤
濇。右大便難。火旺遺精。

虛脉

虛中下皆空也。浮大而軟。舉按無力。豁然不能自固。訣曰浮而無力為虛
為榮衛俱虛之候。主暑傷元氣。主虛煩多汗。主恍惚多驚。主小
兒驚風。病在中脉虛難治。肝腎脉并虛為死。陰虛陽搏謂之

崩。內經寸虛左恍惚多忘。右肉傷元氣懶言。關虛左目昏少寐。
不思食。虛痞。尺虛左腰膝酸軟遺溺。右下元虛冷。

實脉

實表裏俱實也。弦大而長。舉按有力。浮中沉三取皆然曰寔。為
邪氣益盛之候。經曰脉實以堅謂之邪主熱主痛。主痢主氣塞。
主食積。主伏陽在內。寸實左口舌瘡咽喉痛。右煩熱嗽痰喘。
急關實左脇痛善怒目赤。右中滿痰飲臌脹食積。尺實左便赤
少腹痛。右大便難或痢。
散脉 老人忌見此脉

散到手便無根蒂三五不調類乎瀉又兼浮大有陽無陰似乎
虛中指便空來去不明根由難覓如散葉隨風不常其狀為氣
血耗散臟腑欲絕之候主寒熱無時主虛陽不斂主心氣不足
主暴病而榮衛虧損寸散左神虛驚悸右氣散久喘關散左
筋萎不寐右飲食不化瘦弱無力尺散精耗耳鳴腰膝無力

長脉人短脉長者是中損二十歲

長指下有餘如持長竿過于本位為陽氣有餘之候陽也越人主
壯熱主三焦煩鬱主陽毒內蘊經脉主氣治經曰長主遺尿經云
過寸入魚主足脛痛寸口脉中手主逆氣喘急經云脉長出魚
際者遺尿長者足脛痛

寸長左心經實熱舌乾咽痛右上焦氣壅關長左壯熱腸痛右

中滿不食尺長溺黃莖痛大便實陽事頻舉

短脉人長脉短是大損三十歲

短指下不足中有傍無不及本位為陰中伏陽之候滑氏云氣
導其血主氣病主頭痛經曰寸口之脉中主酒病脉法曰短疾
則脉短

主三焦氣滯主宿食不消短而數主心煩心痛寸短左心氣

鬱頭痛右氣怯內傷關短左胃痛引脇面青白左惡心四肢怠

惰尺短二便不利元精削弱

濡脉凡病初起見濡難治若久病後產後見之為順宜補

濡浮細無力也。輕手乍見重手却去。如線之浮水中。為氣血俱衰之候。主虛主濕。主少氣。主無血。主骨蒸盜汗。主痺積。主下冷。主婦人產後客風面腫。寸濡。左心驚盜汗。右氣乏體倦。關濡。左目昏易怒。右不食虛滿。尺濡。傷精脫血。泄瀉腰膝虛冷。

弱脉 長夏胃微稟弱曰平弱多胃少曰脾病老得之順少壯得之逆

弱沉細無力也。輕手不見重手按之。怏怏不前。欲絕未絕。為血氣欲絕之候。主亡精。主虛汗。主痼冷。主神昏身重。主精氣不足。主元氣虛耗。寸口脉沉而弱。曰寒熱。脉弱以滑。是有胃氣。命曰易治。內經寸弱。左陽虛心悸。右形寒氣短。關弱。左筋萎無力。右瘡。

滿倦怠。尺弱。下焦冷。泄瀉便數。

革脉 經曰渾渾革至如湧泉病進而色弊

革浮而有力也。輕手舉之。洪大搏指。重手則空。如按鼓皮。曰革。為裏虛表實之候。主實熱在外。主傷寒一二日表症。壯熱無汗。皮膚盡疼。又主男子亡血失精。女子半產漏下。寸革。左頭疼面赤煩燥。右咳嗽聲啞。關革。左善怒嘔血。右嘈雜善飢。尺革。夢遺失精。二便澀滯。

牢脉 越人云牢而長者肝也牢者為實宜寒涼攻利

牢沉而有力也。輕手不見。重手按之。實大搏指。曰牢。為表虛裏

實之候。主實熱在內。主傷寒熱邪傳裏。大便燥結。主骨間疼痛。
主勞傷痿極。寸牢。左煩渴舌裂。右氣鬱引飲。乾咳。關牢。左兩
脇急痛。右不食。臍脹。尺牢。小腹痛。二便閉。腰膝痛痺。

示吉曰。牢革二脉俱在實脉中流出。革爲實之浮。牢爲實之
沉。陰陽亢害。大抵與胃氣相遠。故先哲皆不取之。然有暴病
而得是脉。病爲之也。若久病而診得之。胃氣全無。鮮克免者。

微脉

經云微浮秋吉冬成病

微不顯也。依稀輕眇。似有若無。模糊難見。爲氣血俱虛之候。主
少氣。主自汗。主泄瀉。主崩漏脫精。微而數。主虛熱。微而遲。主虛

寒。浮而微者。陽不足。主身惡寒。沉而微者。陰不足。主臟寒下利。
微而弱者。主寒。少氣。寸微。左憂惕善忘不寐。右短氣不足。以
息關微。左脇肋虛滿惡寒。右惡心不食。虛痞。尺微。男傷精。女崩
帶。脛膝無力。

細脉

形盛脉細少氣不足以息者危

細不粗也。往來指下極其小渺。僅存一線。如蛛絲相似。爲氣冷
血虛。不足以充之候。主傷濕。主痛在內。主元氣不足。乏力無精。
主內外俱冷。痿弱洞泄。主勞傷過度。神昏體倦。寸細。左心無血
養驚悸。右氣少倦頽。關細。左目暗筋萎。右少食虛滿。尺細。精冷。

下虛泄瀉。女子經事過期。

促脉

示吉日促無胃脉也。傷寒熱極及暴怒痰厥急驚。尚為可生。久病及雜症見之者死。

促陽之極也。一息脉來六七至。時一止復來曰促。為陽獨盛而陰不能相和之候。主熱極。主暴怒。主氣壅。主傷寒陽毒。主痰血發在寸口。脉促上擊者。肩背痛。經內寸促。左狂言風痰于心。右痰熱咳嗽。關足左吐血善怒熱極。右脾熱口臭引飲。尺促腎水涸。二便瀼滯。

結脉

結陰之極也。一息脉來三四至。時一止復來曰結。為陰獨盛而

陽不能相入之候。主氣鬱。主血壅。主飲食痰飲留滯。經絡浮結。

主外有痼疾。沉結主內有積聚。

寸結

左

驚悸痰飲。右肺寒痰。

嗽。關結

左

脇肋痞痛。

右

食積痰飲留滯。尺結。小腹冷痛硬滿。

示吉日脉因熱而數。因數為促。因寒而緩。因緩為結。蓋促結者。寒熱之變也。滑氏曰。有氣血痰飲食五者。若有一留滯。其間脉亦為之。間斷。非必死脉也。故張長沙亦作病脉。予近診血氣素虛之人。及有年者。脉來不數不緩。但數動一至。或五六動一止。後亦無妨。蓋其榮衛固不足以充前導。而氣血飲食痰易于留滯也。若兼數兼緩。則病上更病。退則生。加則死。

矣。蓋可忽哉。

代脉

長夏脉但代無胃曰死。代爲戊巳惡脉。右關忌見。

代更代也。動而中止。良久復動。動而又止。如前復起曰代。爲一臟無氣而他臟爲之代至也。六脉皆然。主呼吸危亡之候。然亦有暴病而致是脉者。主霍亂吐瀉。主心腹急痛。主便膿血。主心中驚悸。主積痰停水。主中風卒仆。主瘀血飲食停滯。以致元氣不續。寸代左怔忡。言語蹇塞。右氣塞痰壅。關代左胃脘急痛。石暴痛吐瀉。尺代亡陽失血。陰疝上冲。

伏脉

經曰。按之至骨脉氣少者。腰脊痛而身有痺也。

伏浮中沉皆不見也。附于骨上。重手推筋。取之乃得。爲陰陽潛伏。關隔閉塞之候。主寒主痛。主水主霍亂。主疝瘕。主飲食不消。主榮衛氣閉而厥逆。伏結爲積聚。寸伏左沉憂失志。右氣滯痰積。關伏左血冷脇腰痛。右吐瀉暴作。中腕積塊。尺伏腎寒火虛。疝瘕痼冷。

動脉

動狀如大豈。厥厥動搖。尋之有舉之無。不往不來。不離其處。爲陰陽相搏之候。正理主痛主驚。主崩脫。主泄痢。主虛勞體痛。陽動則汗出。陰動則發熱。婦人手少陰脉動者。妊子也。內寸動左

醫宗金匱

卷之百 脉象生病

五

心驚汗出右自汗痰喘關動左寒熱口苦右食積停滯尺動骨蒸虛脫崩帶溺赤

七絕脉法

一曰雀啄連連搏指忽然止絕少頃復來如雀啄食肝絕也一曰魚翔本不動而末強搖似有似無如魚之翔心絕也一曰屋漏如屋殘漏下半時一滴胃絕也一曰解索指下散亂乍數乍疎如索之解脾絕也一曰蝦遊浮于指下始則冉冉不動少焉而去久之忽然一躍進退難尋如蝦之遊大腸絕也一曰釜沸浮于指下有出無入無復止數如釜湯沸肺絕也一曰彈石沉于筋間劈劈急硬如指彈石腎絕也凡此七脉一見皆主胃氣消亡臟元已竭死無時矣

藥性炮製歌草部一百三十九種

人參味甘功專入肺止渴生津大補元氣更能養血肺熱乃忌細皮光潤者佳去蘆切片用肺中實熱者寸洪大有力勿用反藜蘆

黃芪甘溫力專補氣收汗固表內傷有濟喘托潰瘍生肌大利綿軟箭幹者佳托裏生用補氣蜜炙一用鹽水炒表邪實而無汗者勿用托裏得防風而切速

甘草甘平健脾強胃調和諸藥解毒功最蜜炙溫中生用火退稍去小便使滋痛節主癰疽腫痛俱生用身蜜炙溫補若痞滿嘔吐者勿用反其遂海藻大戟芫花

當歸甘辛補血歸經扶虛益損退熱滋陰頭止血上行身養血中守尾破血下流全

活血不走酒浸洗淨用體肥痰盛姜汁炒恐泥膈也風邪初旺者脾虛泄瀉者濕痰浮腫者勿用

川芎辛溫生血調經能止頭痛開鬱上行小者開鬱不宜單服久服酒浸用

山藥甘溫健脾補腎補陰固精瀉痢能定消腫長肉筋骨強盛

人乳拌蒸喜麥門冬惡甘遂單食多食亦能滯氣

白朮苦甘健脾強胃除濕利水痰痞皆退大者為雲朮力大氣濁小者為台朮力小

氣清土炒微黃用之入滋陰藥中再用酒拌蒸佐黃芩則安胎君枳實則消痞傷寒動氣勿用

蒼朮甘辛健脾平胃燥濕寬中鬱結開遂米泔水浸一宿去黑皮切片炒用并能發

汗定瘧祛瘴安土燥火炎乾咳聲嘶陰虛便結者勿用

白芍酸寒能收能補平肝養血腹痛自可瀉痢崩漏安胎不若

伐肝生用止痛炒用和血補血酒炒飲血止血醋炒新產婦人勿用恐酸寒伐生生氣也反藜蘆

赤芍酸寒除熱清目破血通經癰腫宜服產後勿用

生地微寒專治血熱骨蒸煩勞止吐衄血忌見鉄器酒淨用良藥煎及子血虛寒者

勿用肥人多痰姜汁浸炒用

熟地微溫滋腎補血封填骨髓勞傷易絕烏鬚黑髮耳目清徹

用生地酒浸蒸熟晒乾再浸蒸如此九次二法用好酒在砂罐內煮一夜其色如漆則熟矣忌食同生地多痰姜汗拌炒

知母味苦滋陰止渴自汗骨蒸煩熱可合生用瀉胃火鹽酒炒瀉腎火忌鉄去毛

貝母微寒止渴消痰清心潤肺開鬱除煩去心研末用出四用陝西者佳性輕而治

上焦之痰出浙江者名土貝母性重而燥。惟治皮裏膜外痰塊結腫癰瘰一切瘡瘍之痰。然肺癰肺痿及人面瘡。古人俱用者反。

黃芩苦寒。枯瀉肺火。消痰利氣。風熱皆可。條芩安胎。除下焦火。

崩淋痛痢濕熱除苦。除風熱生用。入血分酒炒。治瀉痢姜汁拌炒。治膽熱用猪膽汁拌曬乾。細實而堅者。

各條

黃連苦寒瀉心除痞止痢厚腸濕熱自己清目除煩瘡瘍不起。

清熱酒炒。治瀉痢姜汁拌炒。開火鬱湯泡吳茱萸拌炒。去其用。腸紅下血入猪大腸中煮熟用。癰腫疥瘡生用。

大黃大寒破血消瘀快膈通腸積聚盡驅。錦紋者甘酒浸蒸熟達巔頂治頭風目疾。及久積痢病治瀉痢姜汁拌炒。治傷寒熱結生用。治瘡瘍熱結酒炒。血痢薑菜汁拌曬乾。

枯梗味辛療咽腫痛載藥上升痰嗽皆用。寬胸利膈枳殼相共。

去蘆生用。若用之治腸紅久痢大腸氣鬱之疾須炒黃色。

天花粉寒清熱止渴消痰定嗽癰腫可奪。

瓜蒌潤肺消痰下氣寬胸清熱更醫乳閉。

去壳打爛去油。用瀉者勿用。

半夏味辛燥濕化痰止吐開鬱健脾消涎。有毒凡使用白礬生薑皂牙同煮以半夏。

中無白星為度。煩渴及血症胎前勿用。反烏頭。

紫蘇其辛風寒發表梗下諸氣安胎之實。夏月不敢用麻黃以紫蘇葉代之。

蘇子潤肺開鬱下氣定喘消痰乾咳是利。為末。

白芷辛溫陽明頭痛散風驅寒排膿可用。皮膚瘙癢通經亦中。

防風甘溫諸風通用頭暈目疼骨節痺痛

去風

獨活甘辛頸項難舒腰背酸疼諸風皆除

入肺

羌活溫平身痛頭疼祛風除濕活骨舒筋

入膀胱小腸

柴胡味苦寒熱脇痛和解瘧疾升陽宜用

犯火無功咳嗽氣急痰喘嘔逆者勿用

前胡甘辛消痰解熱止嗽除痞又開氣結

亦止夜啼

香附辛甘疏氣開鬱止痛調經更消宿食

忌鐵器椿去毛發散消食生用入血分酒

炒軟堅止痛鹽水炒降虛火童便浸開鬱醋炒止血童便浸炒黑溫經艾汁炒消痰姜汁炒又有鹽酒醋童便四味合製

麻黃性溫解表出汗身熱頭疼風寒盡散

去節根切斷用之霜降後春分前傷寒表

實無汗頭疼如斧劈身熱如火熾方用之若夏秋雖頭疼發熱不可輕用也誤用則有亡陽衄血筋惕之弊根止自汗

葛根甘平陽明發表解酒止渴溫瘧可好

自汗者勿用

麥冬甘寒清心潤肺止咳滋陰煩渴皆濟更除勞熱虛火大利

溫水洗去心用不令心煩惟傷寒科帶心用之

天冬甘寒保肺清熱消痰止嗽喘渴能絕肺癰肺痿更治吐血

去心虛寒者勿用

五味味五止渴生津氣散能收滋腎強陰暑熱自汗乾咳功成

北產者佳寒邪初起咳嗽者勿用小兒尤忌凡用打碎

升麻微寒解毒散風升提下陷牙疼可攻辟瘟止瀉清胃有功

形輕堅實色青綠者佳

藁本苦辛。嶺頂頭疼。陰寒腫痛。風濕俱行。

細辛辛溫。少陰頭疼。破結通關。牙痛功成。風寒濕痺。驅散皆

反藜蘆去土葉
用不可單服

連翹苦寒。瀉六經熱。解毒消癰。通淋水洩。去心打碎除肺火
止用心赤鼻良驗

澤瀉甘鹹。利水滲濕。通淋消腫。陰汗可入。炒黃
色

延胡索溫。血結諸痛。破瘀調經。跌撲堪用。生用破血。炒用調經。
酒炒行血。醋炒止血。

地榆微寒。血熱堪用。血痢帶崩。金瘡止痛。炒黑止血。虛寒下陷。
血衰瀉痢者勿用。

防已辛苦。風濕脚腫。手足攣急。散熱消癰。去皮酒
浸洗

常山苦寒。專截瘧疾。最開結痰。水脹可食。有毒令人吐。吐痰生
用截瘧醋炒。或同烏

梅用同丁香。截三陰。犀
人小兒及虛弱久病者勿用

龍膽苦寒。療眼清熱。下焦濕痛。疸痢皆絕。酒洗用
入肝腎

玄參鹹寒。清無根火。目赤咽痛。心煩俱可。散腫解熱。腎虛能補。

反藜蘆勿犯銅氣堅
黑者佳入心肺腎

丹參味苦。定志養神。生新破瘀。崩帶調經。安胎清目。癰腫能平。

酒浸去蘆
用反藜蘆

苦參苦寒。燥濕清熱。癰腫瘡疥。逐水散結。黃疸腸風。殺蟲妙訣。

反藜蘆以糯米泔浸一夜去
浮面腥氣晒乾一用酒拌炒

紅花辛溫。最消瘀血。多則通經。少則養血。兼治跌撲。瘡毒解截。

三稜苦平。行血。行氣。消癥。削堅。虛人當忌。麵裹煨。切片。醋炒。用。畏。牙。硝。

蓬朮苦溫。破積。消聚。止痛。行血。通經。最易。消食。開胃。醋炒。用。例。

天麻辛平。風熱。眩暈。驚悸。風癰。癰瘰。俱應。濕紙裹。煨。熟。用。

南星苦辛。能治。風痰。破傷。跌打。下氣。開閉。麻痺。風疾。癰腫。皆安。

姜湯泡透。切片。姜汁浸炒。用。妊娠勿服。為末。入臘月黑牯牛膽中。陰干。名膽南星。

秦艽苦辛。去濕。活筋。肢節。風痛。腸風。骨蒸。酒洗。切片。

遠志辛溫。益智。寧心。清目。利竅。壯陽。補精。甘草湯泡。去心。用。

破故紙溫。腰膝。酸痛。與陽。固精。鹽酒炒。用。骨脂。即補。

葫蘆巴溫。煖補。腎臟。膀胱。諸疝。脹痛。皆除。酒洗。用。

何首烏甘。添精。種子。黑髮。悅顏。長生。不死。忌犯。鐵器。九。蒸。九。晒。用。之。

骨碎補溫。骨碎。折傷。固齒。驅風。殺蟲。最良。姜。即。猴。

威靈仙溫。腰膝。冷痛。積痰。痲痺。風濕。通用。酒洗。

牛膝味苦。除濕。痺痿。腰膝。酸疼。益陰。補髓。去。芦。酒。洗。用。

黃精味甘。能安。臟腑。五勞。七傷。此藥。大補。洗。淨。九。蒸。九。晒。用。之。鈎。吻。畧。同。切。勿。誤。用。

蒲黃味甘。逐瘀。止崩。止血。炒黑。破血。宜生。酒。浸。洗。用。

續斷味辛。接骨。續筋。跌撲。折損。且固。遺精。洗。用。忌。犯。鐵。器。

益母草甘。調經。所宜。產後。胎前。生新。去瘀。洗。用。忌。犯。鐵。器。酒。

菴蓉甘溫。峻補。精血。若驟。用之。反動。便滑。洗。去。浮。用。忌。犯。鐵。器。酒。

鎖陽性溫補陰固精大便燥結酥炙用行者大便不寔

車前性寒溺瀝眼赤利水止瀉帶濁有益研用

紫苑苦辛血痰上氣補虛定喘寒熱並濟酒洗

百部微寒肺熱咳逆傳屍骨蒸殺蟲有力酒洗

百合味甘安心定膽止嗽消浮癰疽可啖

款花甘溫理肺消痰肺癰喘咳定悸除煩

兜鈴苦寒肺熱久嗽定喘消痰能薰痔漏根各青木香下氣甚速兼治小兒氣

青黛性寒開鬱清火驚癇疳痢發斑俱可

耳菊味甘除熱祛風頭眩目赤收淚有功酒洗晒乾用

意苡味甘專除濕痺筋節拘攣肺癰肺痿去壳淨

丹皮苦寒止血通經和傷清熱無汗骨蒸酒洗

兔絲甘平夢遺滑精腰疼膝冷補髓益陰水淘淨用白酒糯米泔同入砂罐內煮爛

成餅晒乾入諸藥用

茴香性溫能除疝氣腎臟虛寒調中煖胃鹽湯浸炒

砂仁性溫養胃進食止吐安胎通經破滯炒為末

白蔻辛溫能却癰瘡益氣調元止嘔開胃去壳炒為末

肉蔻苦溫脾胃虛冷寫痢不休功可立等麴裏煨熟研碎用

草蔻辛熱治寒犯胃作痛嘔吐不食能遂擣末用

草菓味溫消肉除脹截瘧逐痰解瘟辟瘴檇未用

葛蒲辛溫開心通竅去痺除風清聲至妙

附子辛熱性走不守四肢厥逆回陽功有厥冷回陽用生引諸藥行經用麴裏火煨

去皮臍切四片用童便浸透燒乾若入補益丸中切六片先用甘草防風同煮三四滾去皮臍再防再用童便煮一日晒

乾片無毒也

天雄大熱壯陽補火陰寒止痛面風亦可製同附子

烏頭性熱溫經去風手足拘攣回陽兼用製同附子

射干味苦咽喉腫痛欬逆上氣消痰有中

旋覆鹹耳驅風開結脇滿稠痰水濕能絕

大戟苦寒消水利便腫脹癥堅其功暝眩反甘草

商陸酸寒赤白各異赤者消腫白利水氣

葶藶性寒利水消腫痰欬癥瘕治喘肺癰隔紙炒用

牽牛性寒利水消腫蠱脹疰瘕散滯除壅妊娠忌服黑者屬水力速白者屬金效遲

研爛取頭末用

草薢耳苦風寒濕痺腰背冷疼添精益氣

木通辛甘小腸熱閉利竅通經最能導滯乳閉難產淋濁皆治

通草味甘善治膀胱消癰散腫能通乳房

燈草味淡清心定驚除熱利水夜啼如神

石斛味甘。却驚定志。壯骨補虛。冷閉可恃。去根酒洗。一法蜜炙。

石葦苦甘。清熱利水。癰閉五淋。癰疽可委。拭去毛羊脂。妙焦黃用。

白蒺藜苦。療瘡癢。瘡白癰。頭瘡。翳除目朗。去刺川。

青箱苦寒。治風熱濕。明目堅筋。殺蟲有力。

水賊味甘。益肝退翳。能止月經。積聚更奇。

茅根甘寒。止血治淋。利水和傷。除熱通經。壽消。

仙茅辛溫。腰足攣痺。壯陽補血。勞傷莫離。烏荳湯中浸。一夜酒拌蒸用。

鬱金苦溫。破血生肌。吐衄溺血。鬱結功奇。小者為。鬱金。

薑黃味辛。消癰破血。心腹疼痛。下氣最捷。大者為。薑黃。

牛蒡辛溫。能消瘡毒。癰疹風熱。咽疼可逐。一名鼠粘。子打未用。

紫草苦寒。心腹邪氣。利竅通水。癰腫大利。酒洗。

白薇苦鹹。利水益陰。中風帶下。寒熱酸疼。酒洗。

白附辛溫。治面百病。血痺風瘡。中風諸症。

白蘚皮寒。黃疸頭風。咳逆濕痺。疥癬功同。

蘆薈性寒。殺蟲消疳。癰癤驚搐。服之立安。

胡黃連苦。治勞骨蒸。小兒疳痢。盜汗虛驚。并治。痔漏。

澤蘭甘苦。癰腫能消。打撲傷損。月事可調。用葉調經。酒洗用。

青蒿苦寒。骨蒸勞熱。虛煩盜汗。殺蟲功烈。童便浸。晒乾用。

巴戟天溫助腎添精疎風辟邪酒浸方靈

去骨酒洗

蘭葉甘辛散久鬱氣胆瘴消渴劫痰癖利

用草蘭葉

決明子甘能除肝熱目疼收淚仍止鼻血

炒爲末

葶麻子辛利水消脹無名腫毒其功莫量

塗足心下胞胎塗臍頂收生腸去壳擣用

蘆根甘寒客熱消渴噎膈吐逆利水皆活

擣汁用

蛇床苦辛風寒濕痺諸惡瘡癰陰痛能醫

炒

金銀花甘療癰無對未成則散已成則潰

山豆根苦療咽腫痛敷蛇蟲傷可救急用

俗名金鎖匙用根口嚼汁吞止咽喉腫痛

艾葉溫平驅邪逐鬼漏血安胎心寒必委

擣作絨灸百病

溲荷味辛最清頭目祛風化痰骨蒸宜服

稀莢味苦祛風除濕明目補元烏鬚強骨

酒蒸用

蒲公英寒消瘡結核化食散滯乳癰可食

夏枯草寒療癰瘰癧散血破癥目痛須求

藿香辛溫能止嘔吐發散風寒霍亂功大

荊芥味辛能清頭目表汗祛風治瘡消毒

止血炒黑用

香薷味辛傷暑便澀霍亂水腫除煩解熱

蒼耳甘溫風寒濕痺頭風腦漏疥癬功奇

炒擣用

茵陳味苦退濕除疸明目發汗清熱所攬

使君子溫消痔清濁瀉痢諸蟲驅除爲樂去壳取肉殺蟲半生半蒸用

良薑性熱下氣溫中轉筋腹痛宿食能攻

石蓮苦寒噤口痢疾解熱開胃白濁淋瀝去壳

劉寄奴溫破瘀通經金瘡出血下氣除癥

木部共五十四種

扶神補心善鎮悸驚健忘善怒益智安神去皮木用

茯苓味甘淡滲濕利竅白化痰涎赤通水道去皮入補藥川人乳拌蒸

琥珀味甘安魂定魄破瘀消癥利水通塞細研治瘡用葱汁拌煮乾研用

松香性溫主安五臟殺蟲定痛惡瘡皆當治瘡用葱汁拌煮乾研用

栢仁味甘補心益氣斂汗扶陽更除驚悸去壳去油取霜用

肉桂辛熱善通血脉腹痛虛寒溫補可得不見火

桂枝小枝橫行手臂止汗舒筋手足痺利佐麻黃發汗同芍藥止汗

木香微溫散滯和胃諸氣能調吐痢功最治血分酒磨入氣分湯磨治濕治痰姜汁

磨不見火

山梔性寒解鬱除煩吐衄胃病降火不難清上焦鬱熱用慢火炒黑清三焦寔火生

用能清曲屈之火

吳茱萸熱能調疝氣臍腹寒疼吐酸用利去梗炒

山茱萸溫益髓澁精除腰膝痛腎虛耳鳴去核酒洗用一云核味清遠精者連核用

蔓荊味苦頭痛能醫能除眼淚拘攣濕痺

杜仲辛溫強筋壯骨足痛腰疼小便淋瀝

烏藥辛溫心腹脹痛小便滑數順氣通用

厚朴苦溫消脹除滿痰氣瀉痢其功不緩

黃柏苦寒降火滋陰骨蒸濕熱下血堪任

或生用隨病用之

桑皮甘辛止嗽定喘瀉肺火邪其功不淺

枸杞甘溫固髓添精明目祛風種子如神

骨皮苦寒解肌退熱有汗骨蒸強陰涼血

棗仁味酸斂汗祛煩多眠用生不眠用炒

益智辛溫安神益氣遺溺遺精嘔逆皆濟

檳榔辛溫破氣殺蟲逐水祛痰專除後重

腹皮微溫能下膈氣安胃健脾浮腫消去

丁香辛熱能除寒嘔心腹疼痛溫胃可求

冰片辛苦善開喉閉消風明目殺蟲亦易

猪苓味淡利水通淋消腫除濕多服損腎

蘇木甘鹹能行積血產後月經兼醫撲跌

沉香降氣暖胃追邪呃逆足冷壯陽破結

忌見火生磨

去粗皮鹽酒炒斷絲一用酢炙一姜汁炒

去粗皮姜汁炒亦有生用者

去粗皮切片蜜炒鹽酒炒人乳炒童便炒

酒洗

酒洗

去壳研末

去壳研末

水洗三四次再用甘草湯洗曬乾

氣血勝者忌下香以其益氣也

去砂石

乳香辛苦療諸惡瘡生肌止痛心腹痛良去油為末

沒藥溫平治瘡止痛跌打損傷破血通用去油為末

木瓜味酸濕腫脚氣霍亂轉筋吐血有利

竹葉味甘退熱安眠化痰定喘煩渴安然用淡竹者佳

天竺黃寒解煩除驚驅邪逐痰明日清心

金櫻子溫澁精除嗽脾洩下痢崩帶功奏去心剉煎膏用

郁李仁酸四肢浮腫潤腸破血下氣寬中去壳用

蕪荳辛溫痔瘻疥癬消疔去積殺蟲不鮮去衣麴炒黃用

五加皮寒祛痛風痺健步堅筋和傷並奇去骨

楮實味甘壯陽助膝堅筋益氣明目妙經酒浸一宿蒸用

秦皮性寒散風去濕風熱驚癇目赤有力

密蒙茸寒主能明目虛翳青盲服之效速

辛夷辛溫寒熱頭風面腫齒痛通鼻溫中

蕤仁性溫理氣消痰目赤風腫止淚相閉破核取仁去皮尖研用

女貞味苦養精補陰去風除濕黑髮強筋酒浸晒乾用

五倍苦酸痺風癰疥止瀉清精明目功快

牙皂辛鹹通閉開竅頭目風淚脹食皆效

巴豆辛溫削堅蕩積破癥消痰通利有力去皮心膜或生或熟聽用

金鈴性寒大熱顛狂通水利便心痛亦當
 雷丸苦鹹解蠱殺蟲胃熱癰瘡逐水有功
 鉤藤味苦小兒寒熱驚癇胎風舒筋活血
 血竭味鹹跌撲損傷生肌止痛破血功良
 茶茗微寒解渴能濟上清頭目消痰下氣
 阿魏辛溫除癥破結禁瘧殺蟲傳尸可滅
 乾漆辛溫通經破積除痺殺蟲心疼有益炒令盡用
 楓香辛苦辟惡驅風齒痛下痢癰瘡有功一名芸香
 蜀椒辛熱冷氣欬逆風寒積聚辟瘴消食微炒出油開口者勿用

菜部十種

生薑性溫散風驅寒痰嗽嘔吐泄痢能安
 乾薑味辛溫中發表沉寒痼冷其功不小炒黑能止血并代虛熱
 蘿蔔辛溫下氣消食止嗽解渴消麴宜吃熟者補脾胃卜子功相同炒研用
 白芥子溫專化脇痰瘰癧胃下氣除涎炒研
 韭味辛溫補腎益陽遺精白濁瘀血堪嘗搗汁用子功用九勝神昏目暗者勿服忌
 大蒜辛溫化肉消穀霍亂轉筋散癰解毒多用傷目
 胡荽辛溫頭疼消食散痧驅痘肢熱有益忌斜蒿同食令人汗死

糖蜜
牛肉

葱白辛溫散邪發汗傷寒頭疼安胎有幹良蜜松葉常山同食殺人
冬葵子寒療淋利便主滑胎產通乳立見
白冬瓜甘煩渴最善消脹止淋能通二便

人部九種

人乳味甘補陰益陽悅顏明日羸瘦仙方
金汁耳寒解毒療瘡天行狂熱虛熱可當
尿蛆甘鹹療疳除積肚腹脹滿小兒有益
童便鹹寒勞熱吐血衄痰喘咳嗽產後勞蓐生津止渴和傷功足
髮灰苦溫治嗽驅淋補陰止血吐血衄如神多產婦人將髮洗淨置餅中火煨通紅灰

冷研用髮灰酒服極善催生

紫河車溫療諸虛損勞瘵骨蒸培植根本
天靈蓋鹹傳屍勞瘵癰瘡血崩投之有賴人頂蓋骨燒存性
死人枕鹹傳屍鬼疰邪氣石蛻煎湯可恃用畢送還原處人腦後骨

禽獸部十九種

黑嘴白鴨大補虛勞兼除水腫熱毒可消白目者能殺人忌齧驚肉
烏骨毛雞甘溫補虛折傷諸癰安胎並奇
雄雀性熱壯陽益氣腦主耳聾血點雀膏糞名白丁香能潰癰疽
雀卵酸溫男子陰痿益精種子下氣可委

伏翼味鹹去翳明目逐淋利水延年久服尿名夜明砂主寒熱積聚

龍骨甘平夢遺精泄崩帶腸癰瀉痢驚熱

虎骨味辛治脚膝定痛追風能壯筋力酥炙搗末

犀角酸寒化毒辟邪解熱止血顛狂自歇搗末用

羚羊角寒明目清肝卻驚解毒和熱能安鎔末研

牛黃味苦大治風痰安魂定魄驚癇靈丹研

麝香辛溫善通關竅伐鬼安驚解毒甚妙蒜忘大

鹿茸甘溫益氣滋陰洩精尿血崩帶虛羸酥炙用

阿膠甘溫止欬膿血吐衄胎崩虛羸可啜蛤粉炒成珠或麴炒

能膽苦寒風痰狂執驚癇黃疸惡瘡可絕辟塵者佳

臘臍熱添精助腎心腹疼痛補虛堪任

狗肉鹹熱壯陽補傷更益氣力帶漏亦良

羊肉甘熱補脾益氣虛勞寒冷心驚能濟

黃牛肉甘健脾益氣壯骨強筋乳養心肺更解熱渴大腸滑利

猪肉性溫補脾益氣蹄能下乳瘡瘍皆利臟止腸紅肺能潤肺

腎止腰疼心定驚易舌能健脾油塗瘡側腦治頭眩顧消積痢

多食動風生痰最忌

蟲魚部共二十六種

蜂蜜甘平益氣補中止咳解毒潤腸有功除煩定驚虛熱可攻

蠟能止痢瘡瘍所通蜜煉熟用忌生葱

牡蠣鹹寒溫精止汗崩帶脇疼老痰祛散火煨研末左顧者佳

珍珠氣寒鎮驚除癇開聾磨翳止渴墜痰研極細用

石決明鹹青盲內障風熱骨蒸益精可仗九孔七孔者良以麴裹煨研細用

龜甲鹹甘滋陰補腎逐瘀續筋更醫顛顛酥炙研細用

鼈甲鹹平勞嗽骨蒸散瘀理瘡去痞除崩酥炙研細用醋炙亦可

蕪州烏蛇專主諸風癰瘡瘰癧風淫有功鬚眉脫落塞耳治

酒洗酥炙用

花蛇性溫癰瘰癧斜大風癰疥諸毒莫嗟

蝦蟇甘寒除邪破血解熱療痔癰腫宜貼

蠍味甘辛中風風癰手足抽掣風痰可捐去鹽上炙黃用

五靈脂溫力能行血心腹疼痛目翳能絕產暈兒疳炒熟止血

蜈蚣辛溫解蠱蛇毒心腹結聚墮胎力足去頭足炙黃用

蝸牛鹹寒筋脉拘攣脫肛痔瘡疥毒兒疳或生用或炙用

僵蠶味鹹諸風驚癇濕痰喉痺瘡毒潰堅炒黃擣末

蟬退甘寒消風定驚殺疳除熱退翳催生

蝟皮苦甘腸風痔漏翻胃腹痛陰腫功奏酥炙黃擣末

土鼈味鹹。折傷行血。下乳通經。去積尤捷。火酒浸瓦上炙乾用

羌螂鹹酸。通腸治脹。破血墮胎。驚風全仗。去足翅火炙

斑貓有毒。破血通經。諸瘡癰癰。水道能行。去足翅糯米拌炒以米黃為度去米用

山甲性寒。五疔驚悸。惡瘡疥癬。去風亦易。上并炒黃耆末

鯽魚味甘。溫胃健脾。補虛進食。腸風能醫。燒灰可敷諸瘡

鯉魚味甘。平氣喘咳。逆水腫黃疸。止渴安胎。

烏賊骨鹹。驅翳止淚。崩漏帶下。金瘡血遂。

鰻鱺味甘。平療虛壯陽。傳屍諸蟲。帶下陰瘍。煎膏可塗癰

鱈魚味甘。溫產後淋瀝。腸鳴腹痛。脾氣補益。血塊塗癰

蟹味鹹寒。散血破結。養筋益氣。胸煩悶洩。膏塗漆瘡。主破血障暗

金石部共三十種

金銀箔辛。安心養神。驚悸顛狂。邪熱俱靈。多服有毒。以鵝鵝肉解之

黃丹味辛。吐逆顛狂。止痛生肌。截瘧神方。熬鉛所作。山東者佳。入血分

胡粉性寒。殺蟲解毒。破結消癰。生肌長肉。化鉛所作。入氣分

銅青苦澁。斂瘡止血。清目殺蟲。去腐妙訣。

鐵漿性平。鎮心墜結。顛癰狂亂。解毒亦捷。

水銀辛寒。殺蟲除疥。墮胎絕孕。昇丹功大。

輕粉辛寒。瘡瘍拔毒。蟲癰疥癩。疔積亦服。即水銀所昇者

陀僧辛鹹鎮心墜痰嗽嘔瘧痢癰痔俱關研細水飛用不可多服

丹砂甘寒明目鎮心除煩止渴益氣安神研末水飛用并煉服之殺人

鐘乳甘溫壯元益陽利竅下乳解毒甚良研末水飛用

白礬酸寒清喉明月寒熱洩痢諸瘡解毒光明如水晶者佳收斂之劑弗宜驟用

禹餘糧甘骨節疼痛寒熱咳嗽煩滿崩中煨

朴硝性寒攻下燥結留血停痰傷寒實熱煉作芒硝性緩再煉名玄明粉性更緩

滑石甘寒利水解渴開胃降火傷暑能活白色者佳研細水飛用

石膏性寒清胃解肌止渴生津頭疼可醫大熱生用煨熟研末性緩兼敷熱瘡

青鹽性寒補腎益氣明目止痛更消積聚

食鹽味鹹能吐中痰心腹卒痛過多損顏炒熱熨心腹諸痛并洗眼

雄黃甘辛辟邪解毒更治蛇虺喉風癰肉中無砂石者研細水飛用

紫石英溫寧心定驚咳逆邪氣腫毒能傾

赤石脂溫保固腸胃潰瘍生肌瀉痢功最火煨紅研用

寒水石寒能清大熱腹中積聚熱渴俱提研用

蓬砂性溫止嗽消痰善理喉痺破結開關研用

膽礬性寒清熱殺蟲善吐風痰驚癇可攻研用爲末吹乳驚立効

青礬石辛蕩滌宿痰消磨食積其功不凡研細同火硝煨紅水淘淨曬乾用

無名異平消腫敗毒止痛生肌金瘡長肉研細用法醋磨

玉屑味甘明目養神除煩止渴寧心定驚擣如米苦酒浸之消如泥用

自然銅辛主破積聚療傷續筋止痛最易火煅醋淬九次

石燕性涼利便除淋腸風痔漏產難能平火煅醋淬九次研細水飛用

磁石鹹寒能療濕痺目昏耳聾腫毒亦醫吸鉄者佳火煅醋淬七次研細用

硫黃大熱除癰疥瘡壯陽逐冷殺蟲妙方甘草湯煮研用

菓部共十八種

陳皮甘溫順氣寬膈留白和脾消痰去白麩炒

青皮苦寒能攻氣滯消堅平肝脇痛能治醋炒去穢

枳殼微溫快氣寬腸胸中氣結脹滿爲良麩炒去穢

枳實味苦消食除痞破積化痰冲牆倒壁麩炒去穢

杏仁溫苦風痰喘嗽大腸氣閉便難功奏泡去皮尖炒爲末用

桃仁甘寒能潤大腸通經破瘀血瘀堪嘗去雙仁泡去皮尖炒爲末用

大棗味甘主和百藥能益五臟補氣虛弱入藥煎洗淨打碎入丸藥煮爛去皮核

烏梅酸溫收斂肺氣止渴生津能安瀉痢自汗腸紅截瘧亦利

藕味甘平散悶除痢消食止渴更解熱毒汁止吐血節和傷速

枇杷葉苦止嗽清痰和胃定嘔解渴除煩剉去黃毛蜜炙用

榴皮酸濇精漏下痢腸風下血染鬚亦易子能止渴花醫吐血

山查其酸健脾消食行血散氣癰疽有益擣末用炒黑能治血積

梨性甘寒消痰止嗽清喉降火解渴功奏精攪取汁用

柿甘澁寒主潤心肺痰嗽熱渴止血須記柿乾補虛厚腸止痢忌同蟹食呃逆用蒂

芡實甘平補脾瀉精煖腰去濕明目安神去壳炒

胡桃甘平和傷通經肌膚滑潤腰痛如神去衣用過食動風生痰

龍眼甘溫補虛益智健忘怔忡明目同治中滿氣膈者勿用去壳取肉

橄欖甘滑開胃下氣酒食渴瀉魚毒皆利核中仁可塗口唇燥裂

穀部共十一種

麥芽性溫下氣消食健脾開胃止脹吐逆炒黃所用

神麴甘溫消食開胃止瀉逐痰脹滿能退炒研

酒性大熱辟穢禦寒通行血脉莫飲太酣外科及和傷藥酒水各半煎行經藥煎熟

後入酒

醋消腫毒胃脘氣疼能消積聚血暈如神中滿嘔吐濕熱者勿用

飴糖甘溫潤肺和脾嗽渴白汗消痰補虛熱者勿用

胡麻甘平潤肌填腦益氣補虛明目不老蒸九次

白藟甘溫補脾止瀉霍亂轉筋酒毒須藉葉主蛇蟲咬傷花主赤白帶下炒搗

赤小豆平止瀉利水排癰解熱便血功最或炒或煮

芝麻性甘行風通血滑腸潤肌白濁能絕油能解毒疥癬妙訣

豆豉苦寒煩燥滿悶寒熱頭痛解表須問

菜豆其寒散癰厚腸消腫下氣執毒最良

十八反歌

本草明言十八反夏瓜母白白頭藻大其花半婁貝斂芩攻烏海戟遂芫俱反草諸參辛芍叛藜蘆參謂人參丹參苦參玄參沙參

十九畏歌

硫黃原是火之精朴硝一見便相爭水銀莫與砒霜見狼毒最怕蜜陀僧巴豆性烈最為上偏興牽牛不順情丁香莫與鬱金見牙硝難合京三稜川烏草烏不順犀人參最怕五靈脂官桂善能調冷氣若逢石脂便相欺大凡修合看順逆炮燼炙煉莫

相依

君臣佐使法

弘景曰用藥猶如立人之制若多君少臣多臣少佐則氣力不周也按神農本草經以養命上藥為君養性中藥為臣治病下藥為佐使岐伯曰方制君臣者主病之謂君佐君之謂臣應臣之謂使非上中下三品之謂也張元素曰為君者最多為臣者次之佐者又次之藥之于證所主同者則各等分李杲曰凡藥之所用皆以氣味為主補氣在味隨時換氣主病為君假令治風防風為君治寒附子為君治濕防已為君治上焦熱黃芩為君

中焦熱黃連爲君。兼見何證以佐使藥分治之。此制方之要也。本草上品爲君之說各從其宜爾。

制度引經法

陳嘉謨曰製藥貴在適中。不及則功效難求太過則氣味反失。火製四煨炮炙炒也。水製三漬泡洗也。水火共製蒸煮二者焉。法造雖多不離于此。酒製升提薑製發散入鹽走腎而軟堅用醋注肝而住痛童便製除劣性而降下米泔製去燥性而和平。乳製潤枯生血蜜製甘緩益元陳壁上製竊真氣而驟補中焦麥麩皮裂抑酷性勿傷上膈烏豆湯甘草湯漬曝並解毒致令平和羊酥油猪脂油塗燒咸滲骨容易脆斷去穢者免脹抽心者除煩大槩具陳初學熟玩。

服藥時候法

本經曰病在胸膈已上者先食後服藥病在心腹已下者先服藥而後食病在四肢血脉者宜空腹而在且病在骨髓者宜飽食而在夜東垣曰古人服藥活法病在上者不厭頻而少病在下者不厭頻而多少服則滋榮于上多服則峻補于下凡云分再服三服者要令勢力相及并視人之強弱病之輕重以爲進退增減不必泥法好古曰用藥若寒熱各半晝服則從熱之屬

而升。夜服則從寒之屬而降。或晴則從熱。陰則從寒。變化不一。如此。此三論各呈妙旨。學者于此貫通之。自能得其活法也。

咬咀丸散合宜法

李杲曰。湯者蕩也。去大病用之。散者散也。去急病用之。丸者緩也。舒緩而治之也。咬咀者。古制也。古無鐵刃。以口咬細。煎汁飲之。則易升易散而行經絡也。凡治至高之病。加酒煎。去濕以生。姜補元氣。以大棗發散風寒。以葱白去膈上痰。以蜜細末者。不循經絡。止去胃中及臟腑之積氣。味厚者。白湯調。氣味薄者。煎之和滓服。去下部之病。其丸極大而光且圓。治中焦者。次之。治

上焦者。極小。稠麵糊取其遲化。直至中下二焦。或酒或醋取其易散之意也。犯半夏南星欲去濕者。丸以薑汁稀糊取其易化也。水浸宿炊餅又易化。滴水丸又易化。煉蜜丸者。取其遲化而氣循經絡也。蠟丸取其難化。而旋旋取効。或毒藥不傷脾胃也。

煎藥法

李時珍曰。今之小小湯劑。每一兩用水二甌為准。多則加。少則減之。如劑多水少。則藥味不出。劑少水多。又煎耗藥力也。凡煎藥。並忌銅鐵器。宜用銀器瓦礫。洗淨封固。令小心者看守。須識火候。不可太過不及。火用木炭蘆葦為佳。其水須新汲味甘者。

流水井水沸湯等各依方。若發汗藥必用緊火熱服。攻下藥亦用緊火煎熟。下硝黃再煎溫服。補中藥宜慢火溫服。陰寒急病亦宜緊火急煎服之。又有陰寒煩燥及暑月伏陰在內者皆水中沉冷服。

貴賤少長異治

宗奭曰人有貴賤少長病當別論。病有新久虛實理當別藥。蓋人心如面各各不同。惟其心不同臟腑亦異。欲以一藥通治衆人之病其可得乎。張仲景曰有土地高下不同物性剛柔食居亦異是故黃帝興四方之問岐伯舉四治之能且如貴豪之家。

形樂志苦者也。衣食足則形樂而外實思慮多則志苦而內虛。故病生于脉與貧下異。當因人而治。後世醫者委此不行所失甚矣。又凡人少長老其氣血有盛壯衰三等。故岐伯曰少火之氣壯壯火之氣衰。蓋少火生氣壯火散氣。况衰火乎。故治法亦當分三等其少日服餌之藥于壯老之時皆須別處決不可忽。病在上而求諸下。

示吉曰凡病頭痛目痛耳紅腮腫咽喉腫痛一切上焦等症。除清涼發散正治外更有三法。大便結脉沉實者用酒蒸大黃三錢加入本湯中微下之名。釜底抽薪之法。大便如常脉無力用。

牛膝車前引下之名引火歸原之法如大便洩瀉脉沉足冷者宜六味地黄丸加牛膝車前肉桂足冷甚者加熟附子是冷極于下而迫其浮火上升也各導龍入海之法若不知此不免頭痛醫頭之誚也

一同學年二十餘歲患腮腫醫以清涼散火之劑不效一夜舌忽腫塞口命在須臾叩門求救予診其脉微細而數大便四五日不行矣微數雖屬虛火而便結又已屬實予用百草霜吹舌上內用酒蒸大黃五錢肉桂一錢引火下行一劑而愈一友始而牙痛既而咽腫醫投涼藥痛轉甚予診其脉沉細大

便一日二三次予曰浮火上升也其足必冷察之果然以金匱腎氣料作湯與之服完即睡覺來病失矣

病在下而求諸上

示吉曰凡治下焦病用本病藥不愈者須從上治之如足痛足腫無力虛軟膝癢紅腫用木瓜米仁牛膝防已黃柏蒼朮之品不愈者定是中氣下陷濕熱下流用補中益氣升提之若足軟能食而不能行名曰痿症宜清肺熱如治泄瀉用實脾利水之劑不效亦用升提補中益氣去當歸加蒼朮炮姜脉遲再加故紙肉苁如治下痢日數行寸口脉滑者宜吐之如治溺血用京

血利米不效宜清心蓮子飲清心復不止再加升麻柴胡如治
大便下血用地榆側柏槐花棕灰蒲黃荆芥血餘阿膠等件不
效者若兼泄瀉再診其脉如右開微細或數大無力是脾虛不
能攝血宜用六君子加炮姜若右開沉緊是飲食傷脾不能攝
血予製沉香末子甚驗若右寸洪數大便如常是實熱在肺熱
主流通傳于大腸宜清肺熱用麥冬花粉玄參枯苓桔梗五味
枳壳之類如小便閉用五苓車前瞿麥不效者須加清肺藥桑
皮桔梗玄參之類脉虛口渴者用生肌散加燈心木通之類經
云氣化則能出矣若上部脉滑有痰是痰壅于上如玉漏之上

竅塞而下竅閉也宜用二陳四君煎大劑頓服鵝翎探吐之
徐萬壽楓江人年二十餘歲七月中下血不止連醫不效至十
月初屢次昏暈事急矣求治于予予診之右寸獨得洪數是必
實熱在肺傳于大腸也用麥冬花粉桔梗玄參黃芩山枝五味
沙參服數劑而愈

胡明甫年五十餘患臙瘡三載沿皮瘙癢微腫色紫黑用膏藥
蓋之則流水鞋襪盡濕去膏藥即又燥烈痒痛難忍易醫數人
內外兼治日甚一日不得已而求予予曰予非瘍醫然亦識之
此濕熱下流也人但知燥濕清熱解毒而不知濕熱之原從脾

家下陷耳遂用補中益氣湯升舉其氣更加黃柏清熱蒼朮燥濕茯苓澤瀉利水蓋治濕不利小便非其治也彼求外敷藥適在山中未便細思之燥濕散瘀者無如陳石灰清熱者無如側柏汁皆山中所有遂以石灰研末梔柏汁調勻稍加火酒爲從治之具試之明日則瘡乾矣數日而全愈

吳江吳姓者巨族也有子十餘歲下血已久百藥不效乘便過潮乞藥予以沉香末子數服與之一月後遇諸塗復索前藥甚急予曰尚未愈乎彼曰子愈矣猶子亦病此也後服之亦愈蓋小兒多因食傷脾胃以致不能捍血也昔丹溪已言及之其外泄瀉溺塞痠症治驗頗多然古人已有成案予又附之則蛇足矣

虛中寔

虛中寔者本虛而標寔也如年老久病氣血兩虛若兼內有所積外有所感補之不應也至于傷寒熱病後元氣雖虛補之必復熱若多食食復尤宜消導瘧後痢後中氣脾元未復飲食易傷風寒易襲最宜細察產後發熱血虛者多若兼惡露不行腹有塊痛其熱也血滯無疑若兼胸腹滿悶咽酸惡心其熱也停食無疑若不用行瘀消導而概施補血之品其能愈乎小兒痘

後惟當補益。倘兼他病亦宜察風食而調理之。蓋表虛則風易入。脾虛則食易傷也。

周忠介公夫人年六十餘。患痰喘五六年。醫藥無効。士材先師診之曰。右寸浮洪。肺有定邪。須用麻黃石羔半夏防風細茶生薑等件。藥雖峻而病當之無畏也。投之果愈。但麻黃止可用二三分。服後兼須避風耳。

山塘吳氏母年六十餘。外患腹痛。日瀉四五行。已三四年矣。遍治不愈。予診之。二尺沉緊。予曰。內有沉積也。用熟大黃三錢。入本病藥中煎服一劑。而病如失。

管子諫夫人小產後惡露不止。屢發昏暈。面色恍白。惡心不食。自汗六脈微細而數。治以四物湯加參朮。姜衣服數劑。虛症稍退。而血亦止。但大便秘結。腹痛不食如故。而噤酸發熱尤甚。諸醫束手。予于前方中加酒蒸大黃二錢。大便始潤。而發熱噤酸漸愈。

崇明蕭氏寄居吳門之西山。有婦二十餘歲。素虛弱。患熱病。將一月。醫者滿堂。藥愈一夕忽死。其父叩門求救。予曰。已死矣。又何救焉。彼曰。死其分也。若得一決。尤所甘心。不得已而往。至其家。帳已揭。帛已焚。慟哭之聲徹于中外。予就視之。脉雖無。重按

尚存心口微溫。予曰似有生机。卽用竹瀝燈心生姜湯灌之。咽下一口。少頃微動。細察之。腹痛甚。問其大便。云二十日不食。亦不行矣。予以大黃一兩。芒硝五錢。桃仁當歸各三錢。與之。衆駭。口素有弱症。且病久何能堪此。予曰更有法在。強與之。遂去黑物半桶。卽用人參五錢煎湯補之。蓋因其素弱。急下後不得不峻補也。調理月餘而愈。今連生三子。此諸醫因其虛而不治其實。幾快矣。從此亦可例推。

寔中虛

寔中虛者。今實而素虛也。如病人現在頭疼。身痛。拘急。惡寒發熱。無汗。此表寔也。宜汗之。若其人有虛症。或止衄下血。或夢遺滑精。或小便淋瀝。或大便瀉利。或內傷勞倦。或房勞陰虛。或動氣瘡痛。或胎前產後。或熱入血室。或口燥咽乾。或尺脈微弱。俱不可汗。亡之則自汗亡陽。而變爲肉潤筋惕等症。如病人現在發熱潮熱。煩渴譫語。腹脹硬滿。大便五六日不通。此裏寔也。宜下之。若其人有虛症。或內傷勞倦。或房勞陰虛。或氣血兩虛。或胎前崩漏。或經水適來適斷。或小便清白。或手足逆冷。或臍有動氣。或腹痛按減。或六脈無力。或小兒病後慢驚。或傷寒惡寒及表症在者。俱不可下。亡之則自利亡陰。而變爲逆冷昏

沉等症。如病人現在胸滿鬱。微煩。或食在胃口。或喉中有痰。或胸中懊憹。或寸口脉滑。皆病在膈上也。宜吐之。若其人老弱。氣衰。或吐血。崩漏。或勞倦內傷。或好怒喜淫。或胎前產後。或熱入血室。俱不可吐。吐之則自吐不止。而變為呃逆。喘急。厥逆等症。外如胸腹脹滿。是也。若其人平素少食。或不思食。或右關微細。或脹滿。手揉則軟。或不暖。氣作酸。惡食。俱屬脾虛。不運化。如胸脇腹中諸痛。實也。若其人手按痛減。則為虛症。氣血不能運行。上氣喘急。實也。若其人勞倦內傷。或奔走大過。或房勞陰虛。皆為氣虛。不得歸元。面赤煩燥。實也。若足冷脉沉無力。自利。則

為陽虛。陰極發燥之症。凡此種。皆虛實互見。或虛症似實。失辨為害最速。故先哲已詳言之。

示吉曰。識藥易。察病難。察病易。用藥適中難。何也。古人用藥。有因天之寒溫而異。有從人之虛實而殊。故麻黃汗藥也。或代之以羌活。或易之紫蘇。或佐之以石膏。久虛無汗。身痒如蟲行。乾葛亦解表熱。大煩口噤。不能言。柴胡能療此。皆輕重發汗之法。故用大黃下藥也。或助之以芒硝。或調之以甘草。或佐之以桃仁。或兼之以柴胡。或上行而酒浸。或散滯而姜炒。或同人參以調氣。或兼當歸以養血。或欲其走而生用。或使其留而九蒸。或

醫宗金鑑
卷之四
天下而用一二兩。或微利而用五六分。此皆急下微下之法。若夫吐法。瓜蒂散其首方也。至于桐油吐喉痰。常山吐瘧疾。胆礬吐喉閉。鹽湯吐霍亂。二陳湯。黃蘗汁。桔梗蘆人參蘆。葱根汁。卜子汗。無非湧吐之物。但藥之無毒者。宜大劑而頓服。藥之有毒者。宜少服而漸加。服後或以手指探。或以鵝羽掠。不出以蘗汁投之。不吐再投。且投且探。無不吐者。吐至瞑眩。慎勿驚疑。但飲凉水立解。此隨症止湧之法也。外如枳實消痞。佐以白朮。知柏。滋腎導以桂心。胆汁童便。入白通以驅寒。炒黑乾姜。入四物以治熱。冷藥熱服。熱藥冷服。如此種々。先哲豈好爲多岐哉。亦爲

用藥適中之難。用此苦心耳。陳案同多。不容贅述。

治病須求其本

夫治病當知標本。以身論之。外爲標。內爲本。陽爲標。陰爲本。故六腑屬陽爲標。五臟屬陰爲本。臟腑在內爲本。十二經絡在外爲標。而臟腑陰陽氣血經絡。又名有標本焉。以病論之。先受爲本。後傳爲標。故百病必先治其本。後治其標。否則邪氣滋甚。其病益蓄。縱先生輕病後生重病。亦先治其輕。後治其重。則邪氣乃伏。有中滿及病大小便不利。則無問先後標本。必先治滿。及大小便。爲其急也。故曰緩則治其本。急則治其標。此東垣之法。

也然脹滿便閉亦有標本之分故先喘後脹病在肺喘爲本而腫爲標治宜清金降氣先脹後喘病在脾脹爲本而喘爲標治宜寔脾利水血分之症先經水斷絕而後浮腫腫爲標而血爲本先治血水分之症在浮腫而後經水斷絕爲本而爲標先治水此皆先哲之陳案同志者當選貝葉齋僧永譽初患疥自以水銀咬艾薰之遂喘急胸滿漸至通身浮腫一醫投之五皮飲不效復以椒目大黃等投之喘愈急而腫愈甚延予視之予曰疥在皮膚肺氣熱也復以火薰火毒傷肺遂失降下之令氣道塞水道閉喘急溺瀉浮腫之所由來矣今復推蕩陰血又傷若其童真難免于死矣遂以麥冬黃

芩山枝桑皮花粉滑石木通燈草與之服四劑而諸症皆愈

製方定見

北直梁敬州客楓江年六十餘病濁已三年淡滲寒涼溫補之品投之俱不效求治于予予診之六脉俱微惟左寸帶數予曰此因心火不降以致脾胃之氣不升白濁之物因而下滲耳法當養心升補若用本病藥無益也遂製方用丹參茯苓遠志棗仁山萸山藥黃芪白朮升麻柴胡其草陳皮姜棗煎服服三劑其濁遂至彼懷愠曰抑何故也予問其體中健否彼曰如故予曰若使所出者盡爲津液休必憊甚今濁增而體健知白濁之

物積于其中。爲藥所迫而出耳。清者既升。濁者自降。再服二劑。所積者盡。而病如失矣。投之果然。由此觀之。若無定見。庶必再換一方。寧能愈乎。從此亦可例推。

調攝得宜


李隆盛氏。一子一女。俱十餘歲。病劇延予視之。予問何恙。曾服何藥。彼曰。男患胸滿寒熱。曾服小柴胡。加消導藥。女患內熱。乾咳特甚。曾服清火滋陰。麥冬。黃芩之品。其方具在。但服之不愈。予診之。男得浮弦。女得弦數。予曰。脉症湯藥。甚相合也。因何不愈。沉思開。忽聞女衣有烟火氣。予視之。曾臥火箱中乎。曰然。予

卽以前方剉藥與之。令其遷臥床上。其子亦以前方與之。令其避風絕食。服藥完而二人皆愈。其父駭問曰。方藥相同也。何効之不同。若是耶。予曰。令郎風食症之輕者也。惟其輕也。不避風。不絕食。宿食未消。而新食復傷。舊風未散。而新風又襲矣。若令嫖咳嗽火熱。燦金。而用清火潤肺之品。治之甚當。其如外火復偏。一杯水。其能救一車薪火乎。此其所以皆不愈也。予因此而加之調攝。故愈。

醫宗說約卷之首

終

不歸食。食未化而寐。食熟而寤。風未靖而寐。風又驚。笑。若令
之不同。甚。是。謂。平。曰。今。風。食。未。化。而。寐。其。寐。也。不。歸。風。
越。風。歸。食。則。藥。宗。而。二。人。皆。愈。其。父。問。曰。衣。藥。時。同。此。何。故。
唯。以。前。衣。陸。藥。與。之。今。其。藥。則。未。止。其。衣。衣。以。前。衣。與。之。今。其。



醫宗說約二

内閣文庫		
番 號	漢	15475
冊 數		1 (2)
函 號	団	33 1



醫宗說約卷之一

古吳自了漢蔣示吉仲芳氏纂述

錫山禪醉道人計廉能元讓甫叅

弟時行季芳氏

壻葉舒嵩明韓氏

中風入覺大指次指麻木不仁或肌肉微掣即為中風先兆

西北地寒風浩蕩或中腑兮或中臟或中血脉或中經善行數

變難名狀卒倒外症入地不知人痰塞喉間命欲喪東南地濕類中

風症候相同治須當腑中風邪着四肢惡寒拘急脉浮遲中臟

唇緩滯九竅鼻塞便閉不語時若中血脉口眼歪又有中經亦
要知六經無症溺調和口不能言肢不持古人曾作真風治三
家妙論亦須思東垣大率主氣虛河間腎虛兼火治丹溪主濕
內生痰總是類中分明註治之先用開關法牙早去皮細夏
藜各三錢俱為末再加麝香吹鼻中有嚏則生無難活醒後投之
三合湯茯苓皮草夏茯苓半應相當星萎歸結苓連木竹瀝薑汁是共一
湯左癱屬血右屬氣血虛加芍藥生地用姜汁炒瘀血桃仁
與紅花瘀血症小便利大便黑或腹中塊痛氣虛參芪也同劑盜汗遺尿亦如之
小便不利不可利姜蠶全蝎閉塞加釣藤善治牙關閉肥人

附少以引經烏頭附子氣寔人參亦要忌右寸有力去

盛自汗身體痛防風羌活升麻桂頭目不利或頭疼羌活升麻芷蔓荆

辛芥穗無汗身疼加苳羌防蒼木秦花配心血虧欠神恍惚

茯神遠志菖蒲入或心動搖驚悸者酸棗竹茹辰砂益風痰熾

盛須膽星防枳牙早瓜蔓仁食傷麴芽山查寔便秘還須三化

行大便結用三化湯厚朴大黃枳實羌活等分每服一兩微利之

示吉曰東南類中風者多故從火痰氣而治寔有神驗若果

係風邪外中六經形症具者原宜先服小續命湯解表便秘

者三化湯通滯之後方用本湯調理更為切當至于治口眼

歪斜。方法固多。不如瀉夾車地倉二穴。歪左針右。歪右針左。病可立愈。

傷風

頭痛發熱。鼻不通。惡風。自汗。號傷風。脈來浮緩。兼無力。參蘇飲。服自然。鬆人參。紫蘇。及枳。橘。梗。乾。葛。前。胡。同。陳。皮。茯。苓。甘。半。夏。木。香。少。許。水。姜。攻。已下咳嗽去參。瓜母加桑杏。去皮尖內有痰。黃芩。進痰。唾如膠。金沸草。胸滿痰多。婁貝。順冬。月自汗。桂枝。添。若還無汗。麻黃。令傷食。厚朴。麴麥。芽。中酒。白寇。烏梅。信頭。疼。羌。芳。不可無氣。喘。杏。蘇。亦。莫。刺。仁子

示言曰。人之易于傷風者。其故有二。一因元氣虛乏。氣不衛外。風乘虛入。治宜參芪益氣。而佐以散邪。一因素有鬱熱。在內。毛竅常開。邪風易入。治宜芩連清火。而佐以疎風。此皆氣虛鬱熱為本。風為標也。治本則標自愈。

中寒

中寒傷寒殊非一。傷寒科在後傷則漸深。中直入。初起。怖冷。四肢寒。無熱。不渴。身戰慄。脈來無力。又沉遲。加味理中湯。有益。參。朮。草。并。乾。姜。加。桂。陳。皮。功。妙。極。寒。甚。附。子。及。吳。萸。溫炒附子。童便煮。茯苓。半。夏。吐。有力。生。姜。煎。就。須。冷。服。伏其所主。先其所因也。無脈。猪。胆。是。麝。香。分。

吃泄瀉不止加荳升姜汁三匙嘔吐入舌捲囊縮指申青脉絕
蒸臍不可忽

蒸臍法○用麝香半夏末一匙填臍中後用生薑片
貼于臍上放大艾火于姜片灸二七壯灸關元氣海各二七
壯熱通于中逼寒出外手足溫煖則生 一用硫黃麝香末
填臍中放葱餅于臍上以熨斗盛火于葱餅上熨之如餅爛
再換一枚葱餅用葱頭一握切去葉留白根約寸許連縛四
五餅應用

暑病

暑天病熱名暑症腹痛吐瀉冒暑病頭痛身熱燥不寧身如針
刺傷暑應寒熱自汗出不止咳嗽倦怠為中暑脉虛身熱動而
得之病屬陽加味香薷湯可止香薷冬五葉皮厚麥味茯苓木瓜次
第尋黃連燈心姜棗生大服氣虛參米共芪靈寒熱柴苓為要藥嘔
加藿半法為精瀉合澤猪真妙訣去麥渴用知粉藥如神綿綿
腹痛傷冰冷乾姜滑石法從心去連小水不利或短赤澤瀉山
枝并滑石白木瀉加羌號暑風胸滿寢兵消食積自汗不止用參
芪水瀉木通澤有益頭痛川芎并石羔痰悶瓜蔓及枳寔已上
治若居涼館喜風涼頭疼惡寒頭項強身形拘急熱無汗靜而

得之陰寒傷。此因暑致病宜服羌活并蒼朮厚朴乾葛及藿香紫蘇等分薑三片水煎熱服號升陽。湯名兼食神麴滑石炒。內傷冰冷用炮姜。

示言曰夏至一陰生。人內寒而外熱。若過食冰冷。及連需益元寒涼之劑。遂至寒積于中。而成內傷寒症。凡吐瀉而腹痛無休歇。脈來遲緩者是也。治宜理中湯。合平胃散溫之。寒甚加附子。如悞投香薷飲則危矣。

注夏

溫熱蒸人夏日長。氣虛體弱熱因傷。胸中氣促四肢倦。心煩食

少不如常。好卧口乾或泄瀉。治用清暑益氣湯。黃芪升麻。

木。各一錢參朮陳麴澤瀉。黃酒炒麥冬青皮及當歸乾葛三分。各三錢

味九粒。甘草水煎引姜棗。盜汗還加浮小麥。便赤滑石并山枝。

渴甚天花烏梅食。去茶頭痛川芎石羔好嗽加羔杏升蒼朮。

香砂仁胸不寬瀉加肉寇茯苓的。去麥歸

濕

東南之地恒多濕。居民感受病非一。或行涉水雨露蒸。或過飲冷因而得小便短赤。身體重。骨肉酸麻。行不疾。漸加浮腫及身黃。燥土溼濕湯可識。茯苓香附半陳皮厚朴澤瀉蒼白朮。引用

砂仁并姜棗臨服半匙鹽可入外濕寒熱身腫痛羌防木通加
有益內濕胸滿兼嘔吐喘脹腹膨用枳椇黃連山查炒卜子溺
閉木通車前力濕熱發黃仗茵陳山枝車前兼滑石

示吉曰治濕大法在表在上者開鬼門用麻黃防風葦微汗
是也在裏在下者潔淨府用五苓葦利小便是也丹溪云濕
得燥則豁然而收用蒼朮是也濕從風散用羌獨活類是也
濕久則生熱用黃連山枝是也從此而變通之亮能活人但
麻黃止可用二三分蓋汗多恐生變症耳

火

相火命門君火心三火一水不相均惟腎屬水經所謂一水不勝二火五臟

升皆是火氣有餘便是火妄動須知燦至陰經所謂一水不勝五火也古人調治非

一法一一從頭說與君心火亢極陽強病人壯氣寔鹹冷進癩

狂便閉用硝黃補大承氣湯朴硝大黃枳椇厚朴水煎服大便如常芩連應黃連解毒湯黃

芩黃連黃栢山枝烏梅水煎服治大寒火可瀉從上方隨經調

治須更定飲食勞倦身發熱元氣不足內傷症補中益氣味甘

溫陽虛之火功偏勝補中益氣湯人參黃芪當歸白朮陳皮甘草升麻柴胡生薑大棗水煎服相火

熾盛以乘陰朝涼暮熱血虛成陰中之火甘寒降知栢四物法

通靈四物湯當歸生地芍藥川芎加黃栢知母二味鹽酒炒腎水受傷陰虛病面紅耳熱

浮火盛左尺洪數無根火。栝蘤六味治如神。六味地黃丸地黃

丹皮澤瀉蜜丸淡鹽湯送下加黃 栝蘤板空心服已上補虛火法。胃虛過食生冷傷抑遏陽氣

脾中央火鬱之症升散之。升陽散火最為良。升陽散火湯

四肢乏力肌熱筋痺或骨髓中熱用升麻葛根羌活白芍人

參各五分炙甘草生甘草柴胡各三分防風二分半水煎服忌

寒涼物去獨活及生 命門火衰陽脫病面赤煩燥虛火盛足冷

脉沉陰極燥。回陽救急醫中聖。回陽救急湯 陰虛發熱火旺甚

脉數無力屬心腎。內傷發熱乃陽虛。脉大無力脾肺分。氣從左

起肝之火。陰火還從臍下生。脚下熱來侵腹者。斯人虛極藥難

平。熱從脚起先用附子末津調貼脚心中

湧泉穴引火下行夜服四物降火之劑

示吉按積熱論曰。治火之法。始而涼和次而寒取。寒取不愈

則因熱而從之。從之不愈則技窮矣。是徒知治熱以寒。而不

知熱之不衰。由平真水之不足也。當壯水之主。以制陽光。經

曰。寒之而熱者取之陰。陰腎水也。求其屬也。此獨為積熱者

說。愚意治火。除人壯氣寔者便秘者火微者。從正治外俱當

遵此為則。蓋火非水不降。未有腎水足而心火熾者也。益坎

勝離湯寔為火症之總司。湯見勞瘵

內傷

飲食勞倦是內傷。或因飢飽過行房風寒傷人名外感。辨明調

治病無妨人迎緊盛手背執寒熱邪作無間覺惡寒無汗鼻不通。此是外感君須別內傷之症氣口洪手心有熱微惡風寒。問作不知味更兼氣弱語言慵內傷惡寒得煖解外感近火寒仍攻外感內傷相挾者脉症並見須辨通內傷不足急補之外感有餘瀉不同或先補養或先散先後之間無苟從。治內補中益氣用芪參歸朮升柴甘與陳引加姜棗水煎服氣和微汗最為精救腎水虧酒炒栢入心養血紅三分升麻柴胡自汗去夜間不睡加棗仁炒為末亦川芎蔓荊頭疼用口乾乾葛藥為靈巔頂痛時辛藁本怔忡驚悸棗茯神甚者再加遠志食加麴芽

查枳椇為添瀉瀉芍茯苓黃連枳椇除胸悶有痰前生左瀉防已木瓜除脚弱龍骨牡蠣煨為末治遺精防羌芷弓身熱用寒頭疼者加虛火知母栢玄參火炎上者用黃芩黃連清內熱菊花熟地醫眼疼

傷食

後天之本屬脾胃納化飲食滋榮衛胃主納飲食不下為胃病脾主化飲食不消為脾病養生妙法節飲食脾胃受傷飲食倍胸腹飽悶并作酸噯氣惡食腹痛累或吐瀉時下洩此種種皆因傷食例甚則發熱與頭疼惟身不痛傷寒異有傷食類傷寒係在傷寒科左關平和右關緊香砂平

胃功有濟。蒼木陳皮厚朴_{此平胃散只}香附砂仁_{此四味}香理氣川芎

枳椇并藿香水姜煎服食須忌消肉查菓消麵_{山草}上消糯米食酒

藥麵飯食神麴及麥芽生冷瓜菓_神姜青逐_皮一_糯加索粉傷時加杏

仁西瓜多吃食鹽促魚傷橄欖椒紫蘇稻草將來消牛肉麝香_{葉郎}

能消蔬菓積葛梅白寇酒傷入枳壳桔梗除胸滿挾氣烏兵寒

姜益傷飲須合四苓湯_乾飲茶湯涼木之類四苓_{茯苓澤瀉猪苓白朮}嘔吐臨服加姜

汁白朮茯苓治脾虛泄瀉車前寇白木_{導之法}上部有脉下無

脉其人當吐不吐卒指物探吐是良方否則瓜蒂散有力_{赤小}

豈為末溫水調_{下一錢吐之}食積鬱久成濕熱_黃苓連大黃不可缺再入白朮

并澤瀉去藿砂仁蒼木訣胃中停滯生冷物心腹急痛人暴卒

大黃乾姜巴豆肉等分為末名備急蜜丸豆大服三丸或吐或

瀉痛自息_{已上下食積法}

按丹溪曰明知身受寒氣口吃寒物初得之宜溫散溫利稍

久則成鬱鬱久則成熱熱久則生火若仍用溫藥寧不助火

添病乎宜用辛涼以發表辛寒以理中邪易伏而病易退也

至東垣則有輕則損其穀重則逐其滯之論蓋少壯新病宜

推逐急去為美如老人久病又宜導化漸去為佳也二公之

旨真消導法中口訣故特拈出

調理脾胃

至哉坤元調脾胃萬物資生無病累胃陽納受是所司脾陰消
化精神遂飲食自倍脾胃傷潔古枳朮丸為最白木八兩將土
炒四兩枳麵皮炒為末了荷葉包米煨飯丸一補一瀉方真好
半夏陳皮消痰用理氣香砂不可少元氣素弱脾不磨食多腹
內即不和加入木香炒陳山黃白川麴白芍人參亦用多素有痰火鬱胸
膈噯酸噯氣并酒積炒枝連芍弓陳皮砂仁木香茯苓入胃強
脾弱人好食食後反飽難消尅黃連山枝甚石羔人參白芍其
草及

按王節齋曰凡治諸病若見胸膈飽悶或噯氣噯酸腹痛泄
瀉惡食少食等症便問曾何飲食審明傷積即先調理脾胃
消導飲食然後用本病之藥或于本病藥內佐以消導若不
審此藥雖對症而無効也蓋藥先入于胃脾胃自傷不能運
化藥味以成功耳同志者審之

酒客病

病因于酒則歸酒氣味俱陽熱性有無形元氣受他傷上下分
消不可久宜微汗利小便久則病深變症多先賢著論須尋究
葛花解醒湯妙藥白寇砂仁葛花着如無花以乾葛澤瀉炮姜
根代之各五錢

神麴木

各一錢

猪苓

各一錢

陳皮

各一錢

人參

各一錢

約

各一錢

木香

各一錢

青皮

各一錢

共為末

調下三錢病可却

六鬱

滯而不通病名鬱。濕火氣血痰與食。六鬱之症發東垣。五鬱之
旨出岐伯丹溪製成越鞠丸。總解諸鬱有功。績香附醋炒蒼朮及
撫弓神麴山枝宜炒黑。水丸。荳大服百丸。等分隨症加藥。病如
失寒熱頭疼胸膈痛耳聾目暗脉沉瀉氣鬱木香烏藥加砂仁
青皮薄桂及濕鬱周身骨節痛陰寒則發肢無力脉來沉細並
扶苓咳嗽氣急為痰鬱手足麻木脉滑沉痰塊硬堅咯不出須

加瓜蒌桔杏仁南星半夏及海石火鬱口苦五心煩頭目暈
目昏黑小便赤澀脉沉數黃連青黛功奇特午後發熱為血鬱
小腹痛處移不得脉來沉瀉或結上下失血桃紅花入噯氣作
酸為食鬱遇食作痛不思食胸腹飽悶面色黃積枳揅針砂醋炒沉
緊脉右開春加防風夏苦參秋冬吳萸用有益

氣

捍衛冲和之謂氣。妄動變常火之例。局方燥熱與辛香以火濟
火有何利。冷生氣者出高陽高陽生冷生氣多是火丹溪意上
工訓治辨虛是虛者右手脉無力懶言氣短身倦怠胸中虛滿

不思食塞因塞用六君子

人參白朮茯苓甘草補中益氣亦有

力滯氣寔者脉洪寔憂愁忿怒因而得胸脇脹滿噫不通吐酸

惡心心鬱抑種種氣滯若何醫分心氣飲最相宜通半桂芍

各三蘇梗二羌桑青皮陳腹皮錢各五甘草香引姜棗兵郎附

梳胸滿奇脇痛苦紫爲要藥痛居小腹用吳萸氣滯氣虛合補

劑六君兼用功誠異性急加柴熱用芩女人烏附原有利氣滯

腰痛梳木瓜翻胃沉香磨順氣

示吉曰治氣補虛寔瀉正治也若虛寔相兼宜一補一瀉古

人亦有定法至虛中寔寔中虛切宜用察假如人老病久脉

虛人弱虛也倘投補藥而不効須察其胸腹之間有無痛

及噯氣作酸否若有之輕者用消導之品重者及大便寔者

用酒製大黃一二錢微利之後用補藥無不驗矣譬之加染

舊衣必須先洗其垢後加顏色也然乎

痰

百病怪病皆痰甚脾胃虛弱濕不滲濕熱相蒸遂生痰遊行到

處皆成病寔脾燥濕是良方因痰生于脾胃也降火順氣能接命痰隨氣升

善治痰者先治氣氣升屬火善治氣者先降火古人總用二陳湯隨病加減如神應扶

苓半夏及陳皮甘草四味生薑進有火枝苓次第添不愈加降

氣蘇杭從容順頭疼鼻塞是挾風紫蘇羌防不可聽面紅嗽喘
 咯不出卒倒痰涎為癰瘰熱痰因用黛芩連瓜萆花粉功奇特
 身重倦怠名挾濕面目浮腫氣喘急脉來濡滑為濕痰燥濕健
 脾蒼白木吐咯不出痰硬極動則氣喘名夾鬱右脉沉滑左手
 平星萆貝附兼海石嘔吐惡心胸痞塞遇寒則甚滑遲脉乾姜
 肉桂治寒痰再加二木從來的卒倒仆地不知人角弓反張風
 痰立南星白附及天麻姜蚕牙早兼汁瀝惡心嘔吐口嚙酸胸
 膈飽悶為夾食右關紫滑名食痰平胃相兼麴芽入氣虛須合
 四君湯血虛四物姜汁益脇痰白芥子青皮痰滯經絡須瀝汁

示吉曰濕痰寒痰飲痰涎二陳寔是主劑若久而不愈
 寸堅滑名老痰根深固結致肺胃二脉伏結者名結痰膠粘
 固結消吐不盡大脉濇滯名頑痰隨火上升為狂為癰名火
 痰此四者非二陳所司也宜節齋化痰丸清金降火緩治故
 速用天冬去心黃芩酒炒海粉瓜萆仁橘紅各一兩桔梗香
 附鹽水炒連翹各五錢青黛朴明各三錢為細末煉蜜入姜
 汁為丸丸如龍眼大或噲化或白湯化下或細丸如黍米大
 姜湯送下亦可

咳嗽

咳嗽當分二症奇有聲無痰咳症醫有痰無聲名曰嗽嗽屬脾
家痰濕嗽咳為肺經和氣盛風寒火濕亦因虛主治當宜用保
和杏仁花紫梗和杏粉蘇桔及前胡黃山芩枝清火寬中梗半決消痰甘橘多引用
生姜同燈草飲時食後起沉疴風痰再添星瀝汁肺寔桑葶不
可無右寸浮洪有力若還風嗽聲難轉麻黃用三分石羔用一錢是
真途清晨嗽多肺火動天冬麥冬在所用上午嗽者胃火伏知
母石羔病自中下午嗽多屬血虛宜補陰四物湯火浮于肺黃
昏重黃昏嗽多不宜涼藥宜人春嗽芍藥柴加入夏宜清火麥
冬得秋用桑防冬解表麻防桂半乾姜悉已上治有聲有嘔吐

痰如無聲者二陳平胃治之則再合枳白功誠妙茯苓半夏
學朴白姜汁臨服不可忽已上治有
乾咳久嗽用滋陰內熱無痰最害人四物湯將為主劑再添知
枳白及玄參燈心甘草和諸藥桔梗天花火用芩酒只母痰
冬清痰用二冬欬痰潤燥行血見再加沙丹苑肺傷因用芫莢
參酸收柯味瀉桑杭辛散防姜問好音面紅吐血火炎上童尿
藕汁最為靈

示言曰治咳嗽大法新者大約屬痰食風寒宜瀉宜散久者
大抵屬勞火陰虛宜補宜收然新者易治久者難醫予製喻

化丸。治久嗽乾咳。無出其右。不敢自祕。謹傳于世。用川貝母
花粉款冬花陳香圓各二兩。訶子薄荷葉各二兩。為極細末。
再用天冬麥冬去心紫苑玄參各二兩。桔梗甘草各一兩。五
味子烏梅肉各五錢。柿餅四兩。煎湯去渣。再入梨汁蘿蔔汁
各一碗。餽糖二兩。玄明粉五錢。姜汁三錢。煎成膏子。為丸。如
雞豆大。每噙一九。化盡嚥下。再噙。使藥力不斷。神效難述。

喘

肺主清高。無塞窒。一有邪干。便喘急。風寒痰火。各不同。醫家心
法。辨虛實。內因痰火。外風寒。六脉浮洪。更有力。是為寔症。五虎

湯。麻黃石羔耳草益細辛半夏及桑皮杏仁枳殼。再加入引用。

葱姜徐徐服。隨症加減。方為的。若有痰升。喘症。茯苓附南星正

相應。乍進乍退。名火喘。芩枝冬味蘇子並食。後作喘。食積來。麴

芽查槿腹皮進。大便燥結。不能通。玄明粉兼蘇子勝。結甚加何

者為虛。正氣虛。遇勞則發。似邪欺。吸吸短氣。脉無力。補中益氣

法。精奇黃芩山枝兼火用。茯苓半夏挾痰宜。夾食山查腹皮槿

氣高而喘。是良醫。

哮喘附搶症

喉中為甚。水雞聲。哮喘。症原來痰病。侵若得吐痰。并發散。遠離厚

味藥方靈白菓

廿一箇去梳切碎炒黃

麻黃蘇子

各二錢

芩

一錢五分

欬冬半夏

各三錢且爲君桑皮杏仁皆錢半三碗水煎一碗存食後徐徐溫

嗽下更能定喘法如神

示吉曰喘爲惡候。哮爲痼疾。自古難之。然猶易明也。更有喘症最爲利害。不可不知。蓋人喉間有二管。一軟一硬。軟者連胃而無底。通有形之水穀。上入下出。名曰食喉。硬者連肺而有底。止通呼吸之氣。玄門謂之十二重樓。名曰氣喉。若有形之物。誤入氣喉。惟其有底。不能下出。必從上擄出而後止。若捨有形中之無形者。如酸醋鹽水之類。尚有方法可治。若捨

有形之易砭者。如粥飯之類。尤易擄出。若捨有形之無形者。如瓜子生荳之類。上不出下不降。必死無疑也。醋擄者。用甘草二兩。每段切二寸長。兩半劈開。用猪膽汁五枚浸三日。火炙爲末。蜜丸茶清吞下二錢。臨臥服。食鹽哮喘方。用白麵砂糖各二錢。糖餅灰汁。捻作餅子。爐內煤熱。剗出加輕粉四錢。另炒。將餅切爲四掬。摻輕粉在內。令病者吃盡。吐出病根。

瘧

寒熱往來。名曰瘧。正氣與邪相擊搏。風寒暑濕。食與痰。亦有陰

虛兼氣弱陽分日發邪氣輕陰分深分應間作在氣分早臨血
 晏臨于陽為熱寒為陰並則寒熱離則止暑風邪氣與榮衛並行則病作離則病止
 榮衛邪氣並相爭邪不勝正移時早輕正不勝邪移晚行重治
 法要分有無汗無汗散邪藥為君有汗正氣藥為主更看新久
 再評論新者宜瀉宜發散久者補氣及滋陰無痰無食不成瘧
 初起清脾飲最靈草菓柴胡并厚朴陳皮半夏及黃芩茯苓白
 朮青皮醋炒甘草生姜并用兵陰陽水煎露一夜侵晨溫服効
 如神白汗去半加知豆母黑無汗加蒼乾葛精多熱黃母知加倍用多
 寒薄桂定須增頭痛羌芫芷要藥煩渴不眠葛粉親夏月香薷

并藟豆冬天無汗麻黃寒甚加桂枝白汗去此治新瘧
 症若還虛久再酌斟口久自汗精神倦六脉微細更無神氣短
 懶言不思食夜間盜汗又來勤人參黃芪用補氣歸芍當白驚甲醋炙
 好滋陰除出菓兵及厚朴棗姜為引定功成若欲截分藥如何
 是者常山兵最多青皮烏梅真妙藥即香少許酒煎過或片河水各半
 煎或酒水谷牛煎夜裏露時侵晨飲是日絕食去沉疴瘧母恒居左脇
 間香藥後脇下生間令人多汗脇疼連藥宜消導何為好驚甲稜蓬止末
 附四般醋煮停勻加海粉青桃麴芽與紅藍為末糊丸日三服
 病當漸去不為難

霍亂

霍亂之症起倉卒。外有所感。內有積。胃中停蓄。難運消。吐瀉交作。腹痛極。上焦但吐而不利。下焦但瀉無吐逆。中焦吐瀉兩相兼。偏陽多熱。偏陰寒。吐利得盡。陰陽順。其間死者。終稀焉。治用加減止氣散。霍香紫蘇。陳皮。全厚。朴。茯苓。并半夏。桔梗。腹皮。蒼朮。先白芷。甘草。砂仁。末。生姜。大棗。水來煎。紅花。木瓜。轉筋用山查。芽。麴。傷食兼。腹痛須加炒芍藥。寒痛加姜桂。似傳。檳。青皮。心下痞。柴胡。乾葛。寒熱纏。小便利。澤猪。効。中暑發熱。連常傳。轉筋人腹痛欲死。蓼湯薰洗病可止。千金方有外治法。男挽其

方細看陰陽及寒熱。又有一種乾霍亂。腹痛欲死。病勢悍。不吐不瀉。疔。音腸沙。鹽水吐之。神妙案。三因吐法用鹽二兩。放刀上用鹽滓入水內。煩飲。但得吐瀉。病無妨。熱湯米湯不可按。候食探吐之後。用藥調理。外治曲池刺青筋。委中出血。亦有幹。湯則死。

示吉按古人之論霍亂。多責于暑。故此疾多生于夏秋。即冬月有之。亦原伏暑而然。是以脉雖虛小。手足微冷。不可輕用姜桂熱藥。况霍亂之脉。沉伏者多。理宜正氣散。合香薷飲之。類治之。此言一出。活人不少。但夏月之病。寒熱不同。投治大

異。苟不具。妄心審問。鮮有不天人者。何則。假如病人的係日中勞役。動而得之。其為熱也無疑。若雖從日中得之。于時又多食冰水冷物。或從冷水中浴來。是又冷熱間雜矣。倘不從日中勞役。暑氣尚微。肉食與冰寒齊進。冷館兼大扇清涼。陽氣退藏。陰寒填塞。不用桂附。何以活人。故先哲升陽湯。冷香飲子。非無故而發也。

泄瀉 下水穀為瀉

泄瀉之原有六節。虛濕寒痰食與熱五泄之名。內經傳。滑泄利三虛之旨。先賢說。飲食傷脾。脾虛不能運化。色慾傷腎。腎虛不能用藏。忿怒傷肝。肝虛木來剋土。健

脾利水是主方。燥濕升提不可缺。或用風藥或溫補。或因虛滑宜收濟。總用健脾滲濕方。二木伏龍車。前扶苓。訣。厚朴。朱芩。與木通澤瀉陳耳木香列煨姜三片。少許鹽酒積白慈葛根截濕泄泄水腹下痛。小便不利。腸鳴動。倍二木加桂枝少許食泄腹痛泄後戒噫酸臭腐食不用。加山查香附枳椇砂仁寒泄脉遲穀不化腹痛悠悠無休罷。加炮姜火泄腸鳴下黃赤。一陣痛來瀉可佈糞門。隻痛脉數急。黃連黃芩山枝真好話。去著虛泄虛滿不思食水穀食時完不化。脉來沉細久不痊。人參山藥砂仁掛痰泄泄痰浮水面。泄下沉者是痰或多或少。脉滑善半夏南星法必添吐。

出痰涎人更便。六症從容審問明。更分新久醫方驗。新者宜瀉。宜消食久者升提。溫補益泄久下陷用升提。升麻柴胡更有力。虛甚人參芍山藥。虛寒炮姜肉苁吃。腎虛送下四神丸。故紙酒兩吳黃炮炒一兩肉苁藥麵裹煨二兩五味子二兩為末生薑半片同大棗一百枚煮爛取淨肉為丸每服一錢五分監湯送下防風羌活兼風入。暑月需滑藟豆。尋冬天炮姜誠有得虛泄久泄更有方。匙黃土炒為末臨服食。

痢

痢疾原來下膿血。裏急後重不可說。食積氣滯總相兼。積青黃赤白黑。純白而來氣必傷。血受病兮應是赤。氣血俱傷赤白

來。食積為黃是真的。純血來者亦如之。黑者須知死血色。白膿稠粘是為痰。宛如豆汁方屬濕。諸痢下迫皆屬火。勿妄以白為寒。測通因通用。其經文消積瀉濕和蕩滌。後重須教調氣除。清血便膿應自息。通滯湯今治法傳。條芩厚朴姜炒入。蘇梗兵榔共木通。胸中不寬陳穀立。熱用黃連炒。痛木香。後重將軍不可忽。小水不利加滑車。臨服木香磨姜汁。頭疼惡寒身體熱。蒼木防風羌葛接。活並。名風。惡心作酸胸滿悶。枳椇山查麴芽呷。各食。內傷痢疾小腹痛。桃紅能治紫黑血。腹中不痛身不熱。大孔迫甚黃小洩。氣鬱為痢用升麻。柴胡防風不可缺。煩渴身熱腹痛

極水穀入胃卽吐噦。噦口痢疾胃熱甚。倉米人參蓮肉悅。酒積痢因恣飲酒。葛根白寇烏梅烈。天行疫痢老幼傳。合用敗毒無他說。夏月香薷薤豆增。腸癖銀花血自竭。隨症加減是良工。再看新久醫中傑。新者宜下宜消。尅久者宜升宜補。益諸痢日久。咸兵榔加入扁荳芍白朮。補脾山藥及茯苓。下陷升麻柴胡得。白久氣虛參芪用。紅久血虛歸芍力。血痢不止用阿膠。荆芥蒲黃同炒黑。姜灰從治加少許。若還不止血。餘頭髮燒灸用益痢久不止。人虛極。按腹不痛無食積。四君四物隨症添。劉子栗壳且行。瀉如石榴皮肉菓脉來遲緩是爲寒。炮姜肉桂肉寇續。禁連

治禁口痢。將田螺擣爛入麝香一分。納臍中引下其熱。內用黃連一錢。人參三分。煎湯終日呷之。一口下咽卽愈。

毛公威傳痢疾神驗方。用真川連一兩五錢。吳茱萸湯拌炒。白朮五錢半。上炒。蒼朮米泔水浸炒。四錢五分。白芍酒炒。二兩。當歸二兩。蓮肉炒。四錢。山查肉八錢。木香不見火。二兩。肉豆寇麵包煨。五錢。四分。麥芽炒。三錢。五分。神麴五錢。五分。枳壳麩皮炒。去麩。二錢。五分。右共爲極細末。每服一錢二分。壯實者一錢五分。小兒三五七分。看人大小用。白痢白湯下。赤痢蜜二三匙。和白湯下。赤白相兼。燈心湯下。水瀉清米湯。

下俱空心服。忌一切葷腥麵食椒酒煎炒生冷等物。按此方投之虛弱之人及痢久者甚為穩當。若壯盛初起腹痛甚及積滯勝者秘方白丸子奇効。用皂礬揀淨一兩入白蘿蔔汁一鍾銅杓內火上化開再入好真粉一兩伍錢和勻取起晒乾為末用神麴打糊為丸每服五分壯實者七分赤痢燈心湯下白痢姜湯下白瀉米湯下服後瀉出黑積藥即行矣。

積聚

以痕積聚皆有塊食積痰血成其類積為食積有成形忽聚忽

散聚為貴。榮衛失序七情傷脾不運化神憔悴五積為陰五藏生六聚為陽六腑贅主治總宜化堅湯當歸白朮為前隊半夏陳皮枳椇兼山查香附砂仁對厚朴木香等分煎生姜一片功方遂右脇有塊青稜蓬左脇有塊芎藭桂肉食成塊草菓連粉麵食積麴卜貴痰塊在中海石加瓜蒌白苳兵郎碎壯健人加兵稜蓬瘦弱人參少許配瘡後柴胡鱉甲青如要丸時加阿魏外治灸法有神功五仙消痞痞能潰

痞塊外治秘法用小鱉一個紅荳菜二兩管仲五錢阿魏二錢葱蜜各一兩共擣為膏再入麝香三分貼在痞上外用青

布掩着。內服消痞藥。神効。五仙膏用大黃肥阜生。姜生。葱大蒜各半斤。共搗爛。用水煎取汁。去渣再煎。成膏。黑色爲度。攤絹帛上。先用針刺患處。後貼膏藥。

痞滿

從來痞滿無痛塊。胸滿虛悶難通泰。皆由土弱失運行。濕熱食痰多作怪。半補半瀉是奇方。白木茯苓爲主賓。枳椇厚朴及芩陳。木香香附砂仁在。蘇梗兵郎炒。卜子別用姜棗。切難載。脈遲加入炮乾姜。脈數黃連。姜汁方有賴。傷酒須添葛。寇澤香薷麥芽治食積。小便不利加澤通。大便結時將軍入。按痞痛甚用大

黃。脈來無力參芪益。

示古按仲景云。滿而不痛爲痞滿。而痛爲結。結責之是。是爲積。滯有餘則宜下。宜消。痞責之虛。虛爲中氣不足。則宜和宜補。據此虛實兩分。又何必表同消補。但人有脾氣素虛。現停積滯補之。則積滯未消。邪得補而愈甚。消之則脾氣未健。土受傷而愈虛。不得不從易老講一補一瀉之法矣。許學士云。邪之所湊。其氣必虛。留而不去。其病則寔。斯言信然。

嘔吐

乾嘔有聲吐有物。聲物俱有。嘔之則吐。輕嘔重乾嘔。凶嘔乃漸

出吐頻出不嘔不吐為惡心總是胃虛不能食有寒有熱亦有
痰有因停水因食積或因氣滯或氣虛加減平胃病自息半夏
陳皮共霍香厚朴香附及蒼朮枳椇梗引通砂木仁炒為一匙姜
汁臨服入煩渴欲飲脈來數王連竹茹山枝落去蒼朮屬寒吐水冷涎
脈沉遲炮姜肉桂吳萸作嘔吐痰沫脈滑時南星白茯苓木索
水停心下汨汨聲茯苓澤瀉猪苓樂飽悶作酸惡食氣右關緊
盛傷食例神麴麥芽并兵郎草藥山查肉傷利麴傷加久病之
後不納食脈來無力又微細參芪白朮并茯苓枳椇厚朴三味
去胸膈抑鬱善噎氣忿怒憂愁不快意兵郎卜子大腹皮升散
升麻防風具傷酒乾葛澤寇佳傷風紫蘇乾葛易

噎膈反胃

噎膈之症多因火薰蒸津液成痰阻七情妄動五藏傷陰血漸
稿無生所咽喉痛塞不能食病起賁門上焦膈中膈飲食得水
行食下半日又吐出下膈飲食如平人朝食暮吐渾無力主治
加味二陳湯茯苓半夏草皮陳立黃連山枝青竹茹藿香厚朴木
通的桔梗香附共砂仁臨服一是加姜汁薑汁童便次第增痰
泥中焦須竹瀝合用四物姜汁炒血虛左脈來微瀉氣虛須合
四君湯右脈芤弱并無力痰飲寸關脈滑沉瓜蔓貝母能開膈

脉來數盛是火炎。吳炒黃連倍用的。脉來乳瀉是血瘀。桃仁
尾並萊汁寸關沉瀉是氣結。沉香木香兵郎入。大便燥結不
行。酒蒸大黃合四物。再加桃杏仁麻仁炒為末。養血潤燥生
乳寒痰泥膈。吳萸。脾不磨者。麴藥同。七情鬱結。成氣噎。寸關
沉瀉。七氣湯。乾姜。王芩。肉桂。得半。夏橘紅。并熟地。并草芍藥。二
桔梗吃。三。枳提五枚。參一兩。氣病投之。噎自息。

示吉曰噎膈。重病也。其原非忿怒抑鬱。即憂愁思慮。其來有
漸。始則痞滿。火嘈吞酸。不知治療。既而逢食則噎。尤可少食。
久則食下則吐。或粒不下咽。當此之時。三陽熱結。精血枯槁。

若欲求愈。須病者安心靜養。行仙家十六字法。一吸便提。氣
歸臍。一提便嚥。水火相見。如此行之。再加以薄滋味。勤
藥餌。愈病不難。仙家云。屋破修容易。藥枯生不難也。張雞峰
曰。噎當是神思間病。惟內觀自養。可以治之。此言深中玄旨。
若欲速效。而投香燥之劑。其害不可言也。開膈下食方。惟玄
明粉三錢。鵬砂三錢。為末。每服三錢。用火酒一盃。姜汁半盃。
共入拘內煎。二三滾。取出澄清。用小酒盃徐徐服之。自覺臍
下溫熱。即得飲食矣。然亦為劫劑。服後即投大補。較之香燥
稍善也。此方乃毛公
威先生所傳

呃逆

俗名打呃名呃逆。纔發咽喉則據寂。連續數聲。輒輒然。短促不長。難消息。有痰有火有停水。有寒有氣。有食積。主治丁香柿蒂湯。香蒂柿竹茹陳皮當。本方四味。柿若寒。治下焦之逆。氣丁香陳。辛溫理中氣之痞塞。中下焦之概藥也。飲食太過。胸中滿。麴芽枳椇及兵。郎痰涎壅塞。脉來滑。茯苓半夏木香方水。停心下。汨汨聲。白朮茯苓猪澤。尋發熱煩渴。脉來數。柴胡半夏芎黃芩。去丁滯氣。盈兮腹胸滿。砂仁木香半夏存。胃中虛冷。脉來遲。乾姜桂附木相親。脉來虛甚。全無力。六君合用。始為精。六君子人參茯苓生。夏日本甘草陳皮。諸呃不止。用沉香姜汁磨成臨。

服行若還病久呃逆作。虛極從來症最惡。六君合用沉香寒甚還同姜桂落。本湯去竹茹。古人嗅法有奇方。期門灸法亦當學。倘然大便結不行。須用將軍無推却。

嗅法用乳香硫黃艾各三錢。為末好酒一鍾煎數沸。乘熱使病人鼻嗅之外。用楊姜查擦胸前亦好。灸期門法。婦人屈乳頭向下盡處。骨間動脉是穴。男女乳小者以手一指為率。陷中動脉是穴。男左女右。灸三五壯。

噯氣

胃納水穀脾運化。榮衛周流無驚詫。緣何噯氣氣上升。胃中濕

吞酸吐酸

如穀食在器濕熱而易爲酸也

冬夏草皮

茯苓

連

體雜

梗黃山人曰香
桔連枝參朮附

朴學

用酒蒸能救苦。

棗仁竹茹烏

梅炒米入終歲火嘈必天年火能燬物真可惜

水腫

人之全生資水穀脾主穀兮腎水屬水吐土虛不勝水水氣泛
溢浮腫局手按成窩舉手滿皮光如泡氣喘促寔脾燥濕是主
方利水分消真可錄上腫必須兼風治開鬼門時微汗浴經曰
為風非風則濕氣不下腫必須潔淨府小便利兮通水谷分消
能自上下清陽之分
湯是秘人傳二木茯苓厚朴全猪苓澤瀉大腹皮香附砂仁枳
殼兼陳皮木香磨水汁生姜燈草一同煎上腫麻黃用二防方有
效下浮米已藥如仙米仁炒須芽上子消食積葶蘆桑皮治
氣急利水滑石并木通發熱黃連山枝入腹脹上子共兵郎氣
昭升柴少許益虛甚人參亦可加痰多半夏原有力枝葛茵陳

治發黃瘡牛大黃治便寔去白又有虛症更宜商朝寬暮急血
虛殃合四物湯暮寬朝急氣虛症四君合用且先嘗先喘後脹加苓
麥去二末香先脹後喘倍二朮諸脹用藥忌甘溫麴麵醬鹽切
莫食

示吉曰分消湯治脾虛水腫土炒白朮須用三錢寔有神驗
但先喘後脹其病在肺非分消所司也麥冬飲治水出高原
其症四肢皆腫少腹不急初起便有喘滿用麥冬五十粒去
心姜汁炒糧米五十粒水煎不拘時服又秘方防芪散治
肺葉脹腫蓋肺主皮毛風邪入肺不得宣通肺葉脹亦能作

腫其症先眼下臥蠶紋起喘急用防風桔梗杏仁桑皮蘇子
貝母各一錢黃芪三分水姜煎服。又有血分症婦人先經
水斷絕而後四肢腫滿小便不通此血瘀水道以通經為主
宜小調經散白芷五錢沒藥官桂甘草各三錢赤芍細辛當
歸延平各一錢琥珀另研一錢麝香五分為細末每服二錢
酒下已上三症病同治異司命者無忽諸

鼓脹

水腫鼓脹其原一皆是脾虛不運尅鼓脹病重水腫輕水腫皮
浮如常食四肢皆腫飲食如常具病在外故輕名雙鼓脹氣入于臟為鼓脹腹大身瘦

食不入

名單鼓脹病在內故重

脾虛致病是總原亦有水血與食積有因

氣寔及氣虛上工隨症用消息寔土分消是妙方二朮厚朴炒

枳椇陳皮香附縮砂仁朱苓赤茯苓澤瀉的水香腹皮引生姜水

煎氣急磨沉香飽悶兵郎炒卜子血鼓歸芍紅丹膏尾赤花皮血鼓脇滿少腹脹痛

身上有紅絲紋腹有塊痛按不移大便黑色血為殃不愈加靈脂桃仁山稜蓬朮桂枝

水鼓小便苦秘結胸腹脹急水飲傷合用五苓散秘方用大戟四兩大棗二百同煮一時

去戟旋旋食食積鼓脹大便結小便赤澀胸悶絕牽牛卜子及

兵郎山稜蓬朮亦可設氣寔鼓脹因抑鬱留滯不散腹脹急大

腸虛秘或吐酸脇肋痛脹及面黑合用分心氣飲見諸氣氣虛脹滿多勞

役元氣虛乏真倦極短氣溘泄腹脹膨脈來微細不思食宜合補中

益氣分條而治是良醫寔脾利水為君則順氣消食為佐使清

金制木從來得用黃芩麥冬之類滋補腎水以制火用知柏之類肺得清化

斯有力却鹽味以防助邪斷妄想保母氣益莫服利藥圖暫快

補益真元病自息

示吉曰人脾氣素虛現停水積方生鼓症治斯疾者正氣足

而滯氣行是為上工其次利小便尤可活人若用下藥大便秘

利而暫取快是速斃也予遇斯症嘗早服補氣健脾之品食

後進勝金丹一錢消積利水順氣雖無速效活人已多傳以

壽世勝金丹用蒼木炒二兩厚朴姜汁炒枳椇炒桃仁去皮

尖炒丹皮陳皮兵郎赤茯苓半夏黑丑頭末木香各一兩甘草

川芎各六錢為細末外用阜礬四兩五錢先用蘿蔔汁化開

攪去泥土煮乾再入醋煮乾為末與前末和勻再用神麴三

兩為末打糊為丸丸如菉豆大每服一錢虛人老人五分湯

下并治胸膈飽悶泄瀉痢疾瘀血內傷功不盡述

癆瘵

腎經虛損各癆瘵朝涼暮熱病無賴五心煩熱消瘦形乾咳失

血真陰壞陰常不足彥修傳朱丹溪有陰常不足陽常有餘論益坎勝離湯自

在發熱面赤盜汗來消中便赤功難載脉來微數兼無力日輕

夜重又喘急

若日重夜輕又為內傷元氣症

皆因房慾喪陰精滋陰降火病漸

息歸生芳芍

生大丹茯苓天麥門冬

去心各一錢

炒知栢母黃鹽酒炒陳皮耳

草同姜棗臨服童便竹瀝好銀胡骨皮治骨蒸

生大紫皮

治骨蒸紫皮木棗仁炒為末

自汗保咳嗽氣急貝

母去心

苑桑有痰貝母蕁仁了見血阿膠膠足

苑丹寒熱驚甲醋炙早

脉弦加柴胡青皮

從治畧加炒姜灰泄瀉山藥

澤瀉找

去知栢歸童便

盜汗浮麥堪為佐牡蠣黑豆功亦大金櫻蓮鬚

去滑精

再加山藥

牛膝車前浮火動赤白濁加蓮茯燈勞熱龜膠毒

蒿中嗽血沙參紫苑添

山黃衄血枝苓茅根

搗汁臨服加入

用喉乾聲啞粉

桔增收斂五味訶子共瀉甚減去歸知栢連棗山厚芽查朴同消食

示吉日男女人之大欲存焉每致過度陰虛症多故丹藥以

此立論然病名虛損亦有從陽氣不足者若因彥修之法緊

治虛損能免廢人乎故有反是說者謂陽生陰長只當以參

芪補之滋陰之劑無益也吁一症一藥豈容偏僻參芪補陽

東垣已製方治內傷元氣矣丹溪豈有悞哉是不善用丹溪

者悞也

失血

心生血今肝藏血隨氣而行無處缺目視舌言耳能聞手能握

特足能攝緣何錯經致妄行。勞傷火動從容說。嘔吐血出名吐
 血從胃而來是真訣。宜犀角血皆因出鼻中。痰內有血名咳
 血肺經有火二症來。衄為輕兮咳禍烈。血隨唾出名唾血。痰帶
 血絲名咯血。腎經有火妄煎熬。勞瘵之症難逃。越痰涎有血血
 從脾脾虛不攝被火欺。六症皆從上竅出。鮮血為新紫血瘀。犀
 角地黃能總治。犀角丹皮生地基。各一錢赤芍當歸連芩炒。酒
 各一。茅根搗汁磨墨奇。吐血烏膠天冬用。衄血麥冬枝。黑依
 咯唾。知母熟地麥冬。山枝加亦宜。紫黑血塊胸中塞。自然大
 黃并韭汁藕節搗汁最行瘀。浮火上升童便入。咳嗽沙參天麥

冬痰多貝母天花力。口渴知母味麥冬。寒熱青蒿驚甲立。脾虛
 泄瀉去歸苓。茯苓山藥甘陳入。從治暑加炒姜灰。還同童便一
 齊吃。若還不止用蒲黃側柏荆芥俱炒黑。脉來微緩更無神。血
 不藏攝虛之則阿膠加入八珍湯。四君四物合用芩連犀角不可食。有
 肉熱加重便半盃。姜灰少許補澄。云乾咳出血若服。小便尿血
 童便百不一死。服寒涼百不一生。宜童便一物飲之。小便尿血
 為溺血。心與小腸邪熱結。清心蓮子。見淋症合本湯莖中疼痛湯
 澆雪。倘然不痛是為虛。養肝固榮加減截。不止荆芥及蒲黃。俱
 補中益氣升提絕。
 下血雖從大腸來。其原不一費心裁。有鮮有瘀有遠近。糞前血為近血

黃後血有因血熱有氣衰或為腸風下清血而色鮮或膿毒下血色下

陷風邪亦致垂治法新久辨鮮瘀鮮者新者本方奇合用川芎

并白芍槐花荆芥及地榆三味炒黑側柏將來礬水煮其陳煎飲病

無餘發熱龜膠柴胡効血虛熱地血飢醫酒客烏梅寇乾葛下

陷防風升柴驅跌蹠傷加麻地驚從治姜灰少許俱

紫黑血塊為瘀血桃仁紅花歸尾訣驚甲丹皮及川芎赤芍延

平不可缺荆芥蒲黃俱炒黑水煎服時陳酒入不止蘇木熟大

黃塊止前方加減吃

下血不止若何醫泄瀉胸痞脉又虛此屬脾虛不攝血道中益

氣最相宜加入炮姜并芍藥血餘阿膠功最希

上下失血太多氣息幾微命若何寒涼之劑休仍用獨參一

味起沉疴是陽生陰長之法

示吉曰治失血大法其始也熱主流通用清熱滋陰之品佐

以炒黑蒲黃荆介側柏之類蓋血得黑則止也若血出上竅

加以順氣如蘇子破瘀如藕汁降火如童便之類其既也以

致肝脾不能藏攝須用補肝益脾之品切不可仍用寒涼以

傷脾胃血上湧不止用大蒜搗如泥或津調附子末下敷脚

心湧泉穴引火歸原血自歸經如倉卒未便竟以熱湯浸二

失血

失血

足亦驗。若血出下竅新者正治。本湯中便血加兵。郎便結者。再加玄明粉。瀉血合四苓。此在下者引而竭之也。稍久用升。擬升麻柴胡之類。不止合補肝益脾之藥。無不效矣。雖然亦未嘗盡其變也。予常用消食之品。而治吐血便血。其效若神。蓋人但知脾虛不能攝血。而不知飲食傷脾。亦不能攝血也。其要切右關沉緊者是。予嘗用清肺之劑。而止便血。人但知腸風臟毒熱在下。殊不知上焦肺熱亦傳于腑而便血也。其要切右寸浮洪。或洪數。及血在糞後來者。是人皆以予傳秘方。吁。予方豈秘哉。予不過察三部之中獨大獨小。獨遲獨數者病也。餘病寔可例推。

醫宗說約卷之一 終

失血

止盜汗陰虛兼火挾動則汗出名自汗陽虛有濕兼氣竭自汗
補陽并調衛盜汗滋陰降火絕參芪湯治自汗來人參黃芪白
朮截茯苓當歸兼棗仁白芍熟地牡蠣屑各一錢烏梅一个并甘草
陳浮麥大棗煎一貼盜汗當歸六黃湯生熟地黃黃芩當歸
連栢等分用黃芪倍用水煎方陰陽兩虛自盜汗二方合用又
何妨泄瀉虛滿食不思苓蓮黃栢定須除加入棗仁并白芍黑
豆桃奴亦可施汗出不止法如何五倍爲末津調和塗入臍中
真妙法或用撲粉亦除疴龍骨牡蠣俱爲末白朮糯米麥研過
周身撲之汗自止莫將厚被蓋身多

示吉日汗症有虛無實調治不難但冬月傷風非桂枝湯
至于內傷自汗原須補中益氣湯蜜炒升柴少加製附子浮
小麥麻黃根治之調其中氣使脾上和則濕不上升濕不升
則君火亦不能自爲汗也

頭痛

頭痛卽非真頭痛風寒痰火虛氣動古人羌活冲和湯加減服
之真有用羌活黃芩及防風蒼朮白芷細辛羌生地甘草引姜
秦葱頭發汗自然鬆太陽倍活症惡風寒少陽柴胡症寒熱口陽
明石膏乾葛攻日汗發熱不眠頭痛目痛脈微洪太陰腹痛倍蒼朮或有痰身重脈沉緩

少陰倍用細辛功。症足冷氣逆脉來沉細甚加麻黃附子。厥陰頭痛吐痰沫手足

厥冷吳萸通。脉沉。肥人頭痛多濕痰二陳合用木相同。瘦人定

是火壅上酒炒黃芩病可冲脉來洪數實火升重劑須知石羔

靈脉來無力是虛火牛膝車前引火行。導龍入海法。人參黃芪氣虛

用。症懶言倦卧右脉無力合四君子湯。血虛四物酒恒送。日輕夜重。風熱在上頭

痛者天麻蔓荊酒芩共頂巔頭痛加藁本酒炒片芩用亦中大

便秘結酒大黃金底抽薪功最重若還真痛指甲青且發夕死

誠危恐

按半升頭痛古法本方中

有秘方用白芷二錢川芎三錢爲末黃牛腦子一個共入

器內加酒頓熟和酒食之隨量一醉酒醒痛失矣外用吹

法一用關楊花川芎等分爲末一用火硝川芎等分爲末俱

妙右痛吹左鼻左痛吹右鼻又隔鹽炙法用一厚紙爲圈

約一分厚填鹽其中放太陽穴上用艾火置鹽上灸七炷艾

炷如黃豆大圈約錢大可也凡服頭痛藥須乘熱先薑後

徐徐嚥下藥力始到又秘方治半升頭痛以致目中生翳

者用白鳳仙一株搗爛用火酒一斤浸之露七夜去渣飲酒

食後服神効

心痛

心痛雖分九樣論

食風熱冷悸蟲飲症去來痛

皆因胃脘當心疼。痛則不通。

多成鬱鬱久因而作熱。蒸大實痛時不可按。按之痛減作虛。因

虻蟲痛止偏能食

面上兼有白斑。唇紅時作時止。

脉齋須知瘀血成。

必平日喜食熱物。

饅雜善飢是胃火。口吃冷物屬寒疼。

或身受寒氣。

痰痛吐痰脉沉滑。

惡心惡食食傷生。加減調中治諸痛。山枝陳皮草寇共蒼朮。桔

梗與兵。郎烏藥香附枳。梳用半夏姜汁磨。木香秘法一匙滴。滴

送火甚竹茹姜炒連炮。姜肉杜虛寒中。

去山枝。

瘀血歸桃五靈脂。

痰飲瓜蒌南星弄。食積砂仁杏。五葉蟲痛川椒烏。海砂。...

加酒大黃通則不痛從來重。

用玄明粉三錢亦妙。

真心痛時指節青。夕

占旦死誠可痛。

示言曰痛無補法。勿用參朮。得寒則凝。不可純用寒涼。故古

人用山枝而佐以姜汁也。此症大都因有形之物。膈礙其氣。

而然。法宜吐瀉以行其氣。宜三因吐法。或鵝翎探吐之外。治

點眼止疼實為妙法。用透明雄黃火硝等分。為末。加麝香少

許。新汲水調點眼內。背精明穴。男左女右。扶行數步。立愈。若

在鄉僻。藥餌不便。竟用鞋底泥化人井花水中。攪勻服甚佳。

此症痛止切不可飲食。食必復痛。外蟲痛欲死用老葱根

檣爛取汁香油和服立愈 諸心痛用良姜香附等分炒爲末每服二錢酒送下効

腹痛

腹痛之因有幾般食痰瘀血熱蟲寒瀉後痛減知食積痰則脉滑小便難或腹中鉤痛脇下有聲時痛時止是火痛四肢手足心熱脉來數綿綿不止作寒看症面青白或瓜甲唇口皆青脉來遲內有瘀血致腹痛必有常處不移動小便自利大便黑面白唇紅痛不常蟲痛惡心食不用腹中乾痛時作時止天吐瀉日暑來身重腹痛因濕中或兼浮腫手按痛止軟爲虛手不可近是實痛主治戊巳調中湯蒼朮陳皮香附光厚朴茯苓并

滑石川芎白芷神麴方木香山枝須炒黑各一錢甘草少許

入痰多半夏及南星食積兵郎共枳實砂仁蘇梗調氣滯曷根

寇澤消酒積飲酒人多酒積痛熱甚黃連不可無寒多姜桂原有肉有力去

救赤芍歸尾及桃仁瘀血痛塊加有益肉食停滯查草菓上子

麥芽消麴食冒暑香茹并藿香傷濕木通倍蒼朮手按痛甚便

不通大黃三錢一齊吃按之痛減脉無力白朮白芍補虛則烏

梅川椒治蟲痛川練桂兵同要用臍下大痛治最難人中黑時

病已重

止痛熨法一用炒鹽一升絹包乘熱熨痛處冷則再炒一

用生姜片許。搗爛去汁。取查炒熱。熨痛處。冷則加汁再炒。并治結胸痞氣。一用麩皮炒熱。熨痛處。示吉日鹽性善走力。能軟堅。姜熱味辛。辛能發散。麩皮性熱。熱主流通。故能定痛。加之以炒者。借火力直達于中宮也。大痛時先用此法。痛稍定。辨虛實寒熱用藥。更為切當。

毛公威曰。痛則不通。總宜行氣秘方。桃靈丹治諸痛如神。用桃仁一兩半炒半生。青皮玄胡廣皮靈脂各五錢。沉香圓木香各三錢。乳香沒藥各三錢。共為末。九種心疼。淡醋湯下。絞腸腹痛。淡鹽湯下。食積瘀血痛。酒下。

脇痛

胆經別竅。肝盡陰位。居兩脇。怒為神。忿怒傷肝。主脇痛。風邪痰食。血能成。小柴胡湯加減治。柴胡半夏及黃芩。白芍甘草。青皮用川芎丹皮。次第行引。加姜棗水煎服。青黛胆草熱可增。右脇疼痛。痰流注。右關脈滑或走注有聲。南星白芥白茯苓。左脇痛時合四物。按之有塊。瘀血成。痛處不移左關沉澹。桃仁紅花宜加入。痛甚乳香沒藥。尋右脇有塊。兼飽悶吐酸。噯氣傷食症。右關脈緊盛。麴芽厚朴及兵。郎肉食山查草菓。應脇痛口苦并寒熱耳聾嘔吐寒邪。訣胆汁三匙入本湯。神功妙用無人說。脇痛內熱大便難。沉實有力是。

熱結痛隨利減加大黃瘀血桃仁不可缺脉來微細又如何或大無力內傷多本湯須借人參力補中益氣合除病

示吉日脇為肝胆之區禁用汗吐下三法司命者須知外治法內外夾攻自能速効一用白芥子水研敷痛處能消脇中痰又兼辛散用吳茱萸研細醋調敷熱主流通又從治也一用韭菜一握縛定約寸許切斷成餅放在痛處上用熨斗火熨之使韭菜氣入內即愈餅爛再易一枚韭菜氣辛開鬱結又能逐瘀用者擇焉

腰痛

先天之本性兩腎位在腰間藏精應房勞過度兩腎虛邪氣客之腰痛病腎虛為主有瘀血或濕或痰或鬱熱風寒挫閃總能疼益坎湯中加減說山藥山萸熟地黃香附烏藥續斷杜仲故紙鹽酒炒丹皮澤瀉砂仁接引用青鹽空心飲尋常腰痛自然絕痛之不已腎知母黃柏脉數添或手足心熱而炮姜肉桂以為常屬虛脉遲設症足冷無熱不寒濕時見熱能除加蒼朮白朮天陰疼痛知濕熱加黃柏蒼朮白朮挫閃板疼難俛仰歸尾桃仁牛膝列便結大黃并桂枝赤芍紅花治瘀血內有塊痛日輕夜重尺脉浮時定是風天麻防風羌獨活脉來滑疾又各痰腰背重注走

串維南星半夏白茯苓白芷撫弓二木香藥腰痛雖虛禁參芪寒涼之劑不宜過久痛須加官桂開痛甚不妨加乳沒秘法引經猪腰子煮湯煎藥功奇特若還大便秘不通酒蒸大黃不可忽又有腎著若物纏腰冷如帶五千錢各四體重如冰小便利白茯苓草炮水各三水煎每服四空心服

示吉日腰為腎府腎坎象也水火並焉水衰則相火旺而腎熱火虛則陰翳襲而腎寒水火俱衰土乘邪干均令腰痛宜青娥丸大茴杜仲故子鹽酒炒各一兩熟地二兩胡桃肉四兩為末蜜丸空心酒下一方用猪腰子一具剖開入青鹽

三錢杜仲末五錢濕紙包裹煨熟空心食之妙

吹鼻點眼治閃腰痛法 一用木香一錢麝香三分為細末右痛吹左鼻左痛吹右鼻令病人手上下和之一用西瓜皮陰乾為細末點目內皆精明穴立愈

臂痛

手背因何作疼痛經絡血虛風濕中或寒或痰或有傷秘法活經湯有用蒼白二木共南星防風羌活秦艽動半夏桂枝羌獨活補血須用弓歸頌經寒漸艾桂枝添或脈遲痰多白芥瀝汁片姜送症麻木不仁脈數臂熱酒炒屬溫身重酸疼蒼倍進濕若

因判閃定為傷桃仁紅花靈仙應氣滯香附及姜黃氣虛黃芪
人參幸_{右脉浮}大無力服時食後引生姜臨服陳酒一盃定

止痛法 一用瓦晒熱熨痛處 一用真岐艾四兩揉成綿
裹痛處二法均熱主流通通則不痛之法

背痛

背屬太陽膀胱經太陽氣鬱痛不行通氣防風湯可用藥本差
活獨活存_{各二}防弓一錢及甘蔓_{草荆各六}生薑為引水煎成身重
腰況加防已脉遲附子葉如神二陳合治脉來滑背心一點冷
如冰_{屬痰合}二陳湯勞役過度常常痛十全大補定功成_{四君四物加}
_{芪桂姜棗水}

前服或用補
中益氣湯

痛風 俗名白虎歷節風 古名痛脾

遍身走痛名痛風血虛氣滯風濕攻濕痰流注脉來滑麻痺不
仁經絡壅上盛為風脉浮數下盛為濕脉濡同日間痛甚為氣
滯夜間痛甚血虛凶肥白人多痰蒼瘦火從風羌活有神功羌
活蒼朮酒炒_黃芩當歸白芍半夏_均茯苓香附_{草皮}陳用木香磨汁
水姜增上痛防風白芷妙下痛黃柏牛膝尋熱痰瓜蔓并枳實
竹瀝姜汁臨服入脉滴血虛生地_川芍痛甚原須加乳沒發熱柴
胡不可無臂痛桂枝加有益小便短濇合四苓骨節疼痛靈仙

力

按走注疼痛。古名痛脾。究其故。血虛不榮內。血瘀不養筋。寒勝則凝滯。濕痰則留結。使榮衛滯塞而不通。何怪乎其為痛也。但痛而走注。非寒痰濕血之所能。其惟風之善行者乎。古人定名。良有以也。秘方用桑枝一小升。細切炒香水三升。煎二升。一日不拘時飲。桑枝性平。不冷不熱。可以常服。并能止嗽消食利便。屢効。

眩暈

頭眩昏暈病何如。如立舟中氣喘時。眼暗生花。身自轉耳聾昏

眩暈無知氣少。血虛痰作病。風非暑濕亦須知。內經見暈眩。木主風。故也。丹溪痰火兩相持。清暈化痰湯主刺。陳皮半夏。施各一水。白朮川芎。羌白芷。各七分。防風枳實。胆星。天麻。須酒炒。水姜煎。飲病當除。勞役過度。自汗重。黃芪。人參。氣虛用。去羌芷。防風。或失血產後。是血虛。常歸。生地。芍藥。中。聖。或補中益氣湯。湯。歸。脈。數。黃。連。并。山。枝。遲。脈。炮。姜。肉。桂。重。痰。多。竹。瀝。及。姜。汁。中。濕。身。重。增。蒼。朮。或吐逆。項強。不仁。風。脈。浮。有。汗。桂。枝。白。芍。的。筋。掣。痛。脈。浮。緊。寒。則。無。汗。紫。蘇。入。冬。加。麻。黃。夏。天。煩。悶。暑。脈。虛。麥。冬。五。味。香。薷。益。

麻木

麻木如繩縛初放全無痛痒木之狀。總是皮膚不仁濕痰死血木病成。

氣虛麻木方來富開痰活血治木方川芎茯苓當歸陳皮生

地牛芍藥各一白芥桃仁紅花望各八甘草生薑一併煎竹瀝

姜汁臨服放臂上桂枝不可無牛膝靈仙下部蕩南星二木治

濕痰寒壅經絡川烏壯麻症治法又如何益氣行氣功最多補

中益氣湯為主參芪歸木木香香附川芎羌活青皮桂枝加少許

棗姜煎服定除疴茯苓半夏有痰用黃芩羌活秦艽夾風送淨

者身重脉濡蒼木增濕瘦入承數苓連頌連酒炒肥人附子可

引經還須便製少許用

痺症

痺症有五原歸一。骨痺皮痺筋痺脉痺肌痺其原總屬風寒濕風能走注寒

善痛濕多重著脉來澀。或浮或緊故有痛以致麻木皮不仁不

能行動但能食舒經湯用好姜黃四兩洗當歸赤芍共白朮各

兩半草薢各一海桐皮二為末三錢生薑入盞半水來煎

八分去渣磨入沉香汁

痿症

四肢軟弱名痿症但能飲食行難任五臟五痿出經書。脉痿筋痿

痺痿

上

筋。羣肉痿則渴。骨痿腰膝獨取陽明脾肺病。陽明脾肺皆由酒色不舉氣痿肺鳴皮王枯槁

真氣傷。清心補腎病。自定參歸養榮。湯用人參熟地當歸白茯苓陳皮白朮兼芍藥栢知故子酒炒行牛膝杜仲

甘草減半水煎吞。肥人有痰加蘆半。瘦人多火用枝苓。山炒黃酒等分用

瘀血脈清弱。桃仁紅花宜所增。食積妨礙亦成痿。食積條中加

減論

示吉曰痺痿俱能食而不能行。症相同也。但痺多實。痿多虛。

痺多寒。痿多熱。痺為濕痿為濕熱。苟不明辨。調治自差。其要

在有痛無痛中。分有痛為實。痺也不痛為虛。痿也。此為衰回

者辨至于用藥。又當隨其所挾。看其所急。譬之痿症雖虛。若

二便秘結。熱燥腸胃。能不用大黃以潤之乎。痺症雖實。若因

勞役內傷。賴言倦怠。脈來無力。能不用其溫以補之乎。東垣

治痿以黃柏為君。黃芪等補藥為佐。而無一定之方。蓋欲學

者隨其所挾而用藥也。

癰疽

卒時暈倒。口流涎。身軟。口噤。咬牙關。聲類畜叫。名癰疽。五臟五

癰病自煩。總因痰火塞心竅。作畜學者譬之笛孔。開閉不同。祛

癰。一陳功不凡。扶半。其陳犀角屑黃連枳實沉香截膽星遠志

醫宗說約 卷二
及菖蒲竹瀝姜汁臨服設辰砂為末好鎮心開闕牙。皁鉤藤絕示吉曰癇與瘧相似但癇則身軟時醒瘧則身強直反張如弓發不時醒為異仲景云身熱足冷頸項強急惡寒時頭熱面赤獨頭搖卒口噤背反張者瘧症也方具傷寒科中至于雜症成瘧變症也大抵屬痰屬血虛血虛參歸養榮湯見瘧症加羌活防風黃芪桂枝痰用瓜蒌桂枝湯瓜蒌芍藥甘草桂枝水姜煎服瘧症多用桂者以瘧為肝病肝木主筋桂能緩筋而伐肝所謂木得桂而柔也若陰瘧成瘧難治國陽救急湯加桂枝白朮友在傷寒科

癲狂

肝實多怒名曰癲錯亂妄為不可言心熱多喜狂呼呌妄言妄見是狂然難經雖有陰陽別均為熱症河間說從來宜瀉補不宜在上吐之病自歇病在下者微利之吐瀉後將餘邪徹祛癲二陳湯見癲症甚有功但得寧靜補心血天王補心是妙方莫施溫補病難絕飲食過度病復來枉咎醫家不先說清心寡慾并安神恬澹滋味善調攝傷寒之病變發狂節菴方法真奇訣見傷寒邪祟欺人詈罵來承祖灸法第一節
治火亢吐法治心火亢甚喜笑不休用食鹽二兩放刀頭上

用火燒赤研細入半夏三錢竹葉一兩河水二大碗煎三四沸去渣待溫入竹瀝半盃姜汁三匙頓服鵝翎探吐熱痰即愈下法治實熱大便燥結發狂用大黃四兩酒浸一夜水三升煎之分三服能食脉沉實有力者立愈

秦承祖灸鬼法治一切驚狂譫語踰垣上屋罵詈不避親疏等症以病者兩手大指用細麻繩扎縛定以大艾炷置于其中兩介甲及兩指角肉四處著火一處不著即無效矣七壯神妙

治發狂秘方用好生犀角四兩剉末每用一兩加清水十碗

入砂鍋內熬至一碗濾淨再加水十碗熬至二酒盃去竹葉四兩水六碗煎至二碗去渣加犀角汁同服四劑立愈婦人產後血迷心包亦令癲狂歌唱無時踰垣上屋宜加味逍遙散用當歸白芍白朮茯苓柴胡生地遠志桃仁蘇木紅花甘草水姜煎服此屬虛症宜補不宜瀉故予拈出

驚悸怔忡

驚悸忽然心惕惕如人將捕時驚惑跳動不已名怔忡寤寐神魂多恍惚精神短少或多痰健忘之病因而得皆緣大恐與大

驚觸事喪志心神失治用四物安神湯當歸川芎芍藥地黃參神
枝子黃連炒酒木麥冬酸棗竹茹當烏梅炒米引姜棗臨服研入
辰砂好時跳時止定因痰二陳合用病自了心下悸動是水停
猪苓澤瀉不可少

健忘

心氣不足事多忘有始無終作事皆發言首尾都忘却思慮勞
傷致病妨天王補心真妙藥川連酒炒二兩生地黃酒洗四兩當歸麥
冬五味子栢仁棗仁玄參當天冬茯神并桔梗丹參遠志合成
方各五錢菖蒲一兩共為末蜜丸送下定驚恍朱砂為衣臨臥服

引用燈草竹葉湯

每服三錢

肥人脈滑痰迷竅胆星半夏莫如

虛煩不寐

虛煩不寐是何緣心熱膽寒病自兼痰涎沃心誠可怕加味溫
膽病當痊半夏竹茹陳枳實茯苓甘草棗仁先遠志人參及五
味熟地姜棗一同煎臨臥服熱在陽明不得睡竹葉石膏勝如仙
傷寒條內分明說口渴自汗症相全

示吉曰健忘驚悸怔忡虛煩不寐俱屬少陰故多用安神養
心之品然須察其所挾挾水者合四苓挾痰者合二陳再察
所因如因勞役過度或病後而來宜補中益氣湯加紅花入

心黃栢滋腎。其病自退。若因思慮過度。勞傷心脾而來者。宜
歸脾湯。蓋思傷脾。脾足則神寧意定也。諸症總不宜涼劑。
瀉脾土。瀉伐心火。火微土衰。則痰涎日甚。而不可為矣。
歸脾湯治脾經失血發熱。盜汗。或思慮傷脾。不能攝血。以致
妄行。或健忘驚悸。或心脾傷痛。嗜寤少食。血虛發熱。虛煩不
寐等症。用人參白朮黃芪茯苓當歸遠志棗仁龍眼肉各一
錢。木香炙甘草各五分。姜棗煎服。

黃疸

疸雖分五實。歸一

黃汗黃疸酒疸穀疸女勞疸丹溪曰。不
必分五種。總是濕熱如禽醬。麴相似。蓋是

脾虛胃不實。水穀濕熱相鬱。蒸發黃腸。滿溺黃汁。有如禽麴。遍
身黃。眼珠指甲俱金色。欲除濕熱。利小便。茵陳五苓湯有力。茵
陳澤瀉。猪茯苓。山枝木。通并白朮。山查。枳實。共并陳山枝少許。
兼滑石。姜棗。燈心。河水煎。厚朴。兵郎消食。積身熱。柴胡。乾葛。增
腹脹。腹皮。卜子。入傷酒白。寇共葛根。浮腫。蒼朮。應有益口。渴腹
脹。大便難。加入大黃。去白朮。名加味茵陳大黃湯小便自利。大便黑。按腹
則痛。瘀血積。桃仁承氣湯中惡心吐酸。胸腹滿。右關緊盛。是傷
食。從飲食二者俱宜。勝金丹。見鼓食消血去。黃自息。腹中無病。
能飲食。二便如常。不苦。瀉。惟有身痛。脉來大。煩燥。頭疼。苦鼻塞。

此因寒濕客頭中。瓜蒂搐鼻黃水出。

秘方搐鼻瓜蒂散。用瓜蒂二錢爲細末。再入母丁香一錢。黍米四十九粒。赤小豆五分。再研極細。至夜令病人先含水一口。將藥半字吹入鼻中。待下。或吐去水便睡。至夜半。或次日取下黃水。則愈。若病在遍身者。內服茵陳湯。

示吉曰。疸症在上者吐之。微汗以散之。搐鼻以除之。在下者引而竭之。大便實者下之。必使小便清白爲愈。病之常治之經也。外有瘀者逐之。蟲積者消之。寒者溫之。病之變治之權也。蟲積如吃泥土。米炭發黃。依蟲症條中治之。陰症發黃。四

逆湯加茵陳。詳傷寒條。凡疸散成鼓者危。黃入手足心。渴而熱甚者難治。

驗黃疸生死法。用二指重按胸前臆中穴。二指左右分開。中間有血色者可治。秘方外治。用生姜一斤搗爛。入酸醋一斤和平胃末二兩調勻。遍身塗之。少頃戰慄汗出。內瀉黃水而愈。

斑疹

遍身紅點名曰斑。斑無頭粒疹生頭粒又多。疹有頭粒浮小隨出隨沒先紅後赤。人昏憤。脉來洪大。更心煩。熱傷血分。乘虛出。鮮紅稀朗。方爲

吉。紫黑稠密定傷生。和解辛涼消毒力。將出未出升麻湯升麻
葛根川芎立其草。棗姜水煎服。再著紅花亦有益。已出之後去
升麻。已下牛旁玄參知母吃。王苓桔梗同犀角。加入大青功妙
極。譫語口渴并自汗。竹葉石膏粳米酌。

驗斑疹蚊跡法。以紅紙燈照病人面部胸背四肢。有紅
者斑疹也。疹輕斑重。先將姜汁噴于斑上。隨輕重用藥。若病
人安靜脉不洪大紅點惟在手足。且先紅後黃是蚊跡也。切
宜細察。

濁症

小便去濁名濁症。皆因濕熱為之病。白者如米泔名白濁赤者

凝如膏糊經曰水赤屬血。今白屬氣。肥人濕痰膀胱滲清心蓮
液渾濁皆屬于熱

子用石蓮。去壳人參黃芪赤茯苓。淨地骨。麥冬及車前。黃芩甘草。

功相應。已下肥人須合二陳湯。二木升柴亦莫刺。酒炒知柏脉

數深久而不止。升柴進。清精金櫻并蓮鬚。山萸牡蠣真能任瘦

人血虛因而得。赤色居多。合四物。暑天伏暑用清涼香薷扁豆

兼滑石。白濁腎虛草薢飲益智菖蒲烏藥等。四未等煎成入少

鹽空心煎服功成穩。

示吉曰便濁則降火清痰分利。精濁則益腎滋陰固脫關要。

也。外有肥人多濕痰。清痰是要。瘦人多虛火。降火爲先。老人因虛寒而致。可求溫補。夏月因伏暑而然。法用清涼。是亦丹溪之法。傳于言外也。

淋

心與小腸爲表裏。心火動時相火起。煎熬精液成五淋。血石膏赤瀉不通。痛不已。欲去不去。住又來。淋瀝疼痛。無人理。清心分利。是良方。犀角黃連枝子。擬滑石木通。共車前麥冬赤茯苓草。抵竹葉蓮心燈草煎。還加青黛痛脫體。溺出砂石。名砂淋。石葦瞿麥葵子行血。淋尿血。莖中痛。栢葉藕節生地臨。不痛者爲尿血膏濁。

數膏淋症。茯苓白朮半夏真勞倦病發。是勞淋。人參黃芪歸木。導管有餘。瀝身又冷。是氣木香兵榔歸澤真。若是氣淋。脉來溜牛膝煎膏。病自平。脉數栢知方有效。下着升柴更神。靈脉來無力。參朮用。大便秘結。大黃行。

示吉曰。二濁五淋俱小便去濁也。濁多虛淋多寔。蓋淋痛濁不痛爲異耳。濁淋俱屬熱症。惟其不痛。大約屬濕痰下陷。及脫精所致。惟其有痛。大約從淫慾火動。強留敗精而然。治之不可表同。故男子女人五淋帶下。初起小便痛者。用白茯苓黃各一錢五分。百草霜分五共爲末。雞子清調。蒸熟作丸。白湯

下空心服尿白即愈。毛公威傳此方泄瀉者不可用。

小便不通

小便不通有二症。渴在上焦肺熱病不渴方屬小腸來膀胱實。熱通關應渴者須投清肺湯。赤茯苓、寒澤瀉、當通草、車前、扁蓄、妙木通、瞿麥、飲無妨。琥珀為水引燈草空心一服是仙方。若還
不渴小便秘通關丸用知柏各一兩、肉桂為末用一錢熟水
為丸桐子例空心送下一百丸。頭兩足時藥行易已上二症是
大綱投之不利吐之愈。皆因痰塞中上焦。如王上竅塞而下竅
閉。法煎二陳探吐之久不通時當提氣。勿用巴豆及牽牛大便

秘結八正

散

濟若兼嘔吐名關格。老人鼓脹總不利。

皆死症

示吉曰小便秘日久則未滿而死。急症也。外治法不可不講。
一用皮硝一合連鬚葱一根同搗用青布攤似膏藥貼臍。
上熱瓦熨之即通。一用炒鹽熨臍腹。一用麝香半夏為
末填臍中。上用葱白螺螄二味搗成膏為餅母臍上用布帛
縛定。下用皂角燒烟薰入陰中白通。女人用皂角煎湯洗陰
戶。若在胎前名曰轉胞。是胎壓轉尿泡不得小便也。宜穩婆
托法詳女科。總之右寸關滑實者多煎二陳湯以吐其痰。
因痰塞上竅以致下竅不通也。右寸關細微無力或浮大無

力是屬氣虛宜獨參湯補氣經云氣化則能出矣若左脉芤
瀦或小腹有痛塊是屬瘀血桃仁牛膝作丸服若大便黑者
桃仁承氣湯一單方治小使閉脹急垂危者用自已爪甲燒
灰水調服只取通瀉之意也

大便不通

心肺清肅腎水節津液充足內不熱大便滋潤目調勻若還秘
結津液竭大腸無血致成災更兼邪熱因而結壯年氣盛可下
之大小承氣真奇絕湯見傷寒婦人產後及老人久病之後作虛說
若用巴豆并硝黃暫時取快禍最烈千金潤燥是良方生熟地

黃當歸帖蘇子桃杏共麻仁四味炒枳殼厚朴黃芩列其草燈

心共水煎秘甚還加大黃劫大黃用酒拌蒸晒九次便通即去之腹痛兵郎水香

開氣虛人參郁李來痰火瓜蒌并竹瀝風閉羌活牙卓裁一加郁李

仁老人從蓉麥用產婦弓芍紅花該小便多時或自汗津液枯竭

故之人參麥味用扶衰

示吉按丹溪曰西北人壯實開結為主東南人氣弱潤燥為
要然因其地而分不若隨其症而治蓋便結因風寒熱病者
雖東南雖老弱非用硝黃不可仲景所謂急下法也便結因
于病後失血產後者雖西北雖年少亦宜滋陰補養丹溪所

謂潤燥法也。變通而治何病不克。至于結在廣腸。導法尤爲捷要。三法附後。一用猪胆二三個。每個傾去少許。仍入醋在內。用蘆管相接縛定。一頭套入谷道。以手撚之。令病人提氣。如忍大便狀。胆汁入內。卽通。蓋酸苦能益陰潤燥也。一用香萊油或麻油。入猪胆中。如上導法。一蜜導法。用白蜜六七兩。煉稠厚黃色。滴水凝硬。再加入鹽五分。皂莢末五分。和勻。急傾入冷水中。捻如指大三四塊。先將香油塗谷道中。後用蜜條放入。卽通。

二便閉

肝腎實熱。二便閉。大便行時。小便利。八正散中。用大黃木通滑石車前。意蘼蓄瞿麥。并山枝甘草燈心水煎。例少壯驟病。服如神。老人虛弱。藥所忌。

外治法。一用蝸牛三箇。連壳研如泥。加麝少許。貼臍中。以手按之。立通。一用白螺螄搗爛。填臍中。亦妙。一用香豉二十粒。連鬚葱一根。勿洗。生姜一塊。食鹽二匙。同研爛。捏餅烘熱。掩臍上。以帛札定。良久氣透自通。否則再易。秘方。用白蜜半鐘。白湯泡開。入玄明粉三錢。空心服。血熱便秘。用當歸五錢。煎湯調服。玄明粉三錢。並妙。

脫肛

肺與大腸為表裏。肛門閉結肺熱理。肺臟虛寒則脫肛。瀉痢久
虛下陷起。老人虛弱小兒元氣不足舉氣湯中參與芪。歸身升
麻五味已。姜棗水煎。空心服。外治好。將熱尿洗。鞋底烘熱。捺進
去。再點冰片。亦得體。冰片為末。點肛上。瀉泄脫肛。去當歸。補中益氣。甚
有禮。大便乾。瀉努力來。是為熱脫。清涼擬。門瀉痛。黃柏知母
四物湯。枳殼黃芩。病自已。

收肛散用熊胆五分。兒茶五分。冰片二分。為細末。乳調抹肛。
上熱汗下而肛收矣。熱瀉脫肛者佳。并治痔痛。

三消

心熱移肺。名上消。多飲水。樂二便調。或舌上赤裂多飲。火熱在
胃。偏多食。大便硬。分小便赤。各中消。善食而瘦。自汗。治清胃理中。下消。腎熱。渴飲
湯耳輪。寒乾便淋。瀝。小便淋瀝如膏狀。治宜清火養陰。其名雖有三。般異。津液
乾枯。血虛。一天花解毒。治三消。花粉。麥冬。五味。粒。葛根。生地。及
川連。人參。當歸。甘草。吃竹葉。蘆薈。及燈心。徐徐服下。有神。力山
枝。桔梗。治上消。黃芩。石羔。中消。入黃柏。知母。治下消。姜椒。辛辣
不可食。烏梅。蓮肉。合煎膏。合本方煎膏。再加下幾味。人乳。牛乳。藕梨汁。再加
白蜜。共煎成。不拘時候。徐徐吃。此症皆從燥熱來。能食須防發。

毒物不能食者傳中滿鼓脹等病醫宜識

示吉按渴症有三總歸無水外有酒毒作渴非葛花不除暑邪消渴非香薷不愈喜食炙煇甘肥令渴豆豉有效汗吐下後胃液不足而渴惟人參有功青梅止渴胃乾暴渴宜加朽木作湯熱中消中當飲此梨甘蔗性水味甘酒渴鹽傷俱解病因不同歌難盡載從此消息亦有補也朽木土中水中者良方寸者三十枚煎湯飲治肥甘炙煇嗜酒耽辛以致消渴者佳喜飲酒灼人真陰愛海味喪人真液皆令消渴蔗汁梨汁主之

夢遺

夜精遺失多因夢心火旺時相火動清心寡慾是良方黃連生地當歸煩石蓮遠志共人參甘草扶神酸棗用不愈蓮鬚金櫻膏臨服食鹽少許送

滑精

無夢遺精是滑精陰虛火旺水難存清精消火并節慾保精湯用自安寧川當白牛母歸芍地知柏炒王連枝子牡蠣掃沙參麥冬并山萸姜灰少許元精保不愈辰砂共龍骨爲末臨時調服好

一用固真湯治無夢而遺用蓮蕊石蓮芡實束仁遠志扶神

天麥冬桔梗重前龍骨等分甘草減半燈心水煎調辰砂末服 此症大法不可用涼藥不可純用滋藥

脚氣

寒熱嘔逆傷寒意脚膝酸軟疼爲異腫濕脚氣實因濕不腫熱

痛乾脚氣麻者因風必無汗走痛者寒拘急腫爲濕氣身重例

筋弛防已飲子總能司木通防已替木黃蘗計生地木瓜與兵郎

犀角川芎黃柏酒炒味甘草稍頭用水煎內熱葶連倍生地先煎

後腫倍川芎氣傷先腫後痛犀倍記大便秘結加桃仁結甚加

小便澀時牛膝利有痰竹瀝并半夏風盛秦艽羌活易嘔吐喘

急最爲凶脚氣臨心病所忌

示吉日脾氣虛弱胃氣下陷亦令足跗氣腫蓋脾具坤靜之

德而有乾健之運中氣冲和則升降降濁而無病若勞役久

病脾氣致傷土不制水胃中水穀之氣下陷令人跗腫宜補

中益氣湯升舉其下陷之陽浮腫自愈若以牛膝木瓜之類

治之病日甚矣脚氣外治法最妙一用附子末津調塗湧

泉穴一用川椒一兩葱一握生姜三兩打碎水十碗同煎

洗脚寒濕脚氣疼痛不仁俱治一用木通二兩水煎頓服

治足膝腫痛一日後發疹則愈如夾用他藥不效

疝

小腹急痛連睪丸疝氣原來有七般

寒水筋血氣
狐癰七疝

總為房勞并

辛苦履冰涉水又經寒素問而下皆寒治丹溪濕熱法方完煖

腎散中荔楠核

枝核
未炒為

故子杜仲青皮方烏藥香附及兵郎木通

川芎炮姜益川續肉桂并當歸川椒大茴砂仁入等分為末服

五錢空心酒下功難述

示吉按雲林集云腸中走氣作聲或痛者盤腸氣也少腹陰

囊手按作响聲痛者膀胱氣也臍旁一梗升上釣痛小腸

氣也小腹下注上奔心腹急痛者腎氣也陰子偏大小者偏

墜也陰子雖硬大而不痛者木腎氣也俱因熱鬱于中寒束

于外宜神効湯用大茴延平益智蒼朮香附當歸山枝各一

錢水香吳萸各七分川烏五分砂仁七分甘草三分姜燈心

水煎臨服加酒脹悶而痛加乳香沒藥瘀血脹痛加桃仁紅

花川芎腎氣上冲加沉香枳壳此方亦穩予一日治二疝

一人升上作痛一人墜下作痛俱悶痛欲絕求方于予并上

者予定故子三兩炒黑丑一兩生硫黃七錢俱為末鹽酒打

麪糊為丸鹽酒送下墜下者予定補中益氣湯加杜仲故子

肉桂炮姜香附川芎二人駭曰疝氣同也何方之不同若是

予曰姑試之至明日而皆愈。

諸蟲

濕熱生蟲古所云皆因飲食不調均牛羊菟驚都生積米泥茶炭等生成面色痿黃心腹痛飲食少進肉不生椒梅湯治諸蟲症嘔吐涎沫腹痛甚烏梅用椒及兵郎枳實木香香附應川練砂仁厚朴肉桂炮姜甘草順等分生姜并水煎先食蜜糖藥後進十五已前蟲向上服之即効如律令望後蟲頭向下行先用蜜糖肉汁滲引蟲頭向上然後用藥

按遇仙丹下蟲之藥也小兒最多蟲症急宜修合用白黑丑

頭末一兩兵郎半生半炒一兩山稜蓬木醋炒各五錢

二錢為細末糖拌小兒一錢大人二三錢酌虛實用之糖湯

送下空心服

耳病

耳為腎竅病屬腎腎虛耳聾不能聽少陽胆經絡繞入耳感受

邪氣耳鳴應醇酒厚味動胃火亦致耳鳴紅腫盛右屬陽明左

少陽紅腫流膿風熱病蔓荊散用蔓木通桑皮蜜赤芍升麻定

生地前胡赤茯苓菊花甘草俱等分姜蜜煎成食後服胆草柴

芩左痛進右聾須合地黃丸川當歸芍藥功成峻風熱熾盛脉浮

醫部全錄
風白濁
洪荆芥防芷芎紫靖

按腎虛耳鳴聾者宜地黄丸加川芎芍藥當歸黃柏菖蒲遠志肉或煎或丸俱妙若耳中紅腫疼痛用葱搗汁滴入即愈若耳中流膿予家秘方白龍丹枯白礬一兩飛過東丹二錢半海螵蛸一錢龍骨二分半射香水片各一分為極細末綿紙條撚盡膿水吹入少許即愈若耳後陷中紅腫恐成天疽急用神仙活命飲合小柴胡消之倘成膿則難治慎之

目病

目疾主治有專科五輪五臟肝居少

自睛屬肺曰氣輪鼻珠屬肝曰風輪大小皆屬心口

火輪上下胞屬脾曰肉輪瞳神屬腎曰水輪

目得血養方能視肝經風熱日生

赤腫痛眼稍爛迎風出淚日久過羗活飲子羗防風赤芍白芷薄川芎甘草陳皮兼枳殼柴胡乾葛亦相通水煎乘熱先薰眼徐徐服下有神功山枝黃芩內熱用龍胆連翹肝火攻酒蒸大黃加錢許釜底抽薪妙不窮不能久視昏花暗腎經真水虛弱秦又宜明目地黄丸熟地飲子金不換熟地當歸麥門冬枸杞芍藥川芎丹皮羌活與防風菊花燈草真有幹相火旺時加知柏氣虛人參黃芪入熱甚黃連及黃芩損者益之自有力洗眼法一用防風荆芥連翹白芷歸尾甘草枳硝白礬胆礬

少許水煎去查乘熱洗 一用古青錢三文黃連三分杏仁
三粒艾一葉水一盃煎三分去查澄清一夜次日頻頻洗之
凡患風熱眼眶腫爛者佳

治雀盲方蒼朮炒爲末羊肝同食卽愈用齋者豈腐同食凡
晝明夜暗者佳

鼻病

無形之氣通于鼻鼻塞聲重風寒客傷寒傷風在本條胆移熱
腦鼻淵責俗名腦漏辛夷散能治鼻淵白芷一兩辛夷蒼耳得各二錢半
荷五分共爲末每服二錢葱湯食食後服喜飲熱酒肺熱傷赤鼻

爲酒查鼻秘方只用連翹仁四兩爲末湯來吃臨臥服三錢鼻孔
生瘡氣不通香臭莫辨癰肉塞辛夷川芎與防風木通細辛藁
本的白芷甘草及升麻分等爲末三錢茶調益外用冰片吹鼻中
內外兼治法有力

一用狗頭骨燒灰加硃砂少許爲細末搐鼻中癰肉自化

口舌病

口屬脾經舌屬心舌和五味自知音肝熱口酸食亦作酸心熱苦內
亦口脾熱口耳疽亦生腎熱口鹹虛則淡寒亦鹹肺熱口辣自生
成口乾欲飲皆爲熱喜唾停水胃寒侵內傷勞倦淡無味嗽水

不嘔屬寒陰。

蓄血症亦喜嗽水不欲飲。

上焦鬱火口舌碎。或腫無皮神悞悴。

重舌木舌口乾焦二寸洪數熱為祟。玄參飲子是神方。玄參牛

旁連翹。貴甘草。桔梗共黃芩。黃連生地。枳殼。最白芍。薄荷。炒山

枝。燈草同煎。祛病累。牙肉腫兼白虎湯。

石羔竹葉知母梗米。

口酸胆草。柴

青類不愈。牛膝及車前引火下降。如神。謂大便結時酒大黃加

酒半盃不可醉。

示吉曰。口舌病屬熱者多。故古人多用本方。然亂世之民勞

勞則虛。虛則近于寒。故屬寒者亦不少。其症口舌生瘡。脈來

無力微遲。飲食少思。大便不實。足冷。服涼藥不効者。是也。

命門無火。浮陽上升。宜八味地黃丸。或用官桂。喻之總之曰。

舌症。若因勞役致病。房慾無度。或費心憂愁而來者。須從各

症本條合玄參。飲細心加減用之。實熱口碎。用玄明粉煎湯

嚥嗽甚妙。外治法。舌腫滿口不能出聲。用蒲黃摻之。即

効。一用百草霜。錢許調服。一人無故舌上出血。仍有小瘡

炒槐花為末。摻之即愈。一熱症多舌出。有病愈而舌不入

者。冰片一分。沫舌上即收。有舌腫出口外。以草麻油蘸紙

作燃燒烟薰之。隨即消縮。

齒病

木生干土齒生床

床牙肉內骨

床本陽明齒腎庄下床嚼物大腸脉

屬手陽明動而不休

上床不動胃經當

足陽明止而不動

厚味濕熱陽明病牙床

腫痛理所定竹葉石膏是主湯羔竹升麻知母順玄參糯米及

山枝水煎服時痛自應吸風痛甚是為風羌防荆芷辛芩進齒

齦宣露動搖長腎元虛損地黃峻

虛熱六味丸虛寒八味丸

示吉日牙痛多腫口穢臭屬火者多故本方用涼藥而挾風

者兼風治也外有蠱蛀痛寒痛俱宜外治法一用白芷北

細辛各五分肉桂麻黃草烏各三分真蟾酥分半為細末麝

糊九桐子犬每用一丸咬痛牙下即愈一用防風荆芥羌

花蜂房各一錢川椒十粒細辛三分食鹽少許水醋各半磨

嗽口立愈二方風寒蟲痛俱治一用葶藶咬定痛處一

用川椒韋冰為末放碗內上用一碗合蓋用紙糊口不使漏

氣下用稻柴火一握其藥即升上矣取下擦痛處神効

咽喉症

咽喉之位司呼吸人身靈籥緊要極忽然腫痛語言難十八種

病不難入主治加味甘桔湯一切實火總皆息其草桔梗共山

枝連翹防風枳殼益黃芩生地并當歸等白芷薄荷減半入燈

草細茶共水煎山豆根木調服吃冬花粉咽乾用發熱柴胡

亦有中痰甚^黃者。干薑竹瀝。牛旁玄參。生瘡動熱。極便秘。酒大黃。

虛火泛上。相^黃知重。此藥總宜徐徐服。吹藥外治。能蠲痛。

示言曰。咽痛熱多寒少。本湯十有九中。若因飲食勞倦。無根

虛火上炎。脉遲足冷者。非其指所司也。炤口舌痛。浮火上升。

法治之。吹藥外治法。一用胆礬爲末。吹喉中。吐出痰涎。便

愈。一用火硝一兩五錢。明雄黃二錢。鵬砂五錢。僵蠶一錢。

冰片三分。爲細末。筆蘸藥。捲痛處立効。一用胆礬白礬。火

硝片。腦山豆根。辰砂。雞內金。等分。爲末。用鵝毛管吹藥入喉。

卽愈。一用胆礬五分。半枯半生熊胆。木香各二分。爲細末。


用香水。蠶磨井水調和。以鵝翎蘸掃患處。立消。

針法。喉中紅赤。用鍼從旁針之。血出則愈。旁針不犯瘻門

穴也。一針少商穴。穴在患人手大指外邊指甲後一莖葉

許。針之出血。男左女右取之。如危急。兩手俱針。神効。

指檢之出血畏主本本短之味或急兩手則檢脈後
穴出 一檢少商穴穴或患人手大計以數計甲後一並華
檢出 辨中取末用難辨受檢之血出限愈受檢不亦難
用脊水微微其水隨味以辨陰辨辨患患立當



醫宗說約 三

内閣文庫		
番號	漢	15475
冊數	4	(3)
函號	子	33. 1



清宗說約卷之三

古吳自了漢蔣示吉仲芳氏述

虞山元虛子嚴 燧文若氏 叅

矢池自得子毛漢迎方來氏

弟 時行卒芳氏

婿葉舒嵩明韓氏 訂

傷寒賦上篇

人生疾苦。莫重傷寒。岐伯陳傳變之經。內經具載。仲景詳方法之治。金匱斯明。補論方。晉王叔和功大。加註釋。宋陳無已功多。

自宋及元。于今爲盛。集大成。王肯堂之輩。摘精要。陶節菴之徒。考古而徵今。博學以說約。欲明其症。先正其名。霜降後爲傷寒。若溫煖則有冬溫之異。春分後爲溫病。倘暴寒則有寒疫之殊。乃問時疫因四時天令不正。既名熱病。由夏月暑熱方生。濕溫暑暍宜分。類似傷寒。有辨將行三法。明察六經。太陽則發熱惡寒。頭疼脊強。拘急體痛。陽明則頭額日痛。微寒身熱。鼻乾不眠。少陽脇痛耳聾。寒熱嘔而口苦。太陰腹滿自利。尺寸沉而咽乾。少陰之經。舌乾口燥。厥陰之症。煩滿囊拳。日傳一經。七日尋愈。若言兩感。六日再傳。麻黃桂枝與五苓。治太陽無汗自汗及煩

渴。葛根白虎并承氣。療陽明表症裏症與下攻。惟少陽有汗。下之禁。三賴小柴胡以和解。至少陰有下溫補之症。七看肝足便以收功。脈沉寔有力便結宜下。脈沉細無力足冷宜溫補。大陰有或下或溫之方。厥陰有急下急溫之例。兩感之症。日傳二經。冲和靈寶百全一二。浮緊宜汗。須看頭疼發熱惡寒沉寔。宜攻還須便結遶臍硬痛。足冷而脈沉細。雖面赤煩燥可溫。胸滿而寸滑沉或懊憹冷厥。必吐煩渴而小便不利。或飲水卽吐。或發黃而利水。是求大熱而錯語呻吟。或乾嘔不眠。或汗渴而寒涼。是用隨症而治。乃爲良醫。治之失時。變症蜂起。失汗則面赤身疼。怫鬱而不知痛處。

因而大煩。失下則口燥咽乾。熱結而津液內消。兼之痛硬。不利。小便如狂。不除。不吐。懊憹鬱悶。依舊吐衄之後。小便利而大便黑。蓄血居多。頭汗已形。小便難而渴。飲漿發黃可待。血有桃仁。犀角黃。宜茵陳五苓。陰燥陽狂有異。重斑輕疹亦殊。卒口噤而背反張。剛柔二症。作手足冷而便通秘。寒熱二厥。生呃忒噦。遵陶氏之書。陰陽毒從李氏之論。虺厥手足冷。雖有熱而禁用寒。涼狐惑唇口瘡。辨上下而急求湯劑。汗下禁于動氣。隨臍之上。下左右而施。苓桂泄于奔豚。審氣從小腹冲心而治。過汗患不少。下早變尤多。表症顯惡寒。悞下則結胸。痞氣懊憹之症。作發。

汗恐不徹過多。則肉潤肉苛。筋惕之病。與結胸有大小。寒熱水之稱。痞氣惟痞滿不疼痛之辨。大小湯丸任用。姜根熨法尤良。筋肉跳動為亡陽。肉苛者非溫補不愈。循衣摸床為死症。撮空者用升陽以求痊。便結如何。下攻亦可。雜症互見。隨病施方。嘔吐雖屬少陽。寒當溫。食當消。而火當解。呃忒雖為胃病。寒宜熱。痰宜化。而秘宜通。瀉利自行。協熱協寒之故。膿血自便。熱傷血之由。喘有表裏。水飲之不同。喘秘而不惡寒者。下之則愈。痛有寒熱。燥屎之不一。重按而痛漸減者。補之則安。頭搖屬風。有痛宜察。心悸停水。氣虛亦然。寒熱為少陽之邪。便秘者可下。潮。

熱主陽明之燥。未結者可和。擾亂爲煩。心熱之諦。憤怒爲躁。腎熱之徵。汗下溫涼不同。陰虛陽寔有別。脉遲厥利不能食。反能食者曰除中。下利臍痛引陰。筋食如故者名臟結。二症俱死多眠神復兆向壁臥有陰寒之虞。衄血紅汗各動陰血爲厥竭之禁。不得臥有數種。陽明是其大端。傳經症不止一方導赤乃其最效。膀胱有冷熱之結。咽痛有寒熱之攻。嗽水者血症與陰寒痰癰者風熱及痰飲。小腹脹滿畜血與溺瀝宜分。大便不通陽結與陰結宜審。動搖身振筋骨不榮驚悸怔忡氣虛停飲。三物金沸療咳嗽而湯異功同。白虎五苓治口渴而功異法。舌胎分平。

表裏表則白滑裏生黑黃。體痛介乎陰陽。陽則煩疼。陰如被杖。汗出不止曰漏。大汗後亡陽所生。頭旋眼花曰眩。汗下後陽虛所致。項強爲表症。結胸如痊者宜陷胸丸。頭痛屬三陽。嘔吐涎沫者爲厥陰。痛鬱胃直視非佳兆。瘖瘖不言豈易爲遺尿者有熱有寒。寒則死而熱可治。譫語者有虛有寔。寔則下而虛難醫。舌卷囊縮厥陰亦辨。陰陽手足搐攣汗出又逢風露。曠日持久變症有三。汗吐下後仍不痊。壞病方投鼈甲飲行住坐臥皆不定。百合須求百合湯。前熱未除復感寒。寒熱往來號溫瘧。如何治療。原用柴胡前症已明。瘥後宜謹發願。豌豆何今日之毒有。

餘錯語昏沉。咎當初之汗不徹。勞復食復。尤可怒。調中鼈甲先。
害女勞易病。悔誰知。逍遙燒視有驗。浮腫因嫌脾氣弱。水濕不。
流。喜唾方知胃有寒。津液不納。飲酒必然將病復。虛弱知前汗。
下傷類傷寒。症有五。治食積于平胃。化痰飲于二陳。補中益氣。
治虛煩加減續命。醫脚氣惟有桃仁承氣。兼治瘀血損傷。再宜。
商風暑濕多眠。身重風溫可用葳蕤。多汗妄言濕溫。原需木附。
中暑中暈之症。香薷飲宜投。傷濕風濕之流。羌活湯有效。普濟。
消毒飲專療大頭六神。通解方能司。晚發內外有別。男女須分。
發寒熱而天癸適來。知晝明而夜譫語。服寒涼而經水適斷。防。

蓄血而腹滿。疼胎產之間。毫厘千里。胎前之治安胎。是真四物。
冲和治太陽。不如慈蘇飲爲穩當。紫蘇大黃下秘結。不如外導。
法爲萬全。少陽陽明。柴葛雙解。小腹外護。青黛井泥。方見直中
真寒妊娠患之絕少。附子姜桂炒製用之。不妨溫毒發斑。升翹。
加于四物。自汗口渴。白虎倍用人參。月滿既生。治法又異。胗脉。
偏喜沉細。若浮緊反爲不佳。製方切忌寒涼。雖身熱還須禁用。
欲發表之劑。加羌蘇。慈于黑神。攻大便之方。添酒大黃。于產室。
剛柔二症。五積入麝。成功口噤。中風聖惠。愈風乃効。喘急參蘇。
飲。人參蘇木眩暈二四湯。二陳四寒熱宜補。宜消。譫語血虛血。

寒未治雜症丹溪有言勿拘風寒前哲有論大綱細目幸此篇之備陳心要秘傳容後章之再布

傷寒賦下篇

運氣加臨歲時各異六經傳變旦暮不同察色聞聲爲先切脉審症莫後觀其形体參決死生青色爲寒兼主風痛之候赤色屬熱須防戴陽之虞脾土色黃有晦濕明熱之辨肺金色白主氣虛血脫之災黑色爲陰主寒主痛光明潤澤青黑逢之亦可生沉晦天枯紅黃見之亦有死相生者吉相尅者凶分部位而觀成敗靈樞甚詳別死生而論外榮內經明悉望色曰神聞聲

曰聖口出無倫爲譫語無稽怒叫號狂言外感有餘出言壯厲且先輕而後重內傷不足語言懶怯且先重而後輕語不接續曰鄭聲無人始言曰獨語鼻塞身重自屬傷風聲啞唇蒼定因狐感口噤攣搐爲瘓症鼻鼾語塞是風溫錯語呢喃出言不正胸中汨汨因有水喉中漉漉定爲痰症見前篇不必再及脉因未悉次第推求表則浮而裏則沉中爲少陽之候遲則寒而數則熱緩爲胃氣之和動數大滑浮爲陽爲熱沉濇弱微弦爲陰爲寒脉象先分四時順逆方驗陰陽急辨有力無力須知陰症見陽脉者生真陽來復之兆陽症見陰脉者死正氣衰微之機

汗後脉安靜爲痊躁亂者不吉溫後脉漸出爲愈歇止亦凶大小疎數不常定爲死祟病進病退有別症察陰陽尺脉無力而虛汗下宜禁寸口無力而弱吐之則亡六經之脉見於前審形之法陳于後凶者身重如山石吉者身輕如轉丸尋衣摸床肝熱乘肺胃心火手過汗陰虛手足牽引曰風頭重視身曰飢揚手擲足揭去衣被陽可知倦臥神昏引衣自蓋陰爲的鼻爲肺竅忌青黑而紅黃者仕古乃心苗喜紅滑而黑刺者忌中暑則板齒燥脾熱則唇口焦唇口黑青陰寒之故唇口腫赤熱極之徵病愈目皆黃睛黃者發黃之漸病重目直視稍動者痰飲之

喜陽症之目開惡陰症之目閉心胸滿悶察痞氣而大小結胸小腹脹膨分畜血而大小便秘擬似須別活法宜精太陽有風有寒自汗無汗之故陰症有虛有寔傳經直中之分傷風見寒則汗多脉浮而緊傷寒見風則汗閉脉緩而浮前經未盡而過經表在者併病之例三經不傳而齊病自利者合病之條有頭疼而發熱脉沉太陽脉似少陰而反重無頭疼而脉沉發熱少陰症似太陽而反輕重爲正氣衰微乾姜生附不可緩輕爲表邪浮淺麻黃附子正宜投陰症似陽固多陽症似陰間有脉沉足冷知身熱面赤之症非真重按無根識數大洪浮之脉是

假稀糞傍流而痛硬必非陰寒手足逆冷而乍溫白知反化陽
狂莫作陰躁蚊跡勿認疹斑發狂重于如狂傳經輕于直中發
黃有血濕之辨傷寒有內外之名夾氣夾痰幸節菴獨究內傷
外感按東垣始明勞力傷寒似虛煩夾食傷寒兼食積從脉不
從症莫疑從症不從脉當曉識病于未來世人方羨斷死生于
現在神鬼來通鼻孔燥乾欲飲水者衄之兆頭上汗出小便難
者黃之基腹痛為自利之先鋒自利而痛者恐白膿之下惡心
為嘔吐之鄉導不食而饑者防虬厥之憂心慄為正不勝邪倦
臥而漸成寒逆身戰為邪不勝正汗出而預報安痊心動為慄身大動為

振若身微動為振振為正氣虛寒

足冷耳聾咳嘔悶煩汗下不解斑將至妄語

悲嘆煩燥少臥神志不寧狂欲與痞積于腹中動氣之本氣動
于臍下奔豚之原小便利者瀉將痊汗自出者便必硬微浮緩
而不嘔清便自安肌表熱而大煩作汗必解邪氣欲傳脉緊盛
未來之病循經可推邪氣不傳脉靜和病愈之期屈指可算未
知死症焉將全生陰陽毒過七朝兩感傷寒六日黑斑不治厥
竭須亡陰陽交及摸華衣唇吻青兮面顴黑舌卷囊自縮何堪
耳聾遺尿并失尿更添昏亂欬逆不已汗喘不休結胸症具兼
煩燥臟結亦死陰陽易病女勞復吐舌真凶二陽合病忌弦長

汗後脉疾名臟厥。重暍除中。口張目陷。如此之流。天命何咎。若欲奪命于萬一。求全之毀常來。必須審症于再三。百中之發有望。

說約歌

示吉日傷寒主方。陶節菴先生提綱舉領。共集四十。可謂約之極矣。胞與堂編成歌括。以便學者。豈非先得吾心者乎。予更採名家之秘。并獨得之法。增補于後。同志者庶無遺珠憾也。

太陽經

是太陽膀胱經起于目內眦。從頭下後。順連風府。行身之背。

症不同。方各異。四時傷寒各有例。惟有冬月正傷寒。不與春見秋同治。發表實表兩妙方。用在三冬無別制。正傷寒正傷風。表虛表實不相同。表虛自汗脉浮緩。疎邪實表有神功。表實無汗脉浮緊。升麻發表自然鬆。背惡寒身發熱。頭疼脊強無休歇。俱屬太陽膀胱經。有汗無汗須分別。有汗表虛脉浮緩。無汗表實浮緊列。

正傷寒

霜降後春分前。天令嚴寒。萬類深藏。觸犯其氣。而即病者。名正傷寒。頭疼發熱。惡寒。項脊強。無汗脉

浮

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

升麻發表

湯各卽麻黃湯加味

桂枝

麻黃

升芷川芎

甘草

羌活

防杏

共咀槌法

妙。豈豈豉加一撮引葱姜。寒熱頭疼無汗喘去升加葛是奇方。發發熱惡寒身體痛除杏加芍紫又加蒼身痒面赤小便數減去芷白杏胡白加柴芍頭悶寒熱胸飽悶枳壳桔梗加按證服之無汗病難痊汗多又恐生別病。

示言按經曰陽之活以天地之雨名之。病人得汗熱除猶天氣鬱熱一雨而涼也。凡服此劑外用厚被蓋覆其身及手足取汗。汗出不可驟動待汗乾方可揭開。凡口苦舌乾或吐衄亡血或淋瀝瀉痢或臍旁動氣或風溫濕溫中暑或瘡痛或產後或經水適來適斷或陰虛勞倦或尺脉微弱並不可汗。

俱禁此湯。服此湯復熱脉燥亂者死。汗出不至足者死。

正傷風

冬月嚴寒水冰地凍傷風卽病自汗者名正傷風卽桂枝湯加味

麻和實表湯

桂枝芍藥羌活防白朮同甘草姜三和棗二膠飴

二匙共煎濃

加之柴杏能消喘止汗黃芪腠理封飽悶還須

添枳桔玄機能有幾人通

服此藥後進熱米湯一碗以助藥力。溫覆一時。遍身微汗者佳。切忌如水流漓反生別病。一服病瘥不必煎查。盡劑病猶在再作服。蓋欲中病卽止也。凡小便數者善飲酒者及春夏秋傷風俱忌此湯。

春夏秋三時感冒

春夏秋另有方。通用羌活、沖和湯。春溫夏熱秋治濕。隨時加減。妙難量。病症與冬皆相似。淺深表裏。脉中詳。脉有浮、脉有沉、半浮半沉、表裏尋。有力無力、辯虛實。或溫或寒、細酌斟。更有汗吐下三法。隨宜施設。莫沉吟。脉浮為表症。脉沉為裏症。有力為實。宜寒。無力為虛。宜溫。此傷寒感冒。大概治法。羌活、沖和羌防風、其荅蒼芷、地芩、芩、姜、棗、棗、加葱。擣汁。三時發汗。自然鬆。心胸飽悶。除生地。宜加枳、桔、定、寬、中。石明膏知夏用名神木。湯不能發汗。紫蘇、攻寒熱喘。加柴、胡、杏。仁汗後不解。大黃、通惡心。半夏、并姜汁。夾食砂、仁、厚、朴、同。去生地黃。三

時自汗。脉浮緩。寒熱頭痛。即傷風。實表去蒼。加白朮、黃芪。止汗。

却收功。自汗此名加減。沖和劑。雜症還當一歸空。自汗不止用。

桂芍小柴。合用是良工。

此湯治春夏秋。不分有汗無汗。太陽症在者。用此解利。可代。

麻黃桂枝。青龍各半等湯。元氣本虛及勞力冒寒。傷寒見風。

傷風見寒。用之皆効。

陽明症。陽明經起于鼻。絡于目。循于面。行身之前。其症微惡寒。頭額目痛。鼻乾不眠。

陽明症。不得眠。鼻乾目痛。病之緣惡寒。身熱微洪。脉此係陽明。

胃經傳。柴葛解肌湯。一服。即葛根湯加味。猶如渴極飲甘泉。解肌湯。

用葛根^{干胡王更自}芤^少羌活白芷靈樞法石羔末一撮棗姜一服即身

輕^{服熱}本經無汗惡寒甚加入麻黃不用芤冬多春少夏秋減^黃

秋夏蘇葉病自平汗而帶渴當何劑如神白虎用如神

陽明本病^{自汗大渴}

如神白虎^{名湯}用人參甘草麥冬五味^{石山}臨^{石山}知母引姜棗竹葉

為槌人自清

陽明胃腑本實病^{發斑}發黃^{結胸}發狂^{妄亂}譫語

口燥乾發譫語衣掀足擲手揚漿心腹滿硬連臍^大發渴斑黃

妄狂舞舌捲囊縮便硬堅邪傳正陽明胃腑六一順氣是神方

之莫與庸愚觀六一順氣黃芩^大枳實^大芍藥^大甘草^大勻水煎

錢鏐三匙入殺車槌法妙如神

按此湯兼調胃三乙大小承氣大柴胡大陷胸等湯下藥之

總司也然亦為急下之劑若表病未除裏症又急已加大王

于小柴胡湯中下之矣必須斑黃妄狂燥結七八日下症已

全者投之

氣血兩虛并老弱婦人產後當下藥此湯分付去芒硝微和胃

氣細斟酌躁渴譫語兼結胸心下硬痛手難着甘草除去加

井遂桔梗瓜蒌病自削^{陽症表症在而誤下之則成結胸}

少陽症

起于目眦皆上頭角絡耳中循胸脇行身之側

少陽症嘔而苦耳聾胸脇多痛楚脉來弦數胆之經本經切禁

汗下吐病在半表半裏間柴胡雙解飲方安小柴胡湯加減雙解飲

用甘參陳乾葛柴胡半夏王加入棗姜棰法妙艾汁三匙藥更

神嘔吐竹茹姜搗汁小水不利茯苓入脇痛青皮應速增痰

加貝母瓜蒌實寒熱似瘧桂枝用渴人天花知母共嗽加五味

金沸草口齒無津石羔重心胸飽悶未經行非是結胸理自

明表邪至胸未入腑只用小柴枯枳更亮增不効陷胸加枳桔小陷胸湯

瓜蒌川連合用柴胡功最靈壞症本方加龍甲虛煩竹葉

妙梗精本經病與陽明合芍藥葛根二味新熱入血室歸紅

者男加生地更調停老婦傷寒無表症熱甚硝黃酌量增

按傷寒汗吐下後仍不瘥名曰壞症前熱未除復感寒

熱似瘧名溫瘧本湯加桂枝芍藥寒多倍桂熱多倍苓女

人傷寒經水適來適斷晝則明了夜則譫語如見鬼狀名曰

熱入血室

太陰症如于足大指上行至腹絡于咽連舌本循身之前

太陰症脉俱沉病形一一要詳論沉而有力宜當下沉而無力

又宜溫陰症有二若初起頭疼發熱後復便結煩渴脉沉有力是陽經泄邪傳入陰經之陰症宜下之若初起無熱不

渴就便溺寒自利足冷脉沉無力是白渴咽乾腹滿痛桂枝大黃湯可用身自發黃頭汗出茵陳將軍湯最重無熱自利臟寒甚加味理中湯是聖太陰寒症勢沉沉回陽救急湯為正

治腹滿痛咽乾渴手足溫便結脉沉有力

桂枝大黃湯

各湯

枝并赤胡枳

桂枝芍藥實大黃姜棗著腹滿而喘不惡寒加入

腹皮去其酌板郎磨水入三匙熱服須臾病可却

治頭汗腹滿小便濇大便秘發渴脉沉實身自發黃

茵陳將軍湯

各湯

陳

茵陳實苓朴枝黃甘草入推法燈心三片姜太陰

頭汗此湯的大便自利去朴黃加入滑連腹皮益

治自利不渴手足溫身無熱脉沉無力

附吐

奔豚

嘔逆

嘔逆

加味理中

各湯

參最尊炮姜肉桂茯苓陳白朮甘草同姜棗一匙

壁土入湯吞食即吐訖餓不食川椒烏梅細辛吃

去甘草

便實

大黃蜜少加腹滿時減去其得利後身疼附急溫嘔加半夏香

姜汁自利腹疼更有方木香姜汁磨勻入動氣奔豚白朮除其

爛水煎原有力呃忒丁香并柿蒂熟附沉香磨汁食

治直中陰經真寒症無熱不渴便惡寒四肢厥冷戰慄腹疼

吐瀉手足甲青唇青或舌捲囊縮脉沉無力或至無脉

回陽救急桂人參熟附炮姜共茯苓五味陳皮甘草半姜煎入

膈逐寒凝嘔吐涎沫小腹痛鹽炒吳萸妙入神無脉應加猪胆
汁吐加姜汁藥方行

少陰經

始于足心上行貫脊循喉絡舌本下注心膈行身之前

少陰症脉亦沉有力無力分下溫舌乾口燥腎水涸或利清水
心硬疼腹脹連臍土勝水六一順氣有方存不渴惡寒身厥冷
腹疼吐瀉病沉沉此是陰寒深入裏回陽救急須尋

厥陰經

始于足大指上環陰器抵小腹循臍上口唇

厥陰症脉又沉溫下同前一様論古捲囊縮并消渴四肢厥冷
乍還溫煩滿便實多屬熱六一順氣可旋吞口吐涎沫四肢冷
嘔逆不渴腹痛梗此是厥陰具寒症回陽救急湯已整少陰厥
陰治略同二湯用去人能省

兩感症

兩感症日雙傳一日太陽少陰連腎與膀胱沉洪脉口乾頭痛
熱寒兼二日陽明與太陰沉長之脉胃脾經目痛鼻乾腹自滿
大便自利不安寧三日少陽厥陰聯肝膽之脉見沉弦耳聾脇
痛囊卷縮古人不治命由天幸節菴訂妙方不論陰陽兩感傷
設立中和靈寶飲一服兩感雪加湯

中和靈寶飲

胡活自乾細川

風

石王

柴羌芷蒿辛芳生地防甘草羔芥醫兩感煨姜黑

豈索神方更明表裏多少病。治分先後細推詳。表病多而裏病微。麻黃葛根湯最奇。表緩裏急先攻裏。六一順氣不須疑。麻黃葛根湯治表葛麻黃芍藥。乾白芷。六一順氣方見上。將來攻裏不重提。

發熱下利身疼痛。脈來沉細。兼無陰寒中。不渴。噤臥又昏沉。回陽救急溫經用。治分表裏辨寒熱。節菴權變人欽重。

真寒症

直中陰經

直中陰為真寒。面如刀刮吐瀉難。口鼻出氣如冰冷。脈來遲緩是其端。手足指甲皆青色。舌捲囊縮做一團。針用葱白熨臍法。

內服回陽救急安

逆結症

即熱結膀胱太陽傳裏症木痢煩渴小水不利

小腹滿結或短或赤口枯渴。

惟有秘方導赤湯下集黃熱

憑斯洩。

導赤白朮澤瀉。

甘草枝赤

滑其桂枝山枝仁入鹽二字依槌

法。姜引燈心二十莖。燈草木通消水結。

引飲過多胸滿各水結胸

身目黃者

入茵陳。小便不利兼頭汗陽脫之故發黃因。

熱結症

熱結症醫須別下利清水身又熱。謔語發渴和裏傳心下硬痛。無休歇。此因熱邪傳裏胃中燥屎結實此非內寒而利乃自飲湯藥傷流清黃急下之無熱六一順氣

醫宗金鑑

卷三 真寒逆結辨結

下

通有熱黃龍湯一貼。黃龍枳實共硝黃厚朴當歸甘草當人參桔梗引姜棗棗加鉄銹水調湯體虛人老芒硝去還須熱服病無妨。有熱表虛也故用人參

三陽合病

三陽合必自利。莫作傍流清。糞例利下黃赤協熱來腸垢。熱治有異。古人法用黃芩湯。全生集載因有意。黃芩湯用黃連甘草芍藥水來煎。發熱柴胡瀉白朮腹痛芍藥炒來添。小便赤色茯苓用。嘔痰半橘得安然。太陽頭痛加羌活。陽明乾葛不得眠。少陽脇痛柴胡。療斑爛青蠶飲相兼。溫熱時疫多此症。即

卷原議小胡先

按三陽合病必自利。固非陰寒。又非熱結。不可誤溫。誤下只宜本方合小柴胡湯治之。此症淺近。故殺車槌未收此方耳。予看溫熱時疫。此症多兼發斑。譫語喘急發渴。煩燥胸滿等症。皆以本方加減治之。俱愈。莫以淺近而忽之。

挾血症

不惡寒。頭不疼。知病不從太陽經入也身熱發渴。語無倫。小便通利。大便黑。妄投涼劑。命難存。血鬱心脾。如見鬼。當歸活血是生門。當歸活血歸甘草。參地桃紅柴枳壳。炮姜肉桂引生。姜入酒三匙。

醫方類聚 卷三
乾肉
拾法著姜桂桃紅三服除加入木苓調補藥。

按此方治內傷瘀血類傷寒也。古人類傷寒惟四症節菴增瘀血而為五補古人之未備。

鼻衄症

鼻衄血久不止熱甚偏血乃如此內脹生地苓連湯外於鼻上搭水紙兩用炒黑山枝末吹入鼻中熱毒入深致吐血亦當急用此湯便生地苓連連結枝柴芩地芍甘施犀角大棗磨京墨藥汁磨汗磨墨知韭汁磨墨調服亦可如無犀角以升麻代之若還吐血去桔梗阿膠加入妙無如錯語失神因失血指空閉目亦能除。

瘀血症

治熱傳入裏上焦瘀血

瘀血症上焦熱煩燥嗽水不下噎熱極又恐血妄行犀角地黃湯最切。加味犀角地黃湯地犀丹草歸陳桔紅花芍藥引生姜槌法取汁用藕節韭萊汁亦可

蓄血症

熱傳裏有蓄血其人如狂膀胱結譫語燥渴身目黃小腹硬滿兼痛絕小便自利大便黑桃仁承氣從來設。桃仁承氣飲硝黃桂實青柴茸芍當桃仁姜引除瘀血三匙蘇木汁神方血不去時加水蛭蟲同用病無妨。脈沉有力者用

發斑症

身似硃眼如火發斑狂叫無人我鼻集面赤汗不乾三黃石膏湯最妥。石黃山黃黃三黃羌活枝連芩淡豉麻黃姜棗尋槌法細茶加一撮更入辰砂末自靈六脉洪數并燥渴三集表裏熱驅平。

斑爛

斑既出休發汗重如錦紋神氣亂血熱不散乘虛出消斑青黛金不換病初汗下兩失時誤投熱藥成斯患。胡消斑青黛飲柴連升草人參知母玄生地羌枝犀角黛來姜爲引水同煎一匙苦酒槌調服便實除參黃要兼加大黃。

陽毒症

陽熱極發斑黃目赤口渴自顛狂便閉舌捲囊更縮脉數三黃巨勝湯。王王山王三黃巨勝湯六黃芩連枝栢石羌芒姜棗同煎槌法妙泥漿和服是神方。

陰陽毒症

陰陽毒更有方陽毒面赤如錦粧咽喉疼痛并吐血陰毒面目青色當咽痛通身如被杖俱過七日定然亡五日可治用何藥仲景升麻鼈甲湯升麻鼈甲用升麻鼈甲雄黃甘草餘當歸蜀椒煎頭服陰毒除去雄椒差。黃川

示吉按先師李士林曰。仲景所謂毒者。感天地惡毒之異氣。入于陽經爲陽毒。入于陰經爲陰毒。故其立方。但用解毒之品。未嘗以桂附治陰。硝黃治陽也。在陽毒反投蜀椒者。椒木解毒之品。從其類而治之。陰毒反去蜀椒者。以升麻。鼈甲。既屬寒涼。又覺蜀椒爲贅矣。後世名家。遂以陽毒爲熱極而用寒涼。陰毒爲寒極而用溫熱。殊不知仲景療陽症。狀極其熱。而藥極其寒。療陰症。狀極其寒。而藥極其熱。已無餘蘊。又何必別出名色乎。按此症過五日不治。極爲重病。李氏發前人所未發。活人多矣。因憶昔年人多吐血而暴亡者。醫終不識其何症。豈爲不善讀書者悞耶。

陽厥症

陽厥症。指尖溫。心煩便秘。語無倫。脉來沉細。并有力。六一順氣可煎吞。

陰厥症

陰厥症。透身寒。二便自利。心不煩。唇指帶青。身戰慄。蹇臥腹痛。口流涎。脉來沉細。兼無力。回陽救急病能安。手足溫利。無別症。加味理中湯是聖。嘔涎腹痛。鹽炒黃。無脉。一匙猪膽。進嘔吐不止。加姜汁。泄瀉黃。芪升麻。勝。

二症

剛柔症屬膀胱口禁如癰身反張手足攣搐頭面赤頭搖不定
項又強無汗惡寒名剛症有汗不寒柔症詳二症俱宜如聖飲
只依此法最為良如聖飲防羌芷芍甘草半芒硝歸身藥柴苓
其劑引生姜槌法竹瀝姜汁着柔症桂水定宜增剛症麻蒼方
的確便實口噤又咬牙急用將軍糞自落

按症與癰相似而雜症成症多虛多痰治法與傷寒異詳辨
于癰症條中

陰格陽症

陰格陽難辨詳陰極發燥面戴陽欲赴井中脉無力急服回陽
反本湯回陽反本用炮姜甘草麥冬五味良陳皮人參熟附
子臘茶葱葉七莖強五匙蜂蜜連少許冷服更入泥水漿無脉
再加豬膽汁嘔加姜半病無殃

如狂症

初得病原無熱狂言煩燥不安貼熱結膀胱如狂症若還誤下
命當絕太陽本病自經傳桂苓飲是神仙訣桂苓飲是猪苓
澤木桂紫蘇甘知栢山枝滑石共生姜服之微汗真奇特

按此方與逆結症相等節菴另出名目者以逆結從太陽經

傳裏熱結膀胱。故云溺閉結口渴。如狂症因邪熱直入膀胱而為病。故云初起表無熱如狂。均用利水藥也。然逆結治水為急。故用五苓加山枝滑石。如狂治熱為先。故更用知柏以治下焦蓄熱也。同經異病方似法殊用者。細心思焉。胞與堂復增紫蘇亦取微汗之意也。

過汗口渴症

身熱渴汗不鬆。經汗愈渴。脉微洪。陽明裏熱消津液全賴如神白虎功。本方已見陽明症。心煩須用竹茹攻。背寒去枝人花粉。無汗斯湯切莫逢。

亡陽症

亡陽症因汗多。頭眩振振病不和。肉潤筋惕虛之極。溫經益元莫蹉跎。溫經益元參芍歸地黃。甘草附子須煨白朮扶苓同肉桂。棗姜糯米法依槌。飽悶地除加枳殼。瘦人去芍法真垂有熟。即當除附子。自利不止米升追。更加壁土除歸地。止痢神功在補脾。姜炒半夏能除嘔。渴用天花法更希。汗後惡風表虛甚。除去桂附地黃奇。加入桂枝膠餒效衛虛亡陽汗可醫。

無陽症

無陽症細詳定。頭疼發熱惡寒甚。不能作汗係陽虛。愚蒙又不

辨時令。夏用麻黃必害人。再造飲治須更定。草白肉黃再造茸芍桂芪
參熟附活風川防芎細辛其有煨姜三片和棗二枚加重冬月不便氣和勻。夏天
附子細辛去。加入其有苓冬月不蒸知母必加靈必加

戴陽症

身微熱。頭不疼。無寒不煩。面赤。躁悶。飲水不入口。虛火炎炎。
勢若焚。只因汗下傷元氣。慎投涼劑必死益元湯服必安寧。益元參
附味乾姜子五甘草冬為藥強黃連茯苓并知母生薑大棗水煎
膏三匙童便葱白二槌法頓服為良。

撮空症

撮空症仔細詳。休投風劑把人傷。叉手當胸言語亂。昏憤循衣
弄機床。只因肝熱來乘肺。升陽散火即安康。升陽散火白當芍歸
參甘草神柴胡白王木冬陳皮冬姜冬棗冬八冬煎槌法者真金痰加
姜汁炒半夏洩瀉升麻炒木靈大便燥實諸語渴。流通必定用
將軍。

懊懣症

懊懣症屬虛煩。心中鬱悶不舒散。反復顛倒無眠睡。懊懣懣懣
病非凡。皆緣誤下陽邪陷。枝子豉湯探吐安。枝子豉湯枝子
豉。先煎枝子後豆豉。服後得吐心中暢。不吐再服不可遲。下後

心煩并腹滿。再添朴實。又何辭氣少。原加炙甘草。嘔吐姜汁。是所司。

按表症。誤下。陽邪陷于心胸之間。輕則懊憹。重則結胸。鬱氣總之。心中不安。欲吐不吐者。本方吐之。或以手探吐。

下膿血

身發熱。痢膿血。莫作陰寒漏底說。溫熱積中成下痢。王連阿膠湯可絕。王連阿膠。芡當歸。白芍。生地。烏梅。隨甘草。地榆。水煎服。京墨磨汁。病可追身熱。柴胡。渴乾。葛。脉弱。人參。白朮。推示吉曰。陰寒腹痛。病後必下膿血。須服桃花湯。用赤石脂炒。

粳米。炮姜。水姜煎服。昔年毛方來兄。忽患真寒症。腹痛自汗。四肢厥冷。脉絕。諸醫束手。予用回陽急救。而痊于時。吳石虹尚在。曰。此症暫愈。後必下膿血。則危矣。數月後。果下痢如魚腦。全無臭氣。投之參附。則不應。忽思三物桃花湯。仲景豈欺我哉。以三物為丸。與之。三四服愈矣。

虻厥

虻厥症。手足冷。誤投涼劑。人必損食。即吐。虻不食。饑雖有熱症。寒不穩。椒梅。安虻。理中湯。酸苦辛。辣。虻自隱。思甘草研物。蓋虻靜見苦。則安。得辛。安虻。理中湯。參。朮。烏梅。川椒。炮姜。入白茯苓。諫。則頭伏于下。

姜用水煎手足冷甚附子益嘔加半夏及陳皮臨服更加生薑汁虬吐不止苦練根黃連細辛亦相得大便秘結加大黃但得微利人安逸

狐惑

狐惑症是蟲病狐蟲食肛下唇瘡兼聲上唇有瘡惑蟲應乾是蟲食共臍面色乍白乍黑赤惡聞食氣眠默默舌白齒晦甚緩入黃連犀角湯為的黃連犀角其烏梅加入苦參水煎食桃仁槐子連艾葉并治匿症齒色黑

越經症

睡夢中忽言語無病昏昏神不主湯粥與之隨口吞形如酒醉多不舉心火剋金越經症導赤各半湯急取導赤各半茯神參滑石黃連枝草麥冬知母同犀角棗姜棧法入燈心

食積症

食積症類傷寒發熱惡寒頭痛難惡心嘔吐身無痛加減調中飲可參元元欲吐同霍亂探吐之法即能安調中陳朴皮厚草蒼二朮白陳山查麴枳實黃連乾姜引用姜木香磨汁消其積腹中疼痛加桃仁熱結大黃能蕩滌減去白朮并山查草菓乾姜亦無益胸中飽悶加枳殼莫用甘草及白朮霍亂須將阜末

五分鹽和水一碗探吐為良策

脚氣症

脚氣症類傷寒。頭疼惡寒身熱攻脚膝軟疼難轉動嘔逆身痛。便不通暑中三陽患必熱寒中三陰患冷同風浮濕弱脉中辨。補劑淋洗禁不用病起脚膝名脚氣加減續命湯係安加減續命羌防芍麻桂甘芳二朮着防已燈心二十莖。東姜汁依槌法脉數去桂與麻黃芩栢柴胡熱可却寒中脉遲加附子牛膝木瓜濕脉弱風浮加獨虛加參便秘大黃立能豁。

挾痰症

挾痰症類傷寒。身熱昏迷頭又眩涎出口中氣上喘七情內病之緣。神出舍空言語亂加味導痰湯可痊。加味導痰湯牛膝草瓜實梗。肺甘藷枳桔茯苓白朮南星姜棗引竹瀝姜汁入和吞痰飲似崇功誠妙年壯氣盛吐法行。

勞力感寒症

虛煩症類傷寒。莫與傷寒一例看。頭疼寒熱口微渴兩腿酸疼舉步難澌澌汗出身作痛浮虛無力脉中看若悞汗之輕變重。切記臨時仔細觀氣血內傷寒外感調榮養衛是神丹。調榮養衛參芪定生地芳陳白朮並柴辛甘草歸羌防槌法入荊姜。

漿應元氣不足略加升口渴天花知母進煩熱竹茹與山枝喘
 嗽去辛還用杏汗多桂芍減升辛乾嘔姜汁半夏正減去地甘
 少莖果飽悶消除枳桔勝咳嗽辛防宜減之瓜萆貝母消痰盛
 腹中痛疼去莖木乾姜芍藥方按證血鬱內疼大便黑桃仁紅
 花滌其病減莖芍木防莖辛痛甚大黃瘀血盡

色復症

病新瘥思淫慾男女私交將病復陰陽易症最難醫襠末逍遙
 宜用速逍遙人參及黃連韭根犀角地黃兼滑石紫胡猥鼠
 箕耳草竹茹知母全姜三棗二水煎用襠穢燒灰錢半重和服

再加童便良小便利愈陰頭腫襠襠用近陰處一塊男用女襠女用男襠腹痛
 竹茹添有粘汗出方為中無熱脉虛足又冷知連知滑不須
 用再去地黃并犀角加入桂附肉子白當歸送少加水通以引經陰寒
 之症誠能動

按傷寒瘥後血氣未平犯色慾而病復者名女勞復若因淫
 慾之後無病人反得病者名陰陽易在男子則陰腫入小腹
 刺痛在婦人則裏急連腰膝重引腹內痛大熱昏沉錯語失
 神眼中生花百節解散熱氣冲胸欲死此湯並治節菴口額
 黑身黃者難治舌出數寸者死

百合瘵後昏沉錯語勞復食復等症

勞復症及百合新瘵勞傷血氣弱熱纏經絡更昏沉錯語少神

煩熱渴新病瘵食復症脾虛氣弱不能勝重則吐下輕則消

柴胡百合總宜任柴胡百合合人參知母柴芩其地陳茯苓

棗姜槌鼈甲煎來溫服効如神天花粉用能除渴胸中煩熱

用枝仁頭若微疼羌弓入飽悶須加枳桔勾嘔宜半夏姜汁炒

食復黃連枳實平便實大黃除燥結虛煩竹葉竹茹清黃連乾

嘔不眠頻錯語黃連犀角病安寧麻黃杏仁咳喘用虛汗黃芪

膠理凝心中驚悸為血少扶神遠志當歸好脾倦必須增白朮

腹如雷鳴噎姜討水停心下加猪苓勞熱鼈甲醋炙我時熱不

除勞復症葶藶烏梅艾汁

晚發症

三月間晚發病時行寒疫身痛甚頭疼身熱并惡寒口渴無汗

病不順脈來有力兼浮緊羌活中和投不應槌法六神通解湯

人壯氣實須臾定六神通解石羔芩滑石麻黃耳草辛蒼朮

羌芩和豆豉姜葱熱服汗周身頭疼惡寒症皆罷反怕熱時

使不行大渴大熱并譫語大黃枳實柴胡增除去麻黃并蒼朮

槌法兵榔磨水吞臨服兵榔水調和服

大頭傷寒

大頭病是天行發熱惡寒頭痛疼一服黃黃苓連消毒飲痰火喉閉
悉安寧 苓連消毒飲胡連壳 梗活 風芥白 黃黃 煎干 草柴翹枳桔防荆芷饒人信苓連芳射其牛
旁竹瀝生薑汁共調大黃先利一二次後服參歸毒自消。

黃耳傷寒

黃耳病類傷寒耳中策策痛不安惡寒發熱風入腎脊直
如瘕般活荆防敗毒誠有如胡効補天石載病情探荆防敗毒荆防
羌獨活柴前如胡草方川芎活桔梗自茯苓自蔓共原威湯十三
味再添味蟬蛻黃芩未芍紫金皮用病無妨寒勝宜投小續命白附

美天 活 帶
蠶麻羌獨帶

外治法 用苦參磨水滴入耳中 或用猴姜根汁 或用

苦薄荷汁土木香汁滴入耳中

赤膈傷寒

胸赤腫又疼痛發熱惡寒病甚重頭疼體痛類傷寒荆防敗毒
誠有用本湯加入損苓黃連瓜損麥玄參赤芍中升麻并用紫金皮
大便燥實將軍送外治須用三稜針刺腫出血能蠲痛

示吉日吳門戈氏專司傷寒有補天石集集中惟此二條類
傷寒秘而不傳予于張孟如處得之附後

胎前傷寒

宜清涼忌溫熱

太陽症是胎前發熱惡寒頭痛先脈來浮緊身無汗慈蘇飲服自然痊。慈蘇飲用二錢芍藥頭帶廿一紫蘇攻錢三。生薑三錢。須搗爛水煎熱服汗來鬆無汗加醋仍熱服。厚被蓋煖汗不同。示吉曰胎前表症無汗不可輕與發表以本方代麻黃羌活等湯溫熱時疫同治以慈能解邪又能安胎也。古人用四物合冲和湯治之然歸芍走陰尤恐引邪入內不知慈蘇飲為穩當如終無汗再用古人法可矣。

妊娠病陽明兼鼻乾目痛夜不眠煩渴身痛并自汗紫葛引子

得安然

柴胡葛根并知母

各一錢五分

大青山枝各二錢石羔升

麻各一

及葱白

二七

生薑大棗一同煎若不急治胎即落外護

之法妙難言

妊娠病少陽症耳聾脇痛口苦應惡心嘔吐脈弦數雙解飲服

人當定

柴胡黃芩及川芎紫蘇知母并陳進枳壳桔梗芍藥

同煎

姜煎服病自順嘔痰半夏及前胡脇痛青砂不可聽口渴

不眠竹瀝增不愈

蔗枝法可信

妊娠病入三陰大便熱結不能行口渴惡熱并煩滿沉實有力

脈來因若還不下胎即落大黃紫蘇飲方靈大黃酒製腹皮

洗蘇梗川芎陳皮理當歸芍藥枳殼兼甘草慈姜病自已便通

之後胎無恙安胎等劑宜服起

示吉曰攻下傷血終防犯胎然秘結不下固不利於其母

命亦隨之而亡本湯亦不得已也予屢遇此症先用蜜湯與

之外用密導法猪胆導法閉結目下胎元保全所活甚多若

導之不効方用本方然大黃酒製亦無害也針護法其功不

少熱病傷寒即宜用之導法見大便秘條後

護胎法用井底泥伏龍肝青黛等分水調塗臍下二寸許

如乾再塗

溫毒發斑

按王峯李氏曰妊娠傷寒過經不愈發斑如銀

絨用四物湯加升麻連翹防風黃芩柴胡若發斑煩渴非

人參白虎湯不愈若斑見而復隱者元氣不足故也倍參則

復出矣

中寒症

胃氣素虛寒邪直中陰經其症惡寒吐瀉四肢厥

冷踈臥口吐涎沫妊娠此症亦少以其氣血調和乃能受胎

萬一有之姜桂附子不能無用節菴曰附子姜桂雖熱炒製

無害必加王連耳草兼製沉香墜之亦經所謂有故無殞之

意乎

產後傷寒

在月內惡露未淨時從此而治宜溫熱忌寒涼

身發熱頭又疼惡寒無汗表症成脉來浮緊法當汗產後又非

一樣論豆淋發表湯奇効若得微汗即身輕豈淋發表紫蘇

芩羌活茯苓白朮同當歸蒲黃須炒黑熟地姜灰甘草通丹皮

香附及陳朴黑豈炒黑酒煎濃生薑薑母為引子臨服重便入

一鍾頭疼不愈加葱白冬月無汗麻黃攻不可傷風自汗紫蘇

去桂枝芍藥暫通融嘔吐半夏蒼姜汁腹痛延平烏藥容

示吉日產後榮衛俱虛寒邪湊之即病其痛與平人相符但

其脉不宜浮緊有力若診得微細勿作陽病見陰脉論盡

後微細脉固當如是耳製方最忌寒涼以血得寒則凝恐停

血為害并非所以扶生生之意丹溪云產後毋得令虛當大

補氣血雖有雜症以未治之若大發熱必用姜灰輕者用茯

苓淡滲其熱一應甚寒發表之劑皆不可用此言誠為至當

但產後寒熱譫語癰瘡等症屬血虛血實飲食三者為多如

去血過多胸脇少腹無痛處或空痛手按則減此血虛也如

敗血不行惡露不散腹中疼痛手不可按此血實也如產後

脾胃尚虛飲食過度後至胸腹飽悶惡心作酸惡聞食氣此

停食也血虛宜補血血實宜行血停食宜健脾胃消食治詳女

科本條下切不可概認風寒而作外感治之。豆淋酒以黑豆炒焦黑將黃酒乘熱淋之。入藥內同煎。發散風寒。生新去瘀。實產後之聖藥也。

陽明少陽

和解症另有方濟生加減柴胡湯。產後血羸發寒熱飲食少進。腹脹忙。陽明不眠。少陽嘔。隨症加減保無妨。
加減柴胡紫陳參酒炒白芍川芎勻甘草丹皮并半夏生薑大棗水煎吞口渴不眠加乾葛竹葉知母亦須行。
惡露未淨加生地荆芥炒灰香附靈胸中煩滿加藁朮。
腹痛延乎姜附與血。

夜尤甚四物合用莫因循。
知味臨去半錯語心煩不得睡。竹葉辰砂知母精嘔加姜汁。
玉耳草熟入血室紅歸行。
茵陳山枝發黃用斑爛玄參。

三陰經

三陽邪傳三陰燥渴大便不通行腹滿硬痛脉泥實將軍四物莫沉吟。將軍四物歸生地酒炒大黃白芍因芎附丹皮柴茸。生薑煎服即身輕。新產姜灰山查用兼行。導法更為神。按此用大黃轉藥必須看腹中硬痛非凡燥渴日數已久方。

可用之若燥結在廣腸諸胆導法尤妙蓋產後陰血已虧用
大黃恐復傷其血變生他症耳

中寒

胎產後真中寒手足厥冷心不安口噤不言人不省甚末四兩
細切完二升陳酒煎至半服之奇効自新歡

按產後中寒宜用蒸臍法外用薰法用吳萸紫蘇葱頭煎湯
于密室中放桶內熱時薰既而洗之甚効 外感脈法 產

後因得熱病臨脉細四肢煖者生脉大忽然肢逆冷須知其
死莫留停

却病辟瘟法

論曰冬時嚴寒萬類深藏。蟄蟲周密。君子居室。恐觸寒威而生
病也。蟄蟲尚知衛生。可以人而履霜蹈冰。自殘其命乎。倘有不
得已之事。不能免于冲風冒雪者。宜飽食飲酒。以敵其威。若時
行疫厲。互相傳染。辟疫之法。又所宜講。經云。聖人不治已病。治
未病。不治已亂。治未亂。此之謂也。

一用水飛雄黃。男左女右。吹鼻孔中。一用透明雄黃一塊。
五錢重者。絹包繫頭頂心。妙。一取貫仲浸水飲之。一用
赤小豆同糯米浸水缸中。每日取水用之。

發汗法

人之寒氣自表而入。亦當自表而出。發表之道所由作也。凡頭
疼發熱惡寒。項背強身。體痛拘急。拂鬱面赤身痒。脉浮緊。或浮
數無汗者。俱屬表症。經曰在表者汗之。若在深山窮谷無葉處。
先用薪火燒地。良久掃去。以熱水洒之。取蠶沙。栢葉。桃葉。少加
加糠麩。鋪所燒地上。約厚二三寸。加蓆。令病人臥干上。飲七沸
湯一碗。多被密覆。汗即至矣。候周身及脚心俱透即愈。七沸
湯用水七碗。燒鍋令赤。投水待沸。取起。再燒再投。如此七次。取
湯一碗乘熱飲之。又法傷寒及溫熱病不得出汗。用擣姜汁

經裏周身擦之良法也

止汗法

自汗表虛汗多亡陽。桂枝止傷風之汗。黃芪止氣虛之汗。當歸
止血虛之汗。內治法也。外治法。凡傷寒溫熱病汗不止。將髮
披水盆中。足露于外。宜少蓋。外用龍骨牡蠣糯粉麥麩白朮為
細末和勻。周身撲之。其汗自止。一用蚊蛤為末。津調塗臍內。
亦妙。

吐法

經曰在上者因而越之。吐法是也。凡病在膈上。或胸滿多痰。或

食在胃口。或胸滿微煩。或胸中懊懣。或胸中痛。欲按。或寸口脉滑。或寒氣在胸。煩滿。或寸脉沉伏。或乾霍亂。心腹刺痛。或中風塞痰涎壅甚。或下利日數行。寸口脉滑。悉皆可吐。一用瓜蒂散。瓜蒂赤小豆等分。爲細末。先以水二鍾。煮香豉。一合作稀粥。去滓。取三分之一。和散一錢。頓服之。不吐少少。又加得快。吐乃止。諸亡血虛家不可用。猪苓散。溫病身不熱。煩渴發狂。小便不利。用猪苓。茯苓。澤瀉。滑石。阿膠各一錢。爲末。白湯調服。仍以涼水一鍾飲之。以鵝翎探吐。吐痰法。用皂莢末射香細辛生薑爲細末。姜汁調二三分。灌下。後將鵝翎蘸桐油燃火。

末探吐

止嘔吐法

嘔吐不止。用炒粳米一撮。入各藥中同煎。後加生姜自然汁。傳送。隨用竹管重納內。關其嘔。卽止。惟胃實嘔吐。不可用米。恐反助邪氣也。

導法

經曰。病在下者。下之。諸承氣湯所由設也。然或遇年老氣衰婦人新產及久病之後。下不可不下。不可所以不能已。子導法也。用好蜜煎膏。滴冷水中。卽硬爲度。入射香細辛皂莢末和。

三捻成條如指大浸冷水中候硬推入穀道中即通 一用猪胆一枚傾去一半入香油小鍾以蘆管套進以一頭推入穀道中放胆汁香油流入燥屎自下

止痢解大黃芒硝法

服黃硝而下利不止將參耆乾姜甘草熟附白茯苓子肉寇粟壳陳皮并麻水通身按摩燈心水煎臨服入炒鹽土一匙調下

救陰寒法

治陰寒嘔逆吐利腹痛身如被杖四肢厥冷過手肘膝或沉不省六脉或沉或絕心下脹滿結硬堅冷如冰湯藥不受面唇青

用皂莢黑或鄭聲古卷囊縮煩燥冷汗不止腰背腿疼 蒸臍

法 熨臍法已見中寒一用吳萸二三合麩皮一升鹽一合拌

勻炒熱以絹包腹中上下熱熨之自然有効 一灸氣海穴在

臍下一寸五分丹田在臍下二寸關元在臍下三寸用大艾炷

二七壯 一用胡椒爲細末蜜丸塞馬白肉一時許自然汗出

而愈 用諸法後無汗者有汗便秘者溺通逆冷者溫煖昏沉

者清爽絕伏者漸出卽爲生兆仍灌入姜汁炤前用藥 脉伏

絕者先用姜汁好酒各半盞熱服脉來可治 或用艾湯調硫

黃末三錢出汗而愈

去舌胎法

用薄荷水浸青布于舌上洗淨後用生姜切片蘸水時時刮之其胎自退再用薄荷搗浸凉水時時嚥嗽以免乾燥之患

治鼻衄不止法

用水紙搭在鼻中隨用山枝炒黑色牡蠣龍骨火煨京墨百草霜共爲細末加血餘燒灰各等分用茅花汁濕蘸藥入鼻中卽止如無茅花將紙燃銹釘水濕蘸前藥末入鼻中亦妙 再用茅根側柏藕汁三味搗汁磨京墨入本湯諸服

治陰寒呃逆不止法

用乳香硫黃各二錢爲細末用好酒一鍾煎數沸乘熱氣使病人鼻嗅之外用生姜擦胸前最效 灸期門法見呃逆條

熨結胸法

一切寒結熱結水結食結痞結痰結支結小大結胸痞氣俱用生姜搗爛如泥取查炒熱絹包漸漸揉熨心胸脇下其痛滿豁然自愈如姜查冷再入姜汁再炒再熨揉之以愈爲效惟熱結用冷姜查再入揉之不可炒熱

看斑法

一切發斑用紅紙撚油燈焰看病人面部胸堂背心四肢有紅

點起者乃發斑也。若大紅點發于皮膚之上，謂之斑。小紅點行于皮膚之中，不出起者，謂之疹。蓋疹輕而斑重也。先將姜汁噴于斑上，已發後，照輕重陰陽寒熱虛實用藥。

救發狂法

一切熱病發狂，不可掩閉床帳，務用揭開，放入爽氣。良久，隨用銅鏡按在心胸間，熱勢稍退，即除。若傷寒溫熱發狂，渴不止者，將村礪一斤，研細，用水一盆，將青布方圓一尺許，三五塊浸于硝水中，微攪半乾，搭在病人胸堂，并後心上。頻易冷者，搭之，如得睡汗乃愈。一切發狂奔走，勢不可遏，須于病人處生火，一盆用醋一碗，傾于火上，其烟冲入病人鼻內，仍將姜汁噴于病人頭面身體手足，即安。方可察其陽狂陰燥用藥。

治吐舌不收法

舌出不收，用麻黃湯洗淨，將冰片、牛黃、射香研末，點舌上，即收。

治大頭傷寒法

用芙蓉葉二葉，葉車前赤小豆白欬白芨大黃黃連黃柏白芷雄黃朴硝各等分，為末，用蜜水調掃腫處。

治咽喉腫痛法

用青黛一錢，白礪五分，寒水石一錢，紫車前山豆根玄明粉，朴

硝各一錢冰片一分為末吹喉中入至病處

古人惡寒者
古人不冰即冰也或謂冰中黃連香附末煎去上噴水
人煎而長雖手虽噴安可察其則至創製也

醫宗說約小兒科卷之四

古吳自了漢蔣示吉仲芳氏述
天池自得子毛漢迎方來氏泰
長洲學人馬化龍凌凡氏訂
姚江後學毛惠公威氏

小兒色診說

夫女子稟少陰之氣而生合少陽之數而化丈夫逢少陰之數
而化稟少陽之氣而生少陽之數次于七故女子二七癸至可
為人母少陰之數次于八故男子二八精通可為人父若是則

爲成人診以大方脉法如未至二七^{十四}二八^{十六}之歲惟以

小兒論不可與大人同日語矣錢仲陽云若憑寸口之浮沉必

乃橫亡于孩子故小兒半歲之際心鑑有按着端之法甚善

辨脉紋以斷病自此以後未及三週者錢氏看三關察五色

脉紋是法尤不可廢三歲以下始以脉診焉然亦不過以一指

按高骨分其三部定其息數而已若再加一二歲方以一指

轉尋其三部以關爲準七八歲移指少許自九歲而後診以二

指次第依三關部位尋取其浮沉遲數陰陽冷熱自無避情矣

從此而至二七二八之歲方以三指炤內經脉法診之古人云

寧醫十老人莫醫一小兒老人雖榮衛俱衰而口尤可宣小兒

既血氣未足又兼口不能言苟其疾病惟賴三關面色而洞其

臟腑之微不亦難乎

心鑑按着端法


小兒半歲者以名中食三指按于髮際額前眉端之間兒頭在

左舉右手頭在右舉左手食指爲上中指爲中名指爲下三

指俱熱主傷風邪鼻塞氣粗發熱咳嗽三指俱冷主外感風

寒內傷飲食發熱吐瀉食中二指熱主上熱下冷名中二

指熱主夾驚之候食指熱指胸中氣滿乳食不消



東方青色入通于肝開
 竅于目旺于春
 南方赤色入通于心開
 竅于耳其華舌旺于夏
 中央黃色入通于脾開
 竅于口旺于長夏及四
 季之末
 西方白色入通于肺開
 竅于鼻旺于秋
 北方黑色入通于腎開
 竅于二陰上通于耳其
 旺于冬

面部驗色主病

小兒面赤為心病面青眼青肝病認面白肺病脾病黃面黑腎
 病為相應青主驚積欲發風紅為痰積驚悸甚黃主食積疳

癖成洩瀉嘔吐白色進黑色主肺初患驚瀉印堂青青黑腹痛

夜啼頻淡白泄瀉食不化紅主啼哭被火驚黑色見時為客忤

二次受驚三根青或驚後發燥三根黑黃死來侵年壽平陷亦主天

青色發熱更生驚黑主瀉痢紅主燥微黃隱隱始為平主霍

亂傷乳胃逆人中黃青主下痢乳食妨噯氣酸腐食不進黑色

蟲痛定須防食時被驚承漿青黃主吐逆血痢因黑色驚風

須急救頰長腎足壽元形吐血便血唇色白或吐瀉乾燥而


皺脾熱極消渴煩熱并不寐大便不通下之則兩眼黑睛黃

主熱白睛黃時食積訣主疳疔黃痘白睛青時主驚風黑睛紅黃傷

寒劫。兩眉青色是為平。紅主煩燥夜啼。勤黃主霍亂并吐瀉。
 久痢紅者定傷人。兩顴赤色肺有熱。太陽青時二次驚。
 自太陽入耳死。紅色見時主血淋。客忤之病兩臉青。食痰喘。
 急黃色親赤主風熱須發散。兩頰赤時傷寒毒。額間赤色。
 心經熱煩燥驚悸不必說。青黑腹痛又驚風。痙攣叫啼何時歇。
 微黃驚痺自古傳。純黑之時命已絕。左臉青赤肝風熱項強。
 煩悶病之訣。驚搖腹痛定黑青。細心推看心能決。風邪發熱。
 右臉赤咳嗽便閉并氣急。青白惡心或咳嗽。青黑驚風腹痛極。
 或盤腸。脾胃熱極鼻色赤。小便不通深黃色。鼻中乾燥及氣粗。
 內吊。

血之症因而得脾虛泄瀉若何形。乳食不化鼻淡白脾土受。
 寒色自青。土木尅黑為死候君須識。小便不通顏間赤。膀胱與。
 腎氣熱結則耳後微赤屬少陽。本經風熱宜知悉。睡中驚悸。
 若咬牙微黃之色法無失。耳輪乾燥是骨蒸。口渴盜汗肝熱。
 極。兩頰青時主吐蟲。古人望色從來的。

虎口
三關
脈紋



第一節寅位風關
 第二節卯位氣關
 第三節辰位命關
 虎口又手處是也

示吉按水鏡曰寅關脉初見易治卯關脉見病深辰關脉見者死若三關通度是為極驚虎口脉紋亂者主胃氣不和若青驚積發病

三關脉色如何斷紅黃隱隱是為常非病脉也青色為驚人與獸紅

色傷寒咳嗽搶又主水驚脾虛色黃乳不化又主雷驚紫色瀉痢熱多張

白色為痺黑中惡黑主驚紅黑相兼痢不良青多白痢紅多赤痢紋如線直

青紅色乳食傷脾驚熱憤左右一樣驚積發三條四散肺風痰

小兒脉法

小兒三歲方切脉一指三關定數息一息七至號平和加則為

數熱是責減則為遲冷病侵浮則為風沉為積左手人迎主外感右手氣口主內疾外候風寒暑濕傷內候痰積停乳食浮緊無汗是傷寒浮緩有汗傷風則浮大多因風熱盛沉緩元來乳食塞沉緊腹中痛不休弦緊喉間作氣急促急驚風搐搦主弦滑風癇人強直大小不常鬼崇侵二便秘時脉牢實軟細之脉有痺蟲上下失血脉荏悉虛濡主氣兼慢驚沉緩為冷泄瀉得沉數骨蒸時內熱客汗邪氣脉弦急遲瀉胃脘自不和弦長肝肺有風入已上脉訣出名家再參紋色方無失

薛立齋曰小兒血氣未實驚則氣散氣散則脉亂必當參三

部五脈三部者面上氣色虎口脉紋寸口一指之脉五脈者
上按額前下診太衝并前三部也

心誠賦

欲保赤子全仗心誠口不能言其疾苦脉難以決其浮沉外感
六邪風寒火邪易襲內因諸症心肝脾臟為多小兒多啼則傷
肝多驚則傷心
多食則傷脾欲觀氣色先分部位左頰屬木為肝右頰屬金為
肺天庭高為心火之位承漿低為腎水之區脾土中央鼻為通
氣肝青腎黑木水之色主驚寒肺白心紅金火之色為虛熱土
色黃現疳食症多欲窮其變再察五官鼻雖中央肺竅通聲重
鼻塞風寒可見唇雖赤色脾氣應燥腫生瘡脾熱白許舌乃心
苗紅滑順而乾黑者熱舌乾主心熱乾
黑則熱極難治目為肝竅赤腫熱而有
神者生胃流注于雙頰風熱內攻則紅腫腎開竅于兩耳腎元
憊損則黑枯繞耳經絡足少陽暴聾紅腫其過在膽牙床經絡
二陽明上床足陽明
下床手陽明齒遲枯燥病歸乎腎再觀其外以知其內
已下活
幼指南紅氣現而熱蒸青色露而驚悸如煤之黑兮中惡之因
似橘之黃兮脾虛之謂白乃疳勞紫為熱極青遮口角扁鵲難
醫黑掩太陽盧醫莫治年壽赤光兮多生膿血山根青色兮頻
見灾危瀉痢而帶陽者須防咳嗽而拖藍者可畏疼痛方殷面

青唇撮眉自感驚風欲發面赤目直睡多驚火光燄燄外感風寒
白氣浮浮中藏癰積乍黃乍白兮疳熱連綿又赤又青兮風邪
緊急察之若精治之得理鴉聲魚口枉費精神肉拆皮乾空勞
氣力氣色頓移形容變異氣乏則脾冷腎虛則滯頤面目虛浮
定腹脹而氣喘眉毛頻蹙則肚痛以多啼虵出兮脾胃將敗蠱
蟲兮肝臟先虧苟瞑眩而弗瘳總虛扁而何益手如數物兮肝
風將發面若塗硃兮心火已熾坐臥愛冷兮煩熱之攻伸縮就
煖兮風寒之畏肚大脚細兮脾欲困而成疳瞠目張口兮熱已
危而必斃弄舌脾熱解顙腎憊重舌木舌兮虛熱積于心脾哽

氣喘氣兮寔火浮于肝肺齟宣息露必是牙疳哺露丁奚多綠
食積唇乾自作渴腸鳴必自利夜啼分爲四症變蒸週于一歲
心熱欲言而不能脾虛無時而好睡病後失音者腎怯咳嗽失
音者肺痿肚痛而清水流出者蟲腹疼而大便酸臭者積口頻
撮而虛寒舌長伸而火熾龜胸兮肝火乘于肺膈鼈背兮腎風
入于骨髓鼻乾黑燥兮火甚金衰肚大青筋兮木強土潰丹瘤
瘡疥皆胎毒之連纏吐瀉瘡痢乃食積之滯滯不能吮乳者熱
在心脾常欲俯臥者火蒸脾胃喜視燈火者煩熱在心愛吃泥
土者疳熱在脾腹痛寒侵口瘡熱積臍風忌于一臘火丹畏于

遍驚自熱生。痾因痰致吐瀉而精神好者則危。瘡痢而飲食減者則瘳驚本心生。風由肝致搐合左右兮。症有順逆。藥分補瀉。今病有虛實。急驚也。由于積熱之深。涼瀉偏宜。慢驚也得于大病之後。溫補為貴。頭搖目攛而氣喘兮。上工莫醫。口噤鼻張而氣冷兮。神丹何濟。閉目兮。無魂狂叫兮。多祟。不知吞吐者死。反加悶亂者危。且如病則熱起。熱則驚生。或制熱以熱。或攻熱以寒。襁褓未寧兮。但調其母。匍匐不快兮。當固其元。奈何瀉久成痢。積久成疳。瘡久生癖。驚久成痾。未致留連兮。攻之宜速。已見沉疴兮。治之宜緩。腸胃秘結兮。急瀉而已。氣血虛乏兮。急補而安。此皆指南之活幼。何疑治病之萬全。

示吉曰。小兒之病。口不能言。故曰啞科。惟賴望色驗症。察紋切脉。以知其臟腑之微。實難事也。故庸工治病。遂拘小兒病食上起之說。概施消導攻伐之品。實者偶爾中病。虛者遂至重虛。良可憫也。卽有智者。不遵古人之遺意。常恃一己之聰明。或致弄巧而成拙。以致智愚相去。其間不能以寸。此故維何。皆因不辨明其寒熱虛實。外感內傷之故也。予不揣愚陋。將六症分明于後。一見了然。使無疑似之嫌。如兼他症。隨症加減。又存司命者之方寸耳。

凡見小兒頭疼發熱鼻塞聲重咳嗽手背熱惡風寒皆屬外感無汗脉浮緊傷寒自汗脉浮緩傷風暑月吐瀉作渴齒燥脉虛傷暑浮腫洩瀉身重小便不利脉濡細傷濕舌乾口燥唇焦面赤或聲啞脉數傷熱

凡見小兒噯氣飽悶作酸腹膨不思食及惡聞食氣下洩臭屁惡心乍吐乍瀉或寒熱或腹中硬塊作痛手心熱脉弦滑俱屬內傷飲食已上二症最多

凡見小兒發熱無汗表實大便閉裏實心胸飽悶腹中膨脹惡心噯氣吐出酸水手足有力腹痛手不可按脈洪實有力

力俱屬實症

凡見小兒面恍白無神懶言氣短不思食腹膨不痛二便如常喜臥眼喜閉手足無力慢驚久吐胃虛久瀉脫肛脾虛自汗表虛自痢裏虛脉來微細無力及行遲髮遲齒遲解顛鶴節俱屬腎氣未成元精不足已上俱屬虛症

凡見小兒發熱手足心熱面紅唇乾舌乾口渴口上生瘡口中熱臭大便秘小便赤黃或痢下黃赤肛門焦痛喜飲冷水喜就涼處腹中熱痛脉來洪數俱屬熱症

凡見小兒面白唇青手足冷口中冷氣或泄痢清白無熱不

渴。腹痛悠悠無增減。或惡心嘔吐。喜就煖處。脉來沉遲無力。俱屬寒症。

已上諸症。每症不必悉具。凡見一二。便作主張治之。若二症三症兼見者。須照本條斟酌盡善。白能中病也。

小兒百病歌

初生小兒宜珍攝。溫涼得體自和悅。初生小兒宜用老人舊衣。有壽。夏月宜夾衣。獨臥。冬月宜穿薄綿襖。置大人懷中。以就煖。氣因小兒陽氣尚微。即看重裘。其陽氣不能自煖。多致凍壞也。冬月初生。黃連忌用。太寒故也。三朝內服化毒丹。名為開乳解胎熱。臍帶落後。須炙乾硃砂相和。為細屑。最能稀痘。更還元胎毒。胎熱從此絕。

臍帶落後。置新瓦上用炭火四圍燒至烟將盡。放地上用瓦蓋蓋之。存性研末。預用透明硃砂末水飛過。如臍帶灰四分。硃砂末二分。和勻。煎生地當歸濃汁少許調和。前二味抹兒上。臍間及乳母乳頭上。一日之內服盡。次日大便遺下穢物。終身無疾矣。滿月之後有變蒸。微寒微熱吐乳生。唇有白泡三日愈。若夾

風寒。逐樣尋。變者異常。蒸者發熱。小兒自此氣血發榮。性情有異。一二日其熱自退。若夾他症而不愈。有食則消。食是風則行痰。有驚則安神可也。若變蒸而妄投藥餌。則誤人最大。慎之。

眼閉面赤名胎熱。焦啼煩燥熱不歇。口中氣熱。甘草一黑豇及燈心。七莖豇二子。竹葉煎湯頻頻呷。乳母面色青白四肢寒。口冷腹痛。

胎寒說。當歸黃芩及桂心。細辛龍骨白芍訣。等分為末服一匙。乳汁調下寒能絕。此症兒大便青黑身起寒慄。因母孕時受寒。

臍帶斷後風濕傷臍腫硬直臍風。臍有青筋冲心者燈火急

救始無妨。臍有青筋行肚却分兩岔行至心者必死急用燈草

壯肉服小紅五通膏貼功誠妙。生地姜葱白當卜子田螺各

等分五件共持搭臍傍。敷臍四傍一指厚。拘住一時有屁下泄

風邪入臍心脾熱唇青舌強撮口訣齒根上下粟米瘡膏布蘸

水擦破截。小兒口撮緊閉不吮乳。皆因齒根生小泡子痛極也

青布蘸雪水擦破。即開口便安。甚者用牛黃一分爲

急驚

小兒急症急驚風。緊閉牙開氣不通壯熱涎潮目窳視反張搐

搦頰唇紅二便閉結法當下驅痰清火有神功。輕用小牛黃丸

下後不止夢中驚悸宜玉樞丹驚定即當調胃氣莫仍尅伐與推攻。重用小紅丸若

慢驚

慢驚之症實非驚吐瀉亡陽病後成。脾胃損傷肢體冷虛痰泛

上目無神口鼻氣微時驚悸手足瘈瘲命將傾。加減醒脾湯可

治人參白朮白茯苓木香天麻并半夏。膽星甘草橘皮靈倉米

棗姜煎服効。姜蠶全蝎逐痰增不愈六君加附子。煖回痰降自

全生。

示吉曰。急驚者內傷乳食外感風寒內熱痰壅腹脹便秘脉

數有力故宜瀉宜攻慢驚者久吐之後名胃虛驚久瀉之後名慢脾驚或服尅伐過多或投寒冷太甚以致元氣衰憊虛痰泛上不投溫補何以挽回元氣無何有之鄉耶古人云似風而無風可驅似痰而無痰可逐信然也

疳疾

小兒疳疾從何起乳母寒熱失調理肥甘過度喜怒偏生冷油膩不得體或因吐瀉及痢瘡或熱或嗽病不已以致脾胃中氣傷溺如米泔又不長皮黃肌瘦髮更直肚大青筋腹痛映好食泥炭并茶米諸蟲作痛藥須嘗先服珍珠丹一服或用小追蟲

取積最為良連薊肥兒後調理蒸餅礬丸細酌量并治疳症

發熱

小兒發熱病不一傷寒無汗惡寒極手足稍冷面色青兼不左額青紋可認識傷風惡風且自汗手足稍溫面光赤二症宜傷食胸膈又飽悶吐瀉腹疼面黃色右額青紋目胞腫夜熱晝涼無定跡便秘小牛黃丸瀉沉香末子驚風發熱三根青手心有汗時驚惕紅小金錠龍丸紫疳積發熱是骨蒸背熱不止盜汗生有積先服小乾蟾肥唇有白泡變蒸熱耳冷微汗又虛驚腹痛啼叫或吐衄兒丸週歲之後無此形不須諸熱表熱身發熱通神散內熱化毒

自能平

內熱手心熱口乾唇紅便秘結

痧疹斑

小兒痧疹屬風熱煩悶集躁啼不歇汗下之後熱轉增痧疹將發醫之訣頭粒細小痧疹來紅點無頭斑症列欲出未出須升散牛旁升麻乾葛升防風升薄荷升及甘陳水姜煎服古方換已出之後去葛麻加入玄苓定不差知粉支連能消熱咽喉疼痛黛青桔梗拿梗大便秘結大黃用自汗口渴石羔查

一方治痧子不發用櫻桃核打碎泡湯與之

風寒

風寒之症若何成頭疼發熱咳嗽生傷寒無汗風自汗鼻塞身重拘急形解表先服通神散若夾驚痰細酌斟

傷食

乳食不化自飽悶噯氣作酸或吐甚下洩臭屁不思食沉香末子藥可進大便秘結者小牛黃食隨利去法有信

嘔吐

乳食傷胃則嘔吐食消吐定法所布沉香末子是總司用濃姜湯調下不愈定吐飲功大半夏陳皮及藿香神愛麝芽厚朴水香助水煎臨服加姜汁口渴身熱黃連入身冷不渴炮乾姜脉遲厥冷參朮人自

益夏月香薷滑石添大便秘時兵柳吃

秘甚者用小牛黃丸姜湯化下

泄瀉

乳食傷脾泄瀉症健脾消食利水應沉香末子亦可施實脾利
水煎方定蒼朮白朮白茯苓山藥薏苡甘草順澤瀉木通及水
香砂仁煨姜陳皮進有熱須增姜炒連無熱肉菓炮姜性姜用少許
食積腹痛麴麥芽查卜實朴兵榔令

暑

夏月吐瀉多因暑加減香薷飲可止香薷藿香及木香厚朴陳
皮麴麥始半夏茯苓并木通薏苡蒼朮滑石同熱加黃連去蒼

朮瀉多炒芍亦良工有食山查枳實妙臨服姜汁助成功

按燒針丸治小兒吐瀉甚効用東丹硃砂枯白礬等分爲細
末棗肉爲丸丸如黃豆大每服三四丸戳針尖上燈火上燒
過研細凉水調服外用菉豆粉以雞子清調成膏如吐塗兩
腳心瀉塗顙門上止則去之

痢

痢疾皆因傷濕熱白傷氣分赤傷血新積多血久積膿初起腹
痛下之訣通因通用之法用小牛黃丸珍珠丹後服肥兒丸調理表熱太甚姜茶煎內熱
口渴香連截嘔逆禁口用石蓮爲末調下病能絕

姜茶煎 用生姜切片。細茶各三錢。井水煎服。痢而兼外感者用之。血痢加連根韭菜汁酒調服。

香連丸 治內熱口渴。肛門隻痛。用川黃連十兩切片。姜汁拌炒。廣水香二兩為細末。神麴糊丸。如菉豆大。每服三五七分量。大小酌用白湯下。

石蓮散 石蓮肉炒去心為末。每服一二錢。陳倉米飲調下。如嘔加姜汁一匙同服。

久痢塞劑 用栗壳木香。榴皮細茶。烏梅肉各二錢。白蜜砂糖各五錢。紅痢多。糖白痢多。蜜水二鍾煎八分去渣服。大人亦用。

瘧疾

小兒瘧疾名童瘧。初起消食痰涎却。便秘腹痛。小兒黃。屬乳食發熱無汗通神畧。屬風寒外感。六七發後。截法精。天靈散用真靈藥。

天靈散 用天靈蓋燒存性為細末。黃酒調下五厘。瘧立止。一用斑毛一個。放小膏藥上。侵晨貼眉間印堂中。瘧止揭去。

咳嗽

有聲有痰名咳。嗽風寒邪氣。肺經受若兼發熱及頭疼。通神解表功方就。火鬱肺經聲不轉。瀉白噲化丸能奏。痰塞喉中喘急者。巴豆塞鼻如神有。

小兒痰喘用巴豆一枚去壳搗爛作一丸綿花包裹男左女
右塞鼻中痰即降下而愈

一方治咳嗽喘急甜梨一箇刀切勿斷入蜜于內麵裹灰
火煨熟去麵吃梨

一方用白蘿蔔汁半鍾蜜半鍾飴糖半盃姜汁十匙蒸熟不
拘時吃并治老年痰火

肺脹喘急

小兒肺脹喘嗽多人看作風喉。大黃兵郎二牽牛人參分兩等
勾五味研成細末蜜水調量稀稠每將一字下咽喉不用神針

法灸

雲林云肺脹喘滿胸高氣急兩脇搖動陷下作坑脹悶亂嗽
聲嘔不鳴痰涎壅塞俗云馬脾風不急治則死本方主之

按幼科陳見田秘本肺葉脹以致喘急眼胞上下臥蠶紋起
用防莖散見雜症水腫條

浮腫

遍身浮腫是屬溫燥脾利水并消食腹脹便秘珍珠丹內消食
積沉香子末益不効平胃皮子飲厚朴陳皮炒蒼朮腹皮姜皮茯苓
皮車前卜子兵郎則神麴澤瀉及麥牙水香水通桑皮力砂

仁炒末水煎來小便利時腫自息

一方用黑丑半生半炒取頭細末每服二三匙煎桑白皮湯

磨木香汁調服 一方小便利者磨王樞丹燈心湯送下

一用草蓂仁每歲用一粒炒為末白酒調下外用河白草煎

湯洗浴 若浮腫先眼下臥蠶紋起喘急病在肺宜防莨散

黃疸

小兒黃疸是濕熱清熱利水方真訣指甲面目遍身黃溺如黃

汁或寒熱嘔吐口渴不思食夜無安臥不寧貼大便秘結珍珠

丹蒸餅快活調理截不愈茵陳滲濕湯茵陳赤茯連枝川山呻吟防已

二木及陳皮猪苓澤瀉兵郎悅食積神麴炒卜子理氣木香香

附絕小便不利加水通小便清白病自歇

汗症

小兒汗症原須治氣虛自汗日間至血虛盜汗睡中來總屬虛

弱分明訖黑豆錢三浮麥錢一及烏梅錢一煎湯服時汗亦住

一方用蜜炙黃芪生地各一錢五分牡蠣煨為末二錢水煎

服 一用五倍子為末津調塗臍內俱治汗出不止

諸失血

小兒失血非一病鼻中出血衄血認吐咯嗽血從口來總是上

集火熱症

宜化毒丹便結者用小牛黃丸

小便尿血為溺血大便出血下血甚

初生小兒是胎熱

用化毒丹一用生地汁入蜜少許和勻溫服或用甘露飲

能食小兒食

積病

用沉香末子或用蒸餅快活丸大便秘腹痛用小牛黃丸

隨症調治是良工再參方法

醫方應

治吐血衄血

一用白芍為末磨犀角汁調服一用側柏

葉藕節曬乾等分為末每服五分藕汁和蜜調白湯送下

一用黃芩為末蜜丸如龍眼大每服一丸鹽湯化下一

用吳茱萸為末津調塗腳心湧泉穴一用山枝炒黑為末

吹鼻中或用藕汁調服五分燈心湯送下

治小兒初生下血溺血及牙宣口臭口舌生瘡咽喉腫痛名

甘露飲

用熟地生地天冬麥冬去心枳殼茵陳酒炒黃芩石

斛耳草枇杷葉

蜜炙各等分水煎飲溺血加石蓮肉燈心竹葉

一用蒲黃頭髮灰等分為末生地汁或藕汁乳汁調下一錢

脫肛

小兒脫肛有二症瀉痢之後氣虛應補中益氣去當歸外用薰

洗能接命若還便秘努力來清火潤燥方相稱

凡小兒脫肛大腸頭自糞門而出久不收進則硬燥難入法

用蓮鬚慈葉斤許煎湯數碗乘熱放桶內令小兒坐上薰之

後慢慢洗軟用冰片三四分爲末敷上肛自收矣。一用五
倍子煎湯薰洗。一用陳壁土煎湯薰洗。一用驚頭骨燒
灰存性香油調敷。一用五倍末敷上托入。一用草麻子
擣爛貼頭頂上腸入去之。
小兒大便秘結努力脫肛肛門隼痛或時下血用玄明粉二
錢當歸一錢杏仁桔梗各八分甘草升麻各二分水煎服
諸遲解顱鶴節

氣血不充行走遲腎氣不足齒生遲語遲皆因心不足血分不
足髮生遲顱顱開解是頭縫不合并鶴節腎氣不成總宜知。

行遲語遲髮遲齒遲肌肉消瘦顱顱開解神色昏慢總宜調

元散 乾山藥錢五白芍沙茯苓去皮末茯神各二錢白朮人參生地

熟地當歸川芎黃芪蜜炙各二錢半甘草錢半石菖蒲錢一生薑三片棗一枚

水煎兒母不拘時同服

加減地黃丸 治頭縫不合名解顱腿瘦骨節呈露如鶴之

膝名鶴節腎主骨髓腎氣不成所致也。

懷熟地錢八嫩鹿茸山藥白茯苓山茱萸肉各五錢澤瀉丹皮當

歸各三錢爲細末煉蜜爲丸如龍眼大 解顱去澤瀉加人參

五錢食遠服 鶴節加牛膝肉五錢空心服白湯化下外用

大南星爲末米醋調攤帛上烘熱貼臍上

通神散 外感風寒內傷飲食頭疼發熱咳嗽痰喘鼻塞聲重

驚悸口乾煩渴胸滿不食凡有表症者並治并治瘧痢初起

薄荷葉 一兩 羌活 一兩 葛根 一兩 川黃連 姜汁炒 一兩

膽南星 一兩 枳實 七錢 兵郎 一兩 陳皮 炒 一兩

厚朴 姜汁炒 七錢 神麴 炒 七錢 麥牙 炒 七錢 川芎 三錢

甘草 三錢 共爲極細末黑糖拌濃煎生姜湯送下每服週歲

內者五分外者七分二週者一錢量兒大小酌用 痢姜細茶 各一錢煎

湯送下

白丸 止嗽疎邪消痰定喘清熱順氣凡嗽而聲不轉者効

石膏 煨熟 二兩 花粉 川貝母 去心 陳香圓 去穢

膽南星 款冬花 薄荷葉 各一兩 甘草

細芽茶 各七錢 已上九味共爲極細末聽用

麻黃 一兩 防風 桑皮 蜜水 杏仁 去皮尖炒

前胡 紫苑 蘇子 炒爲末 各一兩 陳瓜蒌 一大個

柿餅 三兩 山枝 一兩 葶藶子 炒五錢 已上十一味用水煎

去查濾清再入蘿蔔汁水梨汁餒糖各四兩姜汁五錢煎成

膏滴水成珠爲度將前末藥和勻爲丸每丸重一錢每服一

丸燈心湯化下大人噙化風邪痰火咳嗽如神

蔣氏化毒丹 治一切胎熱胎毒遊風丹毒熱癰口疳疳火燥

渴煩燥大便結小便濇赤等症

真犀角

川黃連

桔梗

玄參

薄荷葉

粉甘草

各一兩

青黛 五錢

大黃

酒蒸九次五錢

硃砂

三錢另研極細末

右爲極細末煉白蜜爲丸丸重一錢二分每服一丸燈心湯化下

小牛黃丸

消痰逐積追蟲消食清熱定驚除膨消脹凡大便

不通或按腹中硬痛者以此下之急驚痢疾初起神効

白土

頭末各七錢半

大黃 一兩五錢

膽星

半夏

各五錢姜汁製

枳實

炒五錢

牙早

三錢

爲極細末煉白蜜爲丸丸重一

錢二分週歲者一九三週者二九生薑湯化下追蟲糖湯下

沉香末子

治乳食傷脾胃以致嘔吐泄瀉痢疾瘧疾心腹疼

痛大便下血寒熱不止凡兼胸腹脹滿噯氣作酸惡心惡聞

食氣及不思食下洩臭屁上症不必悉具凡見一二定爲傷

食此方主之

香附

鹽水拌炒

兵郎

紫厚朴

姜汁拌炒

廣陳皮

炒各四兩

枳壳

炒

枳實

炒

青皮子

炒

山查肉

麥芽炒

神麴炒

蘿蔔子炒

白酒藥炒各二兩

柴胡

桔梗

真川芎各一兩二錢

芸白朮土炒

炮乾姜

沉香

研木香不見火各一兩

共爲極細末每服週歲七分二三週者一錢糖拌空心生姜湯送下便血米湯送下小兒下血多因飲食傷脾脾不攝血若用止血之劑及溫補升提之法無益也予製此方以消食為主食消則脾氣自復血不治而自愈。

陳氏小紅丸

治一切咳嗽驚癇發搐發熱齁喘痰涎上壅痰厥卒倒等症

全竭

去刺洗淨少一兩

南星一兩

硃砂四錢半珠子一錢

巴豆霜

去油淨二錢半

爲極細末糯米糊爲丸如菜子大週歲者每

服五十九二週者一百丸看小兒大小壯實用燈心湯送下

此吳中陳氏治急驚風秘方也昔年見田先生專司幼科名布江南其子珍如先生以此方授予試之奇驗

肥兒丸

治五疳五痢瀉蛔蟲臟腑虛弱身體羸瘦髮監焦黃

小便濁色消積化食健脾和胃長肌肉肚腹膨脹俱宜服

廣陳皮

炒一斤

甘草

炙四兩

蓬朮

炒六兩

厚朴

米泔浸炒八兩

枳實

炒八兩

連翹

六兩

香附

米泔浸炒一斤

山查肉

六兩

神麴炒六兩 卜子炒八兩 龍膽草六兩 青皮子炒八兩

川黃連炒 白朮土炒 兵郎各八兩

其為極細末煉白蜜為丸丸如龍眼大空心清米湯化下

若痺積加蘆薈胡黃連銀柴胡名蘆薈丸又名五痺保童丸

此須夜間發熱骨瘦如柴者可用 一方加蝦蟇食蛆或用

蝦蟇食蛆俱燒存性入前藥內名乾蟾丸虛者加米仁山藥

虛甚加人參有蟲加川練子史君子肉鶴虱

蔣氏肥兒丸 治小兒瘦弱食不生肌肚腹疼痛內熱蟲積

芸白朮土炒 陳皮炒 香附鹽水炒 厚朴姜汁炒

枳實製炒 兵郎 神麴炒 爽芽炒

澤瀉炒 卜子炒 山查肉炒 白茯苓蒸

白芍藥炒各四兩 木香不見火 甘草炙各二兩

內熱口渴脉洪數小便黃加連翹川黃連各三兩

骨蒸熱背熱手心脚底熱口渴身瘦溺赤脉細數加蘆薈一兩

胡連銀柴胡各三兩 鼈甲醋炙四兩

瘧後寒熱不止脇下有塊加銀柴胡胡黃連當歸青皮各三兩

醋炙鼈甲四兩 桂枝錢七

腹中膨脹或有塊痛手不可按如山稜蓬朮醋炒各三兩 食蛆二兩

乾蟾 二隻

泄瀉少食或腹痛手按則減面色恍白無神六脉無力倍白

木白芍各四兩加入參山藥米仁各二兩瀉不止加肉果麩裹煨二兩

六脉遲手足冷口不渴溺清白肌肉日削或悠悠腹痛無減

增或喜就煖處或食生冷即瀉或臍下作痛是屬虛寒加炮

姜肉桂各二兩倍白木白芍泄加肉果麩煨二兩虛甚加入參山藥

各二兩

面上白斑腹中作痛口出清水或口中吐蟲屬蟲積加史君

子肉貫仲各二兩雷丸鶴虱各一兩

示吉曰小兒如春令草木得雨露滋養則日生夜長所患者

惟蟲物以害之則枯萎爾小兒稟純陽之體乳食滋補則先

天之氣生生不窮所患者飲食過度脾胃損傷成疳成積肌

肉瘦削也食積之害小兒亦猶蟲物之害草木蟲物去則草

木日長食積去則元氣自生固不易之理故古人製肥兒之

方多用消食去積之品蓋欲先除其害也予得古人之旨隨

症加減以盡寒熱虛實蟲積之變敢云一片婆心聊為古人

之小補耳

紅燕丹 專治小兒疳積丁奚骨瘦如柴目閉溺赤或腹中疼

痛或溺如米泔

大石燕

一雌一雄每個重一兩者佳入饌銀罐中上下用炭火煨紅淨入好醋中如此九次

明珠砂

三錢另研水飛紅麴一兩揀淨

三味為極細末和勻過歲者每服

三分糖拌不拘時服

按此方乃消疳化積之神藥也且無

藥氣利于小兒之良藥者予表侄二三歲間患疳積症頭大身瘦發熱溺如米泔諸藥不効後聞藥氣即吐束手無策偶遇異人傳此方和于糖菓粥飯中與之數服全愈後以此濟人無不効矣

抱龍丸

治小兒急驚癲癇痰涎壅盛胎驚內吊咳嗽喘急撮

搐驚悸等症

天竺黃

五錢

辰砂

二錢

九套膽南星

一兩

明雄黃

一錢

麝香

一分五厘

為極細末另用麻黃款冬花甘草各五錢煎湯

去渣慢火熬成膏和末藥為丸丸如芡實大每服一丸薄荷

湯化下

示吉曰鎮驚消痰安神開竅製抱龍之旨也然恐病輕藥重殊雄則過于墜鎮而麝香更有引驚入竅之弊故古人有不可輕用之說今此方之妙作之以膏麝香得麻黃之辛散竅內之驚盡出雄硃得甘草之和緩墜鎮之性和平膽星天竺

而佐款冬消痰潤肺。肺潤則氣降。氣降則痰下。痰下則驚平。咳嗽痰喘不治而悉愈。其方若與古人同。則其効勝于古人遠矣。非得岐黃之秘者。斷不知此。此方爲計元讓家秘。活人無算。予求之數年。始得同志者。勿易視之。

玉樞丹

一名太乙神丹 一名紫金錠

一名追毒丹

解百毒。逐水氣。下痰開

結。鎮驚去積。通竅除驚。悸定搐搦。理內外無名之症。療大小疑難之疾。

明雄黃

一兩

五倍子

槌破洗淨 焙三兩

山茨菇

去皮洗淨 二兩

紅芽大戟

去蘆洗淨 焙乾兩半

千金子

去元研去油 取霜一兩

明硃砂

五錢

麝香

三錢

右除雄硃麝千金另研外。其三味各爲極細末。

和勻。却入前四味再研勻。以糯米糊和。杵干。餘下爲錠。子陰乾。端午日午時脩合者佳。癰疽腫毒初起。腫疼或蟲獸咬傷。疼痛外用。井花水磨敷。內用井水磨服。大人每服二錢。小兒週歲者五分。大者酌用。小兒夢中驚悸。及痰痰壅甚。大便如常者。井花水磨服。薄苛湯送下。半歲者二三分。週歲外者三五分。

珍珠丹

追蟲去積消食。逐滯消膨。脹通便結。化痰垢疎滯氣。推陳致新。下法中之神藥也。

阜莢

去筋子八兩

小兵郎

乾切六兩

黑白丑

淘淨浮水者不用各四兩

巴豆肉

六錢槌碎包裏布中

四味和一處用陰陽水十四碗與藥共

煮水盡取起去巴豆晒乾磨爲極細末磁餅收貯每服男用

三五七九分女用四六八十分黑糖拌上部病白蘿蔔湯下

下部病冷茶送下生姜湯催之如治水蠱用川貝母秦艽

花粉各一錢真蘇子九分煎湯送下珍珠丹三分隔一日服

藥一次水去依本條中調理川貝四味爲末蜜湯調下治

咳嗽如神

蕪肝藥 治小兒痺積肝經積熱以致眼閉眼紅失明腹脹等

症

白肉雷丸

一兩赤色者不用用蒼木一兩同煮一二十滾去蒼木切片

史君子肉

一兩黑油者不用

二味焙乾等分鉄碾內研爲細末用

不落水雞軟肝一具男用雌女用雄將末藥一錢滲上飯上

蒸熟小兒食之即愈輕者二三服重者不過七服神効忌猪

肝及猪牛犬肉不忌損目此方係王仙師所傳吳中專司

痺積者惟賴此方其効若神予竭力覓之以公海內庶得好

生之意云

蒸餅快活丸

治小兒丁奚痺症皮膚瘦削骨露如柴肚大青

筋。小便濁。睡臥燥。亂神氣昏沉。常服健脾化積進食肥肌神
効。用小麥麵一斤作餅十六箇。每餅重一兩。內裹青礬一
錢。外以濕紙包黃泥封固。炭火內煨透。取出候冷。爲細末。用
紅棗米泔水煮熟。去皮核。擣爛如糊。同餅末杵勻。丸黍米大。
每服三五丸。清水湯送下。研化下亦可。

示吉常讀內經曰。以酒爲漿。以妄爲常。醉以入房。以欲竭其
精。以耗散其真。不知持滿。不時御神。務快其心。逆于生樂。起
居無節。此岐伯言。今人致病之由也。若夫小兒。則榮辱不開。
其心色慾不傷其腎。惟天之六邪外入。風寒火症爲多。暑濕

燥次之。內因諸症。易驚則傷神。而心病善啼。則怒而肝病多。
食則傷脾。而脾病至于傷肺。傷腎之事。無有也。故予集幼科
諸方。通神瀉白。風寒火之通治也。沉香末肥兒丸。快活丸。脾
胃病之通治也。紅燕丹。雞肝藥。肝臟之通治也。小紅丸。抱龍
丸。心臟之通治也。小牛黃。珍珠丹。追蟲取積。化毒專司清熱。
玉樞丹。消痰逐水。定驚解毒。兼理怪病。俱去害之良藥。因小
兒純陽之體。害去其生生之氣。自長溫補之法。不講也。惟慢
驚及久吐瀉。諸遲法。宜補益。已見于本條下。專司幼科者。諸
方預宜修合。三歲之內。非此不愈。四五歲後。當參大人雜症。

條治之。

治夜啼方

治邪熱相乘。集炒夜啼。用燈花三顆爲末。以乳汁

調抹兒口內。或沫母乳頭上。令兒吮之。一用燈心燒灰敷

乳頭上。令兒吮之。一用玉樞丹二分。井花水磨抹兒口中。

一用硃砂二分半。研細末。蜜調兒睡時抹兒口中。一方用

火柴頭一箇。長四五寸。削平面。用硃砂寫云。撥火杖。撥火杖。

將來作神將。捉着夜啼鬼。打殺。不要放。急急如律令。

治愛吃泥土方

煎黃土湯送下。小牛黃丸。一用乾黃土爲

末。煎黃連汁和爲餅食之。愈。一用膩粉一錢。砂糖和爲

丸。如麻子大。米飲送下。瀉出去土立愈。小兒愛吃泥土。乃

脾虛胃熱所致。用清胃養脾湯。用黃芩石羔陳皮白朮茯苓

甘草水煎服。

治蟲痛方

凡腹痛口中出清水者。屬蟲積。用小牛黃丸糖湯

化下。一方用史君子肉二錢。殼五分。枳郎一錢。水煎服。

一用史君子肉一錢。枳郎一錢。雄黃五分。共爲細末。每服一

錢。糖拌苦練根煎湯送下。小兒蟲咬心痛。欲絕。用五靈脂

二錢。枯礬五分。爲細末。水煎一錢。不拘時服。蟲卽吐出。

予少時入山路。逢一小兒。心腹痛。啼哭。口吐清水。予曰。蟲也。

少頃吐出蟲長一二寸者一二十。其痛愈急。倉卒無藥。予記老葱根能化蟲爲水。取葱搗汁。香油調服。下咽痛定。其病永不發矣。此方大人。心腹蟲痛俱治。

予一日靜坐。一人索化蟲藥甚急。曰。三日前鄰家小兒。心腹痛欲死。服相公丸藥後。卽下血。鼈七八枚。蛔蟲二三十。如蟻蛄者。一二十。痛立愈矣。今小兒心痛亦然。必求前藥。乃妙。予亦不記其何藥。以諸丸令渠驗之。乃揀遇仙丹而去。方見雜症蟲條

治遺尿方 小兒膀胱冷弱則遺尿。用破故紙一兩。鹽酒炒爲末。每服一錢。熱湯調下。一用益智炒爲末。白湯調下一

錢。一用雞胓脰一具。雞腸一具。燒存性。猪泡炙焦爲細末。每服一錢。黃酒調下。男用雌。女用雄。一用官桂爲末。雄雞肝一具。等分。搗丸如小豆大。溫水送下。日三服。

治尿濁方 小兒胃中濕熱下流。則小便濁。如米泔。或多食糯米食之故。沉香末。子主之一。用澄清飲白木茯苓白芍黃連澤瀉山查青皮甘草水煎空心服。

治小便不通方 膀胱有火。則小便閉結而不通。用燈心湯送下。益元散一錢。一用兒茶二錢。爲末。菖蒲煎湯送下。一用五苓散加車前燈心煎服。初生小兒二三日不大小。

便用葱汁人乳各半調勻抹兒口中即通

治語遲方

治小兒心氣不足邪熱乘之則語遲用石菖蒲九

菖蒲人參麥門冬

去心

川芎遠志

甘草水
泡去心

當歸

各一兩

乳香

五錢

砂錢三錢爲細末煉蜜九黍米大每服十九食後粳米湯下

治齒遲方

小兒腎不足則齒生遲用川芎山藥當歸白芍

甘草

炙等分

爲細末白湯調下二錢食後服將藥末擦牙齦即

生

龜胸方

小兒心胸高如覆掌是肺熱脹滿之故

用天冬

去心

百合杏仁

去皮尖
麩炒

木通枳殼

麩炒

桑皮

蜜炙

葶藶

隔紙炒

石羔

煨各一錢

川大黃

酒蒸六分

共爲細末煉蜜爲九如菉豆大每服五九白湯

化下食後臨臥服

外灸兩乳前各一寸半上兩行三骨間

六處各灸三壯春夏從下灸起秋冬從上灸起

龜背方

風入腎脉背脊受傷故背高如龜

用枳殼防風獨

活大黃

煨

前胡當歸麻黃

去節

等分爲末麵糊丸如黍米大每

服十五丸看兒大小以米湯送下食後服

外宜灸肺腧穴

在三椎下兩傍各一寸半心腧穴在五椎下兩傍各一寸半

隔俞穴在七椎下兩傍各一寸半六處穴各灸三壯以小兒

陰腫疝氣方

治寒鬱下焦偏墜氣痛。

用故子

炒橘核炒乾

姜肉桂砂仁等分爲末酒拌空心生姜湯送下一錢。一方用五倍子燒灰存性爲末好酒調下三分出汗立愈。一方用牡蠣不拘多少爲末雞子調塗治外腎腫大卽消。陰囊忽腫或久坐濕地或蟲蟻吹毒用蟬退五錢煎湯薰洗腫痛白消肉服五苓散加煇心煎服若因蚯蚓吹毒陰頭腫痛用鴨涎敷之。一方用葱園內蚯蚓糞以甘草汁調塗腫處或薄荷汁調亦可。

斷乳法

以山枝三粒

炒黑存性

硃砂輕粉各少許研爲細末取生

芝麻油調和待小兒睡着以藥濃敷兩眉間睡起卽不食乳

不可說破如不効再加黃丹一錢須揀伏斷及卯日

牙疳口瘡方

小兒心熱則舌瘡胃熱則牙疳脾熱則唇瘡凡

治牙疳口瘡先用青絹蘸雪水或井花水拭淨白皮卽血出

亦不妨拭淨後用元水丹

見雜症口舌瘡

吹入口舌瘡用黃連爲

細末蜜水調服

牙疳用竹葉石羔湯水煎服少許噙嗽

凡痘後痧後生疳是邪熱未散積毒成疳不急治則牙落非

元水丹可治宜秘方二仙丹用活雄童子鱖魚炙乾大葫蘆

浸糞坑內七日取起洗淨炙乾各爲極細末等分勻先拭

淨牙根敷上即愈

牛黃散 治小兒口中百病。鵝口口瘡。重鰓不能吮乳。及咽喉

腫塞。一切熱毒。用黃連末黃柏末各八分雄黃青黛火硝各二分

牛黃冰片硼砂硃砂各一分共研極細。每用少許敷入口內。

重舌木舌弄舌方 心脾積熱。舌下有形如舌而小者。名重舌。

舌腫硬不和為木舌。舌伸出縮進不安。名弄舌。重木舌用

歸尾連翹白芷各三錢煨甘草各一錢水煎食後頓服。

外用青黛黃柏末和勻敷之。一方蒲黃敷。一方用瞻星

研細點少許。一方用百草霜和硝滑石共為末。酒調塗之。

木古用玄明粉五錢川連末一錢食鹽少許竹瀝調敷。

弄舌宜服化毒丹

頭面疳火方 治小兒頭面諸瘡。丹毒腮腫眼痛。用牛黃黃連

散用牛旁子一兩炒川大黃一兩生川黃連三錢共為末。每

服一錢蜜湯調下。外用松香三錢熬乾東丹鉛粉各二

錢為細末香油調搽。名三物丹。

丹毒方 遍身遊走赤腫。名曰丹毒。內服通神散散之。或玉樞

丹解毒。外用朴硝大黃等分為末。新汲水調雞翎蘸藥塗

之。一用伏龍肝不拘多少雞子清調敷患處。

眼痛紅腫方 小兒眼痛紅腫是風火上攻宜通神散熱甚化

毒丹 外用熟地黃一兩新汲水浸透搗爛貼脚心布裹住

有効 一用火硝一錢雄黃六分爲極細末吹入鼻中目中

流淚卽効

耳痛方 腎熱上冲耳中或痛或出水或流膿 耳中腫痛用

葱汁滴入 出膿流水先用綿紙撚撚盡膿水後以白龍丹

見雜症吹入 一用五倍子燒存性爲末吹入耳効 一用

黃蠟如豆大搓成條外用真蘄艾槌熱裹蠟條用火燒着烟

燻患處

鼻瘡方 鼻下兩傍瘡濕痒 膿流處卽又成瘡最爲可厭宜

用澤瀉鬱金山枝仁炙甘草等分共爲細末食後白湯調下

一錢外用甘草湯洗淨敷疳火三物丹

頭瘡方 小兒頭上生瘡最難除根 法先用葱頭花椒米泔

水煎湯洗淨瘡蓋後用臘猪油半斤熬滾入麻黃半斤同煎

煎至麻黃色黑枯撈去查以油搽瘡一加輕粉三錢尤妙

一方用藥油一盃放杓內煮滾入活蜈蚣一二條煎蜈蚣黑

枯爲度去查將油搽

臍瘡方 小兒臍外傷風濕以致臍瘡不乾用枯白礬龍骨

煨各五分共爲細末每用少許摻臍上 一用草紙灰敷

一用紅絨灰敷 一用蠶繭燒灰存性敷

小兒初患舌碎繼之遍身發熱一醫以傷風停食而用發散消導之劑予曰無益也服後果熱愈甚滴水難食復來求救予以黃連五錢煎湯徐徐與之終劑而愈其父問其故予曰若先身熱而後舌碎則因風食發熱以致舌碎固常事也今先舌碎知其心火亢甚加之身熱是內熱極而火外行耳

一小兒二三歲身熱驚悸易醫六七俱無寸効一日忽作鴉聲少頃其音已啞魚口開張予視之欲哭狀惟肩頭稍動終無

音出心甚憐之細思其策因以指探其口中唇乾舌燥予曰心熱欲言而不能果有之乎卽以黃連黃芩石羔麥冬五味山枝玄參花粉知母甘草清荷澄心竹葉劉一大劑煎成薄膏顛顛與之一晝夜而鴉聲復出又一日而音始全而愈自此之後此法活人無數大便三四日不行者加玄明粉二三錢尤驗驚悸者加金子同煎嗟乎人遇啞驚風俱棄之而不治孰知唇乾舌燥終屬陽症此法甚善故記之

嘉善魏交讓子予之表弟也年十歲患小腹痛三四年矣醫藥不効予診之脉來沉遲二便如常按之無塊此必腎家虛寒

也。六味地黃丸加炮姜肉桂青皮香附車前牛膝而愈。

淮安大商陳受伯第年十一歲。傷寒病起。幾至一百日。粒米不食。食即脹滿。諸藥不愈。惟日以人參三錢煎湯飲而已。載至吳中求治。予視之。骨瘦如柴。六脉沉細。投之參朮正相宜也。何無効驗。因搗心胸小腹按之硬塊已滿。手按則痛。予曰。憑脉則難用下藥。不下亦無生理。遂用當歸玄明粉各三錢。酒蒸大黃二錢。杏仁麻仁蘇子桃仁俱炒爲末。各一錢。白芍川芎桔梗各七分。水煎服。服後即去黑塊二三十中。腕硬處下行寸許。然人已虛極。明日去大黃玄明粉。加人參二錢。服一

劑後。日復用大黃玄明粉。而去人參。又去黑塊一二十。如此。人參大黃間服半月。黑塊始盡而愈。

周忠介公孫女年七八歲。大便下血不止。遍問幼科。有用黃連犀角者。有用人參阿膠者。但無寸効。予診得氣口沉緊。予曰。十服末子即霍然矣。佩老母舅笑曰。何言之易耶。姑試之。三服而血止。索其故。予曰。人但知脾虛不能衄血。不知飲食傷脾。亦不衄血。今用消導之劑。食去則脾氣復而血自衄焉。得不愈其末子即沉香末也。

小兒在水閣風雨卒至。又驚。又寒。後至四肢厥冷。漸至遍身

艾古人定寒甚須加桂附子附子童便甘草水煮三日用脉虛氣弱參芪任

將來作痛用延平血瘀塊痛桃紅順塊痛不止達通稜桂枝

辛散疼方定經閉塊痛亦宜添酒蒸再着大黃九次牛膝達小腹有塊疼痛

屬瘀血故用行經破瘀之品若還勞瘵經閉者另有良方非一論牛膝鼈甲

王方兼臨服童尿一盃經來不止是虛熱涼血補血是真

訣條芩酒妙荆芥炒黑及阿膠日久升柴不可缺若醫崩漏用櫻灰

續斷蒲榆二味血自歇經後作痛血氣虛加入參芪調補悅

脉來遲細屬虛寒炮姜人參自古設適來適斷發寒熱熱入

血室謬語說本方合用小柴胡病兼外感湯澆雪白帶皆因

濕熱流半夏白薇功甚赤加連枝血分來日久升補真奇絕

用補中益氣湯或十全大補加升柴肥人煦滿去地黃加入星半正相當脉遲腹

痛去白芍泄瀉當歸也要藏經行不止澤蘭去氣虛青烏除出

方

示吉日乾道成男坤道成女女以坤道用事上應太陰月天

之陰也三十日則周于天故女子之血亦三旬而一見血之

下也同于月故名之曰月事月事時下有子道也若月事不

調艱于得子皆因陰衰之故故古人用四物厚味之品味厚

為陰中之陰理能益血隨症斟酌者可盡其寒熱虛實之變

也如是而調之。月事調勻。陰陽和而萬物生。種子之道得其旨矣。

胎前諸症

女子懷胎須調。飲食起居俱要節。辛熱推蕩毒莫投。利水破血藥宜歇。古人安胎有妙方。白朮川當條芩炒酒歸訣生。地紫蘇及枳壳白芍并陳香附附鹽酒拌炒為末砂仁炒末水姜煎。隨症加減為君別。惡心惡食名惡阻。二三月姙有是苦。加入茯苓并山枝竹茹半夏姜汁不嘔去半夏。胎氣不和腹滿悶痛。秦心腹子懸症。加入腹皮共草病自可。

人參生薑四片。葱七寸。減去地黃白朮。苓手帶弩弦疼自定。

黃母水

子淋之症。又如何小便赤色去不多。加入栢知通竹葉。日久升

麻不可無。

一用地膚草四兩水四升煎至一半去渣分三服取自然汁亦可或用地膚子入藥

子癰卒倒

痰壅甚言語蹇澁。人不省茯苓半夏及川連臨服竹茹姜汁進

麻胡

小便不通轉胞症。胞為胎壓水不滲。加入升柴及葱頭吐法

托法功誠勝。

示吉曰胞為胎壓。轉在一邊。水不得通。最為急症。治法有二。

一看其母氣怯弱。不能舉胎而逼胞者。入味地黃丸。丹溪吐

法。一看其母氣壯實。善飯胎必肥重。胎重而壓胞者。瘦胎飲

穩婆托法。若因過忍小便。以致不通者。滑石爲末。葱湯送下。一錢亦効。若用八味丸。須加車前。如不能速合。竟配煎藥。與之。并治漏胎尿出不知者。

丹溪吐法。用二陳四君四物三湯煎大碗頓服。以指探吐。吐出少頃氣定。又與亦然。予曾用之甚効。

托胎法。用一老成穩婆察其病處。若胎氣上者。以香油抹手入產戶。托起其胎。溺出如注。開後卽以參芪升麻大劑服之。或少有急滿。再托如前一法。將孕婦倒豎起。胎自墜轉。其溺濺出。似勝于手托矣。此症治緩則殺人。故予備述。

四肢浮腫如水氣。面目俱浮。子腫例。姜皮。腹皮。與茯苓皮四物并。芩暫時去。足指發腫。漸腿膝亦如水氣。難飲食。二三月見名。

子氣。天仙藤散另有力。天仙烏附及并陳等生薑木瓜蘇葉入。

各三片。每服三錢。日三服。六君兼用脾虛益中氣下陷用胸腹脹。

滿遍身浮。名曰胎水。不須憂。加入蒼腹并十子四物黃芩去不。

留不愈。鯉魚湯一服。木茯歸芳等分。剉鯉魚一箇。破腹。鱗魚汁。

調末四錢。足生姜七片及陳皮煎至七分。空心服。妊娠下血。

名胎漏。加入膠芪阿黃岐艾炒就淋瀝不止。續斷君烏梅一箇。功能奏。

胎動痛時治如何。阿膠參木加相奏。風寒頭痛去芍歸羌。

活。葱姜為主。救無汗。加醋。乘熱服。被蓋汗出。人無咎。若兼暑。
氣入。香茹黃連。木通。菟豆。知。泄瀉。去歸。加蒼朮。小便不利。澤。
車施。食添。蒼朴。腹上好。嗽入。前貝。杏。桑枝。瘧疾。柴胡。并。
知母。痢疾。通朴。腹皮。持。大便秘。加蘇杏。桔。臨服之時。蜜十。
延。去白。耳聾。目暗。因火。甚小。柴胡。湯合用除。

達生

八九月間。達生散。服過數貼。無產難。腹皮洗淨。三參。陳蘇。各五。
芍藥。白朮。當歸。續。各一。炙甘草。二錢。葱五葉。能食。胎肥。黃楊。讚春。
入芍。防夏。入芩。冬加砂。壳。秋。澤。真多。怒。芩。柴。食炒。麴。胎動。芋根。

及金銀。渴加芩。麥。痰加半。氣上加蘇。生。地。尋。

臨蓐

臨蓐之時。有主方。僊生甚穩。佛手湯。當歸六錢。川芎四錢。益。
母水煎。管。冬天衣服宜厚。煖。若傷冷氣。名凍產。紫蘇。吳。黃。煎。
熱湯。薰洗下體。無憂患。夏月產室。宜貯水。溫涼得所。人無累。
黃蜀葵。子。用煎湯。調入五苓。功為最。子死。腹中症。如何。面赤。
舌青。脹悶多。三錢。熟黃。二分。麝。本方加便妙。無過。唇舌俱青。母。
亦死。面青。舌赤。子活。疴。母主。交骨不開。加龜板。錢。為。未。血餘一。
錢和勻服。

示吉曰。懷胎十月。覺腰痛連腹。腹中轉動。即產候也。進佛手湯一劑。俟漿水破下。產婦正身仰臥。兒自轉順。頭對產門。努力送出。名曰正產。若臨月忽然腹痛。或作或止。或三四日。或數日。胎動而痛陣不息者。名曰弄胎。或一月前忽然腹痛。水下似欲便產。却又無事。名曰試水。俱非當產也。不問胎水來否。宜寬心候時。服本湯調理。若坐草太早。或努力過度。或先期動手。風入產門。使生路腫脹狹小。以致累日不下。及橫逆偏礙之患。治之宜多服本湯。生血氣。益胞水。庶為可生。如產經日久。氣乏。名曰宿疾。宜用赤小豆二錢。阿膠炒三錢。水鍾半。煎八分服。一法用皂夾末吹鼻中。令嚏即生。

胞衣不下

產後何症最為急。胞衣不下。腹悶極。皆因惡露脹胞中。漸沖清道。痛不息。若喘滿時。定主凶。脫衣散用從來得牛膝木。通各三錢。歸尾枳壳各二錢入滑石四錢。冬葵子二錢五分水煎熱服。應有

益。產母自咬頭髮尾。得嘔噦時。胞自出。按胞衣不下。急以臍帶斷之。以物墜住。使其子血脉不潮入胞中。則胞衣自當痠縮而下。總淹延時日。亦無害矣。只要產母心懷安泰。不可焦燥驚憂。古法取夫單衣蓋井上。立出一

用鉄秤椎燒紅酒浸少頃服。一用胭脂一張。溫水洗服。一用黑豈一合炒熟入醋一盞煎五沸去渣分五服。外用鞋底炙熱熨小腹上下三五次立効。

產門不閉

產門不閉是爲虛胎前調得不相宜。補中益氣湯誠妙。加入炮姜香附醋炒醫。

子宮不收

玉門不閉或腫脹。煖熱疼甚。苦無量加味逍遙散所司。當歸芍藥白茯苓白朮甘草各一錢及柴胡芍酒炒加入丹皮枝二樣。若腫

消後用升提補中益氣如良相。

按子宮不收外治法用荆芥霍香椿根皮三味煎湯薰洗。總之二症俱屬虛乏升補爲急。切忌寒涼。

產後

產後總宜大補益。寒涼尅伐害非一。雖有雜症未治之。丹溪一言餘論息。主方加減產寶湯。熟地當歸香附方丹皮白朮白茯苓陳皮山查木通入姜灰少許及川芎益母甘草棗姜及煎成。童便添一盃加減再分虛與實。何者爲實。腹痛兼有硬塊。手難動。皆因惡露去不多。敗血停留爲病重。桃仁紅花牛膝膝桂增。

蒲黃靈脂亦有用。何者為虛惡露多。昏暈不省。腹空痛。手按痛止。曰懶言。人參黃芪加亦中。去血不止。血虛熱。生地山枝。荆芥二味炒黑。截阿膠黃芪及烏梅益母丹皮除去絕。血暈之症。頭眼暈。神昏口噤。心下悶。薑醋薰法自古傳。補新去瘀。暈目定。有痛須憑失笑功。失笑散用蒲黃五無痛參芪亦神應。脉滑有痰合二陳。半夏白茯苓陳皮甘草再加竹瀝姜汁進。

示吉日產後眩暈。譫語發熱。諸症須問其去血多少及胸脇小腹有無痛處。有痛處手不可近者。及去血少者。瘀未盡也。行血為先。無痛處者。或有痛處。手按痛減者。及去血過多者。

血虛極也。補血為要。倘倉卒未及詳審。先用薑法。產後血暈。用韭菜細切。入有嘴瓶。中用滾醋沃之。急封其口。以嘴塞產婦鼻中。令醋氣透入。即醒。然後辨症用藥。蓋韭菜最能清胸中滯血。加以醋氣運達。用無不効。

產後噦惡。名冲胃。顛狂錯亂。冲心類。是皆敗血往上冲。五靈為末。半生炒三錢。兌送下童便酒來調。本方調理精神遂。

產後寒熱多屬虛。本湯調理又何疑。不愈柴胡并鼈甲。醋炙腹中塊痛。敗血欺。增入澤蘭桃紅。仁花漆失笑散。用亦相宜。若兼噦酸并飽悶。惡食惡心。傷食醫加入山查及厚朴。麥芽神麴効亦奇。

葦勞之症乍寒熱喘乏自汗久不歇莫作瘧疾并外感道散

用真奇絕。逍遙當歸甘草炙白芍酒炒柴胡入茯苓白朮加

丹枝水煎服後病如失。

半身肉戰半身汗惡露不淨真希罕二陳四物加桃查煎成瀝

汁功不亂。

卒倒仆地似中風肢體抽搐症同產寶須加半瀝汁發痊仍

添桂枝攻。聖惠愈風名湯亦主治痢。蒼朮當歸身等分通為末

三錢童便下豆淋酒下有奇功。豆淋酒黑豆不拘多小炒黑投酒中去豆用酒

大腸血少大使結生地壳紅不必說桃杏麻仁炒為末。減去木

扶姜益歇。

泄瀉脾虛兼發腫蒼朮砂仁厚朴統猪苓澤瀉及麴芽除去當

歸病不恐。為甚加肉果山藥菖豆

食傷脾胃自飽悶作酸惡心泄瀉甚加入蒼朮香砂仁除去歸

地芎益應。

去血過多生惡心嘔噦不止虛寒形加參半夏并姜汁。一加益

母當歸熟地停。去三味。

因怒傷肝胸脇痛飽脹胸滿食不用木香延平青朴增不止柴

胡芍藥動。

胡芍藥動。

產後

一

血虛煩燥易虛驚錯語失神臥不寧加入參人仁竹疎冬皮灰麥丹姜益母去不存。

痰迷心竅不能言瓜川枳人蒲梗實參冬扶甘桔添竹瀝姜汁臨服入去丹姜皮灰

附益母傳精神短少添遠志冬扶麥神生地服如仙。

脾虛飽悶不進食砂仁白寇小厚川皮葉母香朴入弓丹烏益四味除倍加白

木功奇特。

升舉作痛腹有塊若無寒熱見兒枕塊痛七日自止皮枳枕類痛不移處作寒

熱花桂牛膝死血逐或合失蒸乳寒熱乳必膨青壳木通功為

最

骨節疼痛難轉側內無血養榮筋骨去血過多之故生地芍紅人參增

牛膝乳桂香官二味少許亦有益。

小產

妊娠小產是何緣七情交攻厚味煎起居不時調理失或因跌

撲損傷兼大產如瓜熟自脫小產猶如生採然枝枯藤萎葉白

落病比大產十倍添因循不治滑胎症終身無子良可憐古人

保胎豫防法養血清火固胎元固胎湯用芍歸弓生地條芩白當川酒

白朮同參人參草皮阿膠艾砂仁香附氣多壅有痰再添姜半夏

脉數山枝亦可通三五七月服數劑螽斯之慶自無窮。

示吉日。凡人經淨種子之後。最宜將息。勿怒。勿勞。勿舉重。勿遠行。勿洗浴。勿復淫火。以擾其子宮。而多服養肝平氣清熱養血補脾之品。胎自固矣。蓋墮胎之症。在三五月者。多在四六月者。少。臟陰而腑陽。三月屬心。五月屬脾。七月屬肺。皆在五藏之脉。陰常易虧。故多墮耳。唯一月之內。墮胎人。但知不受妊。不知其受而墮也。一月屬肝。大怒則墮。多洗下體。數開亦墮。一次既墮。肝脉受傷。後則必應。乘其虛耳。故人無子者。宜預服調經種子之藥。以保一月之胎。予家四金匱丸。出自秘府。實有挽回造化之功。屢用屢驗。調經種子如神。

敢自秘。謹附于後。以廣生生之德云。

四金匱丸

香附六兩

用黃栢山枝各二兩同浸炒

川弓續斷白朮白茯苓

當歸山藥白芍

俱酒洗炒各四兩

青皮砂仁

俱炒

白薇

酒洗各二兩

條芩

酒炒

生地

酒洗各四兩

為末。山藥。淡醋湯糊丸。醋湯下。蓋條芩白朮安

胎聖藥。養胎全在脾胃。譬之鐘懸于梁。梁軟則鐘下墜折而墮矣。故用白朮。若條芩力能清下。集實火。火去則陰自足。一增其利。一去其害。又何小產之足慮哉。

赤白帶下

奇經八脉帶居一。橫于腰間如帶束。病生于此。故取名。方書分

為五種錄色如青泥屬肝。紅津屬心。形如白涕。經行產後風人

胞傳于臟腑生病酷出婦人良方東垣之論主亡陽東垣云血崩久則亡陽故白滑

之物下流未必丹溪濕熱痰積屬濕為主亦有胃中痰積下流

宜升白屬氣分赤屬血徐用誠言真可讀清源收帶有妙方其

術歸參升柴局茯苓半甘陳弓香附水煎姜棗空心服生地黃栢

瘦人添延平小茴腹痛兼去冬加姜灰法玄妙防風山枝色青

先紅白黃連枝子用黑合六味地黃煎

示吉曰帶症病原不同治法各異如病婦肥白無病容或昔

肥今瘦脉來沉滑濕痰也如飲食減少四肢無力帶下多白

胃中痰積下滲也如婦人久病寒熱不齊夜輕日重或自汗

脉大無力氣虛下陷也如兼潮熱夜重日輕肌黑形瘦盜汗

骨蒸脉細數血虛火熱也如因不得于夫七情抑鬱鬱而

為火以致帶下鬱也濕痰宜滲濕消痰海石半夏南星黃栢

痰積宜消痰升提二陳加二木升麻柴胡或前湯加瓦龍子下陷宜升提補氣

宜六君子湯加火熱宜滋陰養血四物湯加黃栢梔根鬱

氣宜開鬱行氣越鞠丸加分條而治自得病情東垣用葵

花治帶白者治白赤者治赤須炒黑用神驗肥人用瓦龍

子以燥其濕

乳疾

陽明胃經主乳房厥陰肝經乳頭庄醇酒厚味兼憤怒胃肝火動癰疽妨堅硬如石名石乳婆婆多口乳發方吹乳發于乳嘴上乳漏之症生乳囊不痛不痒如桃核乳巖潰後病難當有子吃乳外吹症兒口熱毒吹乳病急須消散易為功因循潰後醫難應軟溫飲子是煎方總治乳疾能接命柴胡赤芍并木通黃芩瓜蒌青皮順井草桔梗共當歸乳香沒藥山甲進廣膠三錢酒水煎痛甚角刺橘葉滲托裏黃芪及防風解毒銀花翹貝順示吉曰乳症消散為易潰後收斂為難蓋其形內懸垂而血

易滿也然乳癰為輕石乳乳發為重乳癰費日尤可望愈乳巖一潰不可救矣胎前乳癰為內吹產後乳癰為外吹外吹若潰乳至即膿最難收口初起乳汁不通結核腫痛速宜揉散或忍痛吮出惡汁或用木梳頻刮乳房乳汁一通核自消散倘不愈急用葱熨成餅攤乳上一指厚用灰火一罐覆之須臾汗出腫消內服瓜蒌散亦妙黃瓜蒌子多者一當歸井草各五錢乳香沒藥另研各一錢水酒煎服若結核乳巖兼用八珍湯加青皮柴胡麝香少許尤妙秘方治吹乳乳汁不行猪牙皂炒蛤粉等分為末每服一錢陳酒送下一方諸般

乳病內消。用大黃白芷鼠糞當歸等分爲末。每服三錢陳酒下。毛公威驗過。

女子月事胎產脉法

玄黃之精妙合而凝。乾道成男。坤道成女。女子以坤道用事。故陰盛陽衰爲順。左爲陽。右爲陰。寸爲陽。尺爲陰。是以女子寸脉常弱。尺脉常盛。右脉常盛。左脉常弱。此與丈夫之脉不相同之。大綱也。更有不相同者。惟月事胎產之脉。經云女子二七而天癸至。任脉通。太衝脉盛。月事以時下。故有子。王太僕曰。陰靜海滿而去血。陽動陰合而泄精。二者相資。故能有子。卽易所謂男

女構精。萬物化生也。其有子之脉若何。經曰。足少陰脉動甚者。妊。又云。陰搏陽別。謂之有子。十月旣滿。子欲受生。則有離經之脉可考焉。離經者。離其常經。謂脉來數急。或沉細而滑也。迨及產後。脉來沉小。緩弱爲吉。何也。脉爲血之充。產後則心生血。肝藏血。其生藏者有限。血送胎下無窮。不足症也。若脉來弦實洪大。是爲脉症相反。其能久乎。搃之產後之脉。現微細。不責其不足。胎前之脉。現洪滑。不責其有餘。臨蓐之際。沉滑而數。不責其熱。調經之時。遲數不等。方辨其病。此爲女子脉法之要。從此而益求其精。有何病之不愈哉。

調經脉法

診脉沉遲主踰期不至少腹冷痛。脉弦數主先期而來或有黑紫血塊。弦滑而沉主月色淺淡或雜色如魚腦或帶下多白。脉微濇主月來血少或過期不至。沉實主經行著氣腰腹疼痛。六脉俱微主榮衛皆虛月事前後不均或來欠少或淡白色。陰脉虛陽脉搏手主血崩。二尺芤主血海敗。微細而數主骨蒸血少經閉不行。脉來狀如琴絃若小腹痛主月水不利孔竅生瘡。少陰脉滑而數者陰中生瘡。少陰脉弦者白腸必挺出。胃脉濇少陰脉微遲微則無精遲則陰中

寒濇則血不來此爲居經三月一至。漏血下赤白脉遲者及芤小虛滑者生急疾者及大緊實數者死。

妊娠脉法 王冰曰陰搏陽別謂之有子者陰中有陽故尺脉搏擊于指與寸口殊別也。王叔和曰診其少陰脉動甚者妊子也少陰心腎也心主血脉腎名胞門子戶二脉動甚妊娠何疑。王肯堂曰懷胎二三月之脉兩寸浮大兩關滑而尺微帶數者此真胎脉。妊娠四月可分男女左疾爲男右疾爲女俱疾主主二子。又法尺脉左偏大爲男右偏大爲女左右俱大主產二子。妊娠五月脉來數疾不散。六七月脉來實長若

沉遲而濇。宜防胎墮。八月脉喜弦實。忌沉細。若少陰微緊。主兩胎一傷。臨蓐脉法。離經之脉。一息六至。或六脉沉細而滑。若兼中指本節跳動。臨蓐之徵也。如忽然浮大。必主難產。看唇舌。若青黑沫又出者。爲母子俱死。若面赤舌青。毋活。子死。面青舌紅。母死。子活。

產後脉法。產後之脉。診得緩滑。及沉細附骨者。生。若見實大弦急。及寸口疾濇不調者。死。肝脉虛散而數者。主血暈。左手三部堅牢。主血氣冲心冲胃。胎前尺脉沉滑。產後不減者。主兒枕痛。兩尺脉芤。主去血過度。右手三部虛散者。主惡

露不止。蓋氣不足以固血也。微細而數。主血虛發熱。日輕夜重。六脉微細無神。主蓐勞自汗。右關沉而有力。主傷食發熱。噫酸惡食。產後傷寒熱病。脉宜微細。不作陽病。見陰脉論也。丹溪曰。胎前脉細小。產後脉洪大者。死。

一婦年四十歲。有十餘年不受胎矣。月事前後不准。而又無子。脉來微細。兼數。予製女宝丹。服至百日而孕。後產一男。

一女子二十餘歲。有孕至五月間。必墮。已三四次矣。予亦以女宝丹加減付之。卽產一子。

女寶丹。調經種子。如神。兼能安胎保孕。

當歸六兩酒洗

生地六兩酒淨

白芍藥酒炒三兩

川芎酒洗三兩

芸白朮六兩土炒

條芩酒炒四兩

陳皮炒三兩

香附童便盪酒醋四製四兩

阿膠酒浸溶蜜內三兩

砂仁炒二兩

已上如法製度為末另將益母草

二斤半煎膏和煉蜜及阿膠為丸丸如桐子大每服五錢空

心白湯送下月事後期來者去條芩加乾姜灰一兩岐艾

二兩肥者加製半夏三兩白茯苓四兩有白帶者再加白

薇四兩氣虛甚者加人參三兩茯苓四兩山藥四兩如

安胎用白蜜丸不用益母膏如腰痛加山藥杜仲各三兩

一孕婦瘧疾大作脉得弦數予用知母四錢柴胡三錢陳皮二

錢甘草一錢井河水各一碗煎至一碗露一夜明早隔湯頓

溫服而愈不愈加生何首烏五錢自盜汗甚加黑薑三

錢食多加枳壳二錢此方熱多者宜之

一孕婦瘧疾右脉微滑左脉微弦予曰脾虛生痰也以白朮五

錢生薑三錢井河水煎露一夜溫服而愈此方寒多者宜

之

一孕婦痢下赤白裏急後重逐滯利水俱不可予曰惟清血調


氣法也用姜汁炒黃芩黃連各一錢蘇梗當歸各錢半炒白

芍藥山藥茯苓澤瀉車前枳壳各一錢木香五分甘草二

分煎服數劑而愈

一新產發熱服藥不止。予以益母草煎湯。加童便與之熱遂退。蓋胎其脉平和惟稍數故也。

一新產發熱投之四物及童便姜灰之類。不應予診其脉。右弦滑左微細。予曰是必嚙酸飽悶停食故也。以神麴山查厚朴枳實加入前方而愈。



醫宗說約

四

終

内閣文庫		
番號	漢	15475
冊數	4 (4)	
函號	田 33	1



醫宗說約外科卷之五

古醫官丁澤壽示吉仲芳跋述

姚江後學元惠公感天齋

樓東張浩孟如氏訂

吳縣晉仙鍾英氏訂

外科賦

瘡瘍疔症歷代推詳膏梁八展變病本于內經表裏三因治法
分乎先哲

經云膏梁之變足生大下又云諸難腫筋癢官漏者此寒氣

之腫。八風之變也。又云諸痛痒瘡瘍皆屬心火。三因詳後。火氣微甚。河間推痛痒之原。

河間曰。人近火者。微熱則痒。熱甚則痛。附近則灼而爲瘡。皆火之用也。或痒痛如針輕刺者。猶飛迸火星灼之然也。或疑瘡瘍皆屬火熱。而反腐出膿水者何也。猶穀肉菓菜熱極則腐爛而潰爲污水。火熱過極。反兼水化也。

氣血少多。丹溪分經絡之異。

丹溪云。瘡之要害處。近虛處。怯薄處。前哲已論及之。惟分經之言。未之曾聞。何則。諸經唯少陽厥陰經之瘍。理宜預防。以

其氣多血少也。其血本少。肌肉難長。少陽更有相火。遽用破毒之劑。以伐陰血。禍不旋踵。訣曰。多血多氣。君須記。手經大腸足經胃多氣。少血有六經。三焦膽腎心脾肺多血。少氣心包絡。膀胱小腸肝無異。記此則知氣血多少之異矣。

外科精要五善七惡。自明此事難知。九死地分宜識。聖濟錄名色。因詳朱李書論。方斯驗。竇氏之徒。擅針經之妙。毓仁之輩。補思邈之方。熟味羣言。勾述玄奧。欲明大旨。先分平病之人。要識安危。宜究陰陽之症。

示吉按。啓玄子曰。經脉一周于身。凡長一十六丈二尺。計人

之息共一萬三千五百定息。平人一息。脉行六寸。漏水下百刻。則氣都行八百一十丈。正難經所謂一日一夜榮衛行陽二十五度。行陰亦二十五度。共百十度。周于身也。丹溪曰。得熱則行速。而太過得寒則行遲。而不及。予按行速。熱也多。兼實陽症之所由生。若兼虛。後必陷為陰。行遲。寒也多。兼虛陰症之所由生。若兼實。後必返為陽。陰陽二症詳後。

內因之故。厚味薰蒸發熱。更兼七情內攻。外因之原。風寒暑濕傷人。亦為乘虛襲體。餓飽勞役失節。是名不內外因。更有冷熱不均而至金石燒煉常服。是因藥毒內傷。外有痰鬱兼發而來。

三因既明。部位宜審。督脉通于背脊。背側二行。太陽是其本經。背分五行。中間係奇經督脉之道。兩傍四行。乃足太陽膀胱經之部分。

任脉行乎腹中。臍側兩傍三陰是其所屬。

腹分七行。奇經任脉從前陰起。由臍中上咽喉。至承漿而止。臍傍第一行一吋。足少陰腎經之部。第二行一吋。足陽明胃經之部。第三行一吋。足太陰脾足厥陰肝經之部。乳根屬足陽明胃。乳傍乃手三陰經所起。

足少陽經循脇肋行身之側。足陽明經由乳中行身之前。頭為

諸陽之會。面爲三陽之交。手背爲陽。手之三陽。從手走至面。手心爲陰。手之三陰。從胸走至手。足之外。肘爲陽。足之三陽。從足走至頭。足之內。肘爲陰。足之三陰。從足走至腹。唇爲脾竅。舌乃心苗。目集五臟之精華。鼻通肺家之呼吸。腎竅于耳。足少陽經。達耳之傍。胃通于乳。足厥陰司乳之頭。跨馬囊。癰肝家之部。喉癰。臍發任脉之司。

先明部分者。如毒見于背。見于腦中。屬督脉。傍屬足太陽經也。見于鬢。屬手足少陽經。見于脅。屬手足太陽少陽經。見于頤。見于髭。屬手足陽明經。見于腮。頰屬手陽明經。見于顙。屬

手太陽經。見于穿腦。屬督衝任三經。見于腿。外肘屬足三陽。內肘屬足三陰。見于臂。從手背赤肉屬手三陽。從手心白肉屬手三陰。見于乳。內屬陽明。外屬少陽。頭屬厥陰。逐部推求。治療自驗。用藥引經。如太陽用防風羌活。陽明白芷升麻。少陽用柴胡太陰用白芍升麻。少陰止宜獨活。厥陰用青皮柴胡。佐之以桂麻。藥力直攻患處也。

經絡已清。引經之法有驗。惡症須識費人之謗。不生脫疽并疽。及腎疽。天疽。銳毒。醫之何濟。對心雙發。及對口。蓮子蜂窠。急治乃安。

陳毓仁訣曰發于心上出心經五臟乖張事可明名曰井脾

家積毒生肩脊發于肩下脊上屬脾厚味發熱積毒所致高腫鮮明根不過肩者順心經火毒

對心臨背上對心而發形截督脉兩肩左右雙生發肺肝積

毒不虛稱左搭手屬肝右搭手屬肺俱生蓮子蜂窠防毒陷

孔似蜂窠實如蓮子二發多生于背與心相近與脊中腰間

腎俞發難生生于兩腰內陷肉之間或生兩腰中間椎上毒

活高腫為膿急以人參養榮湯合地黃九療救之督脉經虛從項發俗名對口治宜

精生于項後而對前口故名對口但有偏正之不同正者屬

俗以正為重偏何期耳後多生發大疽銳毒病非輕左天疽

為輕庸說也

生耳後一寸三分陷中此毒從肝肺來形多堅

硬頭多隱伏未潰先黑臭氣易敗多致不救

有脫疽生手足或生口面命難此症如粟漸大其色如褐

不知痛痒熱臭難聞小兒多積熱積毒大人多因服石

燥熱古人雖有割截之法手見三人俱至七八日而死

示古曰諸症皆因瘡勢之治大積毒之最深地分之險惡故

特拈出然瘡之足以傷生者不止于此也背上有九處入髮

際為玉枕又為舌本一也頸項節二也第三椎為崇骨三也第四

椎為玉藏四也肺俞五也脾肝俞六也腎俞七也後心對鳩

尾鳩尾即心蓋骨八也鳩尾骨穴九也正面六處喉骨為垂骨一也

胃為神舍一也心鳩尾三也兩乳穴四也臍中為神闕五也

臍下二寸為腸屈間六也共十五處俱忌生癰外腦髭鬚頤迎香瞳子膠之間者俱地分之所忌然種種地分皆脉絡所會內系府臟若病者調攝得宜醫者補瀉無失亦可起死回生苟不知此將息失宜治不對症雖發于不死之地分吾知其不免矣。

看病之淺深分毒之臟腑大而高起屬乎陽癰也六腑所發平而內發屬乎陰疽也五臟所生疽重而癰輕最輕者初起無寒無熱是熱癰之浮于膚上。

凡瘡初起不發寒熱高腫于皮膚之間淺而小最大不過一

二寸者曰癰。六腑積熱發于肌膚之間高腫而痛如碗如盆曰癰。五臟積熱攻注肌膚初發如粟或如莢許與肉俱平而不高腫或作赤色時作痺痛曰疽。

陽善而陰惡所慮者其症半陰半陽須司命之決于喉中初起焮疼頂如尖字惡寒發熱陽可知二七之期膿漸至。

訣曰癰疽須分陰陽症純陽初起必焮疼微惡寒時身又熱頭如尖字高突形腫似彎弓根緊束高腫氣足根緊束血足也二七之期

膿漸侵陽瘡以十四日為關一七焮痛二七膿成二便如常口有味腫消膿潰復精神痛隨膿減生新肉新肉紅色如榴子者吉腐皮將斂白星星此屬

純陽誠是善隨時調治自功成。

初起溫頑形如粟米無熱不渴陰為逆一七之後倦怠生。

訣曰純陰之症症何如初如粟米人不知疔瘡僵頑不紅腫。

無疼少熱不燥時七日之後身倦怠。氣虛不能

起發則瘡頭平而不高血虛不頂不高尖根不活色無光采

腐膿遲陷軟無膿空結聚精神昏憤氣難舒飲食少減身戰

慄瘡形紫色稟無施舌強痰喘純陰症總有靈丹不治之。

半陰半陽死生難卜脈數無力形似半昏半爽半平高食難消

運症見微寒微熱微赤腫投方應病方得陰轉為陽腐去生新

亦可回生起死

訣曰陰陽相半死生交善惡相兼細辨微熱微寒微赤腫

半昏半爽半平高脈來雖數多無力飲食難消腫而

不潰因脾弱潰而不斂為膿饒大便多溏小便數上身有汗

下身隼五善雖兼有七惡未全逃口渴喜茶腸腹痛面浮唇

飲足心高心煩不穩睡神亂怕音隼投方應病方為妙陰轉

為陽漸可調。

外症已審脈法宜明氣血沉瀆脈來緊身有痛處即發瘡疽之

兆身應發熱脈浮數人反惡寒即為瘡疽之萌

仲景曰脉數不時見則生惡瘡。又曰肺脉俱數則生瘡。

初起實大洪大為病進。已潰者為邪氣未退而留連。潰後沉實

沉伏為餘毒。初起者主邪氣深伏而難痊。潰後脉訖滴遲緩脉

症相應無妨也。若短細則將變症。此六脉總不初起脉浮大洪

數邪正相搏有餘也。若促結則非吉兆。此六脉總不浮大浮數

瘡必高腫。宜發表而忌攻利之方。高腫者毒在表經所謂汗之

過反傷元氣。沉數沉實邪必內藏。其外症不欺腫高赤宜疎通而除

發表之劑。平塌漫腫宜內補托而益其虛。不浮不沉當和榮衛

而解其勢。初起宜疼不宜痒。潰後作痒乃有長肉之功。潰後遍

風乘虛入宜潰後宜痒不宜疼。初起不疼乃有純陰之咎。不痛

大痛非佳症。或麻或痒實難醫。脉症初詳善惡細辨善不止于

五。飲食知味二便調動息寧靜者吉。惡不止于七。嘔吐藥食目

上視神氣昏沉者凶。善者五藏未傷。善候并至則生。惡者五臟

已損惡候并至則死。惡證忽有二三宜當深懼。善候乍見一二

便可回生。

五善訣曰心善精神爽言清舌潤鮮瘡疼兼不渴睡醒得安

然肝善身輕便因煩自不煩指頭紅活色坐起覺平康

脾善唇滋潤衾無穢氣藏凡食俱有味膿厚更肥黃肺善

聲音響無痰韻更長。皮膚多滑潤。大便自尋常。腎善誠爲
要。水升火降良。口和因不渴。小便利清長。
七惡訣曰。一惡神昏憤。心煩舌上乾。瘡形多紫黑。言語自呢
喃。二惡腰身強。目睛邪視人。瘡頭流血水。驚悸是肝迪。
三惡形消瘦。膿清臭穢生。瘡形多軟陷。脾敗不知疼。四惡
皮膚稿。聲嘶韻不長。痰多兼喘急。鼻動肺將亡。五惡成消
渴。隨飲卽隨乾。形容多慘黑。囊縮腎凶端。六惡身浮腫。腸
鳴嘔飢頻。大便多滑泄。臟腑並將傾。七惡瘡倒陷。形如剝
繻。同四肢多冷逆。污水自流通。

示吉曰。五善七惡方書俱載。此說尤備。故錄之。然亦不止于
此也。如膿成不自出。失導引者死。膿成不針烙。反敷藥者死。
熱痛正甚。失治則毒內攻者死。毒內攻後。不服藥。反針烙者
死。潰而至于透內膜者死。潰喉者死。未潰而陷。面青唇黑。便
汚者死。陰入腹。入囊者死。高腫不托裏。反用下藥者死。漫腫
不內托。反用寒涼攻利者死。潰後誤用寒涼。致瘡紫黑者死。
故治者不可不早。亦不可不審也。

善惡明而生死自分。虛實辨而補瀉方得。氣實者瘡頂高而突
起。虛則平塌之可憂。血實者瘡根水而鮮明。虛則漫腫之有咎。

瘡之虛者腫平膿稀軟曼。瘡之實者腫起堅硬膿稠瀉痢腸鳴。脈弱皮寒飲食嘔而手足冷。臟腑之虛可知。胸腹滿脹身熱。脈大飲食如故二便調。臟腑之實有驗。瘡口不合膿稀肉冷。自汗色脫者。乃氣血之虛。寒熱疼痛高腫色赤。膿厚肌熱者。乃血氣之實。上實則口渴飲冷。目赤頭疼鼻不通。下實則小便如淋。腹中膨脹大便結下。虛精滑洩瀉。脈沉足冷最爲凶。上虛則目閉神昏無熱不渴。直爲逆。邪氣甚則實。腫焮疼痛日久不潰。大便秘而小便淋。真氣奪則虛。色敗音嘶。睛不了了。食無味而身體重。初起皮肉未破。其實也固然。一毫熱藥不敢用。潰後膿血出多。其虛也固宜。一毫冷藥何敢投。寒少壯伐過攻。有反善爲惡之弊。保元托裏常服。致補虛回陽之功。爲實補虛得宜。次序投方自効。初起之後七日之前。內治之法有三。托裏疎通和榮衛。機要云。治瘡大要須明托裏疎通和榮衛三法。毒邪在內。則痛深。脈必沉實。外症發熱煩燥。大便秘。瘡腫木悶不焮赤。宜用寒劑疎通臟腑。毒邪在裏。則痛淺。脈必浮數。外症焮腫作痛。二便調和。或惡寒發熱。拘急頭疼。恐邪氣外極而內行。故先托裏散之。毒邪在經絡中。外無焮惡之氣。內亦二便調和。食如常。口知味。不惡風寒。止于熱燥。其脈不浮不沉。

知邪在經絡中也。宜調和榮衛。

外治之法不一。藥圖湯漬艾火攻。

示吉日。凡瘡初起。不發寒熱。便高腫紅痛。癰也。其毒最輕。外用神應丹。四面圍之。中空一頭。或頭上點白降丹一點。即得消散。不消。或服神化可。或神仙活命飲。即愈。若瘡初起。即發寒熱。癰疽也。其毒重。不論陰陽二症。俱用艾火灸之。瘡腫初生。古人用藥湯淋射。蓋氣血凝滯。則為癰腫。得熱則腠理通。經絡暢。誠至理也。其法以藥煎濃湯。瘡在四肢者。則塌置之。在腰腹者。則淋之下部者。則浴漬之。仍以淨布蘸水。浸

其患處。水涼再換。

寒熱頭疼。脉浮數。托裏散邪。發其表。

經云。汗之則瘡已。東垣云。瘡勢奮然高起。結硬而痛。色赫赤微帶黯色。其邪在血脉之上。皮膚之間。急發其汗。則毒隨汗散矣。宜荆防敗毒散。冬月萬靈丹。脉虛者。四妙湯。內托復煎湯。

示吉按仲景云。瘡家雖身疼。休痛。不可發汗。汗之則發。淫。此為瘡家復傷寒者說也。若瘡初起。七日之內。惡寒發熱。頭疼身痛。瘡尚腫。身無汗。二便如常。脉來浮緊。浮數。表症居多。非

汗不愈。若汗藥誤投之于已潰之後。或表邪俱去之時。其禍亦不止發瘡而已也。

煩熱便閉。脈沉實。疎通臟腑。絕其源。

張潔古云。有裏者下之。陳實功云。大便秘燥。通利相宜。陳文治云。脈沉實。發熱煩燥。外不燉腫。赤痛。乃邪氣深伏在裏。宜先疎通。宜衛生湯。熱結甚者。內疎黃連湯。

示吉日。據東垣之意。瘡瘍面赤。雖伏火熱。鬱不得攻裏。爲陽氣怫鬱。邪氣在經。宜發表以去之。雖大便數日不見。亦宜多攻其表。發散陽氣。少加潤燥藥以潤之。薛立齋云。腫瘍內外

皆壅。宜以托裏表散爲主。如用大黃。寧無孟浪之非。若此則大黃之難用也明矣。而丹溪又云。大黃治癰疽之要藥。豈諸名家亦相矛盾乎。蓋癰疽初起。有六經表症者。大便如常者。脈浮緊。浮數者。邪氣在表。斷不可下。若表症不現。大便燥結。口渴引飲。脈浮沉實。沉數。瘡頭堅硬不起。若不用大黃。將何以宣通臟腑。邪初虞世云。癰疽初作。須以大黃等藥。急搏利之。勿以困苦爲念。此亦一偏之說。不辨表裏。胡可爲訓。總之真知其實而瀉利。真知其虛而補益。浮露而淺者。則外消。藏伏而深者。則內托。庶無弊也。

并無風寒之病形。內無便溺之阻寒。腹中和。舌知味。病在經絡。
先和榮衛

通用神仙活命飲當歸黃芪湯四妙湯

火攻之法宜施早

凡瘡初起。不論陰陽俱用艾火灸之。是開門逐賊法也。其法
先以濕紙復瘡上。立視其紙先乾處。乃瘡結頭處也。用獨蒜
頭切片。如三錢厚。貼瘡頭上。以艾在蒜片上灸之。每三壯一
易蒜片。不痛者灸令知痛。痛者灸令不痛為度。如瘡大者。以
蒜持爛鋪瘡上。亦鋪艾蒜上灸之。一二日初發時灸可立愈。

三四日十愈六七。若過七日之關。膿將成而不可灸矣。古人
并蠟蟲去兩頭隔艾灸法。豆豉為末。湮津作餅灸法。取淨土
水和作餅灸法。秘方用南星半夏為末。薑汁調成餅灸法。其
灸法俱與蒜灸同。各隨其便也。

示吉曰考之方書。頭上瘡面疔毒。腎俞發。俱禁艾火。以頭為
純陽之位。生瘡則熱亢極。面疔為陽毒。腎俞發為亢陽燥陰
多之恐。以火濟火也。此言甚善。然又見此症。因灸後而愈者。
如元好問腦疽。東垣灸之百壯而愈。陳文治曰。疔毒藥力不
能速到。非艾火不解。此又當酌量艾之大小。壯之多少而行。

矣。然灸之不穩。不如再行他法。病人元氣素虛。肢體倦怠。精神昏憒。瘡形平塌。脈來微散。空虛及素畏火者。俱不可灸。灸之恐生昏暈。且無真氣抵當大力。有損無益。亦陳實功之至言也。凡遇此症。急用白降丹點頭上。拔其毒氣。內用四妙湯托之。

樂園之方隨症投。

示吉日瘡之外見雖同。而毒之內因各異。有因微熱外攻而發于皮膚之上。高腫熱痛。俗所謂熱癰者。用大黃朴硝為末。醋調敷可也。有因氣血不和。留滯而發于肌膚之間。堅硬

痛者。宜用辛散攻反之品。如神應丹是也。有因氣鬱痰生。發

于頸項皮膚之間。腫硬白色。不甚疼痛。用南星半夏為末。姜

汁調敷可也。星半為末。姜汁和為餅。隔艾灸尤妙。有因陽極而發。高熱疼痛。書

所謂癰者。宜用清涼之品。抑陽散是也。花粉三兩。姜黃白芷赤芍各一兩。為末。茶

湯調搽患處。有因陰極而發。平腫不紅。書所謂疽者。宜用溫熱之

品。抑陰散是也。用草烏白芷赤芍南星各二兩。肉桂五錢。為末。葱湯調塗。熱酒調敷亦可。有因潰

後。氣血虛而漫腫者。宜用收清之品。鉄桶膏是也。詳種種不

同。俗以一二種藥。果治諸病。其能愈乎。丹溪云。敷貼之藥。止

可應酬。輕小執症耳。若不辨其陰陽所由。分妄敷涼藥。其禍

不小。此誠不易之論。然卽對証調治。止可圍瘡之四傍。中空瘡頭。用白降丹點上。以拔其毒。自無倒陷之悞。降丹有拔毒之能。藥湯有疎通之妙。

秘方白降丹。是陳珍如先生所傳。珍如幼患惡瘡。危在旦夕。遇異人傳授此方。降煉點上。其毒立愈。此丹點瘡頭上。初起者卽消。有膿者卽潰。頑肉卽化。拔毒去腐。功難盡述。方附後。漏腫湯。用木香犀角大黃升麻黃芩黃連射干黃柏白斂耳草朴硝檀香枝子生地羚羊角各一兩。和勻。每用五兩。以水以斗煎七升。入麝香一錢。淨綿蘸藥熱湯腫上一日兩三度。冷卽再換。

火毒方。熾辛熱溫劑。休管膿血將成。寒涼敷藥。其過寒涼敷藥。其患最大。氣脉得寒則不行。瘀血得寒則不散。瘀肉得寒則不潰。新肉得寒則不生。

七日之後。將已成膿瘡頭已見黃色。外宜拔而內宜托。燈焰甚佳。

七日之後。瘡頭見黃色。竟用白降丹點上。升頭拔毒。上用太乙膏掩之。以防風邪外入。每日用葱艾煎湯洗淨。再換膏藥。大約在十一日前後。膿出痛定。是陽瘡之順候也。內服四妙。

湯黃芪當歸湯托之。若八九日後瘡勢已定。毒氣已聚。尚未成膿。須用神燈照法。

二七之期。定行穿穴。瘡中大流膿水。外宜升而內宜補。洗法亦妙。

凡瘡潰後輕者。痛隨膿減。先用葱艾煎湯洗淨。敷上紅升丹。拔毒呼膿。外用膏貼。以防風寒。內服托裏湯。十全大補湯。壯日自愈。若瘡勢浩大。須用猪蹄湯洗法。

護心護膜蠟礬丸有妙用。補血補氣。八珍湯有神功。若仍堅硬而難潰。原須披針之點頭。反生煩燥而昏沉。不免藥筒之拔毒。

凡瘡十日之後。是膿腐之期。若仍堅硬。須用披針。當頭點入寸許。開竅發泄。是開門逐賊之法也。若雖不作膿。形尚紅活。焮熱腫痛。不必用針。竟用白降丹點頭上。內服補托之劑。如瘡過半月。仍不膿潰。反生煩燥。重如負石。恐毒內陷。攻心急。用披針品字樣。當原頂寸許。點開三孔。隨瘡之淺深。一寸二寸皆可入。針不痛。針深不妨。針後隨用藥筒拔毒法。其法用新鮮嫩竹一段。徑口一寸二三分。長七寸。一頭留節。用刀刻去外青。留內白一半。約厚一分許。靠節鑽一小孔。以柵木條塞緊。外用羌活獨活紫蘇岐艾鮮菖蒲甘草白芷各五錢。連

鬚慈二兩。共放入筒內。筒口用葱塞緊。將筒橫放鍋內。以物壓住。勿令浮起。用清水十大碗。煮筒者數滾。約筒內藥濃熟。爲度。用大磁鉢。連湯盛貯。患者楊前針後。將筒藥倒出。急用筒口乘熱對瘡合上。以手捺緊。其筒自然吸住。約待片時。藥筒已溫。拔去塞孔木條。其筒自脫。再看筒中。拔出何物。如鮮明紅黃膿血相粘者。吉。如敗血氣穢紫黑。枯水者。死。內服之品。切戒尅伐寒涼外治之方。正宜箍根長肉。潰後若根脚漸開。紅腫不散。惡症也。宜鉄桶膏箍之。過此之後。去腐生新。膿潰腫消。痛隨膿滅。新肉已生。紅燦。皮將斂。白漫漫。尅日功成。夫復何慮。若榮衛衰弱。潰瘍之變。無窮。倘調治謬差。惡候之來。難免。膿熟自潰。易斂爲吉。難疽膿熟。勢盈欲溢。用白降丹點上。半日自潰。不潰宜開針烙各異。皮薄腫高。毒淺。癰也。宜針。皮厚腫堅。毒深。疽也。宜烙。

癰疽輕按即痛者。膿之淺也。重按方痛者。膿之深也。按之不起者。膿未成也。按之復起者。膿已成也。膿已成而皮厚肉深。難潰。不用針烙。使腐肉挾毒熱之氣。久留肉腠間。將好肉亦化爲膿血。此烙法所以有功于潰瘍也。使根淺而皮薄者。又

何必假此以賣弄乎。由此觀之。皮薄者用白降丹可也。皮稍厚則用針。皮極厚而毒深者。非烙不可。其法看瘡頭之最大者。卽是膿窠。用熟藥水去針。于麻油燈火上。燒令紅透。量瘡淺深。及所生之處。插入一寸。或至二寸。針約五六寸。針下半寸。針頭半寸。截用竹筴穿開。夾針在內。以意消息。用半寸露針頭。半寸于外用一寸露針頭。一寸于外用線縛緊。恐淺深有誤也。若未有膿。暫以紙捻。維入候次日。取出膿色黃白。卽愈。赤黑防出鮮血。若在虛處。及筋脉骨節處。不得亂行針烙。針烙之入。猶宜稍斜。恐透膜也。烙遲固爲不佳。太早亦生變症。膿深針淺。內膿不出。外血反洩。瘡淺針深。內膿雖出。好肉受傷。此用

針烙之難也

膿流毒泄。氣血俱虧。膿出反痛。虛之故。膿多不飲。弱之因。宜二症劑參耆歸地芎。飲食不化。則脾虛。飲食不思。皆胃弱。宜六君子湯。十全大補湯。藥木苓補之。湯肉黧陽虛而屬寒。大補湯加附子。肉赤血虛而兼熱。脈數者四物湯加連翹黃連。連出枝。肉死不潰。因脾困。大補湯加倍參木。肉白不斂。爲陽孤。大補湯加炮姜寒其之類。附子膿少。色赤不斂。血虛也。穢氣觸而亦然。穢觸者乳香沒藥之類。腐膿流疼。痛筋膈也。針挑引而不妨。膿潰猶疼。必有筋膈。住內根脚赤暈口不收。蓋緣餘毒未退。膿少肉白。肉不長。祇因停住寒邪。餘毒未退。四妙湯加白芷。防風。花粉。連召。消毒藥。破後瘡

口堅硬曰風

外用白降丹水調少許搗翎掃上太乙膏蓋之內服托裏疎風藥

潰後肉長色紫

曰毒

以紅升丹掃上太乙膏貼之肉即紅活

破傷風皆因風襲破傷濕亦為濕侵

四妙湯

治風加防風羌活桂枝之類濕加蒼白朮防風之類虛甚加人參

膿出肉長毒未平生肌藥

且宜緩用

毒氣未盡切勿用生肌收斂藥敷之後必復瘡口既腫復潰若瘡口大痒以細茶慈鹽煎湯熱洗瘡口既

收皮薄嫩

太乙膏未可便除發熱宜究邪正之虛

干前熱主于補氣午後熱

主于補血

脉浮數邪在表惡寒仍別虛寒之故

陽虛則惡寒宜四君湯加桂枝或

炮姜大料

寒涼非生肌所喜若肉赤而久不收口脉數者枝連黃芪與之

之品亦投

湯用同四物

發散非潰後所宜倘將斂而遍身作痒脉浮

者消風之劑亦用

消風散與托裏散同服

內虛極而敗症作毒內陷而惡

候生潰後痛疼

膿色敗臭者胃虛之火宜識

大補湯加麥冬五味喘粗來

短恍惚嗜臥者

脾肺之弱當求

補中益氣湯加麥冬五味

脾胃將傾則飲食

作嘔而難化

六君子湯加木香砂仁不應加附子

脾腎已損則肩背不便而重沉

補中益氣湯加

山藥山藥五味

肝腎陰虛目系急而瞳子上視

黃丸料加炒山

脾肺氣脫肢體腫而色敗聲嘶

唇鼻青赤面目俱浮者大君子

湯加炮姜不應大補

衣厚仍寒孤陰無濟

宜溫補衣薄仍熱孤

陽獨存

陰虛極宜寒氣內淫腹痛吐瀉手足冷而人昏憤

或咳

逆腹鳴不食陽氣虛之惡症

虛極傳變驚悸怔忡牙關緊而臥

宜托裏溫中湯後用大君湯

不寧

或發熱惡寒作渴自盜汗手撒腰背反張頸項強直為變

身熱脉洪大按之如無俱惡症

瘡之兆口噤作冷寒戰咬牙斯絕命之期惡症並見托裏溫中
功莫緩變症蜂起十全大補力宜施加炮姜熟附救補陽補陰
不同虛火虛寒當察此因生試亦貴當局之變通智者
緣異以求同愚者泥法而昧外治更有奇方膿不盡而
腐不脫紅升丹之妙無窮腐已盡不生入寶丹之功尤大
瘡口紫黑而堅硬桑枝灸甚佳用桑枝洗後將桑枝燃火吹
三五次新肉生新肉淡白而生遲桃紅散絕妙白降丹治死肉
遲宜灸四畔不去何須巴豆灰礬太素膏司肉長不平不煖丹香龍竭治療
細陳調耳宜審溫床煖室偏宜冬月嚴寒冬月發背須寒有袖

可縫合取其易干揭看也且西人預生炭火使煖逼盡餘寒然後揭用藥潔淨臥房有便夏天暑熱
熱則微氣明窓淨几常防蟲毒之傷夏大發背時草紙柏烟庶
易生故也解穢氣之觸穢氣觸則變症起用保全胃氣厚味與生冷皆除
勿冒風寒大熱與大寒皆避多言多動不免真氣之有傷久坐
久行皆致起居之不適寡思節慾尤戒悲怒悲憂湯粥適時更
宜清虛恬靜調耳無失自能保命千萬全治療隨宜無怪活人
千百中

腫瘍主治法

腫瘍治法先分表裏外因之邪表病也在症則惡風寒拘急發

熱二便如常。在脉則浮緊。浮數。浮洪。在瘡則高。焮紅腫而痛淺。內因之邪裏病也。在症則煩燥口渴。大便秘結。小便赤澀。在脉則沉數。沉實在瘡則堅硬平腫。不赤而痛深。以此二症分認。明白。如看病人純是表症。用荆防敗毒散汗散之。如表而兼寒。兼濕。兼痰者。用萬靈丹。如表而兼虛。少食泄瀉。脉來浮而無力。用內托復煎散。如表邪輕裏症少。脉來虛。用四妙湯。此毒邪在表之治法也。如看病人純是裏症。用內疎黃連湯。不應加朴硝。如止是熱燥。大便如常。去大黃。如兼見大渴大汗。合白虎湯。此毒邪在裏之治法也。若不惡風寒。二便如常。表裏之症俱不見。用

當歸黃芪湯。此調和榮衛之法也。若惡風寒。二便秘。表裏之症互見。用衛生湯。此通解表裏之法也。如表裏之症雖見而微。蓋因氣血不和。兼痰兼鬱。壅遏為瘡。用神仙活命飲。此疏通經絡之法也。如偶爾跌撲。因而腫硬。積久欲潰。用瓜蔓托裏湯。此破瘀和傷解毒之法也。如口渴便秘。寒熱無汗。鬱久熱深。表裏上下俱病。用復生散。此驅逐三焦內外熱邪之法也。若瘡腫外甚。恐毒邪內攻。用蠟礬丸。此護心護膜之法也。如表裏之症俱無。瘡頭不高不紅不腫不痛。平塌僵頑。病人昏怠。脉來沉遲微細。用回陽三建湯。此溫補奪命之法也。外此則隨時令之寒溫。察

地分順逆分經絡之虛實。身重脉緩濕勝者除濕。身熱脉大
心燥時腫。乍來乍去者清熱。諸痛眩暈動搖脉弦者去風。氣澁
氣滯乾燥無津脉澀者瀉氣補血。其大要始終調理脾胃為主。
若脾胃不傷。臟腑各有所稟。氣血凝結者得藥自散。膿瘀已成
者得藥自潰。肌肉欲死者得藥自生。死肉已脫者得藥自斂。若
專攻于瘡。脾胃一虛。變症蜂起而不可為矣。昔東垣翁治表不
云發汗。而曰托裏。治裏不云攻下。而曰疎通。求經絡不曰疎通。
而曰和榮衛。蓋欲保全元氣為主。而不專攻于瘡也。今之醫者
以速愈為高。汗下峻攻。溫毒漫治。毒或速散。不知元氣傷而天

年天矣。予集諸方。攻補兼備。但用者有一可補之幾。則補之。有
必不可不攻之勢。則攻之。庶幾得古人好生之意也。

荆防敗毒散 治癰疽發背乳癰等症初起頭疼發熱惡寒

腫高赤疼。痛脉浮緊。浮數。邪在表也。服者汗散。

防風 荆芥 羌活 獨活 柴胡 前胡

薄荷 連翹 桔梗 枳殼 川芎 茯苓

甘草 金銀花 生薑

水二鍾煎八分。瘡在下空心服。瘡在上食後服。瘡在臂加桂
枝少許。瘡在腿膝加木瓜。熱服。取汗。用陳酒過口。

瘡發大陽經倍羌活防風 陽明經加白芷升麻 少陽經
倍柴胡 太陰經加芍藥升麻 少陰經倍獨活 厥陰經
加青皮柴胡皆以肉桂佐之

萬靈丹。治癰疽疔毒對口發願一切瘡症初起惡寒發熱高
煖腫赤疼痛脉來浮緩浮緊用此辛溫發表以散之并治風
濕風溫濕痰流注附骨陰疽鶴膝風及中風癱瘓血氣凝滯
之症。

蒼朮

入兩

全蠍

石斛

未灰

當歸

甘草炙

川芎

羌活

荆芥

防風

麻黃

北細辛

川烏

湯泡

草烏

湯泡去

何首烏

各一兩

明雄黃

六錢

右爲細末煉蜜爲丸每丸重一錢用硃砂六錢研細爲衣磁
磬收貯老弱而病勢緩者每服一丸少壯而病勢急者每服
二丸服法用連鬚大葱白九枝煎湯一茶鍾將藥乘熱化開
通口服盡被蓋出汗爲度如服後汗遲再用葱白湯催之後
必汗如淋洗漸漸退下所蓋衣被汗自收而病如失矣若瘡
已成膿者卽得高腫潰膿若治諸疾無表症者只用熱酒化
服

內托復煎湯

治瘡煖腫赤痛根盤不深寒熱形等

表大便

如常或泄瀉脉浮數無力恐邪外盛而內侵此方主之

黃耆 防風 地骨皮 各二錢 蒼朮 三錢 芍藥 黃芩

白朮 茯苓 人參 甘草 當歸 各一錢 防已

肉桂 各五分 水三鍾煎至鍾半不拘時服

四妙湯 治一切瘡瘍腫痛微惡寒時內熱口中無味大便如

常皆氣血內虛之故此方益氣和血解毒托裏神方也潰

後用之排膿去瘀生肌長肉逐餘毒通經絡

黃耆 五錢 當歸 八錢 金銀花 五錢 甘草 一錢

右剉一大劑酒水各半煎服 寒熱脉浮加防風柴胡 腫

痛甚加乳香末藥 腫處堅塊白色加半夏南星

泄瀉加蒼白朮 嘔惡心加陳皮半夏蒼朮 惡寒加桂皮

若膿成不潰加防風穿山甲 潰後膿少膿多不斂加牛皮

膠五錢 飲食不思不化加白朮陳皮 虛甚加人參 肉

赤口渴脉數加人參麥冬五味 熱甚加黃連山枝 肉白

肉紫手足冷脉微細無力或嘔加人參白朮陳皮肉桂炮薑

寒甚加熟附子

內疎黃連湯 治癰疽發背對口腿癰等症初起腫硬發熱作

嘔大便秘結小便如淋煩燥飲冷心煩口苦六脉沉實有力

此毒和深伏在裏也用此疎通臟腑使毒邪不得傳變經絡

黃連

黃芩

山枝

當歸

薄荷

木香

白芍

檳榔

桔梗

連翹

甘草

大黃

水二鍾煎八分食前服

此方代黃連解毒湯清涼飲破棺

丹等劑苦寒攻下之品也若病者大便如常惟見煩燥作渴

飲冷譫語脈洪數此方竟去大黃與之可也如不應反加狂

言自汗大渴再加石膏知母竹葉粳米倘本病投之本方不

應倍大黃如大便仍不通反加狂言大渴非用芒硝不可師

古人方不若師古人意全在司命者之變通也

衛生湯

治癰疽發背腦疽對口丹癰癰癰惡毒疥瘡濕痰流

注一切瘍症未成即消已成即潰在表即散在裏即下通解

表裏之神方也

羌活

防風

白芷

山甲

石決明

沉香

紅花

連翹

金銀花

皂角刺

歸尾

甘草節

花粉

乳香

大黃

酒拌炒二錢脈

水二碗煎八分病在上部先服藥隨後飲酒一杯病在下部

先飲酒一杯隨後服藥

當歸黃芪湯

治一切瘡瘍腫痛熱燥但患者二便如常飲食

醫宗說約

卷之五

外科治法

二五

不減腹口和口知味裏無邪也不惡風寒脉不浮表無邪也
表裏既和宜調和榮衛此湯主之

當歸 黃芪 地黃 川芎 地骨皮 芍藥

等分剉一劑水煎服 升散加升麻白芷 發熱加黃芩

煩燥加山枝 嘔是濕氣侵胃加白朮 脉虛甚煩燥加人

參麥冬五味白朮甘草去骨皮名托裏養榮湯并治一切不

足之症不膿不潰或潰後寒熱肌肉消瘦盜汗食少睡臥不

寧

神仙活命飲 治一切瘡瘍表裏症互見未成即消已成即潰

初起止痛消毒神效兼痰兼鬱兼內傷瘀血者並治

穿山甲炒白芷 防風 赤芍藥 甘草 歸尾

花粉 貝母 角刺 金銀花 陳皮各三錢乳香

沒藥各一錢二味另研爲末

水酒各半煎成去渣入乳沒末和服

瓜蒌托裏湯 治跌撲傷損腫痛積久欲潰或血氣鬱結痰留

血壅致成瘡瘍未成消已成潰生肌解毒良驗

瓜蒌個 忍冬草 乳香各一錢五 蘇木錢五 沒藥錢三 甘草錢二

酒煎分三服一日服盡粗爲細末酒糊丸彈子大當歸酒化

下

復生散 治諸般瘡疹。丹瘤膿疥。頭面瘡。火口舌熱瘡。及癰疽發背等症。初起增寒壯熱口乾。大小便秘。用此通解表裏。古人防風通聖散之遺意也。

荆芥

防風

川芎

白芍

甘草

各五分

薄荷

山枝

當歸

連翹

滑石

金銀花

羌活

人參

白朮

各八分

麻黃

冬春五分。秋三分。夏不用。加紫蘇一錢。

大黃

芒硝

二味。人壯氣實。大便七八日不行。各二錢。人老氣虛。各一錢。虛弱煩熱。二便如常。各五分。

水二碗煎。表症甚者。姜三片。蔥頭二。裏症甚者。臨服加生

蜜三匙和服

蠟礬丸

治癰疽發背已成。未膿之際。恐毒不能外出。反而內攻。服此護膜護心。并治腸癰及下部癰腫。未成即消。痔漏腫硬亦効。蓋礬解百毒。無堅不散。蠟性難化。能達下焦也。

白礬

三兩。研極細。

黃蠟

二兩。

硃砂

三錢。另研極細末。

先用白蜜五錢。銅杓內溶化。後入黃蠟同化。清離火入礬末和勻。衆手急丸。丸如桐子大。如藥硬。火微烘。丸就用硃砂末爲衣。每服三四十九。白湯送下。病甚者日二服。

回陽三建湯

治陰疽發背。初起不疼不腫。不熱不紅。硬若牛

皮堅如頑石十日外脉細身涼肢體倦怠皮如鼈甲色似土
硃粟頂多生孔孔陷血根脚平散軟陷無膿又皮不作腐手
熱足涼者俱急服之

附子

人參

黃芪

當歸

川芎

茯苓

枸杞

陳皮

黃肉

各一錢

木香

甘草

紫葳

厚朴

蒼朮

紅花

獨活

各五分

煨姜三片阜角樹根皮二錢水二碗煎八分入酒一盃隨病
上下食前後服之用綿帛蓋煖瘡上頂不得大開瘡孔走泄
元氣服藥後手足溫煖瘡便發熱漸作焮腫復生疼痛色

暗得活堅硬得腐胃氣得回此是藥之驗也在三服中應之
則生外兼炤法接助為陽為妙

潰瘍主治法

瘡瘍既潰肉腐膿流血散氣消其虛之必補也宜矣故十全大
補湯為潰後諸症之總司但其中尚有氣虛血虛虛寒虛熱之
分丹溪云此湯須看年之老壯資稟壯弱症之緩急時令之寒
熱加減用之故予以加減法條叙附後是皆先哲之已驗然司
命者從此而消息之察脉審症隨時致宜再能以已意增損一
二以平為期斯不愧丹溪之囑也已

十全大補湯

治癰疽瘡瘍潰後血虛氣散氣短懶言倦怠膿

潰反痛死肉不腐膿多不斂膿清肌冷瘡口散大瘡根餘腫
不消肉白肉淡肉紫肉黯腐肉雖脫新肉生遲等症并治虛
人偏身流注瘰癧等瘡難膿難潰難斂者並効

人參

已下各一錢

白朮

炒 茯苓

甘草

已上四味各四君子湯加半夏陳皮各六君湯

熟地

酒拌

川芎

白芍

已上四味各四物湯合四君子湯各八珍湯

黃芪

監水拌炒

肉桂

五分

水二鍾姜三片棗二枚煎八分食前服 虛人瘡瘍初起如

陳皮香附半夏連翹服之內消 一加陳皮五味子烏藥

腫出反痛倍參芪歸地不應加乳香沒藥各七分更不應四

物湯加乳沒肉桂各一錢粟壳泡去筋膜蜜炒二錢

肉赤而不斂血虛有熱也去桂加生地牡丹皮口渴飲冷脉

數加連翹炒黑山枝麥冬五味熟甚加黃連

肉黯不斂陽氣虛寒也倍參芪肉桂加白斂

瘡根脚赤暈不斂及肉長色紫餘毒未退也加金銀花連翹

防風白芷去桂

瘡口堅硬不斂風寒穢氣所觸也加防風白芷金銀花痛加

乳香沒藥

普濟方

卷之五 外科治法

三

漫腫不痛或死肉不斂脾氣虛也倍參朮不應加炮姜熟附
肉白膿少不斂陽氣虛也去白芍加炮姜不應加熟附
膿多不斂氣血虛也去白朮加山藥陳皮

肉淡肉白不斂新肉生遲漫腫虛極也總加牛皮膠五錢去
白芍。

飲食少思而不斂胃氣虛也加木香砂仁陳皮如嘔再加半
夏炮姜。

飲食難化而不斂脾氣虛也加炮姜陳皮倍參朮不應佐以
八味丸如泄瀉送下二陳丸。

惡心作酸飽悶噯氣胸膈不寬惡食少食不化虛停食也加陳
皮山查半夏枳實去當歸生地如嘔臨服加姜汁。

膿少而帶赤血虛也去桂倍歸地加丹皮。

發熱日重夜輕懶言氣短脉浮大無力氣虛也倍參朮若加
足膝無力偏身倦怠口中無味是中氣下陷用補中益氣湯。

見內傷

發熱夜重日輕五心煩熱脉微細而數血虛也倍歸地加丹
皮麥冬去桂不應加姜炙二分再不應臨服加童便半盃
忿怒瞋熱而出血肝火血虛也去桂加丹皮炒黑山枝。

面青血脹而出血肝虛不能藏血也。去桂加山茱萸五味。不應兼用六味丸。

食少體倦而出血脾虛不能捍血也。去桂倍參芪歸地。兼鬱少寐。加遠志。棗仁。茯神。龍眼肉。如不應。暫用歸脾湯。

欲吐作嘔。或外搽內服寒涼。或痛甚。或感寒。和穢氣而嘔。胃氣虛也。去地芩。倍參朮。加藿香。陳皮。半夏。木香。臨服加姜汁。

飲食少思。腸鳴腹痛。腹冷泄瀉。脾氣虛寒也。去當歸。川芎。加炮姜。木香。陳皮。如不應。兼用四神丸。

手足逆冷。脾腎虛寒也。加炮姜。木香。熟附子。如兼自利。脉沉。手足逆冷。脾腎虛寒也。加炮姜。木香。熟附子。如兼自利。脉沉。

常用回陽急救湯

方見傷寒

飲冷作渴。熱毒也。加赤小豆。知母。花粉。山枝。麥冬。去桂。善食作渴。胃火也。去桂。加知母。山枝。麥冬。五味。不應加石膏。

腹多作渴。氣血虛也。去桂。加五味。麥冬。口乾舌燥。腎氣虛也。去桂。加山萸。山藥。不應兼用六味丸。

自汗內熱。口乾。胃氣虛也。加麥冬。五味。烏梅。黑豉。去桂。盜汗內熱。口乾。陰血虛也。倍當歸。白芍。加麥冬。五味。黑豉。浮

麥。去桂。如不應。暫用當歸六黃湯。莖中痛。小便不利。精內敗也。去桂。加山茱萸。山藥。澤瀉。不應

兼用六味丸

愈便則愈痛。愈痛則愈便。精復竭也。去桂煎送六味丸。

食少體倦。口乾飲熱。小便黃短。脾肺虛熱也。去桂加五味山

茱萸。不應兼用六味丸。

勞役而小便黃。元氣下陷也。加升麻柴胡。

午後小便黃短。腎虛熱也。去桂加升麻柴胡。不應煎送六味丸。

口燥作渴。小便頻數。腎水虧也。去桂加五味麥冬。山萸山茱萸。食少體倦作渴。胃氣虛也。加麥冬五味去桂。

體倦頭痛或眩暈。中氣虛也。加升麻柴胡。不應暫用補中益氣湯。加蔓荊子。

目痛頭痛。或眩暈。陰血虛也。加柴胡半夏。兼用六味丸。

夢泄遺精。頭眩頭痛。或痰喘氣促。腎虛不能納氣也。兼用六

味丸。如不應是虛寒也。用八味丸。面目赤色。煩熱作渴。脉

大而虛。血脫煩燥也。倍芪歸。去桂。

身熱惡衣。欲投于水。脉沉微細。氣脫發躁也。加熟附子。不應

用回陽急救湯。

多思不寐。体痛盜汗。脾血虛也。去桂加茯神遠志酸棗仁圓

眼肉不應暫用歸脾湯

寢寐汗出。腎氣虛也。去桂加五味煎送六味丸。

飲食時出汗。胃氣虛也。加五味麥冬去桂。

睡後覺飽。出盜汗。宿食也。加半夏陳皮。

胸滿多痰。脾氣虛也。去桂加桔梗半夏。不應六君子湯加桔

梗枳壳。

肺熱多痰。脾血虛也。去桂加陳皮半夏。

咳嗽吐痰。腎虧津液上泛也。加山萸山藥。不應佐以腎氣丸。

忿怒胸痞。肝氣滯也。去桂加桔梗山枝。不應暫用補中益氣

湯加桔梗枳壳。

倦怠胸痞。中氣虛也。倍白朮加陳皮半夏柴胡。

口苦寒熱往來。肝火虛也。去桂加柴胡陳皮。

因怒寒熱往來。肝火血虛也。去桂加柴胡黃芩。不應再加炒

山枝炒棗仁酒炒黑龍胆草。

體倦寒熱往來。肝脾氣滯也。加柴胡陳皮。

內熱晡熱。或寒熱往來。陰血虛也。去桂加柴胡牡丹皮陳皮。

畏寒。或寒熱往來。胃氣虛也。用桂枝柴胡。

脇痛痞滿。或寒熱往來。肝氣滯也。去桂加青皮木香柴胡。

婦人勞役。恚怒。或經行發熱。譫語。夜間熱甚。此邪在血分也。去桂加生地。丹皮。柴胡。不應止。用四物湯。悞服。尅伐之劑。或膿血大泄。或因吐瀉。或悞入房。或勞損元氣。或夢遺泄精。或外邪感觸。以致發熱。頭痛。小便淋瀝。或滑數便血。目赤煩喘。氣短。頭暈體倦。熱渴。意欲投水。身熱惡衣。揚手擲足。腰背反張。此陽氣脫陷之假熱症也。畏寒。頭痛。咳逆。嘔吐。耳噴。目矇。小便自遺。瀉痢。腸鳴。裏急。腹痛。陰莖短縮。牙齒浮痛。肢體麻痺。或厥冷身痛。或咬牙齧唇。此陽氣脫陷之真寒症也。

以上假熱真寒。勿論其脈。勿論其症。若見一二急。加附子。溫補之。庶有復生之理。種種加減法。皆爲虛弱者說。倘人壯氣實。瘡頭小毒。勢輕。飲食如常。二便調勻。身輕體健者。竟以四妙湯加減與之。亦無不効也。經曰。以小治小者。功小。其此之謂乎。

托裏溫中湯 治潰後元氣虛寒。或過服尅伐。以致胃氣脫陷。

吐瀉腹痛。神思昏憤。急須溫補。緩則不治。

附子炮去 羌活 乾姜 甘草炙 丁香 沉香

益智仁 木香 茴香 陳皮

生薑水二鍾煎服

金匱腎氣丸 命門火衰以致脾土虛寒不能消潰收斂或飲

食少思不化。臍腹痛。夜溺多。口乾喜熱。虛痰泛上。此方主之。

熟地自製者佳八兩 山萸肉酒淨五兩 山藥蒸人乳拌六兩 白茯苓蒸

牡丹皮各四兩 澤瀉炒三兩已上六味各六兩 地黃九專補腎水滋陰降火

附子一枚重一兩二錢者佳先用甘草防風煎湯煮三四滾去皮臍切片再用童便煮一日取起晒乾

厚肉桂去粗皮二兩已上八味各八兩 地黃九兼補命門相火去陰寒並陽道去附子加五味子二兩各加減八

味先生津止渴引火歸原虛而微寒者用之 牛膝酒淨兩 車前子炒一兩

右為末煉白蜜為丸如桐子大每服四錢空心鹽湯送

下已上十味名腎氣丸引火歸原回陽返本之妙劑也腎水

虛上泛為痰脾虛不能捫涎而為痰非此不救

瘡瘍外治方法

降丹 治癰疽發背一切無名腫毒用少許瘡大者用五六厘瘡小者用一

二水調敷瘡頭上初起者立刻起泡消散成膿者即潰腐肉

即脫拔毒消腫誠奪命之靈丹也

朱銀一兩 硃砂錢 雄黃各二錢 硃砂錢 食鹽 白礬

火硝 阜礬各二兩五錢

先將雄硃礬三味研細入鹽礬硝阜水銀共研勻以水銀不

見星為度。先將羊城罐一箇放微炭火上徐徐超藥入罐化盡微火逼極乾取起。如火大太乾則永走如不乾再用一羊城罐合上以綿紙截半寸濶將罐子泥草鞋灰光粉三樣研細以鹽滴鹹汁調極濕。一層泥一層紙糊合口四五重及糊有藥罐上二三重地下挖一小潭用飯碗盛水放潭底將無藥罐放水碗內以瓦埃潭口四邊齊地恐炭火落碗內也有藥罐上以生炭火蓋之不可有空處約三炷香去火冷完開看約有一兩外藥矣煉時罐上如有綠烟起急用筆蘸罐子鹽泥固之。

神應丹

治血氣不和。瘰癧為瘡高腫亦痛兼痰兼癰兼

濕兼寒者並治。

用小雄鯽魚七

鮮山藥四兩大慈頭連

鬚

一個共搗爛用千年陳石灰末鮮山藥四兩大慈頭連南星半夏白芨赤

芍末各一兩和勻陰乾再碾為細末臨用之蜜調敷四遍外

用綿子掩之

神燈照法

治癰疽發背初起七日前後未成者自消已成者

自潰不起發者即起發不腐潰者即腐潰誠良法也

雄黃

硃砂

血竭

沒藥

各二錢

麝香

四分

右五味研為細末每用三分綿紙裹藥為燃長約尺餘以真

麻油潤透。點火離瘡半寸許。自外而內。周圍徐徐炤之火頭。向上藥氣內入。瘡毒隨火解散。自不內侵臟腑。初用三條漸加至四五條。瘡自漸愈。炤後隨用敷藥。如大膿已出。不必敷也。只用膏藥蓋之。

敷藥方。用車前子。菴慈草。五龍草。金銀花。各等分。鮮者搗爛。加陳米粉兩許。飛鹽末二三分。共打為稠糊。徧敷瘡上。中留一頂。以膏蓋貼。避風。如冬月無鮮草。預採陰乾為末。醋調敷亦妙。倘草藥不便。以金黃散代之。

金黃散

治諸般癰疽疔腫。跌撲損傷。大頭時毒。濕痰流注。瘰癧。

瘡火丹。風熱大泡。肌肉赤腫。乾濕。人乳。小兒丹毒。

天花粉一斤 大黃

黃柏

姜黃各半斤

白芷五兩 厚朴

陳皮

甘草

蒼朮

天南星各三錢

右切細晒乾。磨為極細末。磁壺收貯。勿令泄氣。凡紅腫發

熱未成膿者。及夏天火令時。俱用茶湯同蜜調敷。如微熱

微腫。及大瘡已成。欲作膿者。俱用葱湯同蜜調敷。如漫腫

無頭。皮色不變。濕痰流毒。附骨癰疽。鶴膝風等症。俱用葱酒

煎調。如風熱惡毒。皮膚亢熱。紅色光亮。形狀遊走不定者。

俱用蜜水調敷。如天泡火丹。赤遊丹。黃水漆瘡。惡血攻注。

等症俱用大藍葉搗汁調敷。加蜜亦可。湯潑火燒皮膚破爛麻油調敷。

猪蹄湯洗法

疔癰疽諸毒已潰流膿。瘡勢浩大。此湯洗之。消毒氣去惡肉。同死肌潤瘡口。散風消腫。腐盡則已。

羌活

甘草

赤芍

黃芩

白芷

當歸

蜂房

各等分

為粗末。看瘡大小。用藥。先將猪蹄一隻。用白水六碗。煮蹄軟為度。將汁濾清。吹去汁上油花。用藥末一兩入蹄汁內。微火煎十沸。再用絹濾去渣。候湯半溫。再用方盤靠身瘡下放定。隨以軟絹淋湯瘡上。併入孔內。輕手擦盡內

膿。敗腐宿膿。隨湯而下。以淨為度。再以軟帛疊成七八重。

勿令大乾。帶湯覆于瘡上。以手輕盈旋按片時。帛冷再換。如此洗五六次。自然痛減毒消。洗時避風及人口氣。

鐵桶膏

治發背大瘡。將潰已潰。根脚走散不收束者。用之。

五倍

微炒

銅綠

白芨

明礬

四錢

膽礬

二錢

輕粉

鬱金

各二錢

如無

麝香

三分

為極細末。用陳米醋一碗。銅杓內慢火熬至一小杯。候起金色黃泡為度。待溫。用藥末一錢攪入膏內。每用頓溫。用新筆塗膏瘡根上。以綿子掩之。其瘡根漸收。漸縐為妙。

太乙膏

治一切惡瘡。跌撲傷損。濕痰流毒。風濕疼痛。及內傷。攻刺作痛。腰膝酸軟。無力。五損內癰。七傷外症。俱貼患處。又男子遺精。女人白帶。俱貼臍下。臘毒腸癰。亦可丸服。

肉桂

白芷

當歸

玄參

赤芍

生地

大黃

土木鱉

各二兩

槐枝

柳枝

各百

血餘

一兩

乳香

錢五

沒藥

三錢

東丹

四十

輕粉

四錢

真阿魏

錢三

右十味。併槐柳枝。用真麻油。稱足五斤。將藥浸入油內。春五夏三。秋七。冬十。候日數已畢。入潔淨大鍋內。慢火熬至藥枯。浮起為度。住火片時。用布濾去藥渣。將油將稱記數。將鍋

展極淨。復用細絹將油。又濾入鍋內。將血餘投下。慢火熬至血餘浮起。以柳棒挑看。似膏溶化之象。方筭熬熟。凡淨油一觔。將飛過黃丹六兩五錢。徐徐投下。火加大些。若夏秋熱時。每油一觔。加丹五錢。不佳。手攪候鍋內先發青烟。後至白烟。旋起。氣味香馥。其膏已成。即便住火。將膏滴入水中。軟硬得中為度。若太硬。加熟油。太軟。加炒丹。每各少許。務使老嫩得所。候烟盡離火。將阿魏切成薄片。散于膏面上。化盡。次下乳沒。輕粉末攪勻。傾入水內。以柳棍攪成一塊。再換冷水浸片時。乘溫每膏半觔。扯拔百轉。成塊。又換冷水投浸。隨用時

取一塊銅杓內復化隨便攤貼

紅升丹 治一切瘡瘍潰後拔毒去腐生肌長肉瘡口堅硬肉
黯紫黑用丹少許雞翎掃上立刻紅活瘡醫若無白升二丹
決難立刻取效

水銀 一兩 硃砂 五錢 雄黃 五錢 旱礬 六錢 白礬 兩 火硝 兩

先將二礬研碎入大銅杓內加火酒一小盃頓化一乾即
起研細另將永硃雄研極細永不見星再用礬末研勻
先將羊城礬用紙筋泥澆一指厚陰乾常輕輕撲之不使生
裂澆泥礬子泥亦可用如有裂以礬子泥補之極乾再晒無

藥入前藥在內礬口以鐵油蓋蓋定加鐵梁蓋上下用鐵
絲繫緊用綿紙撚條蘸蜜塞礬口縫間外用熟石灰細
末醋調封固蓋上加炭火二塊使蓋熱礬口封固易乾也
用大釘三根釘地下將礬子放釘上礬底下置堅大炭火一
塊外砌百眼爐昇三炷香第一炷香用底火如火大則二炷
香用大半礬火筆蘸水擦蓋第三炷香火平礬口用扇煽頻
頻擦蓋不可令乾乾則永先飛上三香完去火冷定開看方
氣足蓋上約有六七錢刮下研極細末礬礬盛用一以鹽滴
潤調礬子泥極濕將鐵絲筆頭在管上如礬上有綠烟起

即承走也急用筆蘸礬子泥固之

桃紅散

疔痛生肌長肉

用輕粉赤石脂

煨石羔熟各三錢

鉛粉二錢瓜兒血竭一錢冰片五分研極細末磁罇收貯用

少許掃瘡上即愈

八寶丹

每腐已盡新肉生遲此方敷上立效

乳香

去油

沒藥

去油

血竭

輕粉

各二錢

兒茶

龍骨

各一錢

冰片

五分

鉛粉

一錢

為極細末以細紗縛筆套上藥入筆套中隨人瘡內外用膏貼之

太素膏

凡瘡久不收口是元氣虛極急投大補湯內托之外

用輕粉三錢冰片五分為細末用猪脊髓調勻堆絹帛上蓋

貼冠口取効虛甚者加胎骨灰五分或天靈蓋灰五分

補遺神効方

神化丹

治癰疽疔毒一切無名癰腫初起服之立消又解表

裏疎通經絡以毒攻毒削堅導命一名醉消散真神方也

乳香

去油

沒藥

去油各二錢

桉榔

黑丑

頭末

母丁香

山稜

醋炒

蓬朮

醋炒

巴豆

荊芥

桔梗

大黃

赤芍

川烏

草烏

熟地

何首烏

五靈脂

桂枝

當歸

小茴

白菟

斑貓

連翹

硃砂

全蝎

雄黃

杏仁

麻黃

穿山甲

麝香

甘草

蜈蚣

條

大者一

共三十二味

各為極細末

稱准

水

為丸

丸如十子大

硃砂為衣

每服三分

煮酒送下

盡醉為度

被益

出

孕婦忌

服

神効干槌膏

治瘡瘍疔毒初起貼之即消及治癰瘰運根拔

出小兒

蟾攻頭

大人

膿瘡

久不收口

用之

白嫩松香

四兩

草麻子仁

去壳

七

王木鼈

去壳

杏仁

去皮

銅綠

研細

巴豆肉

五粒

乳香

石合

一處

石臼內

搗二千餘下

即成膏

臭取起

浸清水中

時隨

瘡大小

用手捻成薄片

貼瘡上

用絹蓋之

玉膏

治久遠

腫瘰神効

乳香

沒藥

各五

輕粉

四

蜜陀僧

二

黃蠟

二兩

白蠟

五

已上除蠟俱為極細末

先用真桐油

一觔

放鍋內

火上滾透

去沫

油清

先入陀僧末

攪勻

取起

入二蠟

溶盡

攪勻

待油稍溫

方入細藥

通以大綿紙攤

上陰乾

隨瘡大小

圓長剪貼

初貼時

瘡中

毒

水流山膏藥裏再換新者貼之

疔瘡

瘡小而禍速者莫甚于疔瘡。古人分三十餘種。然皆不外臟腑所積之毒也。元化實功。俱以五色屬五臟。其瘡多生頭面四肢。形如粟米。黑豆或癰黃泡。中或紫黑。按之如疔。在內先痒後痛。先寒後熱。四肢沉重。心悸眼花。是其候也。瘡在項已上者。三陽受毒。先用披針刺入瘡心四五分。挑斷疔根。令出惡血。應用回疔丹。插入孔內。膏藥蓋之。令其自腐。項已下者。三陰受毒。即當隔蒜灸。灸之不痛。亦須針刺。插藥方効。隨後用飛龍奪命丹。方中用藥底無

也。

飛龍奪命丹

專治疔瘡及癰毒發背。胸腹乳癰。一切無頭腫毒。惡瘡。及有頭不知痛痒者。已成未成。服之神効。

蟾酥

老酒化

雄黃

各三

乳香

沒藥

銅綠

各二

膽礬

各二

膽礬

硃砂

血竭

寒水石

各一

輕粉

冰片

另研

麝香

當門子

各五分

蜈蚣

一條

酒浸炙

蝸牛

二十

右俱為極細末。用蝸牛連壳研如泥。少加飛羅麵和藥為丸。如棗豈大。每服三丸。用葱白三箇。令病人嚼爛。吐于男左女

右手中將丸藥放在內墊好酒送下。被蓋如人行五六里出汗為效。無汗以熱酒助之。重者再進一服。病在上食後服。在下食前服。忌冷水瓜茄油膩猪雞魚麵及一切發物。

走馬回疔丹 治疔瘡初起針破用此一粒插入孔內膏蓋之。

次後退出膿血疔根為效。

蟾酥酒化

礞砂

輕粉

白丁香各一

金頂礞五分

蜈蚣一條

雄黃

硃砂各二

乳香六分

麝香五分

共為細末糊成麥子大補瘡內。

一方內消疔毒用耳菊連葉根搗升一碗用酒送下。重危者

入口即活 一用雄黃一錢為末爛烏梅肉三枚蛇蛻二條

共搗爛塗疔上疔即拔出 一用鱗皮魚一箇搗爛塗上疔

毒自出 白降丹千槌膏拔疔毒甚驗 凡瘡毒走散頭面

耳頂俱腫煩燥脉細痰動喘急走黃過心自汗者死。

紅絲疔

手足間有黃泡即起紅絲一條走入心腹令人悶亂不救皆因大喜大怒氣血逆行所致。急用針于紅線所到之處刺之出血再嚼浮萍草根敷之立愈。

癰癰

癰疽之名因形而起累累貫珠

連接三五枚

曰癰疽形如蛤曰馬

刀蟠蛇癰則繞項起核瓜膝癰則延及胸腋種種癰名不可勝

述或因風寒厲毒或因厚味熱結或因汗液蟲殘或因憂愁鬱

結或因痰凝氣滯病原不一治要宜分暴久如病人耳項胸腋

驟成腫核色紅微熱寒熱頭疼此風寒暑熱之暴病也易于消

散宜荆防敗毒散加貝母夏枯草不應再加軟堅開鬱之品如

病人累累如貫珠先小漸大不作寒熱日久漸痛堅硬如棋子

大小如李梅繞項延腋此食毒鬱結之久病也最難消散宜潰

堅湯挑竭散之類若癰久而失治身體瘦羸時生寒熱勞怒則

其甚飲食俱減男子骨蒸女人經閉已成壞症若專攻其癰速

其斃也理宜調理脾胃補養氣血使根本既固然後再理其瘡

庶有可生之幾也

潰堅湯 治馬刀結核硬如石在耳下肩缺盆腋下此症俱

從手足少陽經起若失而不治不守禁忌漸延至陽明頰下

頰車俱到已潰未潰皆可服之瘦瘠皆治

昆布

冷水先

海藻

炒

黃柏

酒炒

知母

酒炒

天花粉

酒炒

桔梗

五

膽草

四

三稜

酒炒

莪朮

酒炒

連翹

酒炒

黃芩

酒炒

乾葛

五

白芍

酒炒

黃連

各二

甘草

炙

升麻

五

柴胡

五

歸尾

各五

右到每一兩水二盞先煮半日煎至一盞去渣食後臥定伸足在高處頭微低每嚥一口作十次嚥下服畢安臥片時切不可頓服有耳藻二種相反恐致吐也另揀半料為末蜜丸丸如棗豆大每服百丸臨臥服此方人壯氣實者宜之不

足者宜滋陰散堅湯潰後宜益氣養榮湯
 滋陰散堅湯 治憂抑所傷遂生癰瘰氣血不足形體瘦弱潮熱咳嗽堅硬腫痛不分新久未潰者並効

川芎 當歸 白芍 熟地 陳皮 茯苓
 桔梗 白朮 香附 荊草 海粉 貝母

人參 昆布 各五分 升麻

姜三片棗二枚水煎食遠服 身熱加柴胡黃芩 自盜汗

去升麻倍參芪 飲食無味加藿香砂仁 食而不化加山

查麥芽 胸膈痞悶加澤瀉木香 咳嗽痰氣不清加杏仁

麥冬 口乾作渴加知母五味 睡臥不寧加黃柏遠志棗

仁 驚悸健忘加茯神石菖蒲 有汗惡風加薄荷半夏

無汗惡寒加蒼朮藿香 女人經事不調加玄胡丹皮 腹

脹不寬加厚朴大腹皮

益氣養榮湯 治抑鬱勞傷思慮太過心神俱弊以致四肢頸

項筋縮結成累累如貫珠或硬或軟或赤或白或痛或不痛
日晡發熱及潰而不斂者効。

人參

茯苓

陳皮

白芍

貝母

香附

當歸

川芎

黃芪

熟地

甘草

桔梗

白朮

二片

生薑

三片

大棗

二枚

水煎服

胸膈痞悶加枳壳木香

飲食不甘暫加厚朴蒼朮

往來

寒熱加柴胡骨皮

膿潰作渴倍參芪歸朮

膿多或清倍

當歸川芎

膝下痛痞加青皮木香

肌肉生遲加白斂肉

桂

痰多加半夏橘紅

口乾加麥冬五味

發熱加柴胡

黃芩

渴不止加知母赤小豆

膿不止倍人參黃芪當歸

潰後反痛加熟附子沉香

虛煩不睡倍人參熟地遠志棗

石

示吉日瘰癧之作七情六慾痰飲鬱熱積久而成實非一朝

一夕之故也故已上二方以養榮益氣為主而佐以治癰之

品蓋恐榮衛一衰變症蜂起雖欲治癰而不可得矣若病初

起人壯氣實後方亦可選用

桃蠟散

治憂思鬱結痰留氣滯乃生瘰癧用大生蠟甘一枚

核桃甘一箇核桃劈開去肉入全蠟在內紫緊火內煨存性

醫宗金匱

卷之五

瘰癧

四七

各用一枚爲末臨臥陳酒送下

孫真人方 治瘰癧初起用壁虎裏泥中煨存性去泥爲末臨臥陳酒送下并治瘰癧潰爛不收口

外治法 一用干槌膏貼欲速用白降丹點拔 一用火針法其法用做鞋底大針二條將竹筋頭劈開以針雙夾縫內相離一分許用線紮定先用桐油一盞用燈草六七根油內排勻點着將針燒紅用手指將核捏起用針當頂刺入四五分核大者再針數孔亦妙核內或痰或血隨卽流出候盡以膏蓋之次日針孔漸腐若堅硬者以白降丹厚麵糊打成條晒

乾揅入針孔內以紙糊二重封固其核癰腫作痛瘡出內服益氣養榮湯調理切戒勞動氣惱房事煎炒海腥一切發物

下疳瘡

小便腫痛生瘡名曰下疳濕熱下注者輕淫火毒發者重小便自利不紅不腫止用二靈丹珍珠散敷之自愈如小水不利莖中疼痛紅腫流膿大便亦硬內服八正散大瀉其濕熱方見二便閉若大便自利脉虛人弱者用清心蓮子飲方見五淋若小便淋漓漸爛漸開色紫無膿疼如針刺者難治也

二靈丹

治下疳初起流膿用兒茶一錢研極細去粗查再入

冰片三分研勻。瘡上先用冷茶或甘草湯洗淨。拭極乾用雞翎將藥掃上即愈。

珍珠散 治下疳皮損腐爛痛極難忍及諸瘡新肉已滿不能生皮又治湯火燒皮損肉爛疼痛不止。

新白珍珠

一不入荳腐內煮數滾研極細末無聲方用

花青

五分即上好青黛

真輕粉

一兩

三味共研干轉細如飛麵磁餅收貯初起搽之即愈若腐爛疼痛其草湯洗淨猪脊髓調搽又婦人陰蝕瘡或新嫁肉傷痛甚者搽之極効。

魚口便毒

合縫之間紅腫疼痛左為便毒右為魚口得之奔走勞役濕熱下注者少得之入房忍精淫毒內攻者多故其毒從便而入亦當從便而出初起宜通水丹逐之不應山甲內消散潰後用四妙湯托裏其外治法亦炤尋常膏散可也若其毒不因入房止因奔走勞役而得者即用四妙湯補而消之甚驗。方見前

通水丹 治下部諸瘡初起魚口便毒橫痃腹癰人壯氣實小便淋瀝者効。用芫花不拘多少揀淨晒極乾研為極細末磁餅收貯每用五分先將大棗二三枚去核夾藥在內空心罈下冷水過口一方先用雞蛋一枚入瓦罐煮二三滾

取起蛋上用銀簪打孔三四十再入礮中復下荳花末一錢同煮一二十滾去藥食蛋名綠鳳散并治瘰癧痰核初起良驗

山甲內消散 治魚口便毒騎馬癰橫痃等症初起未成膿者

當歸尾 甘草節 大黃各三錢 姜蚕 黑丑打碎各一錢

土木鼈去壳三筒 穿山甲炒三片 水酒各一碗煎八分空心服查

再煎服大便行三四次吃淡粥補住避風為妙

楊梅瘡

瘡形如楊梅或上或下綿綿不絕皆因入房不淨淫火鬱結之

毒也瘡毒所觸氣化傳染先入脾肺其瘡先見于上部皮膚作痒筋骨不疼其形小而且乾此症為輕治宜發散若淫女構精毒氣入腎流于肝先發下疳次生魚口漸至筋骨疼痛下部生瘡漸至遍身形大且硬小便淋赤此症最重因其毒內入骨髓外連皮毛若非汗下兼行將何以洗濯其臟腑乎然須察其虛實表裏如瘡上身為多皮膚作痒筋骨不疼宜汗之用羊肉發藥或用萬靈丹如瘡下身為多骨節酸疼小便赤色大便亦硬宜下之用精肉茯苓湯此二者治人壯氣盛初起邪實者之法也若瘡發已久血氣已虛毒猶未退宜解毒托散之用胰子湯

虛甚者用仙遺根湯。總之此症宜癸不宜遏。貴在除根莫求速愈。得其旨耳。

羊肉發藥 治楊梅瘡初起。皮膚燥痒。上部為多。

威靈仙 一兩 蟬退

川芎

當歸 各三

麻黃

春用七。冬用九。夏用

五錢。冬用二兩。二錢。先用羊肉一斤。水十碗。煎七碗。去羊肉。入煎藥。于

汁內煎至三碗。去查。一日內早午晚分三次服完。用羊肉好

酒過口。吃盡被蓋取汗。或吐或瀉三四次。以粥補佳。肉毒白

解外毒。自癸忌牛狗鵝雞火酒茶醋等物。每早食 仙棗三

枚。如病人不能飲酒。或虛極者。服臍子湯。

仙棗方 好大棗廿一枚。去核。入朝粉三分。逐箇用線穿好。

放小砂礮內。略放水。煮熟。露一宿。空心吃三箇。冷茶下。

猪肉茯苓湯 治瘡毒下身先見。遂及遍身骨節酸疼。二便澀

滯。

牛膝肉 蛤粉

當歸

蒼耳

角刺

紅花

金銀花 花粉

甘草

各二錢 蟬退

山甲

廿一片。土炒為末。

土茯苓 四兩。洗淨。木槌打碎。

大黃

大便結者。用一兩。如常者。用五錢。自利者不用。

猪精肉 四兩 用生白酒三大碗。煎至碗半。空心服。猪肉過口

大便去三四次。以粥補佳。

胰子湯 治瘡毒人虛氣弱不敢汗下用此解毒托散

黃連 胡黃連 川芎 牛膝 當歸各錢 防風

金銀花 米仁 木通各一錢 甘草六分 肥阜子七粒去黑皮打碎

姜蠶七條炒研碎 土茯苓二觔白米泔浸一二時打豈大勿托鉄器并花水洗淨

陳酒河水各二碗煎二碗入前藥并胰子一隻去油淨 在內同

煎一碗空心服取汗忌物如前虛弱甚者加人參

仙遺糧方 治楊梅瘡初起筋骨疼痛數月延綿不已并治楊

梅風毒誤服輕粉癱瘓骨疼不能動履

川芎 當歸 防風 米仁 木瓜 木通

金銀花 白癬皮 蒼朮 威靈仙各一錢 甘草五分

阜莢子五箇切片微炒 仙遺糧即土茯苓木槌打碎二兩 虛人參瘡久氣者加入

水二碗煎八分看病上下食前後服腿脚之下加牛膝一錢

病淺者一月可退病深者百日可痊此瘡欲發先發下疳預

服此方能免發瘡也食忌如前

外治法 一用銅綠膽礬各五錢輕粉熟石膏各一兩共研極

細末磁罐收貯濕瘡乾摻乾瘡公猪膽汁調點一日點三次

自愈 一用輕粉三錢冰片五分杏仁四十九粒泡去皮尖去油

取霜研極細和輕粉冰片再研勻猪脊髓調點 若瘡一二

枚既大且硬須先用白降丹少許拔腐毒氣後用上藥收口
 洗瘡方 用黃柏黃芩黃連白芨各五錢川椒三錢黃占五錢
 食鹽少許煎湯洗之 一用上方入好醋下冬青葉三四十
 葉同煎取葉貼瘡上查煎湯洗 一方用土菖蒲一味煎湯
 洗瘡即得收口

結毒

結毒者瘡毒方熾末經發散忽被藥火之薰蒸或因輕粉之內
 拔或經點藥之收斂以致毒沉骨髓積久外攻其始也先從筋
 骨疼痛漸漸腫起發無定處故有鼻崩唇缺咽塞喉疼手足拘

攣等症治法初起者仙遺糧湯膿子湯經年累月毒串筋骨用

五寶丹丹素丹紫金丹選用頭疼欲破吹鼻碧雲散

五寶丹 治結毒筋骨疼痛口鼻腐爛諸藥不効者

滴乳石 如乳頭下垂碾之易碎 琥珀 紅色者佳 硃砂 冰片

珍珠 新白者佳 各二錢

五味各研極細秤准共合一處再碾數百轉磁罐封貯每用
 藥末二錢加飛羅麪八錢再碾和勻 每日用土茯苓一觔
 洗極淨置石臼內木槌碎為骰子大用水十一碗煎至七碗
 去渣再用大竹筒一箇絹綳一頭將藥五分置竹筒中細

篩汁內隨手攪勻。一日吃完。看病上下食前後服。每日如此。重者四十服。輕者一二十服。即愈。一方加肥皂核一個。同茯苓煎。如毒結鼻上加辛夷三錢。同茯苓煎。若毒結最重。鼻舌腐爛。加牛黃胎骨。即能暗補。其功最大。忌食火酒。猪頭糟物。海味。茶醋。姜椒。蒜。牛。羊。雞。鴨。豆腐。麩。魷。鮮魚。不忌。若猪肉。肝。肺。腰子。鴨。

丹素丹 治遠年結毒如神

透明硃砂大塊者佳一兩桂府滑石極白者佳二兩各研乾
 每用硃砂三錢滑石七錢研極細分三十服 每服用上茯苓

令一觔洗淨木槌打碎。先用半觔鋪平。砂硃內做一小窩。大者一箇。挖一孔。入藥一服。于孔內再放半觔。在上用水六。以筋刻垠記定。再加水六碗。煎至六碗水垠。取起濾清。渣再加水六碗。煎三碗。先後共九碗。一日內不拘時溫服。不可開斷。間一日要補三日。服完三十服。終身不發。忌食如前火酒等物。

紫金丹 治遠年近日楊梅結毒筋骨疼痛。日久腐爛臭敗。不堪。或咽喉唇鼻破壞。諸藥不効者良。

龜板放炭火上炙焦。用白酒漿筆蘸塗上。反復炙塗三次。以焦黃為末。三兩。 透明硃砂末

石決明九孔大者佳煨紅童便內漬一次為末各大錢

共再碾極細爛米飲為丸麻子大每服一錢量病上下食前後服筋骨疼痛酒下腐爛者土茯苓湯下至重者四十服而愈

碧雲散 結毒入于顛頂以致頭疼眼痛如破者吹之

鵝兒不食草兩 川芎兩 青黛錢

共為極細末患者口噉凉水以蘆管吹藥吹之左右鼻中取嚏為効

外治法 結毒瘡色紫黑者用白降丹少許掃上拔去惡毒俟

瘡紅活用紅升丹掃上俱用太乙膏貼之俟肉將平用太乙膏收口

痔

古人因形定名分為九痔牛奶雞心蓮花雞肝翻然不外醉飽

入房厚味發熱負重致遠以致濕熱風燥流注肛門為腫為瘡

治法以涼血為主用槐角槐花生地佐以和血生血用川芎當歸桃仁行氣

見陽用枳殼清熱山枝行溫黃柏防已澤瀉潤燥麻仁大黃疎風秦艽下陷者

升之防風氣弱者補之人參氣不順者和之木香其外治法須

分內外痔生肛門之外痛甚者清之洗之頭大根小者線結之

頭大根大者枯之內痔生于肛門之內有喚腸等法次序而行庶獲效也

良方治痔主方 諸痔初發服一二貼即愈

當歸 生地 枳壳 連翹 槐角 黑牛膽製五味為上多用

升麻 黃芩 黃柏 黃連 陳皮 荆芥穗

六味為中稍減 防風 地榆為下少用

右等連相冬月用五分夏用一錢伍分春秋用七分 水二鍾煎空心服 大便燥結加酒蒸大黃三錢炒麻仁末錢半

提肛散 治久痔氣虛肛門下墜及脫肛便血脾胃虛弱等症

川芎 歸身 白朮 人參 黃芪 陳皮

甘草 各一錢 升麻 柴胡 條芩 黃連 白芷 各五

分 水二鍾煎八分食遠服查再煎

龍膽散 治痔瘡堅硬作痛脫肛腫泛不收用大冰片一分

熊膽二分為末先將大田螺一個用尖刀挑起螺蓋入藥在內平放片時待螺化出漿水用雞翎掃痔上勤勤用之立愈

洗痔黃硝湯 痔瘡腫痛用大黃二兩用水十二碗煎至八碗

再入朴硝一兩畧滾傾桶內薰洗之一用枳壳二兩荔枝草四兩河水煎湯先薰後洗

藥線方 治諸痔瘻瘤凡根蒂小而頭面大者用此線繫其患

根自効 用芫花五錢壁錢二錢白色細扣線三錢將水一

碗同浸小磁罐內慢火煮水乾為度取線陰乾凡遇前患用

線一根患大者二根雙扣繫于根蒂兩頭留線日漸緊之其

患自然冰冷紫黑枯落後用長肉藥收口秘方用蜘蛛網四邊粗絲合成線維患

上根

枯痔方 凡痔瘡泛出即用此藥塗之痔自乾黑枯落欲用此

方四邊好肉上須先用護痔散護好

明礬四兩 白砒四錢 輕粉三錢 硃砂二錢

先將礬入銅杓內煨滾次入砒末攪勻以礬枯為度去火

片時次入輕砂再研極細磁罐收貯每日辰午申三時以溫

湯洗淨痔上唾津調塗七八日其痔自然枯盡方上生肌藥

護痔散 白芨大黃苦參葉荳粉寒水石黃栢各等分為細末

熟水調塗四邊好肉上方上枯痔藥

喚痔散 痔在肛門內腸頭上外面不見痛苦不勝用此藥喚

出痔來以葱湯洗淨上藥

磁石一兩活而 枯礬五錢 乾姜三分另研 草烏尖五分生用

共研極細用生姜汁或葱汁調塗肛門上少頃肛自內脫出

痔瘡上下洗淨四邊好肉上用前護藥次上枯藥一日三上洗用新筆蘸藥洗之如此六七日脫盡痔根即生肌藥收口後用貼頂升陽散收入其腸內服槐角丸

貼頂升陽散 草麻子四五粒去壳 麝香三分 共搗如膏將頭頂心髮去錢大一塊貼此藥少頃其肛即收入如緩再用醋一口噴患人面上立收

漏

凡瘡口收口有管如燈草日流膿水者曰漏皆因氣血虧損熱毒鬱結使榮衛運行而失其職也偏身有之惟痔瘡成漏最

易俗醫或以藥條腐管或以穿線結開俱痛苦難狀不若服藥內消之為妙也

惟專客散 痔漏不論遠年近日最凶者百日收功其管自出

棗仁炒 遠志肉 山甲炒 骨皮 枳殼醋煮

側柏葉白礬水煮 蒼朮鹽醋米泔童便製各一兩 槐角子炒 陳棕灰

貫衆酒拌九蒸九曬各三兩 蛻皮煨存性一兩 白花地丁七八月採生白

如法製度為極細末空心酒下三錢白湯送下亦可服一月後每服加推車客末三分即蟻 管自推出出者或用快剪剪去

相膠丸 內消痔漏

廣膠

八兩切斷以牡蠣粉八兩炒成珠去牡蠣

槐角米

一夾四五粒者佳四兩

川黃連

側柏葉

各一兩

雄黃

七多以白蜜四兩同煎蜜老為度洗去蜜

硃砂

小茴

熊膽

各一兩

共為末煉白蜜為丸早晚各服三錢白湯送下

用雞子素用豈腐過口

如痔痛極者加乳香沒藥各三錢

蟾酥一錢半

正宗追毒丸 痔漏通腸汚從孔出先用此丸追盡膿毒後服

閉管丸立効

胡黃連

一兩切片姜汁拌炒

刺蝟皮

一兩炙切片再炒黃為末

麝香二分

共為末軟飯為丸麻子大每服一錢食前酒下服藥後飲水反多藥力到也勿慎之

閉管丸

胡黃連

一兩末

穿山甲

麻油內煮黃色

石決明

煨

槐花

微炒各末五錢

煉蜜丸麻子大每服一錢空心清米湯送下早晚日進二服

至重者四十日而愈如漏四邊有硬肉突起者加蠶繭二十

個炒末和入藥中并治遍身諸漏皆効

臙瘡

臙瘡紅者多熱腫者多濕痒者多風痛者屬實早寬而暮腫者屬虛氣下陷初起者風熱濕毒為多日久者下陷濕熱為勝初

起者荆防敗毒散加牛膝木瓜米仁濕勝加蒼朮熱甚加黃柏
痒甚倍防風大便結者加酒蒸大黃痛甚加乳沒日久者用補
中益氣湯加蒼朮米仁茯苓熱甚加黃柏此內治法也其外治
法先用葱艾湯洗淨瘡色紫黑者用桑枝灸法四圍有硬肉者
用紅升丹瘡肉未淨者用干槌膏新肉將生濕毒未退用白玉
膏瘡肉已滿不斂用太素膏此皆神驗之方也若膿上百物打
破急用熟石膏三錢東丹一錢為細末填實縛緊良驗

疥瘡

古人雖有乾濕蟲砂膿五名其大要在分疥膿二種小如疹子

乾而且痒名曰疥瘡風熱蟲三者為多內治復生散疥靈丹外
治三聖丸薰被法若瘡大如黃荳黃膿起泡而痛甚名曰膿窠
瘡濕熱虛三者為多初起濕熱勝復生丹日久痛甚用四妙湯
加蒼朮防風外治法用黃赤丹白風散

疥靈丹

苦參

糯米泔
浸一日

白芷

白蘚皮

炒各
一兩枳殼

炒

連翹

羌活

山枝

當歸

荆芥

各七
武

右為細末煉蜜為丸桐子大每服五十九湯下立可除根

三聖丸

川大風子肉五十粒水銀二錢章腦二錢共研極細

加相油二錢研勻為丸周身滾之立愈若兼膿窠加硫黃末

一錢

薰被法 川岐艾絨一兩。雄黃細末三錢。共研勻。分三分。每分用綿紙條裹藥在內。一頭燃火置腳爐中。以所益之被薰之。火過取出。方解衣就寢。薰三次立愈。一方加銀硃一錢。一方加輕粉一錢亦妙。一方睡在被中薰之。常致偏毒入內。變生他病不可用也。

黃赤散

治膿瘡用硫黃三錢

豆腐內煮半日用

松香二錢東丹一

錢共研極細末。菜油調搽雞子油調更妙。用雞子七箇煮熟去自用黃。先將銅杓置炭火上。加菜油少許。入雞子黃煎

至黑。油自出也。

白風散

用雞子一箇打一孔去黃留白入礬石灰二錢用紙

封口外用鹽泥封固火煨通紅去泥研為細末菜油調搽

癬瘡

五癬者濕頑風馬牛也。治法宜分上下。上半身為頑癬治之易。屬風熱。下半身為陰癬治之難。多屬寒濕。總之血分受病以

浮萍散

治風癬疥癩熱服取汗

浮萍

七月十五採之陰乾

當歸

川芎

赤芍

荆芥

醫宗說約

卷之五

癬瘡

三

麻黃

春秋減半
夏用三分

甘草

各半

剉一劑葱白二莖豆豉五六十粒水煎熟服在手臂加挂枝
在背加羌活。在膝加牛膝薄桂。

外治法

一用輕粉硫黃爲末蜜調搽。一用大棗一箇去核

入白礬三分泥裹煨透冷定去泥爲末香油調搽。一用蜜

陀僧蚊蛤等分爲末蜜調敷。一用土槿皮不拘多少爲細

末醋調敷以紙蓋之。一用商陸根蘸蜜擦癬。一用禿菜

根蘸人乳擦癬。一用白降丹三分和輕粉七分爲末醋調

搽最効

疣瘡

防風通聖散酒浸焙乾。凡三次。食後白湯調服。日三服。頭上
汗瘡愈矣。瘡攻頭用干槌膏貼之。

外治法

須用葱椒艾煎滾湯慢慢洗之洗淨瘡甲拭乾先將

菜油三兩銅杓內熬滾。入鯢蜈蚣三條以蜈蚣黑枯爲度去

查用油搽瘡。一方用鹹猪油半斤杓內煎化後入麻黃六

兩煎麻黃枯黑爲度去查洗淨瘡甲用油搽之。

去白癰瘋

用附子硫黃爲細末薑汁調勻用茄蒂蘸擦之。一用硫黃蜜

陀僧各一錢。白朮六分。共為細末。用陳醋調和。擦之。

鵝掌瘋

用五倍子為末。桐油調搽。瘋上。用炭火烘之。二三次即愈。一方用風仙花草一枝。希莖一兩。蟬退三錢。煎湯洗。一方用瓦花頭髮。搗爛。用手上搓之。立愈。一方用川烏草烏何首烏花粉赤芍。防風。荆芥。蒼朮。地丁。艾葉。各一兩。煎湯。先薰。後洗。効。

汗斑

用硫黃末。共浮萍草。搗爛。塗斑上。過一夜立愈。一用蜜陀僧細末。陳醋調搽。隨手而愈。

杖瘡

一杖後。即用童便和酒一盃。飲之。以免血氣攻心。外用熟豆腐鋪在杖傷處。其氣如蒸。腐色變紫。後易之。得紫血散盡。轉淡紅色為度。一用葦菜。搗爛。塗患處。一用風仙花草。搗爛。塗傷處。一用陳石灰為末。水調。鵝翎掃上。

金瘡

用五倍子炒枯為末。降香屑炒黑色為末。等分。和勻。敷傷處。和定立愈。單方南星末。半夏末。青石末。花蕊石末。陳石灰。用葦菜。搗爛。陰乾為末。小麥麩。紅絨灰。舊氈帽灰。

香灰 百草霜末 已上諸方敷瘡俱効各隨其便也

湯火瘡

用大黃熟石羔寒水石各三錢東丹錢半冰片三分共爲極細末再用礬灰兩許清水浸化取石灰面上清水半鍾和菜油半鍾攪勻色如雞子黃爲度用水油調前藥敷上立愈 未發泡者醬敷 鹽汁浸 大黃朴硝末菜油調敷俱妙取肉得鹹而堅實且解熱毒也已發泡者解熱毒爲主如蛤蜊壳灰石羔末蚌壳灰大黃末香油調搽取其寒勝熱也已破者收濕解毒生肌爲主如榆樹根皮爲末油調敷銀杏爲末搽之熟石羔東丹

爲末敷細茶小麥共炒黑存性爲末濕者乾滲乾者油調俱妙

損傷

按墮車落馬打撲閃胸劒傷刀破皆損傷也其症血肉筋骨受病不在氣分專從血論大要宜分血之虛實如皮破而亡血過多者血虛也宜兼補而和之如皮不破而內積瘀血者血實也宜破血和傷攻利之亡血之脉虛細者生數實大者死損傷瘀血脹滿脉堅強者生小弱者死俗醫損傷惟指瘀血停滯一症故予並載之

和傷治血湯

治損傷瘀血脹內壅紅腫暗青瘀痛昏悶欲

死傷最重者服之

山甲炒為末

歸尾

紅花

蘇木

生地

靈仙

加皮

各二

川芎

乳香

沒藥

花粉

各五

甘草

桃仁

打碎四十九粒

血竭

二分

大黃

五

水酒各一碗煎臨服加童便一盃服後瀉出瘀血為効後服

活血丹調理若打撲氣閉已死者先用通開散見中吹鼻中

有瘡後服此藥自活

活血丹

治跌撲損傷神藥

桃仁

去皮尖

加皮

山查

刈寄奴花頭

地盤香

浸瓦晒乾

紅花

當歸

酒洗

牛膝肉

酒洗

延平索

醋煮

牡丹皮

香附

童便浸炒

各三兩

蓬朮

醋炒

青皮

蘇木

枳實

降香末

川芎

山稜

醋炒

凌霄花

赤芍

威靈仙

兵榔

各二兩

乳香

去油

沒藥

去油各一兩

大黃

入兩陳酒煮乾

右如法製度為極細末每服二錢壯者三錢陳酒送下核桃

四五枚過口

透骨丹

治撲打損傷深入骨髓或隱七疼痛或天陰則痛或

年遠四肢沉重無力此藥主之真神方也

開楊花子

一兩

童便

浸二次培乾

乳香

沒藥

不去油

真血竭

各三

錢各爲末稱准和勻。再加麝香一分再研。磁餅收貯封固。每服三分。壯者五六分。不必用夜飯。准要黃昏睡好方服。酒可盡量送下。葷用猪肉過口。素用豆腐過口。服後避風。有微汗出爲効。忌房事酸寒茶醋等物。及諸般血虛弱者。間五日一服。壯實者間三日一服。

益母膏 能治折傷筋骨。遇天陰則痛。

益母草不拘多少。用水煎膏。隨病上下。食前後服。酒化下。

醫宗說約卷之五終

